

O'ZBEKISTON RESPUBLIKASI OLIY VA
O'RTA MAXSUS TA'LIM VAZIRLIGI
O'RTA MAXSUS, KASB-HUNAR TA'LIMI MARKAZI
ANDIJON VILOYAT HOKIMLIGI O'RTA MAXSUS, KASB-HUNAR
TA'LIMI BOSHQARMASI
ANDIJON AVTOMOBIL YO'LLARI QURILISHI KASB-HUNAR
KOLLEJI

«IJTIMOIY GUMANITAR FANLARI» kafedrasi
«O'ZBEKISTON TARIXI VA JAHON TARIXI» fanidan

MA'RUZA MATNLARI

Andijon – 2012 y

Ushbu ma'ruza matnlari Oliy va o'rta maxsus hamda Xalq ta'limi vazirliklarining 2010 yildagi Kasb-hunar kollejlari uchun "O'zbekiston tarixi" fanidan O'quv dasturi asosida "Boshlang'ich ta'lim", "Rahbar", "Musiqqa" mutaxassisligi talabalari uchun tayyorlangan.

Tuzuvchi: "Ijtimoiy fan asoslari" kafedrasini o'qituvchisi O.A.Dadaxonov

Maslahatchilar: "Ijtimoiy - gumanitar fanlari" kafedrasini mudiri O.A.Dadaxonov

Ma'ruza matnlari: "Ijtimoiy - gumanitar fanlari" kafedrasining yig'ilishida ko'rib chiqildi va tasdiqlandi.

№ _____ sonli majlis bayoni « _____ » _____ 20 ____ yil

Ma'ruza matnlari: Andijon Avtomobil yo'llari qurilishi kasb-hunar kollejining pedagogik kengashi tomonidan ko'rib chiqilgan va tasdiqlangan.

№ _____ sonli majlis bayoni « _____ » _____ 20 ____ yil

M U N D A R I J A

Kirish.....	
1-Mavzu: Kirish. VI-IX sinflarda o'zbekiston tarixi fanidan o'tilgan materiallarni takrorlash.	
2-Mavzu: Turkistonda 1917-yilgi ijtimoiy-siyosiy o'zgarishlar.	
3-Mavzu: Turkistonda sovet hokimiyatining o'rnatilishi. Xalq hokimiyatchiligi uchun kurash. Turkiston muxtoriyati.....	
4-Mavzu: Turkistonda sovetlar boshqaruvi tizimining mustahkamlanishi.....	
5-Mavzu: Turkistonda sovet hokimiyatiga qarshi harakat.....	
6-Mavzu: Xorazm va buxoro xalq sovet respublikasi tuzilishi. Sovetlar istibdodiga qarshi ozodlik harakati.....	
7-Mavzu: Milliy siyosat va davlat qurilishi masalalari.....	
8-Mavzu: Iqtisodiy siyosat. Yer – suv islohatlari. Sanoatlashtirish siyosati va uning mustamlakachilik mohiyati.....	
9-Mavzu: Respublika qishloq xo'jaligini jamoalashtirish va uning oqibatlari.....	
10-Mavzu: O'zbekistonda sovetlar yuritgan madaniy-ma'rifiy siyosat: Mazmun va mohiyati.....	
11-Mavzu: Qatag'onlik siyosati: uning mohiyati va oqibatlari.....	
12-Mavzu. : O'zbekiston ikkinchi jahon urushi yillarida (1939-1945 yillar).....	
13-Mavzu: O'zbekistonning urush girdobiga tortilishi. Ma'naviy va moddiy kuchlarning frontga safarbar etilishi.....	
14-Mavzu: O'zbekiston sanoati va qishloq xo'jaligi front xizmatida.....	
15-Mavzu: Urush yillarida fan, maorif va madaniyat. O'zbekistonning qardosh xalqlarga baynalmilal yordami.....	
16-Mavzu: O'zbekistonlik jangchilarning fashizmni tormor etishdagi jasoratlari.....	
17-Mavzu: Urushdan keyingi yillarda O'zbekiston xalq xo'jaligining tiklanishi. Ma'muriyatchilikning kuchayishi.....	

18-Mavzu:	1950-90-yillarda O'zbekiston sanoatining bir tomonlama rivojlanishi.....
19-Mazu:	1950-90-yillarda O'zbekiston qishloq xo'jaligi paxta monokulturasini fojeasi.....
20-Mavzu:	Ijtimoiy - iqtisodiy hayotda inqirozli hayotning vujudga kelishi.....
21-Mavzu:	Madaniy va ma'naviy hayot. bu sohadagi mafkuraviy tazyiqlar.....
22-Mavzu:	“Qayta qurish” siyosati va uning barbod bo'lishi. o'zbekistonning davlat mustaqilligini qo'lga kiritish tomon yo'l tutishi.....
	Xulosa.....
	Muhim voqealar salnomasi.....
	Adabiyotlar ro'yxati.....

Kirish

O'zbekiston o'z mustaqilligini qo'lga kiritib, uni mustahkamlash va shuning asosida yangi huquqiy-demokratik jamiyat qurish yo'lga o'tdi. Mustaqillik tufayli respublikamiz ijtimoiy - siyosiy, iqtisodiy, ma'naviy va siyosiy hayotida juda katta tub o'zgarishlar ro'y berdi. O'zbekistonda tarixiy jihatdan qisqa bir davr ichida milliy davlatchilikni barpo qilish, bozor iqtisodiga o'tish, xalqaro munosabatlarni yo'lga qo'yish va rivojlantirish bobida ulkan ishlar amalga oshirildi. Ayniqsa, istiqlol xalqimizning ma'naviy uyg'onishi uchun to'la imkoniyat yaratdi. O'zbekiston Prezidenti I.A.Karimov o'zining bir qator risola va nutqlarida kishilar dunyoqarashi va jamiyat mafkurasining shakllanishida ijtimoiy fanlarning xususan, tarix fanining o'rni beqiyosligini ta'kidlab o'tdi. Jumladan, Prezidentimiz milliy mafkuraning shakllanish jarayonida tarix fanining o'rniga g'oyat yuksak baho berib: «Milliy mafkurani shakllantirishdagi eng katta manba-bu haqqoniy yoritilgan tarixdir», -deb ko'rsatdi.

Darhaqiqat, o'zbek halqi mustaqillikka tinch yo'l bilan erishgan bo'lsa-da, istiqlol uchun olib borilgan kurashlarning ildizlari uzoq tarixga borib taqaladi. Mustaqillik sharofati bilangina bu kurashlar tarixini xolisona o'rganishga imkoniyat yaratildi va milliy tariximiz, ma'naviy boyliklarimizni sinfiy, partiyaviy to'siqlar bilan xalqdan ajratib qo'yishdek illatga barham berildi.

Mustabidchilik davrida hukmron kommunistik mafkura ta'sirida o'tmishimizdagi talaygina tarixiy jarayonlar, ijtimoiy-siyosiy harakatlar kommunistik, ma'muriy-buyruqbozlik tizimi manfaatlariga bo'ysundirilgan holda soxtalashtirildi, noto'g'ri talqin etildi.

Buning uchun juda ko'plab misollarni keltirishimiz mumkin. Masalan, o'zbek millatining shakllanish jarayoni, o'zbek davlatchiligi tarixi muammolariga yuzaki tarzda yondoshildi. Yurtimiz tarixida muhim o'rin tutgan ijtimoiy-siyosiy harakatlar, voqealar soxtalashtirildi. Buyuk tarixiy shaxslarimizning Vatan va millat oldidagi xizmatlari kamsitildi yoki umuman inobatga olinmadi. Amir Temur tarixi, jadidchilik harakati tarixi, istiqlolchilik harakati tarixi noxolis o'rganildi yoki o'rganilmadi.

Tarixchilarimizning hozirgi kundagi dolzarb vazifalaridan biri, o'tmishimizdagi har bir hodisa va voqea ma'lum ijtimoiy-siyosiy, g'oyaviy muhit

ta'sirida yuz berganligini hisobga olgan holda, asosli hujjatlarga tayanib, ushbu voqea, hodisalarni har tomonlama chuqur o'rganish hamda tahlil qilishdan iboratdir.

«...O'z tarixini bilgan, undan ruhiy quvvat oladigan xalqni yengib bo'lmas ekan, biz haqqoniy tariximizni tiklashimiz, xalqimizni, millatimizni ana shu tarix bilan qurollantirishimiz zarur...»-ligini I.A.Karimov, alohida ta'kidlab o'tdi.

Mamlakatimizda erkin demokratik jamiyatga o'tish jarayonida xalq xo'jaligining barcha sohalari bilan bir qatorda xalq ta'limi sohasida ham izchil islohatlar amalga oshirilmoqda. Mustaqil o'zbekistonimizning kelajagini zarur mutaxassislar bilan ta'minlash maqsadida 1997 yil 29 avgustda respublika oliy majlisining ix sessiyasida «ta'lim to'g'risida»gi qonun va «Kadrlar tayyorlash milliy dasturi»ning qabul qilinishi va hayotga joriy etilishi nihoyatda buyuk ahamiyatga ega bo'lgan voqea bo'ldi. Ushbu dastur bo'yicha umumiy o'rta ta'lim 9 yillik bo'lib, undan keyingi 3 yillik o'rta maxsus va kasb-hunar ta'limiga bosqichma-bosqich o'tiladi.

Bu dasturni amalga oshirish maqsadida o'zbekiston respublikasi vazirlar maxkamasining 1998 yil 13 mayda «O'zbekiston respublikasida umumiy o'rta ta'limni tashkil etish to'g'risida» va «O'zbekiston respublikasida o'rta maxsus, kasb-hunar ta'limini tashkil etish chora-tadbirlari to'g'risida» qarorlari qabul qilindi. Bu qarorlar bo'yicha umumiy o'rta ta'limga doir me'yoriy hujjatlar tayyorlash va shuningdek, undan keyingi uch yillik o'rta maxsus, kasb-hunar ta'limiga bosqichma-bosqich o'tish jarayonida davlat ta'lim standartlari, o'quv reja va dasturlarni ishlab chiqish ko'rsatilgan.

1-MAVZU: KIRISH. VI-IX SINFLARDA O‘ZBEKISTON TARIXI FANIDAN O‘TILGAN MATERIALLARNI TAKRORLASH.

Reja:

- 1. O‘zbekiston tarixining predmeti va dolzarb muammolari.**
- 2. O‘zbekiston tarixini yoritishning nazariy-metodologik asoslari.**
- 3. Komil insonni tarbiyalashda tarixning roli.**



1. O‘zbekiston tarixining predmeti va dolzarb muammolari.

Sobiq sho‘ro saltanati yillarida eng qadimgi davrlardan to XIX asr ikkinchi yarmiga qadar bo‘lgan tariximiz soxtalashtirildi. Prezidentimiz I.Karimov bu xaqida: “O‘zbekistonning, o‘zbek zalgining bugun keng ommaga yetkazishga arziydigan xaqqoniy tarixi yaratilimi-yo‘qmi? Sovet davridagi yozilgan tarixni men tarix sanamayman. O‘zgalar yozib bergan tarixini o‘qitishga mutlaqo qarshiman. Mustamlakachi o‘ziga qaram bo‘lgan xalq xaqida qachon xolis, adolatli fikr aytgan? Ular bor kuch-g‘ayratlarini Turkistonning o‘tmishini kamsitishga, bizni tariximizdan judo qilishga sarflaganlar. Tarixdan judo bo‘lish nimaligini yaxshi bilsangiz kerak. Inson uchun tarixidan judo bo‘lish – xayotdan judo bo‘lish demakdir” – deb juda o‘rinli uqtirgan edilar. Shunday ekan mazkur ma‘ruzaning maqsadi xaqiqiy tarixning o‘rganishi ob‘yektini to‘g‘ri aniqlash, xolislik, ob‘yektivlik, ilmiylik, uzviylik tamoyillariga tayanish shart uning davrlarini va manbalarini to‘g‘ri tushunish va eng muximi o‘zbek xalqining mustaqillikni qo‘lga kiritishi tasodifiy xodisa bo‘lmasdan, uning chuqur tarixiy zaminga ega ekanligini asoslab berish lozim.

XXI asr bo‘zag‘asida Vatanimiz tarixida yangi davr boshlandi. O‘zbekiston o‘zining davlat mustaqilligini qo‘lga kiritdi. Dunyo xaritasida yana bir mustaqil davlat - O‘zbekiston Respublikasi paydo bo‘ldi.

Mustaqillik haqida so‘z yuritganda uzoq o‘tmishimiz va yaqin kelajagimizni o‘ylab fikr yuritamiz.

Respublikamizning mustaqil deb e‘lon qilinish davri g‘oyat murakkab vaziyatda yuz berganligi hammaga ma‘lum.

Ba'zilar ozodlik osongina qo'lga kiritildi deyishadi. Bu bir qarashda shunday tuyuladi. Aslida-chi? Mustaqillik uchun kurash O'zbekistonda hech qachon va hech zamon to'xtalmagan.

Tarix manbalaridan ma'lumki, O'rta Osiyoda qadimgi xalqlar orasida ham o'z yurti va qabilalari mustaqilligi uchun kurashgan mard kishilar bo'lgan (masalan To'maris, Spitamen, Shiroq, Muqanna va boshqalar.)

Mustaqillik deganda nimani tushunamiz?

“Mustaqil - ixtiyori o'zida bo'lgan, tobe, qaram bo'lmagan, o'zgalarning ta'siridan holi”, yoki “Mustaqil - o'zganing yordamisiz yoki rahbarligisiz ish qila oladigan, yashay oladigan”¹

Har bir xalq, har qaysi mamlakat o'zining uzoq va betakror tarixiga ega bo'lganidek, O'zbekistonning o'zbek xalqining tarixi ham boy va sermazmundir.

Tarix fani turli xalqlar qanday yashaganligi, ularning hayotida qanday voqealar sodir bo'lganligi, odamlar hayoti qanday va nima uchun o'zgarib, xozirgiday bo'lib qolganligini o'rgansa, O'zbekiston tarixi esa shu ona zaminimizda o'tmishida yashagan xalqlarning hayoti va ularning rivojlanish jarayonida sodir bo'lgan o'zgarishlar, voqea-hodisalar, ularning turmush tarzi, iqtisodi, madaniyati va shu kabilarni to'laligicha o'rganadigan fandır.

Prezidentimizning shu haqidagi fikrlari katta ahamiyatga egadir. “Hozir O'zbekiston deb ataluvchi xudud, ya'ni bizning Vatanimiz nafaqat Sharq, balki umumjahon sivilizatsiyasi beshiklaridan biri bo'lganligi butun jahon tan olmoqda. Bu qadimiy va tabarruk tuproqdan allomalar, fozilu - fuzalolar, olimu-ulamolar, siyosatchilar, sarkardalar yetishib chiqqan. Diniy va dunyoviy ilmlarning asoslari ana shu zaminda yaratilgan, sayqal topgan. Eramizgacha va undan keyin qurilgan murakkab suv inshootlari, shu kungacha fayzini, mahoratini yo'qotmagan osori - atiqalarimiz qadim-qadimdan yurtimizda dehqonchilik, xunarmandchilik madaniyati, me'morchilik va shaxarsozlik san'ati yuksak bo'lganidan dalolat beradi”. Ana shu qayd qilingan, bizning ongimizdan tashqarida va bizning ongimizga bog'liq bo'lmagan holda mavjud bo'lgan borliq, voqelik O'zbekiston tarixi fanini o'rganish ob'yektidir.

O'zbekiston tarixi faqat turli bilimlar tarzidagi fan emas, balki bir necha asrlar davomida to'planib kelgan o'zaro ichki qonuniyatlar bilan chambarchas bog'langan bilimlar tizimi sifatidagi fandir. Shu ma'noda u o'zining o'rganish ob'yekti va predmetigi ega bo'lgan mustaqil fandir.

Oliy o'quv yurtlari talabalariga o'rgatiladigan "O'zbekiston tarixi" maktabda o'qitiladigan kursdan sifat jihatidan farq qiladi.

Bakalavr tayyorlash Davlat standarti talablariga javob beruvchi dastur 54 soatdan iborat, unda 36 soat ma'ruza, 18 soat amaliy mashg'ulot darslari tashkil etadi.

Bundan maqsad oliy o'quv yurtini bitiruvchi kishilarni mustaqil fikr yurita oladigan mutaxassislar qilib tayyorlashdir. Yangi davlat standartlari ana shu talablarga javob beradigan saviyada tuzilgan.

O'zbekiston xududlarida ilk davlatchilikning paydo bo'lishi va rivojlanishi, dastlabki shaharsozlik madaniyatining shakllanishi, o'zbek xalqining kelib chiqishi masalalari Vatan tarixining hozirgi kundagi eng dolzarb muammolaridir.



2. O'zbekiston tarixini yoritishning nazariy-metodologik asoslari.



O'zbekiston tarixini yoritishda nazariy - metodologik asoslarni bilish katta ahamiyatga ega. Ilmiylik, xolislik, tarixiylik metodlari tarixini yoritishning asosiy kaliti hisoblanadi.

Birinchidan, O'zbekiston tarixinining yaxlit konsepsiyasini yaratish, buni amalga oshirish uchun, bir butun tarixiy jarayonni nisbatdan mustaqil bo'lgan bo'laklarga, ya'ni davrlarga bo'lish va ularni chuqur tahlil qilish lozim. Eng asosiy vazifalardan yana biri - yangi yozilgan tarixni o'rganishni tashkil qilishdir.

Haqiqatdan ham mustaqillik yillarida to'plangan bir qancha tarixiy xujjatlarni ilmiy asosda umumlashtirish vaqti keldi. Bu borada bir qancha harakatlar ham bor. Ammo ularni yanada jadalroq, qat'yiroq amalga oshirish talab qilinadi.

Ilmiylik bilan bir qatorda xolislik turadi. Bunda har bir tarixiy voqea - hodisalarni tahlil qilayotganda xolis, haqqoniy ravishda o'rganish yoki tarixnavisning xoxish irodasidan tashqarida, voqea-xodisalar qanday sodir bo'lgan bo'lsa

shundayligicha yoritish koʻzda tutiladi. Har bir tarix yozuvchi kishi shaxs sifatida oʻzining mulohazalari, idroki va boshqa xis-tuygʻulari bilan atrofni oʻrab turuvchi muhit, xukmron mafkura bilan uzviy ravishda bogʻliq. Bu bogʻliqlik unga oʻz taʼsirini oʻtkazadi. Aytish mumkinki, har qanday xolislikda ham subʼyektivlik hukm suradi. Tarixiy tahlil, tadqiqotlarning ilmiyligi, haqqoniyligi, subʼyektiv fikrlarni nihoyat darajada kamligi bilan belgilanadi.

Oʻzbekiston tarixini oʻrganishning metodolgik asoslaridan yana biri bu voqea va hodisalarni dialektik tarzda oʻrganishdir. Bu metod Oʻzbekiston tarixini oʻrganishda uni toʻlaligicha, voqea-hodisalarni bir-biri bilan bogʻliqlikda, ayrim tarixiy voqelikni oʻrgatuvchi fanlarni ham bir butunlikda, uning boʻlaklarini ajratib olmaslik va voqea-hodisalarni doimo oʻrganishda, rivojlanishda oʻrganishni taqazo qiladi. Biror bir davr haqida fikr-mulohaza yuritilayotgan boʻlsa, ana shu davrning oʻziga xos xarakterli xususiyatini anglab olib, uni koʻrsatishni talab qiladi. Tarixiy jarayonni umumiylik va alohidalik qoidalaridan kelib chiqqan holda tushunish lozim.

Masalan: Oʻzbekiston tarixining Jahon tarixi bilan oʻzaro bogʻliqligi masalasiga alohida eʼtibor qaratish lozim. Chunki ona - yurtimiz tarixini jahon sivilizatsiyasi tarixi tizimida koʻradigan boʻlsak, uning oʻziga xos roli va oʻrni yaqqol koʻrinadi.

Jumladan, Oʻzbekiston tarixi avvalo Markaziy Osiyo mamlakatlari tarixi bilan chambarchas bogʻlangan. Qadim zamonlardan yaqin yillargacha Vatanimiz Oʻrta Osiyo mintaqasidagi koʻpgina davlatlar bilan - Afgʻoniston, Eron, Shimoliy Xindiston kabi mamlakatlar bilan yagona iqtisodiy va madaniy makonda boʻlib keldi. Bu katta xududda yashovchi urugʻ, qabila, qavm, elatlar etnik jihatdan doimo oʻzaro taʼsir va aloqada boʻlganlar, qoʻshilish jarayonini boshdan kechirganlar, ularning ijtimoiy, siyosiy, iqtisodiy, maʼnaviy hayoti bir-birlari bilan uzviy bogʻliq oʻtgan. Shu sababli Oʻzbekiston tarixini qoʻshni mamlakatlar tarixi bilan bogʻliq holda oʻrganish taqazo etiladi. Qozoq, qirgʻiz, qoraqolpoq, turkman, tojik, fors, afgʻon, xind, arab va boshqa xalqlar tarixini qanchalik yaxshi bilsak, u Oʻzbekiston xalqlari tarixini shunchalik chuqur, har tomonlama oʻrganishga imkon yaratadi. koʻmaklashadi.

Tarixiy voqea, xodisalarni o'rganish, taxlil etish va yoritishda xolisona, xaqqoniy, adolatli yondoshuv muhim metodologik qoidadir. Xolislik qoidasini tarixiy voqea, xodisalarni o'rganayotganda ular bilan bog'liq bo'lgan barcha faktlarning xech bir istisnosiz butun majmuini birga olib tekshirishni talab qiladi. Tarixiy xodisalarni bir butun holda o'zaro aloqada va munosabatda deb tekshirish lozimdir. Oldindan to'qilgan bir g'oyani, uydirmani oqlash darkor bo'lsa, faktlar silsilasidan faqat ayrim mos keladiganlarinigina saylab, tanlab ilinishi "tajribasi" sir emas, albatta bunday yo'l bilan chiqarilgan xulosa va baho xolisona, xaqqoniy bo'lmay u bir tomonlamalikka olib keladi.

Tarixni o'rganishda tarixiylik metodologiyasi muhim ahamiyatga ega. Tarixiylik qoidasi voqea, xodisalarni o'z davrining aniq tarixiy sharoitidan kelib chiqqan holda o'rganishni taqazo etadi. Voqea, xodisalarni o'rganishda tarixiy bog'lanish, tarixiy rivojlanish jarayoniga e'tibor qilmoq zarur.

Har bir voqea, xodisani boshqa voqealar, xodisalar bilan bog'lab o'rgangandagina mazkur voqea, xodisaning umumiy tarixiy jarayondagi o'rnini to'g'ri aniqlash, belgilash mumkin bo'ladi. Har bir voqea, xodisaga umumiy tarixiy jarayonning bir qismi, bo'lagi deb qaramoq zarur. Har bir hodisa qanday tarixiy sharoitda muhitda paydo bo'lganligini bu hodisa o'z taraqqiyotida qanday asosiy bosqichlarni o'tganligini, keyinchalik u qanday bo'lib qolganligini bilish tarixiylik qoidasining asosiy talabidir. Masalan, bironta davlat faoliyatiga tarixiylik nuqtai nazaridan turib baho bermoqchi bo'lsak, birinchidan, u qachon, qanday tarixiy sharoitda paydo bo'ldi, ikkinchidan, u o'z taraqqiyotida qanday bosqichlarni bosib o'tdi, uchinchidan, u hali ham mavjudmi, hozir qay ahvolda, qanday bo'lib qoldi, degan savollarga aniq javob berish zarur bo'ladi.

Tarixiylik metodologiyasi xalqning o'tmishini, hozirgi zamon va kelajagini yagona tabiiy tarixiy jarayon deb, o'tmish xozirgi zamonni tayyorlaydi, hozirgi zamon kelajakni yaratadi degan taraqqiyot qonuni asosida qaraydi. Insoniyat ana shunday umumiy yo'ldan borayotgan ekan, istiqboldan porloq hayot, turmush qurmoqchi bo'lgan avlod tarix fani orqali o'z o'tmishini yaxshi bilmog'i lozim. O'tmishni, ajdodlarimiz tarixini qanchalik yaxshi bilsak, anglab yetsak, hozirgi zamonni, mustaqilligimiz mazmunini shunchalik mukammal tushunamiz, kelajakni

to'g'ri tasavvur etamiz. Shuningdek, hozirgi zamonni bugungi avlodning bunyodkorlik faoliyatini to'g'ri idrok etish o'tmishni, tariximizni chuqur anglashga ko'maklashadi.

Insoniyat taraqqiyotining ma'lum bosqichida urug'chilik tuzumi yemirilib, xususiy mulkchilik kelib chiqqach, urug' jamoalari turli ijtimoiy tabaqalarga bo'lishgach, tarixiy voqea va xodisalar ana shu tabaqalarning manfaati bilan bog'liq holda kechadigan, xar bir ijtimoiy tabaqa o'z manfaati nuqtai nazaridan harakat qiladigan, ularning manfaati bir-biri bilan to'qnashadigan, g'alayonlar qo'zg'olonlar ko'tariladigan bo'lib qoldi. Bunday vaziyatda sodir bo'lgan voqealarni, tarixiy jarayonni o'rganishda ijtimoiy yondoshuv prinsipiga rioya etish zarur bo'ladi. Ijtimoiy yondoshuv metodologiyasi tarixiy jarayonlarni aholi barcha tabaqalarning manfaatlarini hisobga olgan holda o'rganishini taqazo etadi.

Voqealarni alohida bir ijtimoiy tabaqa -kambag'allar, yo'qsillar yoki mulkdor, boylar manfaati nuqtai nazaridan turib tahlil etish, yoritish bir tomonlama yondoshuv bo'lib, u tarixni soxtalashtiradi, to'g'ri xulosaga olib kelmaydi. Sovet imperiyasining taqdiri va Sovet tarixshunosligi esa buning yaqqol misoli bo'la oladi.

Shohlar, amirlar, beklar faoliyatini yoritishda sivilizatsion (taraqqiyot) nuqtai nazaridan yondoshmoq kerak.

Ularni boy tabaqalardan chiqqan, katta mulkdor bo'lgani uchungina qoralash badnom qilish haqiqatdan adolatdan emas.

Mamlakat yurtboshisiz, boshliqsiz, davlat idora organlarisiz,.. boshqaruvchilar, amaldorlarsiz bo'lmasligini isbot etishning hojati ham bo'lmasa kerak. Shunday ekan barcha davlat arboblari, amaldorlarini yoppasiga qoralash ham to'g'ri emas. Jonajon Vatanimiz ko'xna tarixi ham ular orasida xalqparvar, ma'rifatparvar, adolat bilan siyosat yuritgan mashhur yurtboshilar, arboblar bo'lganligidan guvohlik berib turibdi. Ijtimoiy yondoshuv prinsipi davlat arboblari, siyosiy kuchlar, partiyalar, turli uyushmalar, ular yo'lboshchilarining tarixiy taraqqiyot darajasiga ko'rsatgan ijobiy yoki salbiy ta'sirini, jamiyatni u yoki bu yo'ldan rivojlanishdagi rolini bilib olishda muhim ahamiyatga egadir.

Mamlakatimiz tarixini o'rganishda milliy qadriyatlar, xalq an'analari va urf-odatlar, din, islom dini tarixi, odamlarning diniy e'tiqodlari, diniy ta'limotlar va

ularning asoschilari faoliyatini tahlil qilishga, yoritishga sivilizatsion munosabatda bo‘lib, ularni hurmatlash, e‘zozlash nuqtai nazaridan yondoshmoq kerak.

Xayot xalqning necha ming yillar davomida yaratgan ma‘naviy madaniyatini, axloqiy mezonlarini ikkiga - ekspluatorlik madaniyati va axloqi hamda ekspluatatsiya qilinuvchilar madaniyati va axloqi bo‘lish va birinchisini qoralashdan iborat lenincha yo‘riqnomaning naqadar zararli ekanligini ko‘rsatdi. Ma‘naviy merosga bunday yondoshuv ma‘naviy qashshoqlanishga, milliy qadriyatlarning, urf-odatlarining oyoq osti qilinishiga, ko‘pgina olimlar, ma‘rifatparvar ziyolilar, ruhoniylarning badnom qilinishiga olib kelganligini hech qachon unutmaslik kerak.

Tarixni o‘rganishda yuqoridagi metodologik qoidalar bilan bir qatorda faktlarni taqqoslash, mantiqiy-qiyosiy xulosalar chiqarish, davrlashtirish, sotsiologik tadqiqotlar o‘tkazish, statistik, matematik va boshqa usullardan ham foydalanish mumkin.



3. Komil insonni tarbiyalashda tarixning roli.

O‘zbekiston tarixi fanini o‘rganish yosh avlodni vatanparvarlik ruhida tarbiyalashda, el-yurt va millat manfaatining otashin himoyachilari qilib kamol toptirishda cheksiz imkoniyatlarga egadir.

Miloddan avval yashagan yunon adibi Lukianning “Vatan sha’niga” nomli asarida shunday so‘zlar bor: “Mening bu gaplarim g‘oyat eski gaplardir. Lekin haqiqat shundaki, o‘z otasini sevmagan farzand o‘zganing otasini ham xurmat qila olmaydi, o‘z Vatanini sevmagan kishi o‘zgalar Vatanini ham qadrlay olmaydi” Ikki ming yildan ortiqroq vaqt o‘tgan bo‘lsa ham Lukianning bu gaplari naqadar zamonaviy jaranglaydi.

Vatan deganda nimani anglash kerak?

(Sizlar bu borada qanday fikrlaysizlar)

To‘g‘ri 1) Vatan - bu kishi tug‘ilib o‘sgan va o‘zini uning fuqorasi xisoblagan mamlakat, ona yurt

2) Vatan - kishining tug‘ilib o‘sgan o‘lkasi shahri yoki qishlog‘i, yurt, diyor.

3) Vatan - turar joy, boshpana, makon, uy. Shuning uchun ham biz Vatan soʻzini koʻp ishlatamiz, ayniqsa qadriyatlarimizning belgilashda, masalan, Vatan tuprogʻi, Vatan adabiyoti, Vatan tuygʻusi, Vatan tarixi..

Vatan chegarasini uning tarixi belgilaydi. Shuning uchun ham vatan tarixini qaytarib yoki toʻxtatib boʻlmaydi. Shuning uchun ham Vatan tarixini boʻyoqlarsiz, obʻyektiv tarzda oʻrganishimiz lozim.

Mashhur qozoq yozuvchisi Oʻljas Sulaymonov aytadiki: “Bizning butun qadimgi tariximiz amalda jahon tarihiga kirmagan.. Turkiy xalqlar tarixi, madaniyati yana ham kengroq va ongli targʻib qilinishi kerak”

Oʻz oʻtmishimizga, tariximizga va madaniyatimizga yetarli eʼtiborda boʻlmaganimiz sababli nafaqat yoshlarimiz, hatto yoshi ulugʻ avlodlarimizning ham aksariyat koʻpchiligi, shu jumladan ziyolilarimiz ham oʻz ona yurt tarixini bilmaydilar. Chunki sovet hokimiyati yillarida maktablarimizda Rossiya tarixini, Rumo, Vaviloniya, Vizantiya, Fransiya, Amerika, ingliz va boshqa jahon mamlakatlari tarixini oʻqitdik, ammo Oʻzbekiston tarixiga eʼtibor berilmadi. Yoshlarimiz Yuliy Sezar, Kay Xisrav, Buyuk Karl, Chingizxon, Napoleon, Ivan Grozniy, Pyotr I, Boris Godunovlarni, yaxshi biladilar, ammo Buyuk Temur, Ulugʻbek, Boburlarni bilmaydilar. Temurni bilganlaram uni moʻgʻullar avlodidan va bosqinchi kallakesar deb tushunadilar. Yoki xalq baxt-saodati uchun hurlik va ozodlik uchun ekspluatatsiya va zulmga qarshi kurashgan rumolik Spartakni, fransuz Janna dʻArk, Rossiyadan I.Bolotnikov, Stepan Razin, Yemelyan Pugachyovlarni, Suvorov va Kutuzovlarni yoshlarimiz yaxshi biladilar, ammo oʻzimizning Toʻmaris, Spitamen, Muqanna, Tarobiy, Temur Malik, Jaloliddin singari afsonaviy milliy qahramonlarimiz ham boʻlganligini bilmaydilar. Albatta jahon tarixini ham yoshlarimiz bilishlari kerak, ammo oʻz yurtining Vatan tarixi bilmay boʻlmaydi.

Demak, Vatanimiz tarixining komil, maʼnaviy boy insonni tarbiyalashdagi ahamiyati beqiyosdir.

Komil inson tushunchasiga yurtboshimiz shunday taʼrif beradilar:

“Komil inson deganda biz avvalo ongi yuksak, mustaqil fikrlay oladigan, xulq-atvori bilan oʻzgalarga ibrat boʻladigan bilimli, maʼrifatli kishilarni tushunamiz.

Ongli bilimli odamni oldi qochdi gaplar bilan aldab bo‘lmaydi, u har bir narsani aql-mantiq tarozisiga solib ko‘radi, o‘z fikr o‘yi, xulosasini mantiq asosida ko‘rgan kishi yetuk odam bo‘ladi”.

Bugungi kunda xalqning, ayniqsa, yoshlarning ma’naviy ruhini mustahkamlash va rivojlantirish borasidagi ishlar davlatning oldida turgan muhim vazifalardan biri bo‘lib qolmoqda. Ma’naviyat, ma’naviy barkamollik shundaygina kishi ruhiga kirib qolmaydi. Unga har kuni va har soatda tinmay sabr-bardosh bilan mehnat qilish orqali yetishtirish mumkin. Bu xayrli ishda O‘zbekiston tarixini o‘rganishning o‘rni beqiyosdir.

“Tug‘ilib o‘sgan yurtida o‘zini boshqalardan kam sezmay, boshini baland ko‘tarib yurishi uchun insonga, albatta tarixiy xotira kerak. tarixiy xotirasi bor inson - irodali inson. Kim bo‘lishdan qat’iy nazar, jamiyatning har bir a’zosi o‘z o‘tmishini yaxshi bilsa, bunday insonlarni yo‘ldan urish mumkin emas. Ayniqsa bunday insonlarni har xil aqidalar ta’siriga tortish mushkul bo‘ladi”.

Boshlang‘ich nazorat

Test savollari

1. «Farg‘ona Muvakkat Muxtoriyat xukumati» qachon va kim boshchiligida tuzilgan?

- A) 1919 yilda Kichik Ergash boshchiligida.
- B) 1918 yil 16 oktyabrda Katta Ergash boshchiligida.
- C) 1917 yil M.Chukaev boshchiligida.
- D) 1919 yil 22 oktyabrda Madaminbek boshchiligida.

2. Farg‘ona viloyatida qachon favkulodda xolat e’lon qilinib, harbiy diktatura o‘rnatildi?

- A) 1921 yil noyabrda.
- B) 1920 yil yozda.
- C) 1919 yil oktyabrda.
- D) 1922 yil martda

3. 1917 yilda Turkistonda tashkil topgan «Sho’roi Islomiya» tashkiloti qanday tashkilot edi?

- A) Ishchi va soldat deputatlari soveti.
- B) Maxalliy axoli deputatlari soveti.
- C) Mexnatkash musulmonlar ittifoki.
- D) Ruxoniy musulmonlar ittifoki.

4. 1917 yil martda tuzilgan «Sho’roi islomiya» tashkiloti xay’atida quyidagi qaysi arboblardan bor edi?

- A) A.Avloniy, X.Niyoziy, O.Sodikov.
- B) A.Fitrat, M.Kori, U.Xujaev.
- C) F.Xujaev, A.Ikromov S.Raximov.

D) T.Riskulov, A.Ikromov, U.Xujaev.

5. «Sho'roi Ulamo» tashkiloti qachon tuzildi?

A) 1916 yil mayda.

B) 1917 yil iyunda.

C) 1918 yil sentyabrda.

D) 1910 yil oktyabrda.

6. 1469 – 1506 yillarda Xurosonda kim xukmronlik qilgan edi?

A) Abu Said

B) Xusain Boykaro

C) Shoxrux

D) Bobur

7. Bobur yoshligida kimlar yordamiga tayanib davlatni boshkargan?

A) Onasi Kutlugnigorxonim

B) Xojikozi

S) Badiuzzamon

D) A va B javoblar tugri

8. . Bobur Mirzo Samarkand taxtini birinchi marta kachon egallagan?

A) 1496 yil

B) 1497 yil

C) 1500 yil

D) 1501 yil

9. Bobur sŷzining ma'nosi....

A) Sher

B) Yŷlbars

C) arslon

D) tuya

10. «Dashti kipchok » atamasi XI asrdan boshlab kaysi manbalarda uchraydi?

A) Arab, fors manbalarida

B) Arman manbalarida

C) rus manbalarida

D) Xitoy manbalarida

Uyga vazifa :

«A Q L I Y H U J U M» USULI

Aqliy hujum (breynstroming-aqlar to'zoni)-amaliy yoki ilmiy muammolar yechish
ғоясини жамоавий юзага келтириш.

Ishtirokchilar aqliy hujum vaqtida murakkab muammoni hal etishga harakat qiladilar: ularni tanqid qilishga yo'l qo'ymay uni hal etishning ko'proq shaxsiy qoyalarini yuzaga keltiradilar, so'ngra ko'proq oqilona / samrali/ maqbul va boshqa qoyalarni ajratadilar, ularni muhokama qiladilar va rivojlantiradilar, ularni isbotlash yoki qaytarish imkoniyatlarini baholaydilar.

Bu usul hamma vazifalarni bajaradi, lekin uning asosiy vazifasi - ta'lim oluvchilarni o'quv-bilish faoliyatini faollashtirish, ularni muammoni mustaqil tushunish va echishga qiziqtirish va ularda muomala madaniyati, fikr almashinish malakalarini rivojlantirishi, tashqi ta'sir ostida fikrlashdan ozod bo'lish va ijodiy topshiriqni echishda birlamchi yo'l fikrlarini engib o'tishni tarbiyalaydi.

An'anaviy ta'limda vazifani echish vaqtida ko'pgina ta'lim oluvchilar o'zlarini qoyalarini aytishga botina olmaydilar. O'z takliflarining xatoligi va ta'lim beruvchining salbiy munosabatidan, boshqa ishtirokchilarning yo'q qilib yuboruvchi tanqidi va kulgisidan asosli qo'rqadilar.

Aqliy hujum qoidasi:

Hech qanday birga baholash va tanqidga yo'l qo'yilmaydi!

Taklif etilayotgan qoyani baholashga shoshma, agarda u hattoki ajoyib va g'aroyib bo'lsa ham –hamma narsa mumkin.

Tanqid qilma-hamma aytilgan g'oyalar qimmatli teng kuchlidir.

O'rta chiquvchini bo'lma!

Turtki berishdan o'zingni ushla!

Maqsad miqdor hisoblanadi!

Qancha ko'p g'oyalar aytilsa, undan ham yaxshi: yangi va qimmatli g'oyalarni paydo bo'lishi uchun ko'p imkoniyatdir.

Agarda g'oyalar qaytarilsa, hafa bo'lma va hijolat chekma.

Tasavvuringni «jo'sh urishiga» ruxsat ber!

Savol va topshiriqlar

1. O'zbekiston tarixining dolzarb muammolari nimada?
2. O'zbekiston tarixini yoritishda voqealarning o'rni?
3. Komil inson deganda nimani tushunasiz?
4. Komil insonni tarbiyalashda tarixning roli qanday?
5. Oq kiyimliklar qo'zg'aloni?
6. Jadidchilik harakati?

2-MAVZU: TURKISTONDA 1917-YILGI IJTIMOIIY-SIYOSIY O'ZGARISHLAR.

O'quv maqsadi:

- 1) Turkiston 1917 – yilgi ijtimoiy siyosiy o'zgarishlar bo'yicha bilimlar berish;
- 2) Tarixiy ongini oshirish va huquqiy madaniyatini yuksaltirish;
- 3) Insonni jamiyalga bo'lgan munosabatini shakllantirish;

O'quv soatini miqdori - 2 soat

Dars turi: nazariy

Dars shakli: Aqliy hujum

Mavzuni o'rganish davomida olinadigan bilimlar ro'yxati:

1. Turkiston xalqlarining asriy orzusi
2. 1917 – yilgi fevral inqilobi va Turkiston
3. I va II Umumturkiston qurultoylari

Mavzuni o'rganish davomida egallanadigan amaliy ko'nikmalar ro'yxati:

- 1) Komil insonni yaratishda huquqiy savodxonlikni oshirish;
- 2) Tarixiy bilimlarni hayotiy faoliyatda qo'llay bilish;

Dars ushuncha kerakli jihoz:

- 1) Jadvallar;
- 2) Ma'ruza matni;
- 3) Kartochkalar;
- 4) Darslik

Yangi mavzu bayoni

Reja:

- 1. Turkiston xalqlarining asriy orzusi.**
- 2. 1917-yilgi fevral inqilobi va Turkiston.**
- 3. I va II umumturkiston qurultoylari.**



1. Turkiston xalqlarining asriy orzusi.



Chor Rossiyasi mustamlakasiga aylantirilib, bu hududda o'zga millat hukmdorlarining zo'rlikka asoslangan boshqaruv tizimi va siyosati yurgizila boshlaganidan e'tiboran uning mazlum va jabrdiyda xalqlari o'z erki, ozodligidan mahrum etilib, bировlar qo'l ostiga tobe bo'lib qoldilar. Hattoki Turkistonda so'nggi general-gubernatori A. Kuropatkindek yuqori martabali «zot» ham: «Biz 50 yil tub

joy aholini taraqqiyotdan jilovladik, uni maktablar va rus hayotidan chetda tutdik», deb e'tirof etgan edi. Biroq shu narsa haqiqatki, bu o'lka-ning tabiatan mag'rur xalqlari hech qachon o'zlarining chor-nochor qismatiga tan berib, o'zgalar jiloviga bo'ysunib yashashga rozi boimaganlar, balki, aksincha, o'z erki, milliy mustaqilligi yo'lida mardonavor kurashganlar.

Olis ko'hna tariximiz zarvaraqlaridan munosib o'rin egallagan, aziz nomlari mangulikka muhrlangan To'maris, Shiroq, Spitamen, Muqanna, Jaloliddin Manguberdi, Temur Malik, Shayx Najmiddin Kubro, Mahmud Torobiy, Mavlonzoda, Abubakr Kalaviy, Amir Temur, Muhammadali Eshon (Dukchi Eshon), Namozbotir Pirimqulov singari nomdor bahodirlarning el boshiga mushkul kunlar tushgan qaltis tarixiy jarayon-larda ko'rsatgan favqulodda jasoratlari bunga jonli guvohdir. Ular yurt ozodligi, mustaqilligini jon qadar e'zozlab, shu muqaddas maqsad yo'lida aziz jonlarini qurbon qildilar. Yurt milliy istiqloli uchun kurash darg'alaridan biri, qatag'onlik qurboni, buyuk ma'rifat-parvar A. Fitratning «Vatan sajdagohimdir», degan bir kalima iborasida olamjahon teran ma'no aks etganini anglash qiyin emas.

Yurtboshimiz I. A. Karimovning mana bu ibratomuz so'zlarida ulug' ajdodlarimizning mustaqillik g'oyasiga sodiq bo'lib, shunga intilib yashab kelganligiga yana bir bor amin bo'lamiz:

„Biz ona O'zbekiston istiqlolini, uning sha'ni shavkatini qanday himoya etishni ota-bobolarimizdan meros qilib olishimiz va uning himoyasiga hamisha tayyor turmog'imiz darkor.

Ulug' ajdodlarimizdan muqaddas meros bo'lib kelayot-gan vatanga muhabbat tuyg'usi, farzandlarimiz, bugungi va kelajak avlodlarimiz uchun chinakam e'tiqodga, chi-nakam aqidaga aylansin“.

Karimov I. A. Asarlar. 3-jild, T., «O'zbekiston», 1996, 82-bet.

Darhaqiqat, chor mustamlakachiligi o'zining behad zulmkorligi, qabohati bilan yurtimiz, uning jafokash odamlari tanasida o'chmas dog'-hasrat qoldirdi. U ajdodlarimizni ma'nan va ruhan qo'llab-quvvatlab kel-gan asl ma'naviy qadriyatlarni

zavol toptira borib, ular-ning jismi-jonida mavj urib kelgan milliy istiqlool va erk tuyg'ularini asta-sekin so'ndirishga urinib keldi. Yurtimiz tuprog'ini qonga belagan chor zobitlaridan biri, qonxo'r general Skobelevning: «Millatni yo'q qilish uchun uni qirish shart emas, uning madaniyatini, san'a-tini, tilini yo'q qilsang bas, tez orada o'zi tanazzulga uchraydi», deb aytgan behayo so'zlari bekorga aytilma-gan, albatta.

Lekin shunga qaramay yurt o'g'lonlari ajnabiylar zo'ravonligiga tik boqib, o'lka xalqlarining erki va ozodligi uchun kurashganlar. 1898-yilgi Andijon qo'zg'oloni yetakchisi Muhammadali Eshon va uning ko'p sonli hammaslamlari ustidan chor ma'murlari uyushtirgan sud jarayoni paytida chor amaldorlaridan birining eshonga qarata, seni avom xalqqa bosh bo'lib, oq podsho tuzumiga qarshi chiqishga nima majbur etdi, qabilidagi savoliga, u o'sha zahoti: «Sizlarning mahalliy xalq boshiga solgan behad zulmingiz, uning erkini, qadr-qimmatini tahqirlayotganingiz...» deya dangal javob berganligi fakti ham bunga yaqqol dalildir. Turkiston xalqlarining erk, ozodlik uchun kurash g'oyasi XX asr boshlariga kelib yangi pallaga kirdi. Yangi asr boshlarida jadidlar norm bilan mashhur boigan, o'z ongli hayotini, butun borlig'ini yurt, millat ozodhgi, hurligi va ravnaqi-ga baxsh etgan istiqlool darg'alari yetishib chiqdi.

Mahmudxo'ja Behbudi, Abdurauf Fitrat, Fayzulla Xo'jayev, Abdulla Avloniy, Munawar Qori Abdura-shidxonov, Abdulqodir Shakuriy singari yurt ilg'or peshvolarining Turkiston ozodligi, istiqlooli yo'lida qilgan ulkan sa'y-harakatlari, millat farzandlari ta'limi, tarbiyasini isloh qilish, yaxshilash, uni yuksak zamon talablari dara-jasiga ko'tarish borasidagi zahmatlari tahsinga loyiqdir. Eng muhimi, ular xalqimiz ongi, tafakkurini ziyo nuri bilan yoritish, o'zligini anglatish, yorqin kelajakka komil ishonch bilan qarash, o'z erki, mustaqilligi uchun izchil kurashish bobida benazir faoliyat ko'rsatdilar.

O'lka jadidlarining rahnamosi M. Behbudiyning «Haq olinur, berilmas!» shiorida ozodlik uchun kurash g'oyasining muqarrarligi o'z yorqin ifodasini topgan edi.

Butun Turkistonni larzaga keltirgan hamda chor mustamlakachilarini sarosimaga solgan o'lka xalqlarining 1916-yilgi milhy-ozodlik harakati ham yurt ozodligi yo'liga bag'ishlangan edi.

Muxtasar qilib aytganda, Vatan ozodligini, davlat mustaqilligini qo'lga kiritish Turkiston xalqlarining asriy orzusi edi.



2. 1917-yilgi fevral inqilobi va Turkiston.

Chor samoderjaviesi zulmi, hukmronhgiga qarshi uzluksiz davom etib kelgan kurash, nihoyat 1917-yil fevraliga kelib g'alaba qozondi. Uch asr davomida Rossiya saltanatini to'xtovsiz boshqarib kelgan Romanovlar sulolasi hukmronligi ag'darildi. Mutlaq monarxiya tuzumi quladi. Mart oyi boshlarida rus bur-juaziyasi doiralari vakillaridan tashkil topgan Muvaqqat hukumat faoliyat ko'rsata boshladi. Ayni chog'da Petrogradda va boshqa joylarda ishchi, askar va dehqon deputatlari sovetlari tuzilib, hokimiyat organlari sifatida ish yurita boshladi. Shu tariqa, Rossiyada tarixda nihoyatda kamdan-kam uchraydigan noyob hodisa — ikki hokimiyatchilik boshqaruvi vujudga keldi. Bu hoi o'sha vaqtdagi mamlakatda vujudga kelgan siyosiy kuch-lar nisbatini o'zida aks ettirardi.

Rossiyada fevral inqilobining amalga oshishi, siyosiy tuzumning o'zgarishi, demokratik jarayonlarning yuzaga kelishi uchun qulay imkoniyatlarning ochilishi Turkistondagi ijtimoiy-siyosiy voqealarning borishiga ijobiy ta'sir ko'rsatdi. O'lka hayotida yuz bergan muhim siyosiy o'zgarishlardan biri— bu chor mustamlakachiligi boshqaruvi ramzi bo'lib kelgan Turkiston general-gubernatorligi mahkamasining tugatilganligi bo'ldi. Uning o'rniga Muvaqqat hukumatga bo'ysunuvchi Turkiston qo'mitasi tashkil etildi. Ayni chog'da viloyatlardagi har-biy gubernatorlik lavozimlari ham tugatildi. Ularning o'rniga viloyat komissarlari lavozimi ta'sis etildi. Eng muhimi, fevral o'zgarishi Turkiston o'lkasi xalqlari hayo-tiga muayyan demokratik jarayonlarni baxsh eta bordi. Endilikda keng xalq ommasi, uning turli ijtimoiy qatlamlari faol harakatga kela boshladi. O'lkaning yirik sha-harlarida tashkil topgan va asosiy tarkibi mahalhy millat vakillaridan iborat kasaba uyushmalari, chunonchi, binokorlar, quruvchilar, ko'nychilar, duradgorlar va boshqa kasb kishilarini birlashtirgan uyushmalar ham aholining tub manfaatlarini, ularning iqtisodiy va siyosiy talablarini

himoya qilib faoliyat yuritdilar. 1917-yilning may oyiga kelib Turkiston o'lkasidan mardikorlikka zo'rlik bilan olinib, Rossiyaning g'arbiy hududlariga safarbar qilingan ko'plab yurtdoshlarimizning o'z ona zaminlariga qaytib kelishlari ham, shubhasiz, inqilobiy kuchlar safini to'ldira bordi. Bu o'rinda fevral o'zga-rishidan keyin o'lka xalqlari hayotida muhim rol o'yna-gan, ulaming siyosiy faolligini oshirishga xizmat qilgan ko'plab inqilobiy-demokratik tashkilotlar, siyosiy firqalar, kasaba uyushmalari faoliyatiga alohida urg'u bermoq kerak bo'ladi. Gap shundaki, bu davrda Rossiyada faoliyat yuritayotgan ko'plab siyosiy par-tiyalar, jumladan, eserlar, sotsial-demokratlar va boshqa partiyalarning mahalliy tashkilotlari Turkistonda ham o'z faoliyatlarini aktivlashtirib, aholining turh ijtimoiy tabaqalarini o'zlariga jalb qilish, o'z dasturiy g'oyalarini ularning ongi, shuuriga singdirishga harakat etardilar.

Toshkentda 1917-yil mart oyida ishchi va soldat de-putatlari soveti tashkil etildi. Mart oyi oxirlarida oikada ishchi va soldat deputatlarining 75 soveti faoliyat yurit-di. Biroq ulardagi deputatlarning asosiy ko'pchiligi yevropalik millatlar vakillari edi. Bu davrda Turkistonda kechayotgan barcha alg'ov-dalg'ovli voqealar, jiddiy o'zgarishlarning chinakam yalovbardorlari istiqlool uchun kurashning tolmas darg'alari bo'lgan jadid rahnamolari edilar. O'lka hayotining pastu balandini teran bilgan, mustamlakachilarning riyokorlik siyosatidan, uning tez o'zgaruvchan mohiyatidan boxabar va o'z kurash dasturlariga ega bo'lgan Turkiston jadidlari mahalliy aholining siyosiy ongini o'stirish, uni katta tarixiy o'zgarishlarga tayyorlash, hal qiluvchi kurashlarga o'z ketidan ergashtirib borishda bosh-qosh bo'ldilar. Ayniqsa, Rossiya Muvaqqat hukumatining ikki yuzlamachilik siyosati, uning inqilobning tub masalalarini, chunonchi, urush va tinchlik, 8 soatlik ish kuni, agrar va milliy masalalarni hal etishni turli bahonalar bilan chetga surishi ilg'or jadid arboblarni inqilobiy-demokratik yo'na-lishda izchillik bilan kurash olib borishga da'vat etdi.

Bu kezlarda to'la kuch bilan namoyon bo'lgan jadid-lar faoliyatida vaqtli matbuot nashrlarini yo'lga qo'yish, ularda inqilobiy-demokratik ruhdagi maqola, materiallarni muntazam chop etish, ularni ommaga yetkazish muhim o'rin tutgan. Ularning sa'y-harakati bilan Turkistonning bir qator yirik shaharlarida gazeta va jur-nahar nashr etila boshlandi. Jumladan, Toshkentda «Turk eli», «Najot», «Kengash», «Ulug' Turkiston», «Turon», Samarqandda «Hurriyat» vaqtli nashrlari chiqa boshladi.

Ular orqali e'lon qilingan materiallarda kechayotgan davrning o'ziga xos xususiyatlari, o'tkir ijtimoiy-siyosiy masalalar, joylardagi ahvol, ommaning fikri-dilini to'lqinlantirayotgan muammolar va boshqa shu kabi dolzarb hayotiy masalalar aks ettirildi.

Abdulla Avloniy tomonidan Toshkentda 1917-yil apreli-dan chiqarila boshlagan «Turon» gazetasining ilk sonida «Yashasin xalq jumhuriyati» shiori birinchi bor yangragan edi. Unda aniq maslak-maqсад: «Musulmonlar orasida ko'p yillardan beri davom etgan umumga zo'rlik, bid'at odatlarni bitirmak, kelajakda bo'ladirgon jumhuriy idoraga xalqni tayyorlamoq» g'oyasi ilgari surilgan edi.

Xuddi shuningdek, Munawar Qorining o'sha yili «Najot» gazetasining 26-mart sonida bosilgan: «Hurriyat berilmas, olinur. Hech narsa ila olib bo'lmas, faqat qon va qurbon ilagina olib bo'lur» degan xitobi ham jadidlarning xalq ozodligi va istiqloli yo'lida jiddiy kurashga bel bog'laganliklaridan dalolat beradi.

1917-yil boshlarida Turkistonda berayotgan tarixiy o'zgarishlar silsilasida mahalliy vatanparvar va taraqqiy-parvar kuchlarning bo'lg'usi jangu jadal kurashlar oldidan birlashish sari intilishi ustuvor bo'lib bordi, tub aholining asosiy ko'pchiligi ham yevropalik siyosatchilar, firqalar arboblari ketidan emas, balki musulmon ulamolari, jadid yo'lboshchilari yo'lidan uyushib bordilar. Buning uchun esa obro'li siyosiy tashkilot tuzish zaruriyati tug'ilgandi. Negaki, shunday tashkilotgina bo'lg'usi o'lka milliy hokimiyatining birdan-bir nufuzli, vakolatli organi bo'la olardi, 1917-yil 14-martda Toshkentda jadid arboblari tashabbusi bilan tuzilgan «Sho'roi Islomiya» shunday tashkilotlardan bo'ldi. 15 kishidan iborat rayosat tarkibidan Munavvar Qori Abdurashidxonov (yetakchi), Abduvohid qori, Mirkomilboy Mo'minboev, Ahmadbek hoji Temirbekov, Ubaydullaxo'ja Asadullaxo'jaev, Salimxon Tillaxonov singari sinalgan yurt rahnamolari o'rin olgan edilar. «Sho'roi Islomiya» musulmon aholining vakolatli organi (musulmonlar kengashi) sifatida uning irodasini ifoda etdii, manfaatlarini himoya qildi.

O'lkaning turli joylarida «Sho'roi Islomiya»ning quyi sho"balari tuzilib, ular mahalliy aholi orasida qizg'in faoliyat yuritdilar. Shuningdek, «Sho'roi Islomiya» ta'sirida joylarda turli nomlarda tashkilotlar vujudga keldi. Toshkentda «Turon», «Ittihodi taraqqiy», Andijonda «Ozod xalq», «Hurriyat», «Ma'rifat», Samarqandda «Mirvaj-ul Islom», «Klub Islomiya», «Musulmon mehnatkashlari ittifoqi», Kattaqo'rg'onda «Ravnaqul Islom», «Guliston» va boshqalar shular jumlasidandir. Bu tashkilotlar va ularning rahnamolari ilg'or jadidchilik g'oyalari ta'sirida ish yuritdilar. M. Behbudiyning «Haq olinur, berilmas!». Munavvar Qorining «Hurriyat berilmas, olinur!» shiorlari ularning chinakam kurash bayrog'iga aylangan edi.

Turkiston milliy istiqloli uchun kurashga bel bog'lagan va avvalboshdan «Sho'roi Islomiya» ta'sirida bo'lgan ulamolarning bir qismi qadimchilar nomi bilan atalardi. Ular islom ta'limoti va aqidalarining murosasiz tarafdorlari sifatida siyosiy vaziyatni o'zlaricha tushunar, muxtoriyat talabiga qarshi chiqqanlar. Bu hol 1917-yil iyuniga kelib qadimchilarning «Sho'roi Islomiya» tarafdorlari bilan uzil-kesil aloqani uzib, bo'linishining asosiy sababi, eng avvalo, Turkistonning milliy mustaqilligiga erishish yo'lidagi ikki xil qarama-qarshi taktik yondashuvning kelib

chiqqanligidadir. Konservativ, mutaassiblik qarashlar nuqtai nazaridan yondashgan ulamochilar Turkiston mustaqilligini faqat hukmron mustamlakachilarga qarshi g'azovot boshlash, ya'ni qurolli qarshilik ko'rsatish yo'li bilan qo'lga kiritishni yoqlardilar. Ilg'or ziyolilar — jadidlar esa Rossiyada yuzaga kelgan qulay shart-sharoitlardan, siyosiy vositalardan foydalanib, behuda qon to'kmasdan bosqichma-bosqich yurt mustaqilligiga erishishni yoqlardi. Ularning Rossiya Federatsiyasi tarkibidagi Turkiston Muxtoriyati talabi ham shu maqsadni ko'zda tutardi. o'lkaning milliy kuchlari o'rtasida yuz bergan bu ajralish ya g'oyaviy ixtiloflar, shubhasiz, ularning harakat birligiga rahna splar, uning istiqboliga jiddiy putur yetkazardi. Ayniqsa Sho'roi Ulamo»chilarning nashri — «A1-Izoh» jumali sahifalarida millatning ilg'or kuchlariga, vatanparvar milliy ziyolilarga nisbatan adovat va xusumat urag'i sepildi. Bu esa aslida dushman tegirmoniga suv quyish bilan barobar edi. Zero, milliy istiqlool uchun kurash yangi, hal qiluvchi bosqichga kirib borayotgan mas'uliyatli bir vaziyatda milliy kuchlar o'rtasida davom etayot-gan bunday behuda bahs va olishuvlar oxir-oqibatda xunuk oqibatlarga olib kelishi tabiiy edi. Negaki bundan o'lkada faoliyat yuritayotgan yot begona siyosiy kuchlar o'z maqsadlari yo'lida foydalanishlari ehtimoldan xoli emas edi. Afsuski, oqibatda shunday bo'lib chiqdi ham.



3. I va II umumturkiston qurultoylari.

Turkistonda inqilobiy-demokratik harakatlarning o'sib borishi, undagi turli ijtimoiy qatlamlar va tabaqalarni yanada istiqlool kurashi bayrog'i ostida birlashtirishda 1917-yil davomida bo'lib o'tgan Umumturkiston musulmonlari I va II qurultoylari va ular tomonidan ishlab chiqilgan hamda qabul qilingan dasturiy hujjatlarning roli katta bo'lgan. «Sho'roi Islomiya» tashkiloti tashabbusi bilan 1917-yil 16-aprelda Umumturkiston musulmonlarining I qurultoyi chaqiriladi. Qurultoy ancha vakolatli anjuman bo'lib, uning ishi-da Turkistonning ko'plab atoqli kishilari, taniqli siyosiy arboblarni qatnashgan edilar. Ular orasida Mustafo Cho'qay, Munavvar Qori, Behbudiy, Ubaydullaxo'ja Asadullaxo'jaev, Sherali Lapin, Tashpo'latbek Norbo'tabekov, Validiy, Sobir r Yusupov, Islom Shoahmedov va boshqalar bor edi. Qurultoy kun tartibiga 16 ta masalaning qo'yilishining o'zi ham uning katta

ahamiyatidan darak berardi. Qurultoyda o'lkani bo'lajak davlat qurilishiga alohida to'xtalinib, Turkistonga keng muxtoriyat huquqini beradigan demokratik Rossiya Federatsiyasi tuzilishi g'oyasi ilgari surildi. Qurultoyda Markaziy rahbar organ — Turkiston o'lka musulmonlar Sho'rosini tuzish to'g'risida qaror qabul qilindi. Uning birinchi yig'ilishida Mustafo Cho'qay Markaz raisi, Munavvar Qori rais muovini, Ahmad Zakiy Validiy kotib, Behbudiy, U. Asadullaxo'jaev va boshqalar a'zolar etib saylandilar. Markaziy sho'ro zimmasiga o'lkadagi barcha tarqoq, o'z holicha ish yuritayotgan, nizom va dasturlariga ega bo'lmagan uyushma va tashkilotlarni birlashtirish, ularning faoliyatini muvofiqlashtirish vazifasi yuklandi. Bu vazifani uddalashda Markaziy sho'roning joylarda tashkil etilgan sho"ba (bo'lim)lari muhim rol o'ynadi. Jumladan, Toshkent sho'basini Munavvar Qori, Samarqand sho'basini Behbudiy, Farg'ona sho"basini esa Nosirxon To'ra Kamolxon To'ra o'g'li boshqardi. Shu tariqa Turkistonda ilk hokimiyatchilik — Muvaqqat hukumatning Turkiston qo'mitasi, ishchi va soldat deputatlari soveti va Turkiston o'lka musulmonlar sho'rosi vujudga keldi.

O'lka xalqlarining sobitqadam rahnamolari bo'lgan jadidlar, ruhoniya arboblari o'z sa'y-harakatlarida faqat mahalliy, hududiy manfaatlar, qiziqishlar bilan cheklanib qolmay, shu bilan birlikda boshqa mintaqalardagi musulmonlar ommasi, ularning ilg'or vakillari bilan ham yaqindan hamjihat bo'lishga intildilar. Shu maqsadda ular 1917-yilning 1—2-mayida Moskvada bolib o'tgan Butunrossiya musulmonlari I qurultoyida ishtirok etdilar. Unda musulmonlar manfaatini himoya qiluvchi davlat qurilishi shaklan milliy-hududiy, federatsiya asosidagi demokratik respublika bo'lishi hamda Butunrossiya Musulmonlar sho'ro Ijroiya Qo'mitasi ta'sis etilishi to'g'risida qaror qabul qilindi. Bu sho'ro Ijroiya Qo'mitasiga Turkistondan U. Asadullaxo'jaev va I. Shoahmedovlar saylandilar.

Xuddi shuningdek, Turkiston vakillari ishtirok etgan va 1917-yilning 21—31-iyul kunlari Qozon shahrida bo'lib o'tgan Butunrossiya musulmonlarining II qurultoyi ham Rossiya musulmon aholisining ozodlik va mustaqillik sari harakatlanish yig'lini muvofiqlashtirish borasida muhim qadam bo'ldi! Unda Turkiston, Kavkaz va Qrimda davlat boshqaruvini mehnatkashlarning o'zlari hal etishi, musulmonlar kurashini tashkil etish uchun Butunrossiya harbiy Sho'rosini

ta'sis etish to'g'risida qarorlar qabul qilindi. Shubhasizki, Rossiya musulraonlari vakillarining bu xildagi sa'yharakatlari mazkur mazlum xalqlarning mushtarak manfaatlariga mos bo'lgan holda ularning milliy mustaqilligi, ichki davlat qurilishi masalalarining hal etilishiga muhim turtki ho'lib xizmat qilardi.

1917-yilning 17—20-sentyabr kunlari Toshkentda bo'lib o'tgan Umumturkiston musulmonlari vakillarining II qurultoyi o'lka xalqlari hayotida muhim rol o'ynadi. Unda 500 nafar vakillar ishtirok etdi. Qurultoyning maxsus qarorida tarkibi 12 kishilik Turkiston o'lka qo'mitasi, 24 kishilik «Mahkamai Shar'ia» (parlament) tashkil etilishi va ularning Rossiya davlati konstitutsiyasiga muvofiq keladigan shariat qonunlari asosida faoliyat yuritishi ta'kidlangan edi. Qurultoyda «Sho'roi Islomiya», «Sho'roi Ulamo», «Turon» va shu kabi boshqa mahalliy milliy tashkilotlarni birlashtirib, ular negizida yagona «Ittifoqi Muslimin» («Musulmonlar Ittifoqi») siyosiy partiyasini tuzish g'oyasi ilgari surildi. Qurultoyda Behbudiy nutq so'zlab, hammani birlikka, jipslashishga da'vat etgandi. «Ulug' Turkiston» gazetasi mazkur qurultoy ruhini aks ettirib, Turkistonning o'z ichki ishlarini mustaqil hal etishga qodir bo'lgan o'lkaning mahalliy va milliy muxtoriyatini tuzish g'oyasini asosiy o'ringa qo'ygan edi.

Shunday qilib, Turkistonning ilg'or ziyolilari, uning asl yurtsevar, erksevar o'g'lonlari milliy istiqloлга erishish yo'lida o'lkadagi barcha sog'lom, vatanparvar kuchlarni birlashib, jipslashib harakat qilishga da'vat etgandilar. Biroq, afsuski, Turkistonda ayrica faoliyat yuritgan, o'z nafsoniyatiga berilgan hamda o'zaro qarashlarida muxolifatchilik ustuvor bo'lgan ayrim mahalliy, milliy tashkilotlar mana shu yuzaga kelgan noyob imkoniyatlardan foydalana olmadilar. Bu esa, vaziyatni ustamonlik bilan o'z izmiga burib yuborishga urinayotgan bolsheviklar firqasiga qo'l keldi..

Asosiy tushuncha va atamalar (tayanch iboralar).

- Guberniya, Turkiston o'lkasi,

Mustahkamlash uchun savollar.

Savol va topshiriqlar

1. Turkiston xalqlarining asriy orzusi nima edi?
2. Turkistonliklar 1917-yil fevral inqilobidan nimalar kutgandilar?
3. 1917-yilgi fevral o'zgarishidan so'ng Turkistonda qanday o'zgarishlar yuzaga keldi?
4. Yangi tarixiy sharoitda Turkiston jadidlari oldida qanday dolzarb vazifalar turardi?
5. «Sho'roi Islomiya» qanday maqsadlar yo'lida tashkil etildi?
6. «Sho'roi Ulamochilarning o'ziga xos ajratuvchilik qarashlari haqida nimalar deya olasiz?
7. I Umumturkiston musulmonlari qurultoyi qanday masalalarga bag'ishlangan edi?
8. II Umumturkiston musulmonlari qurultoyi qanday masalalarga bag'ishlangan edi?

Test savollari

1. «Farg'ona Muvakkat Muxtoriyat xukumati» qachon va kim boshchiligida tuzilgan?
A) 1919 yilda Kichik Ergash boshchiligida.
B) 1918 yil 16 oktyabrda Katta Ergash boshchiligida.
C) 1917 yil M.Chukaev boshchiligida.
D) 1919 yil 22 oktyabrda Madaminbek boshchiligida.
2. Farg'ona viloyatida qachon favkulodda xolat e'lon qilinib, harbiy diktatura o'rnatildi?
A) 1921 yil noyabrda.
B) 1920 yil yozda.
C) 1919 yil oktyabrda.
D) 1922 yil martda
3. 1917 yilda Turkistonda tashkil topgan «Sho'roi Islomiya» tashkiloti qanday tashkilot edi?
A) Ishchi va soldat deputatlari soveti.
B) Maxalliy axoli deputatlari soveti.
C) Mexnatkash musulmonlar ittifoki.
D) Ruxoniy musulmonlar ittifoki.
4. 1917 yil martda tuzilgan «Sho'roi islomiya» tashkiloti xay'atida quyidagi qaysi arboblardan bor edi?

- A) A.Avloniy, X.Niyoziy, O.Sodikov.
- B) A.Fitrat, M.Kori, U.Xujaev.
- C) F.Xujaev, A.Ikromov S.Raximov.
- D) T.Riskulov, A.Ikromov, U.Xujaev.

5. «Sho'roi Ulamo» tashkiloti qachon tuzildi?

- A) 1916 yil mayda.
- B) 1917 yil iyunda.
- C) 1918 yil sentyabrda.
- D) 1910 yil oktyabrda.

6. 1469 – 1506 yillarda Xurosonda kim xukmronlik qilgan edi?

- A) Abu Said
- B) Xusain Boykaro
- C) Shoxrux
- D) Bobur

7. Bobur yoshligida kimlar yordamiga tayanib davlatni boshkargan?

- A) Onasi Kutlugnigorxonim
- B) Xojikozi
- S) Badiuzzamon
- D) A va B javoblar tugri

8. . Bobur Mirzo Samarkand taxtini birinchi marta kachon egallagan?

- A) 1496 yil
- B) 1497 yil
- C) 1500 yil
- D) 1501 yil

9. Bobur sŷzining ma'nosi....

- A) Sher
- B) Yŷlbars
- C) arslon
- D) tuya

10. «Dashti kipchok » atamasi XI asrdan boshlab kaysi manbalarda uchraydi?

- A) Arab, fors manbalarida
- B) Arman manbalarida
- C) rus manbalarida
- D) Xitoy manbalarida

Uyga vazifa :

«A Q L I Y H U J U M» USULI

Aqliy hujum (breynstroming-aqlar to'zoni)-amaliy yoki ilmiy muammolar yechish
foясини жамоавий юзага келтириш.

Ishtirokchilar aqliy hujum vaqtida murakkab muammoni hal etishga harakat qiladilar: ularni tanqid qilishga yo'l qo'ymay uni hal etishning ko'proq shaxsiy qoyalarini yuzaga keltiradilar, so'ngra ko'proq oqilona / samrali/ maqbul va boshqa qoyalarni ajratadilar, ularni muhokama qiladilar va rivojlantiradilar, ularni isbotlash yoki qaytarish imkoniyatlarini baholaydilar.

Bu usul hamma vazifalarni bajaradi, lekin uning asosiy vazifasi - ta'lim oluvchilarni o'quv-bilish faoliyatini faollashtirish, ularni muammoni mustaqil tushunish va echishga qiziqtirish va ularda muomala madaniyati, fikr almashinish malakalarini rivojlantirishi, tashqi ta'sir ostida fikrlashdan ozod bo'lish va ijodiy topshiriqni echishda birlamchi yo'l fikrlarini engib o'tishni tarbiyalaydi.

An'anaviy ta'limda vazifani echish vaqtida ko'pgina ta'lim oluvchilar o'zlarini qoyalarini aytishga botina olmaydilar. O'z takliflarining xatoligi va ta'lim beruvchining salbiy munosabatidan, boshqa ishtirokchilarning yo'q qilib yuboruvchi tanqidi va kulgisidan asosli qo'rqadilar.

Aqliy hujum qoidasi:

Hech qanday birga baholash va tanqidga yo'l qo'yilmaydi!

Taklif etilayotgan qoyani baholashga shoshma, agarda u hattoki ajoyib va g'aroyib bo'lsa ham –hamma narsa mumkin.

Tanqid qilma-hamma aytilgan g'oyalar qimmatli teng kuchlidir.

O'rta chiquvchini bo'lma!

Turtki berishdan o'zingni ushla!

Maqsad miqdor hisoblanadi!

Qancha ko'p g'oyalar aytilsa, undan ham yaxshi: yangi va qimmatli g'oyalarni paydo bo'lishi uchun ko'p imkoniyatdir.

Agarda g'oyalar qaytarilsa, hafa bo'lma va hijolat chekma.

Tasavvuringni «jo'sh urishiga» ruxsat ber!

3-MAVZU: TURKISTONDA SOVET HOKIMIYATINING O'RNATILISHI. XALQ HOKIMIYATCHILIGI UCHUN KURASH. TURKISTON MUXTORIYATI

Reja:

- 1. 1917-yilgi oktabr voqealari va uning Turkiston xalqlari hayotiga ta'siri.**
- 2. Turkistonda Sovet hokimiyatining zudlik bilan o'rnatilishi.**
- 3. Turkiston muxtoriyati.**



1. 1917-yilgi oktabr voqealari va uning Turkiston xalqlari hayotiga ta'siri.



1917-yilgi oktabr (1917-yilgi fevral inqilobi voqeaari va uning Rossiyada tub o'zgarishlar Turkiston xaiqlarining berishiga olib kelma hayot, shundaki, bupua Muvaqqat hukumati o'zining tor, xudbin manfaat-lari doirasidan chetga chiqa olmay, yetilgan tub masalalarni hal etishga ojizlik qildi. Natijada siyosiy tuzumda o'zgarish bo'lgani holda muhim ijtimoiy-iqti-sodiy, agrar, milliy, sulh masalalari amalda yechilmay qola berdi. Bu esa mamlakat hayotining yanada boshi berk ko'chaga kirib, tanglik, tanazullik holatlarining kuchayib borishiga sabab bo'ldi. Ayniqsa Rossiyaning Birinchi jahon urushida ishtirokining davom etishi, rus armiyasining frontda ketma-ket mag'lubiyatga uchrayotganligi umumxalq noroziligi va qahr-g'azabini tobora kuchaytirmoqda edif Negaki, urushning butun og'irligi shu xalq ommasining zimmasiga tushayotgandi. Rossiyaning iqtisodiy halokat tomon borishi, ijtimoiy tanglik va inqiroziy jarayonlarning zo'rayishi esa Muvaqqat hukumatning tobora obro'sizlanisbiga, xalqdan yakkalanib qolishiga, oqibatda esa vaziyatning keskinlashuviga olib kelayotgan edi. Lenin boshliq bolsheviklar xuddi mana shu qaltis vaziyatdan ustamonlik bilan foydalanib, ommani o'z tomoniga ag'darishni ko'zlovchi shiorlarni maydonga tashlab, siyosiy hokimiyatni egallash sari yo'l tutdi. Bolsheviklar o'z maqsadlariga erishishda xalqning qo'ynini puch yong'oqqa to'ldiruvchi va'dalar berdilar. Ular ommabop chaqiriqlarni ilgari surib, barcha tub masalalarni hal etishga qasamyod qildilar. Manashunday ustakorlik va hiylakorlik yo'li bilan bolsheviklar 1917-yilning 24—25-oktabr kuiilari Petrograd da davlat

to'ntarishini amalga oshirdilar. Ular Muvaqqat hukumatni ag'darib, hokimiyatni egallashga muvaffaq bo'ldilar Tez orada mamlakatning boshqa hududlarida ham ularning hukmronligi o'rnatila boshlandi. Proletariat diktaturasi nomi bilan atalgan zo'ravon tuzum mana shu zaylda vujudga keldi.

Turkiston o'lkasi Rossiya tarkibida bo'lganidan, Markazda sodir bo'lgan voqealar va o'zgarishlar shabadasi bu yerga ham esib, o'z ta'sirini ko'rsata boshladi. Buning ustiga hokimiyat tepasiga kelgan bolsheviklar va ularning dohiylari Turkistonni zinhor qo'ldan chiqarmaslik, o'lkada o'z hukmronligini qafiy o'rnatish, yangicha sovet boshqaruvi tizimini shakllantirishni avvaldan o'z oldilariga maqsad qilib qo'ygandilar.

Garchand sovetlar davrida yaratilgan ko'plab tarixiy adabiyotlarda bu davr tarixi butunlay soxtalashtirilib, go'yo Turkiston aholisi oktabr g'oyalariga qo'shilib, birinchilardan bo'lib o'lkada sovetlar hokimiyatini o'rnatdi, deb og'iz ko'pirtirib kelingan bo'lsada, biroq aslida bu xil fikrlar va qarashlar tarixiy haqiqatga mutlaqo zid edi. Hatto Muvaqqat hukumatning Turkiston Qo'mitasi qarorgohi joylashgan TuproqqaFa qo'rg'onining qizil askarlar tomonidan 1917-yil 31-oktabrdan 1-noyabriga o'tar kechasi isbg'ol qilingani fakti ham Turkistonda oktabr tub o'zgarishi yasalganidan darak bermasdi.



2. Turkistonda Sovet hokimiyatining zudlik bilan o'rnatilishi.



Bolsheviklar Markazda siyosiy hokimiyatni qo'lga olar ekanlar, ular sobiq Rossiya imperiyasi tarkibiga kirgan hududlarda, jumladan, Turkistonda ham sovet tuzumini qaror toptirishga intildilar. Ular nihoyatda yashirin niqoblangan dastutiy hujatlarni o'z g'oyaviy ta'sirini ishga solib, qisqa muddatlarda joylarda hokimiyatni qo'lga kiritishga kirishdilar. Bu maqsadga erishishda kerak bo'lsa har qanday zo'rlik, kuch ishlatishdan ham qaytmadilar. Bu ayniqsa Turkiston o'lkasi misolida yorqin namoyon bo'ldi.

Turkistonda sovet hokimiyatini o'rnatish g'oyatda murakkab jarayonda kechdi. Buning boisi, avvalo, oktabr g'oyalarining mahalliy tub joy aholining dili va shuuriga botmaganligidadir. Negaki, bu zamin aholisi sotsialistik o'zgarishlar orqali

hamma narsani umumlashtirish va milliyalashtirishni, asrlar davomida shakllangan o'ziga xos turmush tarzini, yashash sharoitini, xo'jalik yuritish, idora qilish tartib-qoidalarini bir lahzada tubdan o'zgartirishni xohlamasdi.

Binobarin, bu begona maslak va g'oyalar bolsheviklar firqasi va uning Turkistondagi yalovbardorlari tomonidan kuch va zo'rlik bilan o'lka xalqlariga majbur qilindi. Bu esa joylarda xalq qonining daryo yanglig' to'kilishiga, mislsiz qurbonlar berilishiga sabab bo'ldi. Chunki bolsheviklar tuzumi tomoniga o'tishni xohlamagan, uning maqsad-mohiyatini yoqtirmagan ko'pchilik aholiga nisbatan o'lkaning ko'plab hududlarida ochiq-oshkor tarzda talon-torajlik, bosqin va xunrezliklar uyushtirdilar.

Aholini ma'naviy-ruhiy kamsitish, diniy e'tiqodini, islomiy qadriyatlarini tahqirlash, muqaddas qadamjolarini haqoratlash, diniy kitoblarni gulxanda yondirish — bular sovet tuzumi zo'ravonlari uchun o'sha kezlarda odatiy tus bo'lib qolgandi. Aniq rasmiy ma'lumotlarga ko'ra, Farg'ona vodiysida sovet hokimiyatini o'rnatish chog'ida Marg'ilonda 7 ming, Andijonda 6 ming, Namanganda 2 ming, Bozorqo'rg'on va Qo'qonqishloq (hozirgi Paxtaobod tumani) atroflarida 4,5 mingdan ziyod begunoh kishilar qirg'in qilingan. Bunday qirg'inlik Turkistonning boshqa shahar va qishloqlarida ham sovet hokimiyatini o'rnatish chog'ida sodir etildi.

Sovet hokimiyati dohiylari o'zlarining qator rasmiy dasturiy hujjatlari va shiorlarida bor ovoz bilan olamga jar solib, barcha mazlum xalqlar, elatlarga huquqiy tenglik, o'z taqdirini o'zi belgilash, milliy davlatchiligini tuzish va mustaqil davlat sifatida ajralib chiqishga qadar ularning haqli, huquqli ekanligini e'lon qilgan edilar. Masalan, oktabrning muhim hujjatlari hisoblangan «Rossiya xalqlari huquqlari Deklaratsiyasi», «Ezilgan va ekspluatatsiya qilinuvchi xalq huquqlari Deklaratsiyasi», «Rossiya va Sharqning hamma mehnatkash musul-monlariga» da'vatnomasi va boshqa hujjatlarda mazlum xalqlarning ozodlik va mustaqillikka erishuvini rasman qo'Uab-quvvatlagan holda, amalda zimdan boshqacha siyosat tutib, bu jarayonning yuzaga chiqishiga butun choralar bilan to'sqinlik qildilar.

Buning yorqin ifodasi Turkistonda sovet hukumatini tuzish chog'ida to'la kuch bilan ayon bo'ldi. Gap shundaki, o'lka hududlarida sovetlar hokimiyatini zo'rlik bilan o'rnatish jarayoni davom etayotgan bir kezda Turkiston bolsheviklari o'zlariga

o'xshagan boshqa siyosiy partiyalar namoyandalari bilan til biriktirib, mahalliy millat namoyandalari bu ishdan mustasno tutib, o'z hukumatini tuzishga kirishadilar. Bu hiyla-nayrangning hidini oldindan sezgan turkistonlik mahalliy taniqli arboblarning mabodo yevropalik ozchilikning manfaatini ko'zlaydigan hukumat tuziladigan bo'lsa, bu turgan-bitgan adolatsizlik bo'ladi va ko'pchilik aholining keskin noroziligiga olib keladi, deb o'z nuqtai nazarlarini oshkora bayon qildilar.

1917-yilning 12—15-noyabr kunlari Toshkentda bo'lib o'tgan Turkiston musulmonlarining III qurultoyi qabul qilgan qarorlarda: «hokimiyatning mahalliy aholi manfaati uchun deyarlik zid bo'lgan begona va o'tkinchi, tasodifiy kishilarning guruhi — harbiylar, ishchilar va dehqonlar tashkilotlari qo'lida bo'lib demokratiya qoidalar talabiga javob bermaydi va mahalliy aholiga xalqlarning o'z taqdirini o'zi belgilashi asosida to'g'ri hayot qurishiga kafolat berolmaydi», deb qayd etilgan edi.

Biroq bu haqqoniy talab va ogohlantirishlar Turkistonda sovet hokimiyati mutasaddilari sifatida ish yuritayotgan, joylarda esa bu hokimiyatni zo'rlik yo'li bilan qaror toptirayotgan bolsheviklar va ularning muvaqqat ittifoqchilariga zarracha ham ta'sir etmadi. Ular o'z muddaolariga erishish maqsadida Turkiston ishchi, askar va dehqon deputatlari sovetlarining III o'lka qurultoyini chaqirdilar. Mazkur qurultoy 1917-yilning 15—22-noyabr kunlari Toshkentda bo'lib o'tadi. Biroq uning ishida Turkiston musulmonlari vakillari teng huquqli asosda ishtirok eta olmadilar. Bu hol qurultoyning butun faoliyatida, xususan, u tashkil qilgan hukumat tarkibida aniq ravshan namoyon bo'ladi. Bolshevik (kommunist) F. I. Kolesov raisligida tuzilgan 7 bolshevik va 8 so'li eser komissarlardan iborat Turkiston Xalq Komissarlari Soveti tarkibiga butun o'lka aholisining qariyb 95 foizini tashkil etgan yerli mahalliy xalqlarning birorta ham vakili kiritilmadi. Bu endi sovet hokimiyati hukmdorlariga xos shovinistik va ulug' davlatchilik siyosatining tipik namunasi sifatida mahalliy aholini mensimaslik, uning manfaatlarini sariq chaqaga arziyatmaslikni bildirardi. Shu xildagi nuqtai nazarni ular ochiq-oshkora tarzda bayon etishdan ham o'zlarini tiyolmadilar. Masalan, o'lka sovetlarining IV qurultoyida so'zga chiqqan xalq komissari, shovinist Uspenskiy: «O'rtoq musulmonlar, shuni bilingki, biz sizlarning katta og'alarimiz. Siz kichiksiz va tushunarliki, bizga bo'ysunishingiz kerak!» deb dag'dag'a qilgandi. Yana bir sovet kazolaridan A. Kazakov bu xususda o'z qarashla-

rini shunday bayon etgandi: «Turkiston jumhuriyatida 95 foiz musulmonlar va faqat 5 foiz ruslar yashaydi va shu 5 foiz butun hokimiyatni deyarli o'z qo'lida ushlab turibdi. Shunday qilib, ozchilik hukmronligi davom etmoqda. Lekin bu vaqtinchalik hol. Musulmonlar dunyosi tayyor bo'lgach, biz jumhuriyatni boshqarish ishini unga topshiramiz. Biz ularga yordam beramiz».

Yuqorida aytilganlardan mantiqiy xulosa shuki, turkistonliklar hali o'z yurtlarini mustaqil idora qilish, boshqarish darajasiga «o'sib chiqmaganlar». Shuning uchun uning jilovi hozircha yevropalik «katta og'alar» qo'lida bo'lmog'i kerak emish! Bu o'zining buyuk, be-takror tarixini yaratgan, milliy davlatchilik tarixi esa ming yilliklar qa'riga borib tutashadigan, yurt kelajagi, istiqbolini belgilashga qodir, yuksak ezgu maqsadlarga o'zini tikkan qanchalab o'ta zakovatli, salohiyatli o'g'lonlari muhayyo xalqqa nisbatan bepisandlik, takabburlik edi.

Shu bois ham Turkiston yerli aholisining mutlaq ko'pchiligi bunday shovinistik va ulug' millatchilik siyosatini yuritishga mukkasidan ketgan yangi sovet hokimiyatidan hafsalasi pir bo'lib, unga nisbatan g'azab-nafrati oshib bordi.



3. Turkiston muxtoriyati.

Sovetlar hokimiyati o'rnatilgandan keym Turkistonda kechayotgan va tobora chigallashib borayotgan o'ta murakkab vaziyat o'lkaning yurtparvar va taraqqiyparvar kuchlarini faol harakatga keltirdi. Ular tashabbusni qo'lga olib, bolsheviklar bosh bo'lgan sovet hokimiyati beboshligi va bedodligiga qarshi tura oladigan, keng demokratik asoslarga tayangan, chinakam xalq hokimiyatchiligini o'zida ifodalagan milliy davlatchilikni tashkil etish tomon yo'l tutdilar.

Bu borada joylarda jiddiy tayyorgarlik ishlari olib borildi. Nihoyat, 1917-yil 26-noyabrida Qo'qonda o'lka musulmonlarining IV favqulodda qurultoyi chaqirildi. Unda o'lkaning 5 viloyatidan 200 nafardan ziyodroq vakillar ishtirok etdi. Qurultoy ishida «Sho'roi Islomiya», «Sho'roi Ulamo», Musulmon harbiylari Sho'rosi, o'lka yahudiylar jamiyati namoyandalari qatnashdilar. (Qurultoy hay'atiga o'lka xalqlarining taniqli kishilari — Mustafxo Cho'qay, U. Asadullaxo'jayev, Yurali Agayev, S. Akayev, Obidjon Mahmudov, Abdurahmon O'razayev, Islom Shoahmedov, Kamol qozi, Karimboyev, ya'ni jami 13 kishi saylandi. Mazkur

qurultoyning 3 kun to'xtovsiz davom etgan faoliyatining yakuni o'laroq o'lka hududining qonuniy egasi — Turkiston Muxtoriyatini tuzishga muvaffaq bo'lindi.f Bu xususda qabul qilingan qarorda shunday deyiladi:

«Turkistonda yashab turgan turli millatga mansub aholi Rossiya inqilobi da'vat etgan xalqlarning o'z huquqlarini o'zlari belgilash xususidagi irodasini nainoyon etib, Turkistonni Federativ Rossiya respublikasi tarkibida hududiy jihatdan muxtor deb e'lon qiladi, shu bilan birga muxtoriyatning qaror topish shakllarini Ta'sis majlisiga havola etadi». Shundan so'ng qurultoy «Turkistonda yashab turgan milliy ozchilik aholi huquqlarining muttasil himoya qilinishini tantanali ravishda e'lon qiladi».

Yangidan tarkib topayotgan davlat Turkiston Muxtoriyati deb ataladigan boidi. Ta'sis majlisi chaqirilgunga qadar hokimiyat to'lig'icha Turkiston Muvaqqat Kengashi (12 kishidan iborat) va Turkiston Xalq (Milliy) Majlisi (54 kishidan iborat) qo'lida bo'lishligi ta'kidlandi.

Qurultoyda Turkiston muxtoriyati Muvaqqat Kengashi — hukumati tuzildi. Uning tarkibiga 12 kishidan iborat a'zolar saylandi:

1. **Muhammadjon Tinishpayev** — Bosh vazir, ichM ishlar vaziri.
2. **Islom Shoahmedov** — Bosh vazir o'rinbosari.
3. **Mustafo Cho'qayev** — tashqi ishlar vaziri (keyin-roq Bosh vazir).
4. **Ubaydulla Xo'jayev** — harbiy vazir.
5. **Yurali Agayev** — yer va suv boyliklari vaziri.
6. **Obidjon Mahmudov** — oziq-ovqat vaziri.
7. **Abdurahmoo o'razayev** — ichki ishlar vazirining o'rinbosari.
8. **Solomon Gersfeld** — moliya vaziri.

Hukumat tarkibiga yana to'rt kishi — yevropalik aholi vakillari orasidan nomzodlar ko'rsatilgach, keyinchalik kiritilishi belgilandi.

Shuningdek, bu hukumatda **Saidnosir Mirjalol** o'g'li xazinachi lavozimini egalladi.

Qurultoyning yana bir katta xizmati, bu uning tomonidan Turkiston Xalq Majlisi (parlamenti) tarkibining tuzilganligi bo'ldi.

Milliy majlis tarkibiga saylanganlar orasida Muvaqqat hukumat

a'zolaridan tashqari o'sha davrning atoqli arboblari T. Norbo'tabekov, S.Sharifxo'jayev, Nosir-xonto'ra Kamolxonto'ra o'g'li, M.Behbudiy, T. Musaboyev, Sobirjon Yusupov, Odiljon Umarov va boshqa yurt peshvolari bor edi.

Shunday qilib, o'lkaning mo'tabar, millatparvar zotlaridan iborat milliy hokimiyat tashkil etilib, uning zimmasiga ulug'vor vazifalar yuklandi. Eng muhimi, qaddi bukilgan, qadr-qimmati, g'ururi o'zgalar tomonidan kamsitilgan, tahqirlangan o'ksik Turkistonni ro'yobga chiqarish, uning erki, mustaqilligini asta-sekin tiklash, yuksakka ko'tarish — bu xalqchil hukumatning bosh vazifasi, maqsad-muddaosi edi. Shu boisdan ham o'lkaning millionlab fiqarolari Turkiston Muxtoriyati e'lon qilinganligini katta qoniqish, ko'tarinki ruh bilan qarshi oldilar. 1917-yil dekabr oyi boshlarida Toshkent, Namangan, Jalolobod, Qo'qon, Samarqand shaharlarida va boshqa hududlarda ming-minglab yurt odamlari mi-tinglar, namoyishlar uyushtirib, muxtoriyatni qizg'in qo'llab-quvvatlab chiqdilar, bu to'g'rida maxsus qarorlar qabul qilindixMasalan, 6-dekabr Toshkentning eski sha-har qismida Turkiston Muxtoriyati tuzilganligiga bag'ishlab ko'p ming kishilik katta miting o'tkazildi. Unda taniqli yurt arboblari: Munavvar Qori, Mullo Odil mufti, Said G'anixon, Pirmuhammad A'lam va bosh-qalar so'zga chiqib, yig'ilganlarni chinakam xalq hokimiyati — Turkiston Muxtoriyati tashkil etilganligi bilan qutladilar. Miting ishtirokchilari o'lka Muvaqqat hukumatini to'la qo'llab-quvvatlashlarini izhor etib, qaror qabul qildilar. o'sha davr milliy matbuoti sahi-falarida Turkiston ulug'lari tomonidan muxtor hokimiyatni qo'llab-quvvatlash, uni asrab-avaylash, istiqboli uchun fidoyilik bilan kurash olib borish kerakligi xususida ko'plab maqolalar bitildi. Jumladan, Fitratning «Muxtoriyat» maqolasida:

«...Qurultoy o'z ishini qildi. Qolganlari butun millatning vazifasidur. Muxtoriyatni saqlamoq uchun kuch lozim. Muxtoriyatni bajarmoq uchun aqcha kerakdir. Bularni mil-lat hozir qilsun», deb xitob qilingan edi.

«Hurriyat» gazetasi, 1917-yil 5-dekabr.

Turkiston mehnatkashlari o'z milliy hukumati tuzili-shini qanchalik qo'Uab-quvvatlab, unga ishonch va umidlari ortib bormasin, biroq o'lkada o'rnashib olgan va asosiy boshqaruv jilovini qo'lda ushlab turgan Turkiston sovet hukumati va uning

joylardagi hokimiyat mahkamalari voqealarning bu tarzda rivojlanishiga izn bermay, muxtoriyat va uning tarafdorlarini yo'q qilish yo'lini butun choralar bilan o'tkazib bordi. 1917-yil 13-dekabrda Toshkentda muxtoriyatni yoqlab o'tkazilgan katta mitingning zo'rlik bilan tarqatib yuborilishi, bugina emas, unda sovet kuchlari otgan miltiq va pulemyotlar sadosi ostida ko'plab qurbonlar berilishi— bu Turkiston Muxtoriyatiga nisbatan uyushtirilgan dastlabki suiqasd edi.

Turkiston Muxtoriyati og'ir, mashaqqatli sinovlar jarayonini boshdan o'tkazayotgan bir kezda, ya'ni 1917-yil 25-dekabr kuni Qo'qonda o'lka musulmon ishchi, askar va dehqonlarining I favqulodda qurultoyi ish boshladi. Unda 200 ga yaqin vakillar ishtirok etdi. Qurultoy muxtoriyatni har tomonlama quvvatlash, unga moddiy va ma'naviy madad ko'rsatish shiori ostida o'tdi. Unda o'lkaning qonuniy hukumati tarkibini musulmon ishchi, askar va dehqon deputatlari qurultoyi vakillari hisobiga to'ldirish to'g'risida qaror qilindi. Qurultoy o'zining so'nggi ish kuni — 27-dekabrda Petrogradga, Xalq Komissarlari Soveti Raisiga telegramma yo'lladi. Unda Turkiston Muxtoriyatini e'tirof etish, uning to'laqonli faoliyat ko'rsatishiga izn berish so'ralgan edi. Xususan, telegrammada shunday deyilgandi:

«...Bugun Turkiston xalqi ikkala qurultoyda Turkiston Muxtoriyatini bir ovozdan e'lon qildi va Turkiston Ta'sis majlisiga o'lkani boshqarishning so'nggi shaklini ishlab chiqish taklif etildi... Saylangan Xalq Kengashida ruslar va yevropaliklar shahar va qishloqlar aholisining 2 foizini tashkil etsada, biz tomonimizdan 33 foiz o'rin ajratilgan... Turkiston musulmon ishchi, askar va dehqon deputatlarining birinchi favqulodda qurultoyida qabul etilgan qaror haqida ma'lumot berib, sizlardan. Toshkent Xalq Komissarlari Sovetiga hokimiyatni Turkiston Muvaqqat hukumatiga topshirish to'g'risida farmoyish berishingizni so'raymiz. Bu bilan siz Turkistonni juda katta falokatga olib keluvchi anarxiya va qo'sh hokimiyatchilikdan qutqargan bo'lardingiz».

Biroq, ming afsuski, butun bir o'lka xalqlarining xohish-irodasi, orzu-maqсадlarini ifodalab, nufuzli xalq qurultoyi tomonidan bolsheviklar va sovetlar yo'l boshchisi nomiga yo'Uangan bu telegramma talablari qondirilmadi. Buning aksicha, ochiq va yashirin tarzda foaliyat yuritayotgan Turkiston Muxtoriyatini tez orada tugatish haqida ko'rsatma berdilar.

Hukmron Markaz va uning Turkistondagi vakolatli saboqiari hukmdorlar olka xalqlarning xohish-intilishi samarasi sifatida tashkil topgan qonuniy muxtoriyat hokimiyatini zo'ravonlik bilan ag'darib tashlashga qasd qildilar. Bu razil, manfur maqsadni amalga osbirish uchun sovetlar hokimiyati tasarrufida bo'lgan hamma zarur narsa vositalar ishga solindi. Kerakli jangovar harbiy qismlar, qurol-anjomlar shunga yo'naltirildi.

Turkiston Muxtoriyati ko'plab ob'ektiv va sub'ektiv sabablar orqasida o'zini o'zi yetarli darajada himoya qilish imkoniyatiga ega bo'lolmadi. Buning boisi, avvalo, uning tarixan g'oyatda qisqa umr ko'rgani (u atigi 72 kun yashadi, xolos), shu sababdan ko'p narsalarni bajarishga ulgurolmaganligi bo'ldi. Qolaversa, muxtoriyatchilar orasida ko'pgina muhim hayotiy masalalarda birlik, hamjihatlik, jipslik mavjud emasdi. 1918-yil 18-fevral kuni «Sho'roi Ulamo» jamiyati tashabbusi bilan muxtoriyatda to'ntarish qilinib, Mustafo Cho'qay boshchiligidagi hukumatning ag'darilishi va hukumat boshqaruvi Qo'qon mirshablari boshlig'i Kichik Ergashga berilishi bunga guvohdir. Moddiy, harbiy, moliyaviy madad ko'rsata oladigan yetarli real kuchlar va imkoniyatlarning bo'lmaganligi ham bunga sabab bo'ldi.

Muxtoriyat tashqi vaziyat nuqtai nazaridan ham o'z qobig'iga o'ralib, tashqi olamdan ajralib qoldi. Uni har tomonlama quvvatlab, harbiy, moddiy va ma'naviy jihat-dan amaliy yordam ko'rsatuvchi biror-bir xorijiy davlat bilan bevosita aloqa o'rnatishga ulgurolmadi. Bu omillar Turkiston Muxtoriyati ahvolini tanglashtirib, uni pirovard oqibatda faoliyatsizlikka mahkum etdi.

Vaziyat sovet amaldorlariga qo'l kelib, ular bundan milliy muxtoriyat hukumatini har jihatdan iskanjaga olish, uni qanday qilib boisada mahv etish uchun usta-monlik bilan foydalandilar. Turkiston sovet hukumati 1918-yil 14-fevralda Farg'ona (viloyati hududida favqulodda harbiy holat joriy etdi. Uning Qo'qondagi mahalliy hokimiyati—ishchi va askar deputatlari soveti 17-fevralda muxtoriyat vakillarini taslim bo'lishga da'vat qildi. Ayni vaqtda Toshkentdan Perfilov boshchiligidagi qurollangan qizil qo'shin olib kelindi va ular darhol ishga solindi. Qo'qondagi millatchi arman dashnoqlari ham bu -g'ayriqonuniy bosqinga jalb qilindi. Ayniqsa 19—21-fevral kunlari Qo'qon xalqi ustiga balo-qazo yog'ildi.

Shahar o't ichida qolib, kunpaya-kun bo'ldi. Sovet hokimiyati Turkiston Muxtoriyati hukumatini shafqatsizlarcha tor-mor etdi.

Eng dahshatlisi shuki, bu beayov xunrezlik chog'ida hech bir aybi, gunohi bo'lmagan ming-minglab oddiy, bechora hol Qo'qon fuqarosi mislsiz jabr tortdi, bor-budidan mahrum bo'ldi, behisob qurbonlar berdi. Sovet hukumati quzg'unlari muxtoriyatchilarni yo'q qilish bahonasi bilan o'zlarining butun qahri-zahrini musulmon ahliga sochdi, undan o'ch oldi. Qo'qonda sovetlar sodir etgan qonli fojeani sovet davlati arboblardan biri D. Manjara ham keyinroq rostmanasiga e'tirof etgandi: «Milliy siyosatda yo'l qo'yilgan xatolarimiz tufayli Qo'qon Muxtoriyati vujudga keldi. Uni yo'qotish paytida yana bir xatoga yo'l qo'ydik. Qurol-yarog'i deyarli bo'lmagan muxtoriyatchilar joylashgan eski shaharni qamal qilish o'rniga, biz to'plardan o'qqa tutdik, keyin dashnoqlarning qurolli to'dalarini ishga soldik. Natijada talon-toroj, nomusga tegish, qirg'in boshlandi. Bundan muxtoriyatchilarga aloqasi bo'lmagan tinch aholi katta zarar ko'rdi».

Xuddi shuningdek, sovet Turkistoni organi — «Znamya svobodLi» («Ozodlik bayrog'i») gazetasi o'zi-ning 1918 yil yanvar oyi sonlaridan birida: «Rus bolshe-viklar hech qanday muxtoriyatni tan olmadi va mazlum xalqlar o'z huquqlari va taqdirlarini haqiqatdan o'zlari belgilamoqchi bo'lganlarida bunga yo'l qo'ymadi», deb yozgsm edi. Bu xil xolis fikrlarga izohning hojati bo'lmasa kerak.

Turkiston Muxtoriyati mag'lubiyatga uchrab, halokatga yuz tutgan bo'lsada, biroq u o'lka xalqlarining hayoti va tarixiy taqdirida o'chmas iz qoldirdi. Eng muhimi, u endigina mustaqillik sari yuz burgan, o'z erki, ozodligi va baxtini qurish yo'lida ilk qadamlar qo'ygan jafokash xalqning ko'zini ochdi, ongi, shuurini istiqloq nuri bilan yoritdi. Muxtoriyat tajribasi Turkiston xalqlarining milliy o'zligini anglashiga, do'stu dushmanning farqini chuqur bilib olishiga, mustaqillikka erishish jarayoni murakkab ziddiyatli kurashlar orqali shiddatli kechishiga, bu yo'lda murosayu madoralarga o'rin bo'lmasligiga, kerak bo'lganda beadam qurbonlar berishga to'g'ri kelishini tushinib yetishiga yordam berdi.

Muxtoriyat fojeasi ayni chog'da sovetlar hokimiyatining mazlum xalqlarning ularning huquqiy tengligi, o'z milliy davlatchiligini barpo etishga haqli-huquqliligi haqidagi shiorlarining butun firibu soxtakorligini afkor omma nigohida ochiq-ravshan

ko'rsatib berdi. Bu esa erk va ozodlikka intilib yashab kelgan turkistonliklar uchun katta hayotiy saboq bo'ldi.

Turkiston aholisi endilikda o'z erki, mustaqilligini bировlar, yot ajnabiy kuchlar, ularning «dohiylari» yordami bilan emas, balki faqat o'z kuchlari, o'z qadoq qo'llari bilan, o'z milliy rahnamolari yetakchiligida birgalikda kurashib, qo'lga kiritishlari mumkinligiga qafiy ishonch hosil qildi.

Savol va topshiriqlar

1. Bolsheviklarning Rossiyada siyosiy hokimiyatni qo'lga kiritishiga olib kelgan vaziyat haqida tushuncha bering.
2. Nima sababdan Turkistonning tub aholisi oktabr g'oyalarini qabul etmadi?
3. Sovetlar hokimiyatining Turkistonda o'z hukmronligini o'rnatishga qafiy qaror berganligining boisi nimada edi?
4. Turkiston o'lkasi hududida sovet hokimiyatining zo'rlik bilan o'rnatilganligi faktlari to'g'risida nimalarni bilasiz?
5. Turkistonda tuzilgan birinchi sovet hukumati tarkibiga sizning o'z munosabatingiz.
6. Turkiston Muxtoriyatini tashkil qilish g'oyasi qanday kelib chiqdi?
7. Turkiston Muxtoriyati qanday sharoitda va kimlar tomonidan tuzildi?
8. Siz Turkiston Muxtoriyatini demokratik davlatchilik namunasi sifatida tavsiflab bera olasizmi?
9. Turkiston Muxtoriyatini halokatga olib kelgan asosiy sabablarni ko'rsatib bera olasizmi?
10. Turkiston Muxtoriyati tajribasidan qanday zarur sa-boqlar chiqarish mumkin?

4-MAVZU: TURKISTONDA SOVETLAR BOSHQARUVI TIZIMINING MUSTAHKAMLANISHI

Reja:

- 1. Turkiston sovet Avtonom Respublikasining tuziishi.**
- 2. O'lkada bolsheviklar hukumronligining kuchayishi.**
- 3. Sovet hokimiyatining iqtisodiy siyosiy, uning oqibatlar.**



1. Turkiston sovet Avtonom Respublikasining tuziishi.

Sovet hojdmiyati mutasaddilari qanday qilib bo'lmasin Turkistonda chuqur ildiz otish mahalliy xalqlarni o'z izmlariga bo'ysundirish, asta-sekin ularning ishonchini qozonib, sovet qurilishi iarayoniga faol jalb qilish sari astoydil kirishdilar. Ular "Kelgusida mahalliy vatanparvar kuchlarning Turkiston Muxtoriyatiga o'xshagan xalq hokimiyati boshqaruvini yangidan qayta tiklashiga izn bermaslik uchun sovet hokimiyatchiligiga milliy, mahalliy shakl-shamoyil berishni o'z oldilariga maqsad qilib qo'ydilar. Bunga erishish uchun barcha usullaru, ta'sir ko'rsatish vositalari ishga solindi. Sovet hokimiyati, Turkistonda sovet avtonom respublikasini tuzish tashabbusiyu, uni bevosita tashkil qilish ishlari bilan shug'ullandi, Jumladan, sovet hukumatining favqulodda komissap P. A. Kobozev, RSFSR millatlar ishi komissarligi xodimlari X. Ibragimov, A. Sh. Klevleev singlarlar bu ishda bosh-qosh o'ldilar. Ular Markaz elchilari sifatida mafralliy sovet rahbarlari bilan yaqin hamkorlikda yerli aholi o'rtasida zo'r berib sovet hokimiyatini qo'llab-quvvatlash, uning milliy siyosatini izchil amalga oshirishga da'vat etib faol tushuntirishlar olib bordilar.

Turkistonda sovet avtonomiyasi (muxtoriyati)ni rasmiy tashkil qilish masalasi 1918-yilning 20-aprelidan 1-mayigacha Toshkentda bo'lib o'tgan o'lka sovetlarining V s'ezdida ko'rib chiqildi. Bolsheviklar fraksiyasi taklifi asosida s'ezd qabul qilgan «Turkiston sovet respublikasi to'g'risida qoidalar»da Turkistonning RSFSR tarkibiga kiruvchi avtonom sovet respublikasi ekanligi e'lon qilindi. Turkiston avtonom respublikasining hududiy chegaralari belgilandi. Uning oliy qonun chiqaruvchi organi sifatida ishchi, askarv dehqon va musulmon-dehqonlar sovetlari s'ezdi, doimiy faoliyat yurituvchi oliy qonun chiqaruvchi organi qilib esa

Markaziy Ijroiya Qo'mita belgilandi. o'lkani boshqaruvi, uning ijroiya funksiyalari Xalq Komissarlari Kengashi tasarrufiga berildi. Joylarda esa mahalliy sovetlar va ularning ijroiya qo'mitalari hokimiyat funksiyalarini bajarishlari kerakligi ta'kidlandi. O'lka s'ezdi Turkiston aholisining ko'p millatli tarkibini hisobga olib, hukumat qoshida milliy ishlar xalq komissarligini tashkil qildi. Joylarda uning bo'limlari tuzilib, ularning zimmasiga turli millat kishilari o'rtasida qizg'in tashkilotchilik va siyosiy ish olib borish, milliy manfaatlarni himoya qilish vazifasi yuklatildi.

Shunday qilib, Turkiston avtonom sovet respublikasi tuzilib, uning maqsad, vazifalari rasmiy hujjatlarda bel-gilangan bo'lsada, biroq amalda u mahalliy xalqlarning haqiqiy manfaatlariga emas, asosan hukmron tuzum va uning o'lkadagi ta'sirini kuchaytirishga xizmat qilardi. Negaki, bu muxtoriyat hukumati yerli aholining milliy qiziqishlari, haq-huquqlarini himoya qilishdan ko'ra sovet hokimiyatining ildizini mustahkamlashni, Turkistonda sovetlar hukmronligi ta'sirini kuchaytirishni ko'zda tutardi. Shuning uchun ham chuqur sinfiylik tamoyillariga asoslangan o'ziga xos davlat boshqaruvida hokimiyat funksiyalari butunlay sovetlar va ularning organlari ixtiyoriga berib qo'yilgan edi. Aslida bular tarkibi asosan yevropalik millatlar vakillaridan tashkil topgan ishchi, askar va dehqon deputatlari sovetlari bo'lib, usulmon-dehqon deputatlari sovetlari esa ularga bo'ysimuvchi maqomda e'tirof etilgan edi. Shuningdek, Turkiston avtonom sovet respublikasi tuzilishida bir tomonlama faqat hududiy tamoyillar hisobga olinib, o'lka xalqlarining milliy tamoyillari e'tirofi o'z ifodasini topmagan edi. Nihoyat, yana shu narsa taajjublanarliki; Turkistonning sovet respublikasi, deb e'lon qilinishi na yuridik va na siyosiy jihatdan hech bir demokratik mazmunga ega bo'lmay, u xalq xohish-irodasiga, uning qonuniy talablariga asoslanmagan edi. Loaqal buning uchun xalq roziligini sinashning ishonchli demokratik shakli—referendum singari tadbirlar ham o'tkazilmagandi. O'lka s'ezdida respublikaning hokimiyat organlari tuzildi. Turkiston respublikasi qonun chiqaruvchi organi Markaziy Ijroiya Qo'mitasining jami 36 a'zosidan atigi 9 nafari mahalliy millat kishilari edi. Uning raisi etib favqulodda vakolat egasi, bolshevik P. A. Kobozev saylandi. Shuningdek, bolshevik F. I. Kolesov bochiligida 16 kishidan iborat tuzilgan hukumat — XKS tarkibiga ham 3 nafar mahalliy millat vakillari kiritilgandi, xolos. Shu faktlarning o'zi ham

Turkiston sovet muxtoriyatining nima maqsadda va kimlarning tub manfaatlarini himoya qilishni ko'zlab tuzilganligidan yaqqol dalolat beradi.

Markaziy hokimiyat Turkiston avtonom respublikasi jilovini to'lig'icha qo'lga olish uchun o'lkadagi mavjud bolshevistik tashkilotlarni birlashtirib, ular negizida yagona kommunistik partiya tuzishga kirishdi. Markaz ko'rsatmasi bilan bu borada ham 1918-yilning birinchi yarmi davomida qizg'in ishlar olib borildi. Safida 2 ming nafar a'zosi bo'lgan o'lka bolsheviklari (kommunistlari)ning 1918-yil iyunida bo'lib o'tgan 1 s'ezdida (unda ishtirok etgan 46 delegat ichida atigi 6 nafari mahalliy millatlar vakillari bo'lgan) Turkiston Kompartiyasi tuzilganligi e'lon qilinadi.

TKPning tuzilishi bilan Turkistondagi sovet davlatchiligi yangi xususiyat kasb etib, uning bolshevistik partiya rahbarligiga qaramligi kuchayadi. Negaki, MIQ va XKS tarkibini tashkil etuvchilarning ko'pchiligi bolsheviklar partiyasi a'zolari bo'lib, uning ko'rsatma va intizom talabi bo'yicha ish yuritishga majbur edi. Qabul qiladigan qonunlarni va qarorlarni oldindan partiya Markaziy Qo'mitasiga taqdim etish va uning roziligini olishga majbur bo'lib qoladilar. Bu hol davlat qurilishining demokratik tamoyillariga mutlaqo zid kelardi.

Turkiston avtonom sovet davlatchiligini huquqiy jihatdan shakllantirish masalasida asosiy rol Moskva va uning bolshevik yo'lboshchilari qo'lida bo'ldi. Xususan, ularning ko'rsatmalari asosida o'lkaning davlatchilik maqomi va konstitutsiyaviy negizlari belgilandi. Jumladan, Turkiston ASSRning konstitutsiyaviy tuzilishi va huquqiy maqomini shakllantirish uchun RSFSRning 1918 yilda qabul qilingan birinchi Konstitutsiyasi to'la asos qilib olindi. o'lka xalqlari hayotiga oid bu «muhim masalalar»ni hal etish uchun 1918-yil oktabrida Turkiston o'lka sovetlarining V s'ezdi chaqirildi. Mazkur s'ezd Rossiya Federatsiyasining muhim hujjatlariga, xususan, uning Konstitutsiyasiga asoslanib, Turkiston avtonom respublikasining Konstitutsiyasini qabul qildi. U Turkistonni Rossiya Sovet Federativ Sotsialistik Respublikasining ajralmas, tarkibiy qismi bo'lib qolishini, o'lka xalqlarining barcha hayotiy masalalari uning mas'ulligida ekanligini qonunlashtirdi. Binobarin, o'lkaning moliyaviy, mudofaa, tashqi siyosat aloqalari, temir yo'llar, savdo, moliya va shu singari muhim hayotiy sohalari RSFSR hukumatini tasarrufida bo'lishi s'ezd hujjatlarida o'z ifodasini topdi. S'ezd tasdiqlagan Turkiston avtonom

respublikasi oliy hokimiyati — Turkiston MIQ, tarkibiga mahalliy millat nomzodlari ham (jami 75 kishi-dan 20 nafari) kiritildi.

Shunday qilib, «ulug'» millat namoyandalarining to'liq tashabbusi va homiyligida o'tgan va Turkiston xalqlarining tub manfaatlariga, taqdiriga oid «muhim oliy» hujjatlarai qabul qilgan o'lka sovetlarining V s'ezdi amalda sovet hokimiyatining bu hududdagi to'la hukmronligini qaror topdirishga xizmat qildi. Qabul qilingan Turkiston Konstitutsiyasi ham aniq ifodalangan sinfiy mazmunga ega bo'lib, unda o'lka xalqlarining ijtimoiy-siyosiy va madaniy hayotining milliy o'ziga xosligi, huquqiy himoyasi o'z aksini mutlaqo topmagan edi. Mazkur konstitutsiya talabi bo'yicha, «mehnatsiz daromad» hisobiga yashaydigan shaxslar, din peshvolari, rohiblar, xususiy savdogarlar, tijoratchilar, tadbirkorlar va hokazolar saylash va saylanish huquqidan butunlay mahrum etildi. Shu tarzda, qonun yo'li bilan Turkiston jamiyatining ko'pgina ijtimoiy tabaqalari va guruhlar davlatni boshqarishda qatnashish huquqidan chetlatilgan edi.



2. O'lkada bolsheviklar hukumronligining kuchayishi.

Turkiston Kompartiyasi va uning Markaziy Qo'mitasi tuzilganidan keyin uning o'lka hayoti jabhalarida yuz berayotgan voqealar, o'zgarishlarga ta'siri yanada kuchaydi. Buning ustiga bu partiyaning RKP(b)ning ajralmas, tarkibiy qismi sifatida tuzilishi, uning barcha rahbariy ko'rsatmalari, farmoyishlariga bo'ysungan holda faoliyat yuritishi Markaz yo'l boshchilariga Turkistondagi butun vaziyatni o'z qo'llari ostiga kiritish imkonini tug'dirdi. Turkistonda faoliyat ko'rsatayotgan mahalliy sovet hukumati garchand ikki partiya vakillari—bolsheviklar va so'l eserlardan tashkil topgan bo'lsada, biroq bu tartib ham uzoq davom etmadi. 1919-yil mart oyi boshlariga kelib, o'lka bolsheviklari siquvi ostida eserlar vakillarining mahalliy sovet hukumati tarkibidan mahrum etilganligi buning aniq-ravshan isboti bo'ldi. Buning ustiga sovet hokimiyatiga xavf solayotgan turli xil «aksil-inqilobiy» dushman kuchlar, oqimlar, yot unsurlarga qarshi kurash olib borish maqsadida Favqulodda organlar (ChK) yoxud Kambag'allar qo'mitasi singari tashkilotlarning tuzilishi ham bu jarayonga o'z salbiy ta'sirini ko'rsatmasdan qolmasdi. Chunki katta, cheklanmagan vakolatlarga ega bo'lgan bunday orgaillar o'z tezkor faoliyatini

yuritish, keskin jazo choralari qo'llashda sovet hokimiyati nomidan ish ko'rar, kerak bolsa hokimiyat organlari—sovetlarning ko'plab funksiyalari, vazifalarini ham birga qo'shib bajarardilar. Bu esa, tabiiyki, joylarda mahalliy ishchi, dehqon va askar deputatlari sovetlarining noroziligiga sabab bo'lardi. 1919-yil bahoriga kelib o'lkaning Andijon, Namangan, Marg'ilon singari hududlarida ko'p sonli musulmon mehnatkashlari sovetlari o'rniga joylar-da davlat hokimiyatining favqulodda organlari sifatida muvaqqat inqilobiy qo'mitalar tashkil etilib faoliyat yuritdilar. 1919-yil o'rtalariga kelganda bunday favqulodda ish yurituvchi organlar Turkistonning ko'plab shahar va qishloq joylarida ham tashkil topib bordi.

Bolsheviklarning o'lkaning mahalliy shart-sharoitlari, o'ziga xos xususiyatlarini, uning tub joy aholisining hayotiy manfaatlarini hisobga olmasdan yuritgan o'zboshimchalik va yakka hukmdorlik siyosati ularni oxir oqibatda mushkul ahvolga duchor etishi tayin edi. O'lksning ko'p sonli musulmon mehnatkashlarigina emas, balki bu yerdagi ko'plab muxolifatchi kuchlar, siyosiy doiralar ham kuchayib borayotgan bolsheviklar yakka hokimligiga qarshi bosh ko'tara boshladi. Buning yorqin ifodasi 1919-yil 19-yanvarda harbiy komissar K. Osipov tomonidan uyushtirilgan isyonda o'z aksini topdi. Bu harbiy isyon natijasida 14 nafar Turkiston komissarlari otib tashlandi. Ular boshchilik qilgan oika sovet hukumati ag'darildi. Biroq, sovetlarga sadoqatli kuchlar, mahalliy ishchi va askar deputatlari sovetlari, xususan, Toshkent temir yo'l korxonalari ishchilarining qurollangan otryadlari Osipov isyonini darhol bostirib, sovet hokimiyatini saqlab qoldilar. Ko'p o'tmay Turkistonning yuqori hokimiyat organlari qaytadan tashkil etilib, ular yangi rahbar kadrlar bilan to'ldirildi.

Turkiston muxtor respublikasining yangi rahbarlari 1919-yil yanvar isyoni saboqlaridan zarur xulosa chiqarib, mahalliy millat ziyolilari va kommunistlari vakillarini ham birin-ketin sovet organlari faoliyatiga tortish hamda ularning o'z mahalliy tashkilotlarini tashkil qilishlariga yo'l berishga majbur bo'ldilar. 1919-yil martida Turor Risqulov (1894—1938) raisligida o'lka musulmon kommunistlari byurosi (o'lka Musbyurosi) tashkil etildi, uning organi — «Ishtirokiyun» gazetasi tez orada nashr etila boshlandi. O'zbek tilida chiqadigan boshqa vaqtli matbuot nashrlari soni ham ortib bordi. Mahalliy xalq orasida katta obro' va nufuz qozongan, ko'p

yillik inqilobiy kurash tajribasiga ega bo'lgan T. Risqulov, N. To'raqulov, N. Xo'jayev, A. Rahimboyev, Q. Otaboyev, S. Tursunxo'jayev, S. Segizboyev, O. Bobojonov, A. Ikromov singari mahalliy kommunistlar, yurt rahnamolari partiya va sovet boshqaruvi ishlariga asta-sekin jalb qilib borildi. Ularning ko'plari qanday rahbariy lavozimlarda va murakkab sharoitlarda ish yuritmasinlar, o'z imkoniyatlari darajasida o'z xalqi, millati manfaatlarini ko'zlab, uning orzu, armonlarini ro'yobga chiqarish uchun doimiy kurashdilar. Masalan, Turor Risqulov 1920-yil yanvaridan to o'sha yilning iyuliga qadar Turkiston Respublikasi Markaziy Ijroiya Qo'mitasi raisi lavozimida ishlagan davrida Turkiston xalqlarining chinakam milliy manfaatlarini, ularning tub qiziqishlari, o'ziga xoslik jihatlariga to'la-to'kis javob berolmaydigan, faqat umumiy hududiy, sinfiy manfaatlardan nari o'tmaydigan avtonom respublika o'rniga «Turk respublikasi» tuzumi g'oyasini amalga oshirish uchun sobitqadamlik bilan kurashdi. Chunki bu g'oya negizida Turkistondagi azaliy qardosh va jondosh xalqlarning umumiy, mushtarak maqsad-intilishlari mujassamlashgan edi. Mazkur masalada bu fidoyi inson Moskvaga qadar borib, u yerdagi Markaz rahbarlari bilan uchrashib, o'z maqsad yo'lini adolatli hal etishga intildi.

Bunga erisholmagach, oxiri o'z vazifasidan iste'fo berishga majbur bo'lgan. Uning o'rniga Turk MIQ raisligi lavozimini egallagan boshqa taniqli mahalliy rahbarlardan yana biri Abdulla Rahimboyevning faoliyati ham keyinroq shunday natijasiz yakun topganligi ayondir. Buning asosiy sababi, avvalo, bu o'lkaning butun tasarrufi, taqdir-qismati mahalliy millat kishilari orasidan yetishib chiqqan yetuk milliy arboblarga emas, balki hukmron Markaz va uning Turkistonda katta vakolatlar bilan ish yuritayotgan xos namoyandalariga ko'p jihatdan bog'liq edi. Bunda ayniqsa sovet hukumati va RKP(b) MQ nomidan cheklanmagan favqulodda vakolatlar bilan 1919-yil oktabrida Turkistonga yuborilgan «nufuzli» Turk-komissiyaning o'rne va roli alohidadir. Turkkomissiyaning butun faoliyati o'lkada sovet va partiya qurilishi ishlarini jadal sur'atlar bilan olib borish, barcha kuch, vositalar, imkoniyatlarni shu asosiy maqsadga qaratish, yangi tuzum asoslarini chuqur ildiz otirish sari yo'naltirildi. Shuningdek, Turkkomissiya mutasaddilari o'z faoliyatlarida nafaqat Turkiston o'lkasining ichki hayotiy masalalari va muammolari bilangina cheklanib qolmasdan, balki, shuningdek, ular bu yerdagi qo'shni davlatlar

bilan ham har turli sohalarda tashqi aloqalar bog'lash, muhim davlat shartnomalari va kelishuvlari tuzish huquqlariga ham ega edilar. Eng ajablanarlisi shuki, o'lkadagi partiya va hokimiyat funksiyalarini o'z tasarrufiga to'liq kiritib olgan Turkkomissiya a'zolari (V. Boki, F. Goloshchekin, V. Kuybishev, Ya. Rudzutak, M. Frunze, Sh.Eliava)ning butun qahri-zahri bu hududda sovet tuzumiga qarshi yo'nalgan harakatlarini barham toptirish edi. Ular «Turk Respublikasi», «Turk Kompartiyasi» g'oyasini amalga oshirishga intilgan TRisqulov, A. To'raqulov, Q. Otaboyev singari mahalliy aholi vakillariga zulm o'tkazish, jazolash, ularni yo'q qilish yo'lini tutdilar. o'lka hayotida kechayotgan barcha ijtimoiy-siyosiy, iqtisodiy va madaniy jarayonlar bilan bog'liq eng asosiy masalalarning birortasi ham ularning izmisiz, ishtirokisiz hal etilmas edi. Xullas, Turkkomissiya siymosida o'lka hayotida zo'rlik bilan qaror toptirib borilayotgan bolsheviklar diktaturasining butun bo'y-basti va mazmun-mundarijasi mujassamlashgan edi.



3. Sovet hokimiyatining iqtisodiy siyosiy, uning oqibatlari.

Bolsheviklar butun Rossiyada bo'lgani singari Turkistonda ham hamma narsani, jumladan, mulk turlarini, ishlab chiqarish tarmoqlarini umumlashtirish va mil-liylashtirish vazifalarini hal etishni bosh maqsad qilib qo'ydilar. Bu narsa ular avvaldan e'lon qilgan ko'plab dasturiy hujjatlar, balandparvoz shiorlarda ham o'z ifodasini topgan edi. Shuning uchun ham Turkistonda o'matilgan sovet hokimiyati va uning barcha vakolatli organlari zimmasiga qanday qilib bo'lmasin, bu «tarixiy missiya»ni hayotga izchil tatbiq etish vazifasi yuklangan edi. Turkistonda bunga yetarli shart-sharoit bormi yoki yo'qmi, uning yerli xalqlarining xohish-irodasi, istak intilishi qanday—bular aslo hisobga olinmagan edi. Buning ustiga 1917—1918-yillarga kelib o'lkadagi ijtimoiy-iqtisodiy ahvol shu qadar og'irlashib, murakkab tus olib borayotgan ediki, bundan ayniqsa mahalliy aholi benihoya aziyat chekayotgandi. Xususan, Birinchi jahon urushining mislsiz og'ir asoratlari, sovet hokimiyatini o'rnatish chog'ida xalqqa qilingan zulm va bedodliklar o'lka hayotini chuqur tanglik va tanazzullikka duchor etgandi. o'lka sanoat ishlab chiqarishining izdan chiqishi, transport taqchilligi, ekin maydonlarining payxon bo'lishi, paxta yetishtirishning qisqarishi iqtisodiy sohani rosmenasiga halokat yoqasiga olib borib qo'yayotgandi.

Mana shunday qaltis vaziyatda sovet hokimiyatining iqtisodiy sohada ko'rgan shoshilinch chora-tadbirlari o'lka hayotini sog'lomlashtirish, oyoqqa turg'izishga emas, balki uping yanada keskinlashib borishiga ta'sir ko'rsatdi. Gap shundaki, bolsheviklar rejimi avval boshdan xususiy mulkni yo'qotishga, xo'jalik hayotining barcha sohalarida ijtimoiy-davlat mulkchiligini avj oldirishga, xo'jalik tarmoqlarini qafiy markazlashtirishga yo'l tutdi. Iqtisodiy sohani boshqarishni esa iqtisodiy usullar, uslublar bilan emas, balki ma'muriy-buyruqbozlik usullari bilan olib borishga e'tibor berildi. Markaz tomonidan ishlab chiqilgan va barcha hududlar uchun bir xil universal tarzda qo'llanishga qaratilgan iqtisodiy sohadagi tadbirlar Turkistonda ham to'la hajm-da amalga oshirilib borildi. Bunda ularning o'lka xalqlari hayoti uchun qanday oqibatlar olib kelishi mumkinligi mutlaqo hisobga olinmadi. 1917-yil kuzidan o'lkadagi mayjud ishlab chiqarish ustidan qafiy ishchi nazorati o'rnatila boshlandi. Ayni chog'da Turkiston sanoatining butun-butun tarmoqlarini milliylashtirish boshlandi. 1918-yilning dastlabki oylarida bu yerdagi sanoatning yetakchi tarmoqlari — paxta tozalash, yog'-moy zavod-lari, bosmaxonalar, banklar, temir yo'llar, ko'mir va neft konlari va shu singarilar milliylashtirilib, davlat tasarrufiga olindi. Ularning soni 330 ga yetardi.

Shuningdek, yer to'g'risidagi dekret asosida yer mulklarini musodara qilish va so'ngra milliylashtirish jarayonining o'tkazilishi ham joylarda keskin noroziliklarning kelib chiqishiga bois bo'ldi. Asrlar davomida xususiy tarzda xo'jalilc yuritib kelgan mahalliy aholi sovetlarning bu tadbirlarini xayrixohlik bilan qabul qila olmadi. Ayniqsa sovet hokimiyatiga qarshi Turkistonda boshlanib ketgan qurolli harakatning kuchayishi o'lka bolsheviklari hokimiyatini tang ahvolga solib qo'ydi.

Markaz hukumati ishlab chiqqan hamda tarixga «harbiy kommunizm» nomi bilan kirgan siyosatni Turkistonda keng ko'lamda qo'llashga kirishildi. Bu siyosatning asosiy yo'nalishi hamma narsani, har qan-day kattayu kichik mulklar va korxonalarni, ishlab chiqarish tarmoqlarini umumlashtirish, xalq xo'jaligini boshqarishni esa qattiq markazlashtirgan holda tashkil etishdan iborat edi. Aslida bu siyosat ocharchilik azobidan qiynalayotgan aholini emas, balki «sotsialistik inqilob» va yangi tuzumni frontlarda himoya qilayotgan qizil askarlarni va shuningdek sovet hokimiyatining asosiy ijtimoiy tayanchi bo'lib qolgan ishchilar sinfmi oziq-ovqat

mahsulotlari bilan ta'minlashni maqsad qilib qo'ygan edi.

1920-yil oxirlariga kelib Turkistonda 1075 ta sanoat korxonasi (ularning ko'plari mayda korxonalar edi) zo'rlik yo'li bilan milliylashtirildi. Natijada, davlat korxonalari barcha ishchilarning 90 foizini va o'lka sanoatida band bo'lgan mexanik dvigatellarning 80 foizini qamrab oldi. Yalpi sanoat mahsulotining deyarli 3/4 qismi davlat sektori ulushiga to'g'ri kelardi. O'lka ishlab chiqarishining o'ziga xos muhim an'anaviy tarmog'i boigan hunarmandchilik va uning turlari ham ma'muriy usullar bilan birlashtirilib, hunarmandchilik artellariga aylantirildi.

1920-yil oxirlariga kelganda Turkistonda 800 taga yaqin shunday hunarmandchilik artellari faoliyat yuritdi, ular asosan turli davlat va harbiy tashkilotlarning buyurtmalarini bajarardilar.

Bolsheviklarning «harbiy kommunizm» siyosatining muhim tarkibiy qismi sifatida umumiy mehnat majburiyatining joriy etilishi ham o'lka xalqlari uchun kutilmagan favqulodda hodisa bo'ldi. Shu asosda 16 yoshdan 55 yoshgacha bo'lgan erkak va ayollarning majburiy mehnat jarayoniga jalb qilinishi shu davrga qadar ijtimoiy soha yuzini ko'rmagan mahalliy millat xotin-qizlari uchun ham to'la taalluqli edi. Shu boisdan bu tadbir keng aholi ijtimoiy qatlamlarining keskin noroziligi va nafratining kuchayishiga sabab bo'ldi. Biroq sovet hokimiyati bu siyosat izmidan chekinmay, omma noroziligini pisand etmay, qafiyat bilan o'z g'arazli maqsadlarini amalga oshirishda davom etdi. U umumiy mehnat majburiyatini asos qilib, qanchalab ishchi kuch-larini bir hududdan boshqa hududlarga ko'chirdi, ko'plab oilalarni bir-biridan judo qildi, ularni og'ir mod-diy sharoitga duchor etdi. Mahalliy taniqli rahbarlardan Nazir To'raqulov o'zining 1921-yilda so'zlagan ma'ruzalaridan birida sovetlarning bu siyosatining asl mohiyatini shunday ta'riflab bergandi: «Mehnat safar-barligini shunday o'tkazishdiki, mehnatga-yaroqli shahar aholisining yarmi... qishloqlarga qochib ketdi... Ahvol shu darajaga yetdiki, mehnat safarbarligi uchun zarur miqdorda odam to'plash uchun masjidlarda va boshqa joylarda odamlar qurshab, tutib olindi». Bu fikrlarga hech bir izohning hojati bo'lmasa kerak.

Bolsheviklarning o'lkada yuritgan «harbiy komu-nizm» siyosati ayniqsa mahalliy aholining tinkasini quritdi, ochlik va qahatchilikning kuchayishiga sabab bo'ldi. 1918-yil oxiriga kelib 1 mln. dan ziyod aholi ocharchilik balosiga duchor

bo'ldi. 1919-yil boshlaridan joriy etila boshlagan oziq-ovqat razvyorstkasi va u bilan bog'liq bo'lgan tadbirlar majmuasi Turkiston aholisini, ayniqsa uning qishloq mehnatkashlarini benihoya og'ir ahvolga solib qo'ydi. Negaki, razvyorstka sovet hokimi-yati organlariga aholi qo'lidagi jami ortiqcha oziq-ovqat mahsulotlarini zo'rlik bilan tortib olish, g'alla bilan oldi-sotdi qilishni taqiqlash, bozor savdosini yopib qo'yishga qadar keskin choralar ko'rishga imkon berardi. Sovetlarning bunday chegara bilmas oziq-ovqat siyosati ko'plab mahalliy aholining bor-budidan mahrum bo'lib, tag'inda qashshoqlashib borishiga sabab bo'ldi. Turor Risqulov, Nizomiddin Xo'jayev, Munavvar Qori singari mahalliy rahbarlarning o'sha kezlarda bu siyosatni keskin qoralab, xalq manfaatlarini himoya qilib chiqqanligi boisi ham shundandir. Jumladan, N. Xo'jayev 1920-yil oxirida TurkMIQ majlisida qilgan ma'ruzasida yozadi: «Qishloq aholisi turli-tuman o't-o'lanlar bilan ovqat-lanadi, shu tufayli o'lish hollari yuz bermoqda, o'lim, ayniqsa, bolalar orasida ko'p». Ma'ruzada keltirilishicha, Farg'ona viloyatida aholining 35—40% i, shu jumladan, Marg'ilon uezdida — 60% i, Qo'qon uezdida — 50 % i ochlikka duchor bo'lgan va hokazo. Bunday xunuk, ayanchli manzara o'lkaning boshqa ko'plab hududlarida ham har qadamda ko'zga tashlanib turardi.

Shunday qilib, sovetlarning Turkistonda yuritgan qat-tiqqo'l iqtisodiy siyosati oika hayotini izdan chiqarib, millionlab shahar va qishloq ahlining an'anaviy turmush tarzi negizlarini qaqshatib, uni mislsiz moddiy qiyinchi-liklarga mahkum etdi. Buning orqasida mahalliy aholi o'rtasida sovet tuzumi va uning zo'ravonlik siyosatiga qarshi jiddiy norozilik, darg'azablik holatlari to'xtovsiz kuchayib bordi. Har qanday ijtimoiy tuzum maktab-maorif, ilm-fan va shu kabi muhimsoha vazifalarini hal etmasdan istiqbol sari ko'z tikolmasligi ayondir. Shu bois sovet hokimiyati mutasaddilari ham bu masalalarga ahamiyat berar ekan-lar, avvalo, ularni o'z sinfiy manfaatlaridan kelib chiqib hal etishga intildilar. Ayniqsa yangi tuzum xalq talimi tizimini o'z sotsialistik maqsad va g'oyalari ruhida shakl-lantirishga alohida urg'u berdi. 1918-yil noyabrida Turkiston sovet hukumatining cherkovni davlatdan va maktabni cherkovdan ajratish to'g'risidagi dekreti chiq-di. Unga ko'ra o'lkadagi mavjud xususiy, eski diniy maktablar faoliyati taqiqlanmagan bo'lsada, biroq yangi sovet maktablarini tashkil qilish, ularni ko'paytira va kengaytira borish, ta'limning

siniy mohiyatiga e'tibor tobora ustuvor ahamiyat kasb etib bordi. Maktab ikki pog'onaga bo'lindi: 1-pog'ona bilim yurtlari dastlabki uch sinfni o'z ichiga olardi va 2-pog'ona yana 4 sinfdan iborat edi. o'rta maktab ham mavjud bo'lib, keyingi uch sinfni o'z ichiga olardi. Biroq bunday maktablar juda oz edi. Ko'proq 1-pog'ona maktablari eng ko'p tashkil etilgan edi.

Shu bilan birlikda maktablarning moddiy bazasi nochor ahvolda bo'lgan. Ularda o'quv qurollari, das-turlar, qo'llanmalar va darsliklar, yetuk bilimli o'qituvchi kadrlar yetishmasdi. Turkiston xalq ta'limi bo'limi mudirlarining 1920-yil mayida bo'lib o'tgan 1-qurultoyi-da ham bular aniq e'tirof etilgandi. Hokimiyat mutasaddilarining o'qituvchilarni turli yumushlarga, jumladan, harbiy harakatlarga tez-tez safarbar etishi ham ular sonining kamayib borishiga sabab bo'layotgandi. Buning orqasida ko'plab maktablarda o'qituvchilar tarkibi 75% va undan ham ko'proqqa qisqarib ketdi. Buning ustiga jiddiy moddiy ta'minotning yo'qligidan xo'jako'rsinga tashkil etilgan maktablar mahalliy bolalarni o'z bag'riga jalb qila olmadi. Masalan, o'lka bo'yicha maktab yoshidagi bolalarning 70% dan ko'pi maktabga tortilmay qoldi. Hatto poytaxt Toshkentda, uning eski shahar qismida maktab yoshidagi 40 ming boladan faqat 10 ming nafari, ya'ni 25% i o'qirdi, xolos.

Shunga qaramay, millatimiz fidoyilari xalq ta'limi tizimini yaxshilash, mahalliy aholi farzandlarini yangi sovet maktablariga ko'proq jalb qilish, ularga puxta bilim va tarbiya berish borasida astoydil faoliyat ko'rsatdilar. Bu o'rinda O. Sharafiddinov, J. Odilov, T. Sher-muhammedov, S. Sodiqov, K.Dadamuhammedov, Qori Niyoziy singari taniqli xalq ta'limi namoyandalari nom-larini tiJga olib o'tish joizdir.

Bu davrda Turkistonda oliy ta'lim tizimini tashkil etish ham g'oyatda muhim ahamiyat kasb etardi. Ko'plab Vatan fidoyilari sovet hokimiyati organlari bilan murosayu madoraga borib bo'lsa ham yurt kelajagi, istiqbolini o'ylab, bu hududda oliy o'quv yurtini yuzaga keltirishga bel bog'ladilar. 1918-yil 21-aprelda Toshkentda ochilgan Turkiston xalq universiteti bu harakatlarning natijasi bo'ldi. Universitet tarkibida tabiiy-matematika, tarix-filologiya, qishloq xo'jaligi va texnika fakultetlari mavjud edi. 1920-yilga kelib unda ta'lim oluvchilarning 60 % ini mahalliy yoshlar tashkil etardi. Universitetning ta'lim-tarbiya jarayonida Munavvar Qori, Ahmad

Fayziy, Burhon Habib, Ibrohim Tohiriy, Usmon Xo'jayev, Hodi Fayziy singari yurt allo-malari fidoyilik ko'rsatdilar.

1918-yil noyabridan boshlab Toshkentda yana bir oliygoh — Sharq instituti faoliyat boshladi. Institutga dastlab 234 nafar talaba, shu jumladan, anchagina mahalliy millatlar yoshlari qabul qilinib, ular Sharq dun-yosi tarixi, falsafasi, jug'rofiyasi, madaniyati, adabiyoti, san'ati sohalari bo'yicha yetuk mutaxassis kadrlar bo'lib yetishishlari ko'zda tutilgan edi.

O'lkaning shu davrdagi adabiy-madaniy hayotiga nazar tashlar ekanmiz, bunda XX asr boshlaridan e'tiboran shakllanib, faol-lashib borgan ilg'or mahalliy nashrlarning xalq dardi, j orzu-armonlarini ifodalab ! faoliyat yuritganligi ko'zga I yaqqol namoyon bo'ladi. Turkistonning ilg'or jadid namoyandalaridan Munavvar Qori, Fitrat, Cho'lpon, Abdulla Avloniy, Sadriddin Ayniy, Validiylarning atbaachilik faoliyati bundan : yorqin dalolat beradi, o'lka-dagi bolsheviklar hokimiyati matbuotning ta'sirchan g'oyaviy kuchini o'z ta'sirlariga olish, uni o'z maqsadlari sari yo'naltirish uchun alohida intildilar. Shu bois 1918—1920-yillarda o'lkada bolshevikcha ruhdagi ko'plab gazeta va jurnallar nashr etildi. Bular jumlasiga O'zbek tilida chiqa boshlagan «Ishtirokiyun», «Xalq dorilfununi» (Toshkent), «Ishchilar qalqoni» (Namangan), «Xalq gazetasi» (Qo'qon), «Mehnatkashlar tovushi» (Samarqand) singari matbuot nashrlarini nisbat berish mumkin.



Jadidlarning yetakchi
arboblaridan biri
Munavvar Qori
Abdurashidov.

Milliy vatanparvar ziyolilar bolshevistik g'oya va mafkuraning har qanday tazyiqi va to'sqinligiga qara-may, o'z asarlarida xalq dili, ruhiyati, kayfiyati va uning intilishlarini ifoda etdilar. Cho'lpon, Fitrat, Tavallo, Karimbek Kamiy, M. Siddiqiy ijodiyotida buni yaqqol kuzatish mumkin. Shuningdek, 1919-yilda Fitrat tomonidan tuzilgan «Chig'atoy gurungi» tashkiloti va uning tevaragiga uyushgan ilg'or ziyolilar ham milliy bir-lik va mustaqillik g'oyasiga sodiq bo'lgan holda qizg'in faoliyat yuritdilar. O'zbek ziyolilari va ijodkorlari qiyin va murakkab sharoitlarda ham o'z ijodlariga yo'l topib, xalqchil asarlar yaratib, yorqin iste'dodlarini namoyon etib bordilar. Mashhur shoir va dramaturg Hamza

Hakimzodaning 1918-yilda Farg'onada tuzgan «O'lka musulmon siyosiy drama truppasi», atoqli aktyor va rejissyor Mannon Uyg'urning Toshkentda tashkil qilgan «Turon» truppasi kurtak yozib borayotgan O'zbek milliy sarratining ilk namunalari bo'ldi. Xususan, bu truppalarga uyushgan Muhiddin Qori Yoqubov, Hoji Siddiq Islomov, Tamaraxonim, Abror Hidoyatov, Obid Jalilov, Sayfi Olimov va boshqalar keyinchalik milliy teatr san'a-tim�ning yetuk darg'alari bo'lib yetishdilar.

Shunday qilib, sovetlar hokimiyatining Turkistonda o'z hukmronligini kuchaytirish, o'lka hayotintng barcha sohalarini o'z izmiga bo'ysundirish yo'lida yuritgan qattiqqo'l siyosati, ko'rgan murosasiz chora-tadbirlariga qaramay, yurtning dovyurak, o'z istiqloli va kelajagiga ishongan iste'dodli odamlari o'z millatini ma'nan va ruhan ko'tarib, madaniy va ma'naviy sohalarda ham muayyan o'zgarishlarni amalga oshirib bordilar.

Savol va topshiriqlar

1. Turkistonda sovet avtonomiyasini tuzishdan ko'zda tutilgan maqsad nima edi?
2. Turkiston sovet avtonomiyasi mazmunan va mohiyatan nega mahalliy aholining tub manfaatlariga javob berolmasdi?
3. Turkiston ASSR konstitutsiyasining cheklanganlik va sinfiylik mohiyati to'g'risida so'zlab bering.
4. Turkiston Kompartiyasini tuzish zaruriyati qanday sabablar bilan bog'liq edi?
5. o'lka hayotida bolsheviklarning zo'ravonligi nimalarda namoyon bo'ldi?
6. Turkkomissiya faoliyati haqida nimalar deya olasiz?
7. o'lkaning ayrim mitlatparvar, yurtparvar rahnamoiari haqida o'z fikr-mulohazalaringiz.
8. «Harbiy kommunizm» siyosatiga munosabatingizni bayon eting.
9. Bolshevik rahbarlarning Turkistonda yuritgan qattiqqo'l iqtisodiy siyosatining chuqur sinfiylik mohiyati nimada edi?
10. Sovet hokimiyati iqtisodiy siyosatining mahalliy aholi ahvolini nochor va tanglikka duchor etganligining boisi nima-da?

11. Sovet hokimiyatining dastlabki yillarida xalq ta'limi tizimida qanday o'zgarishlar yuz berdi?

12. Turkistonda oliy ta'lim tizimi shakllanishi jarayoniga sizning munosabatingiz.

13. o'lkaning adabiy-madaniy hayotida kechgan dastlabki o'zgarish jarayonlari to'g'risida qanday fikrdasiz?

5-MAVZU: TURKISTONDA SOVET HOKIMIYATIGA QARSHI HARAKAT.

Reja:

1. Sovet hokimiyatiga qarshi harakatning yuzaga kelishi.
2. Farg'ona vodiysida qarshilik ko'rsatish harakati.
3. Sovet hokimiyatiga qarshi harakatning mag'lubiyati sabablari, saboqlari.



1. Sovet hokimiyatiga qarshi harakatning yuzaga kelishi.

Turkistonning yaqin o'tmishi tarixida yorqin sahifa yozgan hamda xiyla uzoq davom etgan, qonli, fojeali voqealarga to'lib-toshgan sovet hokimiyatiga qarshi harakat ko'p zamonlar noxolis, g'ayriilmiy nuqtai nazardan yoritilib kelindi. o'z safiga erk va hurlikka tashna, vatan mustaqilligi yo'lga jonini tikkan millioniab yurt fidoyi-larini birlashtirgan bu qudratli harakatning mazmun-mohiyatini kelgindi, qizil sovet mustamlakachilari mut-tasil buzib, noto'g'ri talqin qilib, soxtalashtirib keldilar. Uni sho'rolar terminida «bosmachilik harakati», «aksil-inqilobiy kuchlar bosqini», «bir to'da yurt buzg'unchilari harakati» va shu singari nomlarda «ta'riflab», «tavsiflab» kelish sovet tarixshunosligida o'ziga xos odatiy tusga kirgandi. Biroq xalqimizda «oyni etak bilan yopib bo'lmaydi» deyilganidek, ajdodlarimizning elu yurt erki, ozodli-gi uchun olib borgan bu mardona kurashi to'g'risidagi tarixiy haqiqat milliy istiqlol sharofati bilan to'liq tik-lanib, o'z haqqoniy, xolis bahosini topdi. Bu harakat sovetlar mafkurasi to'qib chiqargan shunchaki «bosmachilik» harakati emas, balki sovet hokimiyatining g'ayri tabiiy siyosati va zo'ravonlikka asoslangan amaliyotga qarshilik ko'rsatish harakatidir.

Xo'sh, bu harakatning Turkiston zaminida yuzaga kqiishining muhim ijtimoiy omillari, sabablari nimalar-dan iborat edi? Nega 1918-yil bahoridan Farg'ona vodiysida boshlangan bu qurolli harakat asta-sekin alan-ga olib, Turkistonning keng hududlari bo'ylab yoyildi? «Bu harakat mohiyatiga shu nuqtai nazardan yon-dashar ekanmiz, uni bir qator muhim sabablar keltirib chiqarganligiga amin bo'lamiz: Birinchidan, xalqimiz 1917-yilda sodir etilgan fevral va oktabr o'zgarishlariga katta umidvorlik bilan ko'z tikkandilar. Ular ilg'or jadid-chilik harakati rahnamoligida Rossiyada rivojlanib borayotgan demokratik harakatlardan foydalanib, erk, ozodlikni

qo'lga kiritmoqchi, o'lka xalqlarifli mustaqil-likka olib chiqmoqchi bo'lgandilar. Biroq sovet hokimiyati o'rnatilgach, mahalliy xalqlarni sariq chaqaga arzitmasdan, ularni siyosiy faoliyatdan oshkora chetlatib zo'ravonlikni avjga mindirish yaqqol ko'zga tashlandi. Ikkinchidan, mahalliy xalqqa butunlay yot kommunistik mafkurani bayroq qilib olgan sovet zulmkorlari aholining milliy qadriyatlari, udumlari, diniy e'tiqodini tahqirlash, kamsitish, masjid, madrasalar, ziyoratgoh joylarni oyoq-osti qilish, noyob ma'naviy bisotlarni talash, dindorlarni ta'qibu quvg'mjstiga olish kabi nomaqbul ishlar bilan shug'ullandilaf. Uchinchidan, o'lka xalqlarining xohish-irodasi ifodasi sifatida vujudga kelib, ularning milliy manfaatlari yo'lida ilk qadamlar qo'yib borayotgan Turkiston Muxtoriyatining qonga belanishi, yurt farzandlarining qirg'in qilinishi, Qo'qon shahri va uning atrofidagi qishloqlar begunoh aholisining ayovsiz talon-toroj qilinishi va fojeaga giriftor etilishi mahalliy xalq sabr-kosasini limmo-lim etib yuborgan edi.

O'z otameros zaminida o'z milliy davlatchiligini barpo etib, boshqa millatlardek emin-erkin yashashga bel bog'lagan, yurt jilovini qo'lga olishga intilgan xalqqa, uning vatanparvar rahnamolariga nisbatan sovet tuzumi uyushtirgan bunday g'ayriqonuniy qirg'inbarotlar butun Turkistonni oyoqqa turg'izdi. Dilda toptalgan vatan, xalq dardi, armoni jo'sh urgan yuz minglab kishilarning qo'lda qurol bilan sovetlar zo'ravonligiga qarsbi kurashi mana shu zaylda boshlanib ketdi.



2. Farg'ona vodiysida qarshilik ko'rsatish harakati.

O'lkada boshlangan qarshilik ko'rsatish harakatining eng dastlabki qaynoq markazlaridan biri Farg'ona vodiysi bo'ldi. Bu harakatga xalq g'am-alamiga hamdard va sherik bo'lgan Kichik va Katta Ergashlar, Madaminbek, Shermuhammadbek, Xolxo'ja Eshon, Omon Polvon, Rahmonqul, To'ychi, Aliyor qo'rboshilar yetakchilik qildilar. 1918-yil bahori-dan vodiyning turli joylarida 40 dan ziyod qo'rboshi dastalari faoliyat ko'rsata boshladi., Jumladan, Madaminbek Skobelev (Farg'ona) uezdida, Sher-muhammadbek Marg'ilon atroflarida, Otnon Polvon, Rahmonqul Namangan uezdida, Parpi qo'rboshi Andijon atrofida, Kichik va Katta Ergashlar Qo'qon atrofida, Jonibek qozi o'zgan tomonda, Muhiddinbek Novqatda harakat qilmoqda edilar. Kichik Ergash qizillar qo'shini bilan bo'lgan jangu jadalda halok

bo'lganidan so'ng (1918-yil fevral) Qo'qon uezdi tevaragidagi harakatga Katta (mulla) Ergash boshchilik qila boshladi. U o'zining faol harakati bilan tez orada butun vodiydagi ozodlik kurashining tanilgan yetakchisi-ga aylandi. 1918-yil kuziga kelib uning qo'l ostida har birida 20 tadan 1800 nafargacha yigiti bo'lgan 70 ta qo'rboshi dastalari harakat qilayotgandi. Ulardagi jangchilarning umumiy soni 15 mingga, ba'zi ma'lumot-larga ko'ra 20 mingdan to 24 mingtaga yetardi. Xuddi shu davrda Madaminbekning 5 ming, Shermuhammad-bekning 6 ming, Xolxo'janing 3 mingdan ziyod, Parpi qo'rboshining 3,6 ming, Jonibekning 5,7 ming, Muhiddinbekning 4,5 ming jangovar yigitlari ozodlik kurashiga otlangan edilar. Bu raqamlar sovet hokimiyatiga qarshi kurashning ommaviy tus olib borayotganidan dalolat beradi. Bu harakatlarni birlashtirish, muvofiqlashtirish zarur edi. Shu bois bu jangu jadal davrlarda qo'rboshi-larning bir necha bor qurultoylari chaqirilib, ularda muhim hayotiy masalalar hal etilgani bejiz emasdir. Dastlabki shunday qurultoy 1918-yil martida Qo'qon uezdining Bachqir qishlog'ida o'tkazildi. Unda Katta Ergash butun Farg'ona vodiysidagi harakatining rahbari etib saylandi. Unga musulmon qo'shinlarining bosh qo'mondoni — «Amir al-Muslimin» unvoni beriladi. Madaminbek va Shermuhammadbek esa uning o'rin-bosarlari etib saylanadilar. Biroq bu harakat ko'lamining o'sib, kengayib borishi, uning saflariga yangi ijtimoiy qatlamlar, tabaqalar vakillarining qo'shilishi, tabiiy suratda uning oldiga ulkan mas'ul vazifalarni, yangi muammolarni keltirib chiqara bordi. Ularni hal etish esa kurash rahnamalaridan katta matonat, kuchli iroda, yuksak harbiy mahorat, tashkilotchilik qobiliyati va uzoqni ko'ra bilishlik salohiyatini namoyon qilishni taqozo etardi.

Farg'ona qo'rboshilari ichida Madaminbek Ahmadbek o'g'ligina mana shunday noyob fazilatlar sohibi ekanligi bilan ajralib turardi. Navqiron yoshda bo'lishiga qaramasdan katta hayot va kurash tajribasi boy, yurt kezgan, yuksak harbiy sarkardalik iste'dodiga ega Madaminbek (1892—1920) tez orada vodiylar kurashchilari sardoriga aylanadi. Sovetlarning rasmiy hujjatlaridan birida ta'kidlanishicha, «o'z oldiga sovet hokimiyatini ag'darish va Farg'ona muxtoriyatini tiklash vazifasini qo'ygan Madaminbek tadbirkor siyosatchi va uddaburon tashkilotchi fazilatlariga ega edi. U bizning rahbarlik faoliyatimizda yo'l qo'ygan xato va kamchilik-larimizdan

ustalik bilan foydalanardi. Uning o'z «boshqaruv apparati, o'zining «tribunali», o'zining «gen-shtabi» bo'lgan. U qonunlar chiqargan», — deb e'tirof qiladi Madaminbekka qarshi kurashgan Gramatovich. Buni boshqa qizil qo'shin boshliqlari ham tan olganlar.

Darhaqiqat, Madaminbek o'zining qattiqqo'l siyosati, tashkilotchilik faoliyati va, eng muhimi, o'lkada kechayotgan ijtimoiy-siyosiy va harbiy vaziyatni to'g'ri baholay olishi bilan ajralib turardi. Buning ustiga aniq vaziyatga muvofiq keladigan amaliy harakatlarni qo'llay olishi, safdoshlariga o'z ta'sirini o'tkaza olishi ham uni ko'p o'tmay butun Farg'ona qo'rboshilarining nufuzli rahbariga aylantirgan edi. 1919-yilning o'rtalariga kelib uning yigitlarining soni 25 ming kishidan oshardi. Skobelev, Marg'ilon, Andijon, Namangan, o'sh kabi hududlarda harakat qilayotgan taniqli qo'rboshilar, ularning jangchilari Madaminbekning yashil bayrog'i ostiga birlashayotgan edilar. Madaminbekning xalq lashkarlari ayniqsa 1919-yilning birinchi yarmida sovet qo'shinlariga qarshi bir qator sezilarli zarbalar berdilar. Chunonchi, yanvarda Marg'ilon, fevralda Skobelev va Chust shaharlarining Madaminbek tomonidan egallani-shi, ularda mahalliy xalq manfaatiga javob beradigan bir qator muhim amaliy tadbirlarning o'tkazilishi uning obro'sini yanada ko'tarib yubordi. 1919-yil aprel oyida Madaminbek yigitlari Namangan va Qo'qon shahri atroflaridagi janglarda g'olib keldilar. «Madaminbek turli siyosiy oqimdagi kishilarni birlashtira oldi. Shuning uchun ham hech qaysi qo'rboshi uningchalik kuch-qudratga ega bo'lmagan edi», deb yozgandi uning muxo-liflaridan biri o'sha kezlarda.

Darhaqiqat, qarshilik ko'rsatish harakatining ijtimoiy tarkibini kuzatarkanmiz, bunda aholining sovet tuzumidan norozi bo'lgan, turli-tuman ijtimoiy qatlamlari, chunonchi, dehqonlar, hunarmandlar, kosiblar, batrak-lar, mardikorlar, ziyolilar, dindorlar, ruhoniylar, mahalliy boylar, amaldorlar u yoki bu darajada faol ishtirok etganligi ayon bo'ladi.

Xususan, sovet hokimiyati organlarining mahalliy aholiga nisbatan yuritgan o'ta millatchilik, shovinistik va bosqinchilik siyosati uni oqibatda bu tuzum dushmaniga aylantirdi va o'z erki, huquqi, ozodligini himoya qilib kurashga chorladi. Farg'ona fronti qo'mondoni M. Frunze ham: «...Bu yerdagi sovet hokimiyati ilk

tuzilish davrida rus va yerli ishchi, dehqon ommalarini o'ziga tortish o'rniga mehnatkash xalqni o'zidan uzoqlashtirish uchun qo'lidan kelgancha harakat qildi. Ishlab chiqarishning natsionalizatsiya qilinishida faqat burjuaziya-ning mulki emas, balki o'rta hol dehqonlarniki ham tor-tib olindi... Bu yerda harakat qilgan qizil askar qismlari, inqilobni himoya qilgan ba'zi rahbarlar yerli mehnatkash xalqning tub manfaatlari bilan hisoblashmadi, uning arzu-dodiga quloq solmadi. Bosmachilik harakati shu asosda vujudga keldi. Bosmachilik — oddiy qaroqchilar emas. Shunda ularni tez yo'q qilish mumkin bo'lardi», deb e'tirof qilgan edi.

TASSR XKK raisi Q. Otaboyev 1922-yil iyulida Turkiston MIK 4-plenumida so'zlagan nutqida bu harakatni xalq qo'zg'oloni sifatida baholagan edi: «Biz 4 yil davomida bu harakatga hatto to'g'ri baho berishni ham bilmadik, u xalq qo'zg'oloni bo'lgani holda bosmachilik deb atadik. Bosmachilik mohiyatan talon-chilik degan ma'noni anglatadi, bizning ushbu harakat-ga bergan noto'g'ri ta'rifimiz masalani hal etishda noto'g'ri yondashuvlarga olib keldi. Va alaloqibat 4 yil davomida biz bu harakatning biron-bir jihatini tugata olmadik».

Yuqori sovet rahbarlarining bu e'tiroflari qarshilik ko'rsatish harakatining nechog'lik o'lkaning hayotiy qon tomirlariga daxl qilgani, uni larzaga keltirganini, qolaversa, yangi tuzumning keng xalq ommasi nazdida obro'sizlanib, puturdan ketayozganini yaqqol tasdiq etadi.

Farg'onaning bechora hol xalqi o'z xaloskorlarini butun choralar bilan qo'llab-quvvatlashda davom etdi. Harakat safi doimo yangi kuchlar hisobiga to'lib bordi. Vodiy qo'rboshilarining birlashish, qo'shilish sari harakatlari ham sezilarli tus olib bordi. 1919-yil kuziga kelib Madaminbek lashkarlarining jangovarlik harakatlari keng hududlarga yoyildi. Bu davrga kelib Monstrovning rus krestyanlari (dehqonlari)dan tashkil topgan ancha ta'sirli harbiy qismlari Madaminbek kuchlari bilan bir-lashdi. Bu hol xalq kurashining nafaqat ijtimoiy tarkibi-ga, balki ayni chog'da milliy tarkibiga ham sezilarli ta'sir ko'rsatar, uning maqsad-vazifalariga yangicha yon-dashishni taqozo etardi. Gap shundaki, bunga qadar sovetlarga qarshi harakat saflarida yerli millat kishilari qo'lni qo'lga berib kurashib kelayotgan bo'lsalar, endi-likda unga sovetlar siyosatidan keskin norozi bo'lgan rus dehqonlari ham qo'shilgan edilar. Bu o'zgarish 1919-yil oktabrida Pomirning Ergashtom ovulida

Madaminbek tarafdorlari tashabbusi bilan tuzilgan «Farg'ona muvaqqat muxtoriyat hukumati» tuzilishida ham o'z ifo-dasini topgandi. Hukumat tarkibi 24 kishidan iborat bo'lib, uning 16 vakilini musulmonlar va 8 nafarini rus-lar tashkil etardi. Farg'ona hukumati boshlig'i va musulmon qo'shinlari bosh qo'mondoni etib Madaminbek saylangan edi.

1919-yil oktabr oyi oxirlarida Andijonga yaqin Oyimqishloqda to'plangan vodiya qo'rboshilarining qurultoyida vodiya harakat qilayotgan 150 taga yaqin jangovar qismlarni o'z ta'sirida ushlab turgan 4 yirik lashkarboshi: Madaminbek, Katta Ergash, Shermuhammadbek, Xolxo'ja eshon qo'mondonliklarini birlashtirishga kelishildi. Qurultoyda islom qo'shinlari-ning bosh qo'mondoni — «Amir al-muslimin» etib Madaminbek saylandi. Biroq bu birlashuv ham mustahkam bo'lib chiqmadi. Masalan, Xolxo'ja eshon tez orada o'z kuchlarini ajratib, mustaqil faoliyat ko'rsata boshladi. Bu davrda Madaminbek qo'l ostida 30 mingga yaqin, Shermuhammadbekda 20000, Katta Ergash qo'rboshida esa 8000 jangovar qo'shin bo'lib, uchta lashkarboshi vodiya kurash harakatlarini boshqarib turardi. Biroq vodiya jangovar harakatlarning keyingi borishi tashabbusning ko'proq tajovuzkor sovet qo'shinlari qo'lga o'tishiga, qarshilik ko'rsatish harakatining pasayib borishiga olib keldi. o'lkada mustahkamlanib olishga ulgurgan bolsheviklar hokimiyati Markazdan yetarli darajada harbiy kuch, qurol-yarog' olib, son-sanoqsiz harbiy mutaxassislarni jalb qilib, ularni Farg'ona frontiga yo'llash, qonli o'ch olishga safarbar qildi.

1920-yil boshlarida sovet qo'shinlari Katta Ergash, Madaminbek, Shermuhammadbek va Xolxo'ja kuchlariga sezilarli zarbalar berdilar. Jumladan, 1920-yil yan-varida qizillar Katta Ergash kuchlariga zarba berib, uning tayanch markazi Bachqirni egalladi. Xuddi shu vaqtda sovet qo'shini Monstrovning dehqonlar armiyasini tor-mor etib, Gulcha qafasini ishg'ol etdi. Monstrovning o'zi asir olindi. Shuningdek, fevralda Garbuva – Qoratepa - Shahrixon yo'nalishida qizil qo'shinlar Shermuhammadbek lashkariga kuchli zarba berdi. Buning natijasida Shermuhammadbek yengilib, Oloy vodiysi tomon chekindi. Ayni paytda qizillar Norin va Qoradaryoning qo'shilish joyida Madaminbek askarlari-ga qarshi muvaffaqiyatli jang qilib, unga katta talafot yetkazdilar. Tengsiz dushman bilan

kurashni davom ettirishning mushkulligi, oddiy xalq hayotining nochor-lashib borayotganligi ayrim qo'rboshilarini faol kurash harakatlarini vaqtincha to'xtatib, boshqacha yo'l izlashga, sovet tomoni bilan o'zaro kelishuvlarga undadi.

Ayyor sovet hukumati taklifiga ko'ra Madaminbek 1920-yil martida sovet qo'mondonligi bilan muzokara olib bordi va sulh tuzildi. Bu sulh shartlariga asosati Madaminbek o'z harakatlarini to'xtatdi, uning 1200 nafardan ziyod askar yigitlarining daxlsizligi, o'z qurol-yaroqlariga ega bo'lishi, kerak bo'lganda ularning vodiy-da tinchlik, barqarorlik o'rnatishda o'z rahnamosi yetakchiligida faol ishtirok etishi ta'kidlangan edi. Madammbek o'zining boshqa safdoshlariga ham sovetlar bilan muzokaralar olib borib, shunday yo'l tutishni maslahat beradi, Biroq Farg'ona qo'rboshilari yo'lboshchilari Shermuhammadbek va Xolxo'ja eshon o'z huzurlariga muzokara uchun kelgan yurtning bu mard o'g'lonini sotqinlik va xoinlikda ayblab, uni qatl ettiradilar. Sodir etilgan bu fojeali voqea ham vodiy qo'rboshilari o'rtasidagi o'zaro munosabatlarning ziddiyatli bo'lganligiga bir ishoradir.

Garchand Farg'onada sovetlarga qarshi kurash bun-dan keyin ham yangi-yangi kuchlar bilan qo'shilishib turli tarzda davom etsada, biroq u avvalgidek keng qam-rovli jangovar, hujumkor yo'nalish kasb etolmadi. 1920—1923 yillar davomida vodiy hududlari bo'ylab olib borilgan kurashlarga aka-uka Shermuhammadbek va Nurmuhhammadbek, ulardan so'ng Islom Polvon va Rahmonqullar yetakchilik qildilar. Ularning har birining jasorati, haq va ozodlik yo'lidagi fidoyiligi xalq xotirasida muhrlanib qoldi.

Vodiyda yoqilgan sovetlarga qarshi harakat mash'alasi keyinchalik Turkistonning boshqa hududlari-ga ham yoyildi. Sovet hokimiyatining zulmi va zo'ravon-ligiga qarshi kurash Buxoro va Xorazmda, Samarqand viloyatida ham aks-sado berdi. Vatan mehri, ona zamin sadoqatini jismi-diliga jo etgan, uning erki, ozodligini har narsadan muqaddas bilgan ming-minglab yurtdosh ajdodlarimiz hukmron tuzum bedodligi va jabr-sitamiga qarshi ko'tarildilar. Ular yana o'n yillar davomida g'addor rejim kuchlari bilan tengsiz janglarda qatnashib, behisob mahrumliklarga duch kelishlariga qaramay o'z g'oyalariga sodiq qoldilar.



3. Sovet hokimiyatiga qarshi harakatning mag'lubiyati

sabablari, saboqlari.



Sovet hokimiyatiga qarshi harakat sababdan pirovard oqibatda mag'lubiyatga yo'liqdi va qanday omillar bunga olib keldi? Bu alamli mag'lubiyat o'lka xalqlari uchun qanday ijtimoiy-siyosiy oqibatlarni keltirib chiqardi?

Mana shu savollar bugungi istiqlol davri kishilarining har birini o'ylantirishi, fikrga toldirishi tabiiydir. Bu xususta to'xtalar ekanmiz, bu harakat qanday yakun topmasin, qanaqa oqibatlar bilan bog'liq bo'lmasin, u haqli suratda Vatanimiz tarixida unutilmas iz qoldirdi.

Yurt farzandlari uzoq yillar davomida tengsiz jangu jadallarga dosh berib, so'nggi nafaslariga qadar Vatan oldidagi burchini ado etdilar. Bu ularning ona zaminga mehri, sadoqati nechog'lik beadam bo'lganini, undan ruh, madad olib erkinlik uchun jasorat ko'rsatib kurash-ganini to'la isbot etadi} BejizVMadaminbek: «Mening millatim—mening jonu dilim!», deb xitob qilib, uni o'z hayoti va kurashining bosh mazmuni, deb bilmagan edi. Shermuhammadbek tilidan aytilgan: «Turkiston—tur-kistonliklar vatanidir, undan boshqa hech kim uning ustidan hukmronlik qilishga haqli emas!» degan jangovar shior uning ming-minglab quroldosh yigitlari uchun harakat dasturi rolini o'taganligi shubhasiz.

Lekin bu kurash nechog'lik shiddatli kechmasin u o'z nihoyasiga yetolmadi. Bunga esa ko'plab jiddiy salbiy holatlar va omillar ta'sir etganligi aniqdir. Eng asosiy sabablardan biri — harakat etakchiligining aholi bursh tabaqalarini ulug'vor maqsadlar yo'lida jipslashtirishga qodir bo'lgan yagona milliy g'oyaga ega emasligidir. Qo'rboshilar siyosiy kurashda toblangan ilg'or jadid namoyandalarini ham o'zlaridan chetlashtirgan edilar. Zero, ular qanchalik olijanob maqsadlar, jangovar shiorlar ostida jon fido etmasinlar, biroq ularning harakati yagona kurash dasturi asosida tashkil etilmagan edi. Harakat etakchilari saflarida chinakam uyushqoqlikning yetishmasligi, joylarda harakat qilgan kuchlar o'zlarining tor hududiy chegaralari bilan o'ralashib qolganligi, ayrim qo'rboshilarning o'z nafsoniyatlariga berilishi, dunyo-qarashi torligi, cheklanganligi, manmanlik kasaliga chalinganligi, bir-birlari bilan kelisholmasligi, o'zboshimcha xatti-harakatlarga intilishi kabi hollar oxir-oqibatda bu kurashning borishiga jiddiy monelik qildi. Buni

butun vodiy bo'ylab harakat qilgan uchta yirik yetakchi: Madaminbek, Shermuhammadbek va Katta Ergash boshchiligidagi xalq lashkarlarining to'liq birlasha olmaganligi fakti ham isbot etadi. Negaki, bu xalq dardi, g'ami va tashvishlarini chuqur tushungan rahnamolari o'ta zaruriyat taqozo etgan kezlarda o'zaro kelishmovchiliklarni bir chetga surib, bir-birlari bilan umumiy til topa olmadilar. Goho Madaminbek bilan katta Ergash yoxud Madaminbek bilan Xolxo'ja Eshon o'rtasidagi nizo va ixtiloflar oqibatda ularning har birini fojeali qismatga mahkum etdi.

Qarshilik ko'rsatish harakati yetarli moddiy-ta'minot bazasiga, qurol-aslaha zahirasi ham ega emasdi. Ular chetdan keladigan harbiy madad va yordamga ham umid qilolmasdilar. o'lka zo'ravoni bo'lib olgan sovetlar esa o'z qo'shinini zamonaviy qurol-yaroqlar va harbiy kuch-lar bilan ta'minlay olgan edi. Masalan, 1919-yil avgust oyi oxirlarida uning tasamifida 115376 nafar jangchi, shuningdek, 11112 ta pulerayot, yuzlab to'plar, bronepoezdlar, o'nlab samolyotlar va boshqa zamonaviy qurollar mavjud edi. Sovetlar tashkil qilgan Turkiston fronti o'zlariga qarshi turgan kuchlarni qonga belashda mana shu qirg'in qurollarni to'liq ishga solgan edi. Ayyorlikda pixini yorgan sovet mutasaddilari va ularning ko'p sonli gumashtalari har bir vaziyatdan ustamonlik bilan foydalandilar. Ular kerak bo'lsa yo'l qo'ygan qo'pol xatolarini tuzatib, yon berib, mahalliy aholi noroziligini yumshatib, ularni o'z tomoniga ag'darib olishga urindilar. Jumladan, ular 20-yillar boshlarida vodiy aholisi o'rtasida bir qator amaliy tadbirlar o'tkazib (chunonchi, dehqonlarga yer berish, ularni avf etish, soliqlar miqdorini bir qadar kamaytirish, Madaminbek singari taniqli qo'rboshilar bilan muzokaralar olib borish, ular bilan kelishish, o'zaro yon berish va hokazo), bu hududdagi ahvolni asta-sekin o'z foydalariga o'zgartirib bordilar. Sovet mafkurasining butun o'tkir tig'i, ta'sir vositalari mana shu maqsadga yo'naltirilgandi. Bu esa qarshilik ko'rsatish harakatining istiqboliga salbiy ta'sir o'tkazmasdan qolmadi.

Bu harakat millionlab yurtdoshlarimiz hayoti va qismatida o'chmas fojeali iz qoldirdi. Ba'zi aniqlangan ras-miy ma'lumotlarga qaraganda, u milliondan ziyod(X raahalliy millat kishilarining aziz umrlariga zomin bo'ldi. Necha yuz minglab oilalarning o'z ona zaminini tark etib, begona yurtlarga bosh olib ketishlariga sabab

bo'ldi. Qolaversa, son-sanoqsiz odamlar mana shu fojea bois mamlakatnmg boshqa, uzoq hududlariga surgun va badarg'a qilindi. Bu harakat yurtdoshlarimizga katta, ibratli saboqlar berdi, ularning kurash tajribasining bo-yishi, oshuviga muhim ta'sir ko'rsatdi. Zero, ona b'zbekistonimizning istiqloлга yuz tutib, dorilamon zamonlarga musharraf bo'lishida, bugungi baxtiyor avlod kishilarining mustaqillik oliy nematidan bahramand bo'lishida o'sha 20—30-yillarda bobokalonlariniiz qilgan ulkan sa'y-harakaflar, to'kkan qutlug' qonlar, bergan bemisol qurbonlaming ajri, ibrati ozmuncha emas. Ularning yorqin, porloq xotirasi hozirgi minnatdor avlod kishilarining dili, shuurida hamisha saqlangusi, faxr-iftixor tuyg'usi bilan eslangusidir.

Savol va topshiriqlar

1. Qanday sabablar Turkistonda sovet hokimiyatiga qarshi harakatni keltirib chiqardi?
2. Nega bu kurash dastavval Farg'ona vodiysida bosh-landi?
3. Farg'onadagi harakat rahnamolari orasida kimlarning nomlarini alohida ajratib ko'rsatgan bo'lardingiz?
4. Madaminbek shaxsini qanday baholaysiz?
5. Sovetlarning vodiya yuritgan siyosatida yo'I qo'ygan qo'pol xatolari nimalarda namoyon bo'lgandi?
6. Vodiy qo'rboshilarining bir-birlari bilan yetarli darajada birlasha olmaganligining sabablarini qanday izohlaysiz?
7. Qarshilik ko'rsatish harakatini mag'lubiyatga olib kel-gan sabablarni nimalarda deb bilasiz?
8. Sovet hokimiyati kuchlarining qarshilik ko'rsatish harakati kuchlari ustidan g'olib kelganligining asosiy omilla-rini niimalarda deb hisoblaysiz?
9. Nima sababdan bu harakat o'lkaning turli hududlarida turlicha vaqtlarda sodir bo'ldi?
10. Qarshilik ko'rsatish harakati Turkiston xalqlari uchun qanday muhim saboqlar berdi?

6-MAVZU: XORAZM VA BUXORO XALQ SOVET RESPUBLIKASI TUZILISHI. SOVETLAR ISTIBDODIGA QARSHI OZODLIK HARAKATI.

Reja:


- 1. Xiva xonligida ijtimoiy-siyosiy vaziyat.**
- 2. Yosh xivaliklar faoliyati.**
- 3. Xorazm Xalq Sovet Respublikasining yuzaga kelishi.**
- 4. Buxoro amirligidagi vaziyat. Yosh buxoroliklar harakati.**
- 5. Buxoro Xalq Sovet Respublikasining tashkil topishi.**



1. Xiva xonligida ijtimoiy-siyosiy vaziyat.

Ma'lumki, Xiva xonligi, Buxoro amirligi XIX asr ikkinchi yarmida yuz bergan chorizm bosqinidan keyin o'z mustaqilligidan mahrum bo'lib, Rossiya protektorati (vassalligi)ga aylanib qolgan edi. Garchand ular ichki siyosatda nisbatan mustaqil bo'lsada, btroq uning xorijiy davlatlar bilan bo'ladigan tashqi siyosiy va savdo-tijorat aloqalari Rossiya hukuma-tining to'liq nazoratida amalga oshirilardi.

Haqiqatdan ham Xiva xonligining butun ijtimoiy-siyosiy, iqtisodiy-xo'jalik hayotida rus mustamlakachiligi siyosatining kuchli ta'siri va asorati sezilib turardi. Buning ustiga mamlakatning xonidan tortib to uning son-sanoqsiz, kattayu kichik amaldorlari xalqqa keragi-dan ziyod jabr-zulm o'tkazib kelardilar. Shu bois xonlik-da ommaviy norozilik harakatlari to'xtovsiz yuzaga kelib, kuchayib bormoqda edi. Ayniqsa 1917-yilgi fevral inqilobiy o'zgarishidan keyin Xivada ilg'or demokratik harakatlar avj oldi. Endilikda Xiva xonligi fevral o'zga-rishidan foydalanib, o'zini Rossiya ta'siridan xalos etib, mustaqillik maqomini qo'lga kiritishga intildi. Ayni chog'da xonlikning jafokash xalqlari hukmron sinflar va tabaqalar zulmidan qutilib, keng demokratik erkinliklar va huquqlarga ega bo'lishga umid bog'ladilar.



2. Yosh xivaliklar faoliyati.

Xiva xonligi hududida aholi keng ijtimoiy qatlamlarning demokratik yo'nalishdagi harakati o'sib bordi. Ularning sa'y-harakatlariga Yosh xivaliklar tashkiloti rahnamolari yetakchilik qildilar XX asr boshlarida vujudga kelgan Yosh xivaliklar uyushmasi o'zining dastlabki qadamlari-danoq xonlikdagi mustabid

tuzumni chuqur isloh qilish, xalqning ahvolini yaxshilash, uning tub maqsad, manfaatlarini ro'yobga chiqarish uchun kurash olib bordi. 1917-yil boshlarida Rossiyada bo'lgan o'zgarishlar ta'sirida Yosh xivaliklarning faoliyati yanada kuchaydi. Ular o'z dasturiy vazifalarini belgilab, xonlikdagi siyosiy vaziyatni o'zgartirish va qator muhim demokratik islo-hotlarni amalga oshirishga harakat etdilar. Shu maqsad-da Yosh xivaliklar rahbarlari xonlikning o'ziga xos max-sus xususiyatlaridan kelib chiqib, tinchlik yo'li bilan, asta-sekin mutlaq monarxiya tuzumidan konstitutsion monarxiya boshqaruviga o'tishga qaratilgan manifest ish-lab chiqdilar. Manifestda xonning vakolatlari doirasini cheklash, uning xalqqa nohaq zulm o'tkazgan, haddidan oshgan amaldorlarini jazolash, vazifalaridan mahrum etish, ijtimoiy hayotning muhim sohalari — iqtisodiyot, ta'lim va madaniyat jabhalarini isloh qilish talablari aks ettirilgandi/Xivadagi ijtimoiy-siyosiy vaziyat keskin tus olayotgani, keng aholi qatlamlari faol harakatga kelayot-ganini, ommaviy ko'cha namoyishlari to'xtamayotganini ko'rgan Xiva xoni Isfandiyorxon murosayu madoraga borib o'z arkoni davlati ishtirokida 1917-yil 5-aprel kuni manifestni imzolashga majbur bo'ladi.

Manifest talablariga ko'ra xonlikda konstitutsion monarxiya tuzumi o'rnatildi. Ayni paytda tarkibi 30—50 kishidan iborat ruhoniylar va savdo-sanoat ahli vakillaridan saylangan Majlis va Nozirlar kengashi tuziladi. Ular xalq vakilligi boshqaruvi organlari sifatida xon hokimiyati vako-latlarini ma'lum darajada chekladi.

Yosh xivaliklar tashkilotining taniqli rahnamolaridan Bobooxun Salimov Majlis raisligiga, Husaynbek Matmurodov esa Nozirlar Kengashi raisligiga saylandilar. Xon xazinasini va uni tasarruf qilish ustidan nazorat o'rnatildi. Xon temir yo'Uar qurish, pochta-telegraf alo-qalari o'rnatish, yangi jadid maktablari ochish to'g'risida va'dalar beradi. Yosh xivaliklarning bu g'alabasi mam-lakatdagi barcha demokratik kuchlarga, erk va ozodlikka tashna xalq ommasiga quvonch bag'ishladi. Biroq yuqoridan amalga oshirilgan bu o'zgarishlarning vaqtin-chalik xarakteri tez orada ma'lum bo'ladi. Xon va uning atrofidagi mutaassib kuchlar qo'ldan ketgan nuftiz va imtiyozlarini qaytarib olish niyatidan voz kechmagandi-lar. Ular fursat kutib, demokratiya tarafdorlaridan qonli o'ch olish, mustabid tuzumni to'la qayta tiklash

payida bo'ldilar. Darhaqiqat, 1917-yil iyuniga kelib Isfan-diyorxon o'zini o'nglab olgach, Rossiya muvaqqat huku-matining Xivadagi vakili, general Mirbadalov yordamiga tayanib, Matmurodov boshchiligidagi Yosh xivaliklar rahbar guruhini qamoqqa oladi. Yosh xivaliklar partiyasi va uning faoliyati qonundan tashqari deb e'lon qilinadi. Ularning ko'plari qo'lga olinib qamaladi, qattiq jazolanadi. Qolganlari esa xonlik hududini tark etishga majbur bo'ladi. Iyul oyida Xivada Rossiya Muvaqqat hukumatining komissari lavozimi ta'sis etiladi va xonlik-ka qo'shimcha harbiy qismlar, kazak qo'shinlari yubori-ladi. Buning boisi shuki, Rossiya burjuaziyasining yangi Muvaqqat hukumati o'zini qanchalik demokratiya taraf-dori etib ko'rsatmasin va o'z tasarrufidagi mazlum xalqlarga demokratik huquqlar hamda erkinliklar va'da qilmasin, ammo u chorizmning mustamlakachilik siyosatini amalda davom ettirdi. U butun choralar bilan Sharqdagi o'z pozitsiyalarini saqlab qolish va mus-tahkamlashga intildi. Jumladan, Xorazm vohasidek boy-badavlat hududni qo'lda tutib turish, unda har qanday jiddiy siyosiy va davlat o'zgarishlariga izn bermaslik uning o'z oldiga qo'ygan hukmdorlik maqsadlaridan edi.

Shunday qilib, Yosh xivaliklar rahbarlik qilgan demokratik kuchlarning xonlik tuzumiga qarshi olib bor-gan kurashining birinchi bosqichi muvaffaqiyatsiz yakun topdi. Ularning davlat hokimiyatini demokratik izga so-lish orqali boshqarish harakati xon arkoni davlati va uning ko'p sonli tarafdorlarining qattiq qarshiligiga uchradi. Bu Yosh xivaliklar uchun katta jiddiy sinov boidi. Eng muhimi, Yosh xivaliklar boshqa kuchlar bilan ittifoq tuzmay, faqat o'z tarafdorlari bilangina harakat qilib, mutaassib qora kuchlarni yengib, tugal maqsad-muddaolarga erishib bo'lmasligini tushunib yet-dilar. Muvaqqat hukumatning kerak bo'lganda Xivaning mutaassib rejimini o'z himoyasiga olib, unga qalqon bo'lganligi fakti ham Yosh xivaliklar ko'zini ochdi. Bunday vaziyatda ular xonlik istibdodiga qarshi kurash-da yanada sobit bo'lish, o'z tarafdorlarini ko'paytirish, chetdan, eng avvalo, qo'shni Turkistonda faol harakat qilayotgan demokratik va inqilobiy kuchlardan, ularning yo'lboshchilaridan madad olish, ular bilan yaqindan alo-qalar bog'lashga intildilar.



3. Xorazm Xalq Sovet Respublikasining yuzaga kelishi.

1917-yil kuzida Rossiyada yuz bergan oktabr o'zgarishi uning tasarrufidagi Xiva xonligidagi voqealarning rivojlanishi jarayoniga ham o'z sezilarli ta'sirini o'tkazmasdan qolmadi. Avvalo, xonlikka tutash boigan Turkiston hududlarida bolsheviklarning sovetlar hokimiyati zo'ravonlik bilan o'rnatildy Bunday tuzum Xiva bilan yaqin chegaradosh Amudaryoning o'ng sohili— Petroaleksandrovsk (To'rtko'1) va uning atroflarida ham qaror toptirildi. Turkistonda voqe bo'layotgan bunday o'zgarishlar xonlikka bevosita daxl etmasdan, muxo-lifatchi kuchlarni junbushga keltirmasdan qolmasdi, albatta. Garchi sovet Rossiyasi Xivaning davlat mustaqilligini rasmiy tan olgan bo'lsada, biroq turli yo'Uar bilan, yashirin va oshkora tarzda uning ichki ishlariga aralashishni davom ettirdi. Ayniqsa, bunda xonlikdagi mavjud hukmron tuzumga qarshi turgan kuchlarni qo'llab-quvvatlash, ularga harbiy, moddiy-moliyaviy va ma'naviy yordam ko'rsatish va gij-gijlashga alohida urg'u berildi. Shu bilan birgalikda xonlikning siyosiy ahvoli ham 1917-yil kuzidan keskinlashib bordi. Isfandiyorxon har qanday yo'l bilan o'z saltanatini saqlab qolishga intildi. Uning yuritgan kalabin siyosati, ilg'or kuchlarni quvg'in va ta'qibga uchratishi, Yosh xivaliklar tashkiloti-ni tor-mor etib, ularning rahbarlaridan o'ch olishi xon-likni tang ahvolga duchor etdi. Xonlikning Qo'ng-irotd, Ko'hna Urganch, Xo'jayli, Taxta, Porsu bekliliklarida mahalliy aholining tuzumga qarshi bosh ko'tarishi, haddidan oshgan amaldorlardan o'ch olish hollari yuz berdi. Masalan, Toshhovuz bekligining kambag'allari 1918-yil boshida beklilik mahkamasiga hujum uyushtirdi. Ular ko'plab boylar va savdogariarning mol-mulki, don-duni-ni tortib oldilar. Bunday voqealar boshqa hududlarda ham qayd etildi. Buning ustiga mamlakatdagi vaziyatni boshqara olmay qolgan xon o'z raqibi, ancha ta'sirli kuch egasi, turkmanlar sardori Junaidxonni 1918-yil yanvarida Xivaga chaqirib, uni o'z qo'shiniga bosh qo'mondon (sardori karim) etib tayinlaydi. Junaidxon esa tez orada Isfandiyorxonni qatl ettirib, uning o'rniga akasi, irodasiz Said Abdulloni xon qilib ko'taradi. Amalda esa Junaidxon yakka hukmron bo'lib oladi. Bolsheviklar va sovet hokimiyatining ashaddiy dushmani Junaidxon hokimiyatni egallab olgach, sovetlarga qarshi ochiq kurashga kirishadi. U o'z harbiy kuchlarini 10 ming jangchiga yetkazadi. Shuningdek, Buxoro amirligi bilan aloqalar bog'laydi. Angliya hukumati tomonidan

harbiy madad olishga intiladi. Biroq, Junaidxon harbiy qismlarining Amudaryo bo'limi va Nukus atrofida sovet kuchlari bilan olib borgan hujum harakatlari mag'lubi-yatga uchraydi. Junaidxon o'rnatgan harbiy diktatura aholi o'rtasida norozilik harakatlarining o'sib, kuchayib borishiga sabab bo'ladi. Buning natijasida xonlikni tark etib, qo'shni Turkiston ASSR hududlariga boruvchi qochoqlar soni ortib boradi. Xivadagi voqealar rivojini ko'z-quloq bo'lib kuzatib borgan sovet tomoni qulay fur-satni boy bermay, xonlik aholisining norozilik harakati-ga tobora inqiiobiy tus berib bordi. Shu maqsadda sovet mutasaddilari qochoqlardan jangovar qismlar tuzib, qurollantirib, ulami xonlik tuzumini ag'darishga safarbar eta bordi. Sovet Turkistoni rahbarlari bu bilan ham kifoyalanmasdan Amudaryo bo'limida (To'rtko'lda) N. A. Shaydakov va N. M. Shcherbakov boshchiligida shi-moliy va janubiy harbiy dastalar tuzib, ularni xonlik tuzumiga qarshi harakatga yo'lladi. Bu endi xonlik hokimiyatini ag'darib tashlashga qaratilgan sovetlarning ochiqdan-ochiq zo'ravonligi edi. Xonlikda kechayotgan zulmdan norozi bo'lgan aholidan tashkil topgan qo'zg'olon dastalari ham harakatga keiadi. Ularning umumiy soni 3 ming kishidan oshardi. 1919-yil dekabrining so'nggi dekadasida boshlangan sovet qo'shinlari va ularga qo'shilgan mahalliy qo'zg'olonchi kuchlarning harbiy yurishi yanvar oyida Junaidxonga ketma-ket zarbalar berib, Xiva tomon siljib bordi. 1920-yil 2-fevralda Xiva egallandi. Junaidxon qolgan-qutgan qo'shini bilan Qoraqum sahrosiga chekindi. Qo'g'irchoq xon Said Abdullo taxtdan voz kechdi, Shu tariqa, qizil armiya kuchi va madadi bilan Xiva xonligi ag'darildi. Hokimiyat yangidan tuzilgan 5 kishidan iborat Muvaqqat Inqilobiy qo'mita qo'liga o'tdi. Uning tarkibi-ga Yosh xivaliklar va turkman urug'-qabilalaridan ikkitadan vakillar kiritildi. Inqilobiy qo'mita raisi etib Yosh xivaliklar rahbarlaridan biri Jumaniyoz Sultonmurodov saylandi. Tez orada Yosh xivaliklar ishlab chiqqan ma-nifest e'lon qilindi.

Unda mamlakatning demokratik rivojlanish yo'lini aks ettirgan keng sotsial-iqtisodiy va ijtimoiy-siyosiy tadbirlar: «Xon va uning hukumati tomonidan mamlakatni mutlaq boshqarishni butkul barham topdirish; Xiva xoniga, to'ralar va vazirlarga tegishli bo'lgan mablag'lar va mulklarni xalq mulki deb e'lon qilish; kambag'allar hayotini yaxshilash yo'iida yirik zamindorlar yerlaridan foydalanish; bolalarni bepul o'qitish uchun Xivaning

hamma joyida maktablar ochish; Xivaning shaharlari va aholi manzilgohlarida bepul shifoxonalar va sog'lomiashtirish muassasalari ochish; Xiva xoni va beklari tomonidan kambag'al aholidan tortib olingan yerlar, mulk va boshqa narsalarni qaytarib berish; majburiy mehnatga jalb qilish (begor)ni butunlay yo'q qilish» nazarda tutilgan edi.

1920-yilning 27—30-aprel kunlari Xivada bo'lib o'tgan xalq vakillari I Butun Xorazm qurultoyi Xiva xonligi tugatilganligi va yangidan Xorazm Xalq Sovet Respublikasi tuzilganligini e'lon qildi. Qurultoy XXSRning muvaqqat Konstitutsiyasini qabul qildi. Unda «Xorazm davlatining davlat tuzumi sovetlar negiziga asoslangan respublika ekanligi, Xorazmning butun xalqi o'z vakillari yordamida mamlakatni boshqarishi» ta'kidlanadi. Respublikaning oliy hokimiyati yilda bir marta chaqiriladigan qurultoy bo'lib, u respublika hayotiga daxldor eng yirik vazifalarni hal etadi. Qurultoy mamlakatni boshqarish uchun 15 kishidan iborat hukumat — Xalq Nozirlar Kengashini sayladi.

Xalq hokimiyatiga saylovlar umumiy bo'lib, respublikaning 18 yoshga yetgan fuqarolari dini, millati, jinsidan qat'i nazar qurultoy yoxud mahalliy sovetlarga saylash va saylanish huquqiga ega bo'ldilar. Faqat xon va uning oila a'zolari, ruhoniyyat vakillari, sudxo'rlariga saylov huquqlaridan mahrum etildi.

Konstitutsiya respublikaning o'ziga xos xususiyatidan kelib chiqib, shariat sudi tizimini saqlab qoldi.

Qurultoyda Xorazm respublikasining birinchi hukumati raisligiga Yosh xivaliklar rahbari Polvonniyoz Yusupov saylandi. Hukumat tarkibi ham Yosh xivaliklar va turkman urug'-qabilalari boshliqlaridan tashkil topgan bo'lib, bu o'sha davrdagi kuchlar nisbatini aks ettirardi.

1920-yil iyunida Xivada Xorazm Kompartiyasining ta'sis konferensiyasi bo'ldi. Unda XKPning tashkiliy rasmiylashuvi amalga oshadi. Bu davrda Xorazm kommunistlarining soni 1000 kishi atrofida bo'lib, ular 22 ta partiya yacheykalariga birlashgan edilar. 1920 va 1921-yil boshlariga kelib Xorazmda kasaba uyushmalari, «Qo'shchi» uyushmalari, inqilobiy yoshlar ittifoqi tashkilotlari yuzaga keladi. Ularning saflari ham tez ortib bordi. Masalan, 1921-yil bahorida «Qo'shchi» tashkilotlari 6 mingdan ziyod dehqonlarni o'z safiga birlashtirgan edi.

Xorazmda sovetlarning faol ko'magi, qo'llab-quvvatlashi bilan xalq sovet respublikasining vujudga kelishi, Rossiya Federatsiyasi, qolaversa, Turkiston avtonom sovet respublikasi uchun ayni muddao bo'ldi. Ular yosh respublikaga asta-sekin ta'sir o'tkazib, uni o'z domiga ilintirishga intildilar. Asosiy maqsad esa Xorazmga «beg'araz yordam» ko'rsatish, sovet tartib-qoidalarini tashkil etish orqali uni pirovardida bolsheviklar hokimi-yati qo'l ostiga kiritib olish edi. Jumladan, 1920-yil 13-sentabrda Rossiya hukumati bilan XXCP o'rtasida imzolangan ittifoq shartnomasi ham asl mazmun-mohiyati bilan mana shu maqsadga xizmat qilardi. Ittifoq shartnomasi bilan birga ikkala respublika o'rtasi-da imzolangan harbiy-siyosiy va iqtisodiy kelishuvlar asosida Xorazm Xalq Sovet Respublikasiga sovet Rossiyasi tomonidan tegishli harbiy, iqtisodiy va madaniy yordam ko'rsatish ko'zda tutilgan edi.

XXCR va RSFSR o'rtasida tuzilgan ittifoq shartnomasi hamda harbiy-siyosiy va iqtisodiy ahdlashuvlar, bir tomondan, Xorazm respublikasi pozitsiyasining mus-tahkamlanishiga, ikkinchi tomondan esa uning qudratli sovet davlatiga siyosiy qaramligini yanada kuchayib bori-shiga xizmat qilardi. Faqatgina 1921-yil davomida uch marta (mart, sentabr, noyabrda) hukumat o'zgarishi yasaliib, Moskvaga ma'qul kelmagan uning tarkibi yangilandi. O'z xalqi milliy manfaatlarini yoqlab siyosat yuritgan Polvonniyoz Yusupov, M. Ibniyaminov, O. Muhammadrahimov bosh bo'lgan hukumat tarkiblari bekor qilindi, ularning rahbarlari asossiz qoralanib, ular og'ir jazolarga mahkum etildilar. Shuningdek, sovet Rossiyasi Turkiston hududidagi milliy respublikalar mus-taqilligini butkul barham toptirish, ularni o'z tasarrufiga bo'ysundirish sari qafiy yo'l tutdi. 1923-yil martida Toshkentda Turkiston, Buxoro, Xorazm respublikalari vakillari ishtirokida konferensiya chaqirilib, unda mazkur respublikalarni iqtisodiy jihatdan birlashtirish maqsadida o'rta Osiyo Iqtisodiy Kengashi tuzildi. Bu esa ularni har tomonlama boshqarish tizimi muruvvatlari Rossiya nazorati ostiga o'tayotganidan dalolat berardi.

1923-yil oktabrida bo'lib o'tgan IV Butun Xorazm qurultoyi respublikaning yangi Konstitutsiyasini qabul qildi. Unda amalga oshirilgan iqtisodiy, siyosiy, ijtimoiy va madaniy sohalaridagi o'zgarishlar tahlil qilinib, uning o'z rivojlanishida sotsialistik bosqichga kirganligi ta'kidlanib, XXSRni Xorazm Sovet Sotsialistik

Respublikasi deb e'lon qildi. Konstitutsiya yerga bo'lgan xususiy mulkchilikni bekor qildi, barcha yerlar umumxalq mulki deb e'lon qilindi. Vaqf mulklari Maorif nozirligi ixtiyori-ga o'tdi. Bu Konstitutsiya o'zining chuqur sinfiylik mohiyati bilan ajralib turardi. Vohada yuz berayotgan majburiy yo'sindagi sotsialistik o'zgarishlar, mulkiy tabaqalarga nisbatan qilinayotgan zo'ravonlik va bedod-liklar mahalliy xalq noroziligining alangalanib borishiga bois bo'ldi. 1924-yil yanvarida yuz bergan xalq qo'zg'oloni ham buning yorqin ifodasidir. Garchand qo'zg'olon qizil askarlar kuchi bilan bostirilgan bo'lsada, biroq keng xalq ommasining sovet tuzumiga qarshi kurashi 30-yillar o'rtasigacha davom qildi.



4. Buxoro amirligidagi vaziyat. Yosh buxoroliklar harakati.



1917-yil fevral burjua demokratik inqilobi va podsholik tuzumining ag'darilishi, hokimiyatning boshqa siyosiy kuchlar qo'liga o'tishi amir Buxorosiga ham o'z ta'sirini o'tkazmasdan qoimadi. Negaki, chorizmning yarim mustamlakasi hisoblanib kelgan Buxoroda bu davrga kelib ichki ijtimoiy-siyosiy va iqtisodiy ziddiyat-lar jiddiy tus olib borayotgandi. Buning boisi amirlikning moliyaviy-iqtisodiy hayoti va savdo-sotiq aloqalari ko'pdan buyon Rossiya iqtisodiyotiga bo'ysundirib kelin-ganligida edi. Bunda uning siyosiy jihatdan qaramligini gapirib o'tmasa ham boiadi. Binobarin, Rossiyadagi har bir o'zgarish, iqtisodiy yoxud siyosiy larzalar amirlikning hayot maromiga chuqur daxl etmasdan qolmasdi. Buning ustiga mamlakat ichki hayotida hokimi mutlaq, cheklanmagan vakolatlar sohibi bo'lgan amir va uning ko'p sonli ayonlari, amaldorlari mehnatkash ommaga hukm o'tkazib, zulm-sitamni kuchaytirib kelardi.

Yurt fuqarolarining aksariyat ko'pchiligi adolatsizlik, huquqsizlikdan va demokratik erkinliklarning yo'qligi-dan aziyat chekardi. Shu bois amirlikda tez-tez xalq g'alayonlari yuz berib turardi. Ularda harakatga kelgan aholi tabaqalari o'zlarining haqqoniy, adolatli talablarini ilgari surib, mamlakatda o'zgarishlar bo'lishini yoqlardi-lar.

XX asr boshlarida ilg'or, taraqqiyparvar ziyoli yosh-lardan tashkil topgan Yosh buxoroliklar tashkiloti ham aynan mana shu maqsadlarda faoliyat yuritardi. o'z saflarida Abduvohid Burhonov, Usmon Xo'jayev (Usmonxuja Po'latxo'jayev),

Fayzulla Xo'jayev, Abdurauf Fitrat, Sadridin Ayniy, Mirza Muhitdin Mansurov, Abdulqodir Muhitdinov va boshqa o'nlab yurt fidoyilarini birlashtirgan Buxoro jadidlari 1917-yil inqilobiy voqealaridan foydalanib keng xalq manfaatlari foydasiga muhim siyosiy o'zgarishlarni ro'yobga chiqa-rishga harakat etdilar. Ayniqsa bunda amirga tazyiq o'tkazib, uni xalqqa ko'p masalalarda yon berishga, siyosiy tuzumni o'zgartirishga, xususan, konstitutsion monarxiya joriy etishga urg'u berildi.

Yosh buxoroliklar rahbarlari ishlab chiqqan islohot loyihasida, jumladan, amir huzurida va joylarda xalq vakillari bo'lishi, ma'muriyat yaxshilanishi, u xalq vakil-ligi nazoratida bo'lishi, sha'riy soliqlardan tashqari boshqa soliqlar bekor qilinishi, maktab va matbuot erkinligi, amirning eng mutaassib va reaksiyon amaldor-laridan ba'zilarini almashtirish talablari ilgari surilgan edi.

7-aprelda amir Said Olimxon keng oiruna tazyiqi va Yosh buxoroliklarning islohiy talablari asosida Manifest chiqarishga majbur bo'ladi. Unda amirlik tuzumining tub negizlariga daxl qilmagan holda mamlakatda bir qator demokratik o'zgarishlar o'tkazish ko'zda tutilgan-di. Soliqlarni tartibga solish, turli ijtimoiy tabaqalar vakillaridan iborat Majlis tashkil qilish, maorif, tibbiyot, sud tizimi faoliyatini yaxshilash, ma'muriy boshqarish ishlarini takomillashtirish va boshqalar shular jumlasiga kirardi. Garchand amir manifesti Yosh buxoroliklar tomonidan ma'qullanib kutib olingan bo'lsa-da, biroq hukmron, reaksiyon kuchlar unga tish-tirnoqlari bilan qarshi turdilar. Ular namoyishga chiqqan islohot taraf-dorlariga yopirilib, hujum qilib, poytaxtda qonli qirg'inlar uyushtirdilar. Yosh buxoroliklarni ta'qib qilish, ulardan o'ch olish avjga mindi. Ularning ko'plab namoyandalari qo'shni Turkiston ASSRga bosh olib ketishga majbur bo'ldi. Shu tariqa, amirlikda konservativ ruhdagi kuchlarning qo'li baland keldi. Islohiy harakat-larning birinchi bosqichi muvaffaqiyatsiz yakun topdi.

1917-yil kuzida Rossiyada yuz bergan oktabr davlat to'ntarishi va bolsheviklarning hokimiyatga kelishi Buxoroda ham aks-sado berdi. Ayni vaqtda Buxoroga bevosita tutash rus aholi manzilgohlarida sovet tuzumi o'rnatildi. Bu esa amirlikdagi voqealar rivojiga ta'sir ko'rsatmasdan qolmadi. Negaki, sotsialistik inqilob g'oyasini boshqalarga yoyishga intilgan bolsheviklar chegaradosh Buxoroni o'z mo'ljaliga olgan edilar. Shu bois Rossiya Federatsiyasi, qolaversa, sovet

Turkistoni, uning mutasaddilari har bir vaziyatdan foydalanib, Buxoro ichki ishlariga aralashib, muxolifatchi kuchlarni qo'llab-quvvatlab, amirlik tuzumini qulatish harakatida bo'ldilar. Xususan, 1918-yil martida «Kolesov voqeasi» nomi bilan tarixga kirgan qonli voqea bunga yorqin misol bo'la oladi.

Turkiston avtonom sovet respublikasi hukumati raisi F. I. Kolesov suveren Buxoro davlatiga ochiq tazyiq o'tkazib, Yosh buxoroliklar talabini quvvatlagan bo'lib, 1918-yil 2-martida Kogon temir yo'li yoqalab qizil qo'shinlar kuchi bilan ochiq harbiy intervensiya uyushtirdi. G'azabga kelgan Buxoroning ko'pchilik aholisi o'z yurtini jon-jahdi bilan himoya qilib, bolshe-viklar hamlasiga qarshi yalpikurashga otlandi. Buning natijasida Kolesov intervensiyasi tezlikda sharmandalarcha barbod boldi. Bu esa amir va uning arkoni davlati-ga barcha inqilobiy-demokratik kuchlardan qonli o'ch olishi uchun bahona bo'ldi. Ayniqsa, Yosh buxoroliklar ayovsiz qirg'in qilindi. Ularning ancha qismi yashiri-nishga yoxud muhojirlikka ketishga majbur bo'ldi. F. Xo'jayevning guvohlik berishicha, inqilobchi kuchlar ustidan uyushtirilgan ommaviy qirg'in-barot davomida 1,5 ming nafarga yaqin kishi halok bo'ldi.

Buxoroda mana shunday noxush fojeali holatning yuzaga kelishi va qancha minglab begunoh insonlar qonining behuda to'kilishiga avvalo bolsheviklarning avantyuristik siyosati sabab bo'ldi. Bu ham ularning uzoqqa mo'ljallangan yashirin maqsad va muddaolarini amalga oshirish yo'lida har qanday jirkanch va qabih ishlardan tap tortmasligiga yaqqol ishoradir.



5. Buxoro Xalq Sovet Respublikasining tashkil topishi.

1918-yilgi mart voqealari va amirlik hamda uning tevaragidagi ijtimoiy-siyosiy jarayonlarning borishi Buxoro davlatini chuqur tanazzulga duchor etdi. Rossiya shahar-lariga yuborilgan ko'plab miqdordagi qimmatbaho mollar, mahsulotlar sotilmay omborxonalarda taxlanib qoldi. Buning evaziga Rossiyadan keltiriladigan mahsulotlar kelishi to'xtab qoldi. Buxoroning Rossiya bilan savdo-sotiq aloqalaridagi bu xil o'zgarishlar uning iqtisodiy hayotiga, aholi turmush darajasiga salbiy ta'sir ko'rsatdi. Bu esa xalq norozilik harakatlarining kuchayishiga olib keldi. Amirning Rossiya Federatsiyasi va sovet Turkistoni tomonidan o'z davlatiga nisbatan

tahdid va hujumi xavfi kuchayib borishiga javoban o'z harbiy qo'shinini tinmay ko'paytirishga urinishi ham aholi yelkasiga og'ir yuk bo'lib tushayotgandi. Shuningdek, amirlikning muxolifatchi va inqilobchi kuchlarga nisbatan shafqatsiz xatti-harakatlari ham siyosiy tanglikni kuchaytirayotgandi. Bundan esa qo'shni Turkistonning sovet mutasaddilari ustamonlik bilan foydalanishga urindilar. Ular Buxorodan son-sanoqsiz oqib kelgan inqilobiy va demokratik kayfiyatdagi kuchlarni ishga solib, ularning tashkilotlarining tuzilishiga yordam berib, moddiy va ma'naviy quvvatlab, «Buxoro inqilobi»ni tayyorlab bordilar.

Buxoroning ko'zga ko'ringan rahbarlari: Fayzulla Xo'jayev, Usmon Xo'jayev, Ota Xo'jayev, Qori Yo'ldosh Po'latov, M. Qulmuhamedov, A. Yoqubov, A. Muhitdinov, N. Husainov va boshqalarning inqilobiy faoliyati Moskva va Toshkentda ma'qullanib, ularning harakat dasturlari ishlab chiqilganligi boisi ham shundandir. Masalan, 1918-yil sentabrida Toshkentda Buxoroning muhojir inqilobchilari tomonidan Buxoro kompartiyasi va uning markaziy Qo'mitasi tuzilishi (uning raisi A. Yoqubov, o'rinbosari M. Qulmuhamedov) yoxud 1920-yil yanvarida Toshkentda Fayzulla Xo'jayev boshchiligidagi «Yosh buxorolik inqilobchilar partiyasi Turkiston Markaziy byurosi»ning tashkil etilishi, uning Turkkomissiya, RSFSR hukumati va RKP(b) MQ tomonidan e'tirof etilishi ham buning konkret ifodasidir.


Yosh buxoroliklar partiyasi ishlab chiqqan dasturda tez vaqt ichida feodal-despotik tuzumni tugatish, mamlakatda demokratik respublika tuzish va keng xalq ommasining tub manfaatlarini ko'zlab ko'plab ijtimoiy-demokratik o'zga-rishlarni amalga oshirish vazifalari bayon etilgan edi.

Yosh buxoroliklar tashabbusi bilan 1920-yil iyundan Toshkentda chiqqan boshlagan «Uchqun» gazetasida ham ilg'or demokratik g'oyalar ilgari surildi. Buxoro xalqini amirning mutlaq tuzumini ag'darib tashlash uchun faol kurashga da'vat etib borildi.

Modomiki, gap Buxoro amirligini ag'darish, xalq hokimiyatchiligini tashkil qilish, demokratik o'zgarishlar 'to'g'risida borar ekan, bunda sovet hukmdorlarining asl maqsadlari nimadan iborat edi? Ularning asl maqsad-muddaolari mahalliy xalq kurashchilarini ishga solib, har tomonlama qo'llab-quvvatlab, amirlikka qarshi harakatga safarbar etish edi. Faqat bugina emas, balki ularning tashabbusidan

foydalanib, sovet qo'shini bilan Buxoroga ochiq hujum uyushtirish edi. Negaki, sovet tomoni usta-monlik va makkorlik bilan ishlab chiqqan rasmiy hujjat-lar va yo'l-yo'riqlarda amir Buxorosiga qarshi kurash boshlash tashabbusi faqat quyidagi, mahalliy «inqilobchi» kuchlar tomonidan bo'lishi kerakligi alohi-da ta'kidlangandi.

Amirlik tuzumini harbiy kuch qo'llash orqali ag'darib tashlash uchun tayyorgarlik ishlari sovet Turkistoni hukumati va uning Frunze boshliq Turkiston fronti qo'mondonligi tomonidan boshlab yuborilgandi. Chunonchi, 1920-yil iyun o'rtalaridayoq zamonaviy qurol-aslahalar bilan qurollangan qizil qo'shinlar Buxoro chegaralariga keltirib qo'yilgandi. Ayni paytda Buxoroda qurolli qo'zg'olonni o'tkazish yuzasidan harbiy-inqilobiy byuro tashkil etildi. Uning tarkibiga Turkkomissiya vakillari M. Frunze, V. Kuybishev, TKP vakili N. To'raqulov, BKP Markaziy Qo'mitasi raisi N. Husainov, Yosh buxoroliklar partiyasi rahbari F. Xo'jayevlar kir-garidilar. Hatto bo'lajak Buxoro Inqilobiy qo'mitasi va hukumati tarkiblari ham avvaldan tayyorlab qo'yilgandi. Shuning uchun ham Buxoro amirligining ag'darilishi aslida bolsheviklar zo'ravonligi va raakkorona siyosati-ning real ifodasi bo'lgandi.



Qizil qo'shnlarning «Buxoro inqilobini yasash» borasida 1920-yil sentabri boshida Buxoroga yetkazgan mislsiz oqibatlar zarari.

1920-yil 29-avgustda Chorjo'yda amir tuzumiga qarshi «xalq qo'zg'oloni» boshlanishi bilanoq, Beshim Sardor boshchiligidagi inqilobiy qo'mita avvaldan tuzi]-

gan kelishuvga binoan darhol sovet hukumatiga murojaat qiladi. Bu sovet qo'shinining qo'zg'olonchi kuchlarni himoya qilib, Buxoroga qarshi urush harakatlarini bosh-lashiga bahona bo'ladi.

Rasmiy ma'lumotlarga ko'ra, sovet qo'shinlari ixtiyorida shu davrda 10 ming qizil askar, 40 ta to'p, 230 taga yaqin pulemyot, 10 ta zirhli avtomobil, 5 ta zirhli poezd va 12 ta samolyot bor edi. Shuningdek, Turkiston fronti qo'shini bilan birga hujum harakatlarida 5 ming kishiga yaqin buxo-rolik «inqilobiy tuzilma» ham ishtirok etdilar.

Amir lashkari son jihatidan ko'p bo'lgani bilan (20 mingga yaqin) biroq uning qurollanish darajasi qizillar qo'shiniga nisbatan ancha zaif holda edi. Hujumga tashlangan sovet qo'shinlari amirlikning Chorjo'y, Qarshi, Kitob, Shahrisabz va boshqa hududlarini egallab, Buxoro tomon siljib bordilar. Ayniqsa bu bosqin natijasida Buxoro va uning ko'p sonli aholisi mislsiz zarar ko'rdi. Shahar bir necha kun davomida zamonaviy qurollardan o'qqa tutildi, bombardimon qilindi. Uning ko'plab noyob osori-atiqalari, tarixiy obidalarini vayron etildi. Nihoyat, 1920-yil 2-sentabrda amir va uning lashkari yengilib, Buxoroni tark etadi. Shundan so'ng shahar sovet bosqinchilari tomonidan egallanadi.

Garchand amirlik tuzumining ag'darilishi uzoq davr-lar davomida «xalq qo'zg'oloni» yo'li bilan amalga oshirilgan, deb kelingan va son-sanoqsiz adabiyotlarda bitil-gan bo'lsada, biroq bunda sovet qo'mondonligining to'la harbiy kuchi hal qiluvchi rol o'ynaganligi faktdir. Bu haqiqat istiqbol sharofati bilan milliy tariximizga haqqoniy, xolis yondashuv tufayli yuzaga chiqdi va e'tirof topdi. Buxoro qizil qo'shinlari tomonidan egallangach, hokimiyat Muvaqqat Butun Buxoro Inqilobiy Qo'mitasi qo'liga o'tdi.

1920-yil 14-sentabrda BKP MQ ya Muvaqqat Butun Buxoro Inqilobiy Qo'mitasining birlashgan majlisida Abduqodir Muhitdinov boshchiligida oliy qonun chiqaru-vchi organ— Butun Buxoro Inqilobiy Qo'mitasi va Fayzulla Xo'jayev raisligida Respublika hukumati — Xalq Nozirlar Kengashi tashkil qilindi. o'sha yilning 6—8-oktabr kunlari xalq vakillarining I Butun Buxoro qurultoyi bo'lib o'tdi. Unda Buxoro Xalq Sovet Respublikasi tuzil-gani to'g'risida qaror qabul qilindi.

1921-yil 4-martda Moskvada BXSRS bilan RSFSRS o'rtasida ittifoq

shartnomasi va iqtisodiy bitim imzo-lanadi. Bu rasmiy hujjatlar asosida Buxoro davlatining sovet Rossiyasiga harbiy-siyosiy va iqtisodiy jihatdan har tomonlama bog'liq bo'lib qolganligi qonuniy belgilab qo'yildi. Bu esa Rossiya Federatsiyasi va uning Turkistondagi vakolatli namoyandalariga Buxoro Xalq Respublikasining ichki ishlariga bevosita aralashish, u yerdagi o'zgarishlarni nazoratga olish va uni aniq sotsialistik maqsadlar sari qaratish uchun keng imkoniyatlar ochib berdi.

Darhaqiqat, sun'iy inqilob yasash yo'li bilan xalqni «harakatga keltirib», amirlik tuzumini zo'rlik, kuch asosida ag'darib, Buxoro Xalq Sovet Respublikasi tuzilishiga erishgan sovet hokimiyati endilikda unga o'zining sotsialistik g'oyalariyu tartib-qoidalarini bemalol tiqishtira olardi. Bu hol Buxoroning mustaqil, suveren davlat sifatida taraqqiy topishiga, xalqining asriy orzularining ro'yobga chiqishiga, uning o'ziga xoslik, milliylik xususiyatlarining bardavomligiga jiddiy to'sqinlik tug'dirardi, albatta. Shu bois Buxoro hukumatining mustaqil siyosat yuritishiga, qo'shni mamlakatlar yoxud Turkiya, Germaniya singari uzoq xorijiy davlatlar bilan diplomatik va savdo-sotiq aloqalari o'rnatish borasidagi sa'y-harakatlariga izn berilmadi. Markazning S. Orjonikidze, Sh. Eliava, Ya. Peters singari nufuzli emis-sarlari Buxoroga tez-tez yuborilib, Buxoro hukumati faoliyatini taftish qilish, uning yo'l qo'ygan xato, nuq-sonlarini fosh qilish bilan shug'ullandilar. Hatto RKP(b) MQ 1922-yil mayida «Turkiston-Buxoro ishlari haqida» qaror qabul qildi. Unda o'rta Osiyoda, jumladan, Buxoroda jadallik bilan sotsialistik tuzumni mustahkam-lash qafiy uqtirilgan edi. Shuningdek, RKP(b) MQning 1923-yil 12-iyunda qabul qilgan Buxoro masalasiga doir maxsus qarori ham BXSРning ichki ishlariga qo'pollik bilan aralashish edi. Negaki, bu qarorda Buxoroning rivojlanish jarayonini «sotsialistik izga» burib yuborish maqsadi ko'zda tutilgandi. Buxoro xalqining tub milliy manfaatlari yo'lida fidoyilik bilan faoliyat yuritgan Abdurauf Fitrat, Mo'injon Aminov, Ota Xo'jayev, Sattor Xo'jaev, Rahimjon Yusufzodalarning respublika huku-mati tarkibidan chetlatilishi ham Moskva vakillarining talabi bilan amalga oshirilgan edi. Buxoro Xalq Sovet Respublikasining asosiy rahbar tashkiloti—Buxoro Kompartiyasi RKP(b) MQning viloyat tashkiloti maqo-mida faoliyat yuritishga majbur edi. Respublika hududida sovetlarga qarshi kuchlarni bostirish bahonasi bilan to'plangan son-sanoqsiz qizil askarlarning mutlaq ko'pchiligi

chetdan keltirilgandi. Masalan, 1922-yilda mavjud 40 ming kishilik qizil armiya tarkibida buxoroliklar atigi 500 kishini tashkil etardi, xolos. Buxoro respublikasining 1921-yil sentabrida qabul qilingan Konstitutsiyasi ham RSFSR konstitutsiyasi andozasida tuzilgan edi.

Markaz tashabbusi bilan 1923-yil martida o'rta Osiyo Iqtisodiy Kengashining tuzilishi va uning tarkibiga Buxoroning ham jalb qilinishi, bu uning iqtisodiy mustaqilligining asta-sekin qo'ldan boy berilishiga sabab bo'ldi. Hukmron Markaz tazyiqi asosida bu hududda qafiy tarzda sotsialistik o'zgarishlar amalga oshirilib borildi. 1923-yilda qabul qilingan BXSR Konstitutsiyasiga binoan mulkdorlar, savdogarlar, ruhoniylar saylov huquqidan mahrum etildi.

1924-yil sentabrida bo'lib o'tgan 5-Butun Buxoro qurultoyi BXSRni Buxoro Sovet Sotsialistik Respublikasi deb e'lon qildi. Nihoyat, 1924-yilda o'tkazilgan milliy-hududiy chegaralanish natijasida uning hududlari O'zbekiston va Turkmaniston SSR tarkibiga qo'shib yuborildi. Ayni chog'da Buxoro mehnatkashlarining sovetlar tuzumi zo'ravonligiga qarshi harakati XX asr-ning 30-yillari o'rtalariga qadar davom etdi.

Savol va topshiriqlar

1. 1917-yil fevral inqilobiy o'zgarishi yuz bergan vaqtda xonliklarda qanday ijtimoiy-siyosiy vaziyat hukm surayotgan-di?
2. Xiva xonligida siyosiy ahvol qay tarzda kechayotgan edi?
3. Yosh xivaliklar faoliyatiga oid nimalarni so'zlab bera olasiz?
4. Yosh xivaliklar tashkiloti rahbarlaridan kimlami alohida ajratib ko'rsatsa bo'ladi?
5. Junaidxon xoniik hukmdori bo'lib olganidan keyin nega xonlikdagi siyosiy tanglik jiddiy tus olib bordi?
6. Xiva xonligi qay yo'sinda tugatildi?
7. Buxoro amiriigida vaziyat qanday edi?
8. «Kolesov voqeasi» nima maqsadda tashkil etilgandi va u qanday oqibatlariga sabab bo'ldi?
9. Yosh buxoroiiiklar faoliyati haqida nimalar bilasiz?

10. Bolsheviklar va sovet hokimiyatining Buxoro ichki ish-lariga aralashuvining kuchayib borganligi sabablari nimada edi?
11. Sovet Turkistoni harbiy qo'shinining Buxoroga bosqin uyushiirganini qanday baholash mumkin?
12. Buxoro amirligi ag'dari!gach qanday hokimiyat organlari tuzildi?

7-MAVZU: MILLIY SIYOSAT VA DAVLAT QURILISHI MASALALARI.

Reja:

1. Milliy siyosat.
2. Milliy hududiy chegaralanish va uning oqibatlari.
3. O'zbekiston SSRning tashkil etilishi.



1. Milliy siyosat.



Bolsheviklar partiyasi bosh bo'lgan sovet hokimiyati Turkistonda uzoqqa mo'ljallangan o'z makkorona rejalarini amalga oshirishga kirishdi. Shu maqsadni ko'zlab u XX asrning 20-yillari boshlaridan bu zaminda mustamlakachilarga xos «orani buz, hokimlik qil» qabilidagi o'z milliy siyosatini hayotga izchil tadbqiq etish yo'lini tutdi. Aslida sovetlarning milliy siyosati chorizmning ko'p zamonlar bu yurtda yuritib kelgan shovinistik, ulug' davlatchilik siyosatidan mohiyat e'tibori bilan farq qil-masdi. Faqat uning shakli-shamoyili o'zgargandi, xolos. Gap shundaki, chorizm hukmronligi davrida chekka o'lkalar xalqlari ochiq-oshkora tarzda kamsitilar, ularning insoniy qadr-qimmati, or-nomusi, asliy milliy qadriyatlari tahqirlanar edi. Sovet mutasaddilari esa o'zlarining niqoblangan soxta ishlari, yolg'on-yashiq va'dalari va da'vatlari bilan mazlum millat kisbilarini laqillatishga, o'z hukmlariga bo'ysundirishga, «yagona Turkiston uchun» kurash g'oyasini yo'qqa chiqarishga intildilar.

Turkiston xalqlari o'z milliy davlatchiligini tiklash va rivojlantirishga intildi. 1920-yil yanvarida bo'lib o'tgan Turkiston Kompartiyasining V o'lka konferensiyasida Turkiston ASSR MIQ raisi T. Risqulov so'zga chiqib mushtarak Turkiston g'oyasini ilgari suradi, asosan turkiy xalqlardan iborat Turkiston Avtonom Respublika-sini Turk Sovet Respublikasi, Turkiston Kompartiyasini Turkiy xalqlar Kompartiyasi, deb o'zgartirishni taklif qiladi. Bu takliflar o'lka ijtimoiy-siyosiy hayotida, RKP(b) Markazqo'mi, uning Siyosiy byurosi, sovet hokimiyati doiralarida turli bahs-larga sabab bo'ladi. Shu bois «Turkiston masalasi» bir necha bor Markazda, RKP(b) Markaziy Qo'mitasi Siyosiy byurosining 1920-yil mart-iyun oylaridagi majlislarida muhokama qilindi. Garchand Markaz «Turkiston masalalari»ga yuzadan turib qiziqish bildirgan bo'lsa-da, biroq Turkistonga mustaqillik berishni o'z

oldiga maqsad qilib qo'ymagan edi. Shu zaylda masalaning yechimi cho'zila boradi.

1920-yil 13-iyunda T. Risqulov, N. Xo'jaevlardan iborat Turkiston xalqlari delegatsiyasi o'z amaliy tak-liflari bilan bevosita sovet hukumati rahbari V. I. Lenin qabulida bo'ladi. Bu ular uchun so'nggi umid va najot ilinji edi. Oqibat natijada shunday bo'ldiki, na sovet hukumati rahbariyati va na bu masalani 1920-yil 29-iyulida ko'rgan RKP(b) Markazqo'mi Siyosiy byurosi turkistonlik delegatsiya iltimosnomasiga ijobiy baho bera oldil Buning aksincha, sovet hukumati va partiya rah-bariyati o'lkadagi vaziyatni tezlikda bartaraf etish uchun shoshilinch tarzda «RKP(b)ning Turkistondagi asosiy vazifalari to'g'risida» degan nom ostida bir necha qaror-lar qabul qildi. Jumladan, «Turkistonda hokimiyatni tashkil etish to'g'risida»gi maxsus qarorda Turkistonda Butun Rossiya Markaziy Ijroiya Qo'mitasi, RSFSR Xalq Komissarlari Soveti va RKP(b) Markaziy Qo'mitasining doimiy vakolatxonasi bo'lishi kerakligi zarur, deb ko'rsa-tildi. Mazkur qaror o'lka hayoti ustidan nazoratni kuchaytirish, sovet hokimiyati negizlarini mustahkam-lashga xizmat qildi.

Shunday qilib, o'lka xalqlarining o'z taqdirini o'zi belgilash, o'z milliy davlatchiligini o'z xohishlaricha huquqiy asosda tashkil qilish borasidagi yana bir urinishi barham topdirildi. o'lka xalqlarining orzu umidlarini ro'yobga chiqarishga muvaffaq bo'la olmagan Turkiston ASSR Markaziy Ijroiya Qo'mitasi raisi, taniqli arbob T. Risqulov tez orada o'z lavozimidan iste'foga chiqishga majbur bo'ladi. Gap shundaki, sovet Rossiyasi hukumati Turkistonning emin-erkin rivojlanish yo'lidan ilgarilab borishini emas, balki uning doimiy o'z nazoratlari osti-da bo'lishini xohlardi. o'lkaning mehnatsevar, jafokash xalqi, uning boyliklari, tabiiy va mineral resurslari Markaz foydasiga ishlashi, xizmat qilishi ularning bir-dan-bir muddaolari edi. Hukmron Markaz tashabbusi bilan tashkil etilgan Turkkomissiya, o'rta Osiyo Byurosi, o'rta Osiyo Iqtisodiy Kengashi singari nufuzli organ-larning o'lka hayotining barcha jabhalarini o'z nazorati-ga olishi, o'z iznlariga bo'ysindirish borasida harakat etib kelganligi boisi ham mana shundadir.

Ma'lumki, bolsheviklar boshliq sovetlar hokimiyati barcha usul va g'oyaviy ta'sir vositalarini ishga solib, mazlum millatlarni yagona bir qizil saltanat tarkibiga birlashtirish, shu asosda qudratli ittifoq davlatini barpo etishni o'z oldilariga bosh maqsad qilib qo'yidilar. Chorizmning mustamlakachilik siyosatini boshqacha shakl va

ko'rinishlarda ustamonlik bilan davom ettirgan makkor sovet rejimi sovet respublikalari ittifoqini tuzish-ga, ularni RSFSR atrofiga jipslashtirishga asosiy e'tibor qaratdi. Bunda yosh sovet respublikalarining Birinchi jahon urushi (1914—1918-yillar) va Fuqarolar urushi oqibatlari, o'z milliy davlatchiligi va iqtisodiy-ijtimoiy hayotini qurish, xo'jalik ishlarini tashkil etish, kadrlar masalasi, o'z hududiy yaxlitligini saqlash kabi ayrim vaqtinchalik qiyinchiliklarga duch kelganligi bolsheviklarga qo'l keldi. Shu bilan birgalikda RSFSR huku-mati tomonidan 1918—1922-yillarda yangi sovet respub-likalariga diplomatik, siyosiy-iqtisodiy, harbiy, moliyaviy ta'sir o'tkazildi. Bu jarayonga bolsheviklar boshchilik qildilar.

Garchi bo'lajak Ittifoq sovet respublikalarining do'stlik va tenglikka asoslangan ixtiyoriy ittifoqi bo'ladi deyilsada, biroq uzoqni ko'ra biladigan respublikalarning bir qator rahbarlari bunga qarshi edilar. Masalan, Ukraina Kompartiyasi Markaziy Qo'mitasi kotiblari X. G. Rakovskiy va D. L. Pyatakov yagona ittifoq davlati g'oyasiga qarshi chiqib, umumittifoq hokimiyat organlari bo'lmagan «konfederatsiya» tuzishni yoqlab chiqdilar. Gruzin milliy ziyolilari ham yangi ittifoq tuzish g'oyasini qo'llamadilar. Bir necha bor RKP(b) Markaziy Qo'mitasi Siyosiy byurosida, partiyaning s'ezdlari va plenumlarida, shuningdek, sovet tashkilotlarida bu masala keng muhokama qilindi. Muhokamalarda, jum-ladan, sovet hukumati arboblardan biri I. Stalin «Avtonomlashtirish» g'oyasini ilgari surdi. Unga ko'ra, sovet respublikalari muxtor (avtonom) respublika maqo-mi bilan RSFSR tarkibiga kirishlari kerak degan g'oya ilgari surilgan edi. Tabiiyki, bunday taklifga milliy respublikalar xohish bildirmasliklari ham mumkin edi. Bu xavfni anglagan Lenin yangi ittifoq RSFSR dan yuqori bo'ladi va unga RSFSR ham boshqa milliy respublikalar kabi teng maqom va huquqlar bilan kiradi, degan fikrni bildirdi. Bu sovetlarning yana bir o'ziga xos hiylasi edi.

Nihoyat, RKP(b) rahbarligida joylarda uzoq vaqt olib borilgan tashviqot-targ'ibot ishlari va ko'rsatilgan tazyiqlar o'z natijasini berdi. Ukraina, Belorussiya, Zakavkaze Federatsiyasi Kompartiyalari, bu respub-likalarning sovetlar s'ezdlari RKP(b) Markazqo'mining «SSSRni tuzish to'g'risida»gi takliflarini qo'llab-quvvatlashlarini bayon qildilar.

This is a detailed map of Central Asia, showing the borders of the Soviet Union (USSR) and its neighboring countries: Afghanistan to the south, India to the east, and Iran to the southeast. The map includes major cities and regions such as Tashkent, Samarkand, Bishkek, and Almaty. The Caspian Sea (Kaspiy Dengizi) is visible in the north. A red line indicates a specific route or boundary across the region.

1922-yil 26-dekabrda Sovetlarning Butun Rossiya X s'ezdi sovet respublikalarini yagona sovet davlatiga bir-lashtirishni zarur deb topdi. S'ezd o'zi saylagan delegat-siyasiga USSR, BSSR va ZSFSR delegatsiyalari bilan birgalikda Sovet Sotsialistik Respublikalari Ittifoqini tashkil etish to'g'risidagi Deklaratsiya loyihasini ishlab chiqish va Ittifoq shartnomasini tayyorlashni topshirdi.

1922-yil 29-dekabrda Moskvada to'rt respublika vakolatli delegatsiyalarining konferensiyasi bo'lib o'tadi. Konferensiya SSSRni tuzish to'g'risida RKP(b) Markaziy Qo'mitasi plenumi tasdiqlagan Deklaratsiya va Shartnoma loyihasini muhokama qilib, uni ma'qullaydi. 30 dekabrda uni to'rt respublikalarning vakolatli delegat-siyalari imzolaydilar.

1922-yil 30-dekabrda Moskvada Butunittifoq Sovetlarining I s'ezdi SSSRni tuzish to'g'risidagi Deklaratsiya loyihasini ko'rib chiqib, Deklaratsiya va Ittifoq Shartnomasini tasdiqlaydi.

S'ezd yangi ittifoq — SSSRning yuqori hokimiyat "organlari — Markaziy Ijroiya Qo'mitasini va hukumatini tuzdi. SSSR MIQ Raislari etib, RSFSRdan M. I. Kalinin, Ukrainadan G. I. Petrovskiy, Belorussiyadan A. G. Chervyakov, ZSFSRdan N. N. Narimanovlar saylandi. V. I. Lenin SSSR Xalq Komissarlari Soveti raisi etib tasdiqlandi.

Shunday qilib, oktabr to'ntarishidan 5 yil o'tgandan keyin 1922-yil 30-dekabrda SSSR tuzildi. Uning ta'sischiylari RSFSR, BSSR, USSR, ZSFSR hukumatlari bo'ldilar. Keyinchalik uning tarkibi kengayib bordi. XX asrning- 30—40-yillari boshlariga kelib bu ittifoq davlati tarkibi yangi respublikalar hisobiga kengayib, u son jihatidan 15 taga yetkazildi. Shunday qilib yer yuzi hududining 1/6 qismini egallagan qudratli sovetlar salta-nati vujudga keldi.

Bu ittifoqqa asos solgan barcha dasturilamal hujjatlarda tenglik, birodarlik tushunchalari aks ettirilsada, biroq amalda u hukmron Markaz uchun butun-butun xalqlarning taqdiri-qismati, inon-ixtiyorini tamomila o'z tasarrufiga bo'ysundirishga xizmat qilgan tuzoq rolini o'tab keldi. Negaki, bu ittifoq uning tarkibiga kiritilgan har bir milliy respublikaning amaldagi mustaqilligini barham toptirdi, emin-erkin rivojlanishiga g'ov soldi. Bunday og'ir ayanchli qismatni O'zbekiston va uning jabrdiyda xalqi ham o'z boshidan kechirdi.



2. Milliy hududiy chegaralanish va uning oqibatlari.

Ma'lumki, o'rta Osiyo hududida qadim-qadimdan tili, dini, tarixi, madamyati, an'analari bir-biriga juda yaqin va mushtarak qardosh va qondosh xalqlar yashab kelganlar. Bu yerda istiqomat qilgan O'zbeklar, turkmanlar, tojiklar, qozoqlar, qirg'izlar, qoraqalpoqlarning xo'jalik hayoti, turmush tarzi, udumlari ham o'xshash bo'lib, shu muqaddas ona zaminni o'zlarining asl Vatanlari deb bilganlar. «Biz ildizi, tomirlari bir xil xalqmiz», degan g'oya azaldan avloddan-avlodga o'tib keladi. Bu g'oya doime hudud yaxlitligi, birligiga xavf tug'ilganda kuchli, yengilmas tushunchaga aylangan, xalqlarning bir-biridan ajralib, uzoqlashib ketishiga yo'l qo'ymagan. Ular hamisha bir-birlariga og'aini, quda-anda bo'lganlar, bir daryodan suv ichganlar, bir yaylovda chorva boqqanlar. Yurtboshimiz Islom Karimov ta'kidlaganlaridek, «Bizning ota-bobolarimiz ham, momolarimiz ham bir».

Biroq, afsuslar bo'lsinki, pixini yorgan sovet hokimi-yati arboblari qondosh va jondosh, tarixan bir yagona hududda yashab kelgan birodar xalqlarni bir-biridan ajratib tashlash, ularning birlashib davlat tuzishlariga izn bermaslik uchun butun choralarni ishga solib borganlar. Bundan kuzatilgan bosh maqsad - o'lka xalqlarining bir-lashuviga, o'z istiqbolini va istiqbolini birgalikda bunyod etishiga yo'l qo'ymaslik va shu asosda Markazning bu yerdagi hukmronligiga, sotsialistik qayta qurish jarayoni-ning avj olishiga keng maydon yaratish edi. Shu maqsad-da Turkistotni anilliy o'ziga xoslik, til birligi asosida bo'lib tashfesh g'oyasi iigari surildi.

Markazning hukmronlik irodasini bajarishga da'vat etilgan Turkiston ishlari bo'yicha maxsus komissiya - Turkkomissiya zimmasiga o'lkada milliy-hududiy chegaralanishni o'tkazish va shu asosda bu hududda bir qator sovet respublikalarini tashkil qilish vazifasi yuklangan edi. RKP(b) Markazqo'mi kotibi Ya. E. Rudzutak bu sohaga bosh mutasaddi etib belgilangan edi. Markaz mo'ljallayotgan milliy siyosat mazmuni, mohiyatidan xabardor bo'lgan Turkistonning ilg'or ziyoliiari uzoqni ko'fra bilgan donishmand arboblari o'lka birligi, yaxlitligini, uning qardosh xalqlari jipsligini zo'r berib himoya qilishga urindilar. Biroq o'lka jilovini qo'lda mahkam tutgan bolshevik mutasaddilar ularning haqqoniy fikrlarini hisobga olmadilar. Bugina emas, yagona va mustaqil Turkiston g'oyasi uchun kurashgan vatanparvar kuchlar, milliy ziyolilar millatchilikda, turkparastlikda, islomparastlikda va sovet

hokimiyatiga qarshilikda ayblandilar va qoralandilar.

Shunday qilib, o'rta Osiyoni milliy-hududiy jihatdan alohida respublikalarga bo'Sib tashlash masatasi bir necha bor Markazda, Turkiston, Buxoro, Xorazm respublikalarida, ularning Kompartiyalari plenumlarida, shu-ningdek, ularning faoliyatini muvofiqlashtirib turuvchi organ — RKP(b) MQ o'rta Osiyo byurosi plenumlarida muhokama etilib mahalliy xalqqa ta'sir va tazyiqlar o'tkazib borildi.

Milliy-hududiy chegaralanish masalasi 1924-yil 5-aprelda RKP(b) MQ Siyosiy byurosida, 11 mayda RKP(b) MQ o'rta Osiyo byurosi komissiyasida ko'rib chiqildi. Unda o'rta Osiyo respublikalarida milliy "chegaralanish loyihasini tayyorlovchi maxsus komissiya tuzildi. Loyiha RKP(b) MQ o'rta Osiyo byurosining 1924-yil 2-iyundagi yig'ilishida muhokama etilib, asosan ma'qul'andi,

Bundan ribrozi bo'lgan mahalliy aholi vakillari, xusu-san, Xorazm respublikasining bir guruh mas'ul xodimlari, chunonchi, XKP MQ kotibi Odinayev, ichki ishlar noziri Abdusalomov, Yoqubov, Turkiston va Buxoro vakillari: Sultonbek Xo'janov, Sanjar Asfandiyorov va boshqalar yagona Turkistonni bo'lib tashlash maqsadga muvofiq emas, deb e'tiroz bildirdilar. Ular Turkiston xalqlari birligini saqiyab qolishga qaratilgan «O'rta Osiyo federatsiyasini tuzish to'g'risida» taklif-kiritdilar. Shuningdek, -1924-yil 8-mayda RKP(b) Markaziy Qo'mitasiga «Xorazmda milliy masalani hal etisli to'g'risida xat» kelib tushadi. Bu xatda ham Xorazm respublikasini bo'lib yuborish maqsadga muvofiq emas, deyilgan edi. Biroq mahalliy xalqlarning talab va takliflari inobatga olinmadi. Aksincha, 1924-yil 12-iyunda RKP(b) MQ Siyosiy byurosi «O'rta Osiyo respublikalarini milliy chegaralash to'g'risida»gi masalaga yana qaytib, uni o'tkazish to'g'risida qaror qabul qiladi. Munozaralar tobora qizib borganligi sababli vaqtincha Xorazm respublikasida milliy-hududiy chegaralanishni to'xtatib turishga qaror qilindi. Bu borada Xorazm Kompartiyasi va hukumati rahbarlariga har tomonlama ta'sir o'tkazib borildi. Ularning ko'pchiligi vazifasidan olinadi, qolganlari partiya qaroriga qo'shilishga majbur bo'ladi. Oqibatda 1924-yil 26-iyunda Xorazm respublikasi rahbarlari Xorazm uchun ham milliy chegaralanishning zarurligini «e'tirof» etadilar. Shundan so'ng, 1924-yil 15-iyulda o'rta Osiyo byurosi milliy chegaralanish loyihasini tayyorlash va 1924-yil oktabr oyida uni o'tkazish zarur, degan qafiy xulosaga keldi.

Shu maqsadda maxsus Markaziy hududiy komissiya tuzilib, joylarda tashviqot-targ'ibot ishlari kuchaytirib yuborila-di. Komissiya 1924-yil sentabr oyi boshlarida o'z ishini asosan tugallaydi.

1924-yil 25-sentyabrda RKP(b) MQ Siyosiy byurosi, 9 va 11 oktabrda RKP(b) Markaziy Qo'mitasi bu masalani ko'rib chiqib, milliy chegaralanishni rasmiy-lashtirishni maqsadga muvofiq deb topadi. Bu qaror 14-oktabrda SSSR BMIQ tomonidan ham ma'qullanadi. Shu tariqa, sovet hukumati, RKP(b) MQ va uning joylardagi mahalliy tashkilotlarining 1920—1924 yillar davomida o'rta Osiyoda olib borgan, xalqqa yolg'on va'dalar berishni ko'zda tutgan «leninchi milliy siyosat»ni hayotga tatbiq etish bobidagi amaliy ishlari yakun topdi. Buning orqasida o'lkaning tarixan tarkib topgan o'ziga xos milliy xususiyatlari, hududiy yaxlitligi zavol topdi. Uning hududlarini kichik-kichik milliy bo'laklarga bo'lish ishlari yakuniga 1924-yil 24-oktabrda RKP(b) MQ plenumi so'nggi nuqta qo'ydi. Nihoyat, 1924-yilning 27-oktabrida bo'lib o'tgan SSSR BMIQ II sessiyasi o'rta Osiyoda milliy-hududiy chegaralanish o'tkazish tadbirlarini to'la ma'qulladi.

Shunday qilib, hukmron Markaz zo'ravonlarining bir necha yillik sa'y-harakatlari orqasida o'rta Osiyoning siyosiy jo'g'rofiyasi sun'iy ravishda o'zgartirildi. Bu hududdagi ko'p asrlik milliy davlatchilik tarixi an'alariga chek qo'yildi. Buning yorqin ifodasi xususan Buxoro va Xorazm davlatlarining zo'ravonlik yo'li bilan tugatil-ganligida namoyon bo'ldi. o'rta Osiyo hududida shu davrga qadar hukm surib kelgan uch davlat: Turkiston ASSR, Buxoro va Xorazm respublikalari o'rnida endilik-da O'zbekiston SSR, Turkmaniston SSR, shuningdek, O'zbekiston SSR tarkibida Tojikiston ASSR tuzildi. Qirg'izlar yashagan hududlar Qoraqirg'iz (Qirg'iziston) muxtor viloyatiga birlashtirilib RSFSR tarkibiga, Turkistonning qozoqlar yashaydigan tumanlari Qozog'iston ASSR ixtiyoriga berildi. t Qoraqalpoqlar yashaydigan hududlar Qoraqalpoq muxtor viloyatida birlashtirilib Qozog'iston ASSR tarkibiga kiritildi. o'lkada beshta milliy davlat birlashmalari tashkil etildi. Natijada, yago-na Turkiston xalqlari bir-biridan sun'iy ravishda uzoqlashtirildi. Bu hol sovetlarga o'lkada o'z hokimiyatini mustahkamlash uchun katta imkoniyatlar yaratib berdi.



3. O'zbekiston SSRning tashkil etilishi.

Milliy chegaralanish natijasida O'zbekiston SSR tashkil etildi. Uning tarkibiga quyidagi hududlar kiritildi:

- Turkiston ASSR dan 9 ta uezd, 133 tuman va 7 qishloq okrugi;
- Buxoro respublikasining 9 ta viloyati;
- Xorazm respublikasining 23 ta tumani.

O'zbekiston SSR tashkil etilgan paytda uning hududi 312394 kv. kmni, aholisi 4 mln. 447 ming 55 kishini tashkil etar edi. 1926-yil ma'lumotlari bo'yicha, milliy tarkibiga ko'ra aholining 74,2 foizini O'zbeklar, qolgan-larini esa boshqa millatlar tashkil etar edi.

O'zbekiston SSRning dastlabki poytaxti Buxoro bo'lgan. Biroq ko'p o'tmay — 1925-yil aprelda poytaxt Samarqand qilib belgilandi. 1930-yil oxirida poytaxt Toshkentga ko'chirildi. O'zbekiston SSR hududida butun hokimiyat O'zbekiston SSR sovetlarining ta'sis qurultoyiga qadar Muvaqqat Inqilobiy qo'mita ixtiyoriga berildi. Buxoro respublikasi hukumati raisi, taniqli davlat arbobi Fayzulla Xo'jayev O'zbekiston SSR Inqilobiy qo'mitasi raisi qilib tasdiqlandi.

1924-yil 5-dekabrida Inqilobiy Qo'mita butun O'zbekiston xalqiga murojaat qilib, O'zbekiston SSR tuzilganligini, uning tarkibiga Tojikiston ASSR kirgan-ligini ma'lum qildi.

Milliy chegaralanish bilan bir vaqtda iqtisodiy bo'li-nish ham o'tkazildi. Turkiston, Buxoro, Xorazm respub-likalariga tegishli barcha boyliklar yangi milliy respub-likalar o'rtasida qayta taqsimlandi. Bu ishlar sovet huku-mati tomonidan maxsus tuzilgan o'rta Osiyo tugatish komissiyasi boshchiligida amalga oshirildi.

1925-yil 13-fevralda Buxorodagi Xalq uyida umum O'zbek sovetlarining birinchi qurultoyi ochildi. Qurultoy «O'zbekiston Sovet Sotsialistik Respublikasi tuzilganligi to'g'risidagi Deklaratsiya»ni qabul qildi. Qurultoyda davlat hokimiyati oliy organlari tuzilganligi rasmiy-lashtirildi. O'zbekiston SSR Sovetlari Markaziy Ijroiya Qo'mitasi Raisi lavozimiga farg'onalik dehqon, «Qo'shchi» uyushmasi rahbarlaridan biri Yo'ldosh Oxunboboyev saylandi. O'zbekiston SSR hukumati — Xalq Komissarlari Kengashi Raisi lavozimiga Fayzulla Xo'jayev tasdiqlandi. Milliy chegaralanish davrida o'rta Osiyoda faoliyat ko'rsatib kelgan partiya, komsomol va

xo'jalik tashkilotlarida ham bir qator taslikiliy o'zgarish-lar amalga oshirildi. Turkiston, Buxoro va Xorazm Kommunistik partiyalari, komsomol va xo'jalik tashkilotlari, kasaba uyushmalari qayta tashkil etildi.

O'zbekiston Kompartiyasining 1925-yil 6—12-fevral kunlari Buxoroda bo'lib o'tgan 1-ta'sis s'ezdida O'zbekiston Kommunistik (bolsheviklar) partiyasi tasbiJdliy jihatdan rasmiylashdi. Uning Markaziy Qo'mitasi say-landi. V. I. Ivanov va Akmal Ikromov (1927-yildan birinchi kotib) Markaziy Qo'mitaning mas'ul kotiblari etib saylandilar. Shu yili O'zbekiston komsomoli (o'z LKSM), respublika kasaba uyushmalari, uning rahbar organlari ham tuzildi. Ular respublikada Markaz va sovet hokimiyatining tayanch organlari bo'lib qoldilar.

Sovet hukumati O'zbekistonda o'zining rasmiy par-tiya, sovet, komsomol va xo'jalik tashkilotlarini tuzib, asta-sekin siyosiy va iqtisodiy tayanchini mustahkamlab bordi. Bu esa unga O'zbekistonda keng miqyosda bol-shevistik siyosat yuritish imkoniyatini berdi. Shu tariqa sovetlar butun choralari bilan O'zbekistonda o'z hokimiyatini mustahkamlashda davom etdi.

1925-yil may oyida O'zbekiston SSSR tarkibiga kiri-tildi. SSSR Konstitutsiyasi, uning asosiy qonun-qoidalari O'zbekiston SSR hududida bevosita ishlaydigan bo'ldi. 1927-yilda qabul qilingan O'zbekiston SSRning birinchi va 1937-yilda qabul qilingan ikkinchi Konstitutsiyasi ham amalda SSSR Konstitutsiyasining ko'chirma nusxasi edi. Chunki O'zbekiston qog'ozdagi «suveren» respublika bo'lib, amalda Markazga tobe va qaram bir o'lka edi, xolos. U o'z xalqining milliy manfaatlariga oid biror-bir dolzarb, hayotiy ahamiyatga molik masalani Ittifoq hukumatidan xoli ravishda mustaqil hal eta olmasdi. Bunga uning haddi sig'masdi. Binobarin, respublikaning ichki va tashqi siyosatiga daxldor barcha masalalar faqat hukmron Markaz xohish-irodasi bilan-gina hal etllardi. Hatto O'zbekistonning ma'muriy-hududiy tuzilishiga oid masalalar ham ittifoq hukumati tasarrufida edi. Masalan, O'zbekiston xalqi, uning huku-mati roziligini so'ramasdan 1929-yilda Tojikiston ASSR O'zbekiston SSR tarkibidan chiqarilib, Tojikiston Sovet Sotsialistik Respublikasiga aylantirildi hamda SSSRga qabul qilindi.

Shunday qilib, qog'ozda suveren respublika sifatida shakllantirilib, hukmron sovet imperiyasi tarkibiga kiritilgan O'zbekiston SSR amalda Markazga to'la

bo'ysunuvchi, arzon xom ashyo mahsulotlari yetkazib beruvchi bir chekka o'lka bo'lib qolaverdi.

Savol va topshiriqlar

1. XX asrning 20-yillarida sovet hokimiyatining chekka o'lklar xalqlariga nisbatan yuritgan milliy siyosatining mohiyati nimada edi?
2. Sovet hukumatining milliy masala bobida soxta da'vatlar, shiorlarni ilgari surishdan ko'zlagan maqsadlari qanday edi?
3. Nima sababdan Turkiston xalqlariga mustaqillik beril-madi?
4. Kompartiya va sovet hukumati SSSRni tuzishdan o'z oldiga qanday maqsadlarni qo'ygan edi?
5. SSSR qachon va qanday sharoitda tuzildi?
6. SSSR tuzilishining asl mazmun-mohiyati nimadan iborat bo'lgan?
7. Sovetlarning o'rta Osiyoda milliy-hududiy chegarala-nishni o'tkazishdan asosiy maqsadi nima edi?
8. XX asrning 20-yillari o'rtalariga kelib o'rta Osiyoning siyosiy xartasida qanday o'zgarishlar yuz berdi?
9. O'zbekiston SSRning tuzilishi uning xalqi hayotida qanday o'zgarishlarni yuzaga keltirdi?
10. O'zbekiston SSRning ma'muriy-hududiy tuzilishi haqida so'zlab bering.

8-MAVZU: IQTTSODIY SIYOSAT. YER – SUV ISLOHATLARI. SANOATLASHTIRISH SIYASATI VA UNING MUSTAMLAKACHILIK MOHIYATI.

Reja:

- 1. Turkistonda yangi iqtisodiy siyosat.**
- 2. Yer - suv islohoti.**
- 3. Yer - suv islohotining ikkinchi bosqichi.**
- 4. O'zbekistonda sanoatlashtirish va uning oqibatlari.**



1. Turkistonda yangi iqtisodiy siyosat.



XX asrning 20-yillari boshlariga kelganda o'lka hayoti, yerli aholining maishiy turmush tarzi nochor ahvolda edi. Birinchi jahon urushining og'ir asoratlari, yangi sovet tuzumini o'rnatishda bolshevik hukmdorlarning mahalliy aholiga nisbatan qo'llagan zo'rlik, bedodlik siyosati har qadamda ko'zga tashlanib turardi. Sanoat izdan chiqqan, transport va aloqa vositalari ishlamayotgan, son-sanoqsiz ekin may-donlari payhon bo'lib ketgandi. Eng yomoni, o'lkada ochlik, qashshoqlik, ommaviy ishsizlik hukm surardi.

Buning ustiga sovet rejimi tomonidan ishlab chiqilib, hayotga zo'rlik va zudlik bilan joriy etilgan oziq-ovqat razvyorstkasi va u bilan uyg'unlashgan harbiy kommu-nizm siyosati o'lka xalqlari hayotini yana ham mushkul ahvolga solib qo'ydi. Sovet hokimiyatini saqlab qolish maqsadida amalga osbirilgan bu favqulodda siyosat aholining bor-budini tortib olib, uning erki, tashabbusi, mustaqilligini qafiyancheklab, savdo, bozor muno-sabatlariga izn bermay, oqibatda bu yerdagi ijtimoiy-siyosiy va iqtisodiy vaziyatning yana ham murakkablashib borishiga sabab bo'ldi.

Vaziyat sovet hokimiyati yo'lboshchilari oldiga ahvolni o'nglash, tang vaziyatdan chiqish va xo'jalik siyosatining yangi vazifalarini belgilashni ko'ndasang qilib qo'ydi. Modomiki, sovet hokimiyati butun mam-lakatdagi vaziyatni o'z tasarrufiga olib, nisbatan tinch xo'jalik joiritish pallasiga kirgan ekan, bunda iqtisodiy siyosatning davr talabiga javob beradigan yangi yo'nalishlarini ishlab chiqishi hayotiy zaruriyat bo'lib qolgan-di. Bu vazifalar 1921-yil mart oyida bo'lib o'tgan RKP(b) X s'ezdi belgilab bergan yangi iqtisodiy siyosat (YalS) da o'z ifodasini topdi.

Bu siyosatning muhim bo'g'inlari oziq-ovqat razvyorstkasini oziq-ovqat solig'i bilan almashtirish, savdo-sotiqni erkinlashtirish, sanoat-da, xizmat ko'rsatish va mayda hunarmandchilik sohalarida xususiy tadbirkorlikka raxsat etish, bozorni tartibga solish mexanizmlaridan foydalanish, ijaraga olish va yollanma mehnatning cheklanishini bekor qilishdan iborat bo'ldi.

Eng muhimi, bu siyosat shahar bilan qishloq o'rtasidagi o'zaro munosabatlarni izga solishga, yangi hokimiyatning tayanch negizi hisoblangan ishchilar bilan dehqonlar sinfi o'rtasidagi ittifoqni, iqtisodiy aloqalarni mustahkamlashga xizmat qilardi. Yangi iqtisodiy siyosat-ning bosh maqsadlaridan biri — bu dehqon xo'jaligini oyoqqa turg'izish, uni rivojlantirish edi. Negaki, busiz sanoatni ham, xalq xo'jaligining boshqa sohalarini ham hech bir yuksaltirib, yetarli xom ashyo bazasini yaratib bo'lmasdi. Oziq-ovqat solig'i talabiga ko'ra ekish mavsumi oldidan yakka dehqon xo'jaligi bilan davlat o'rtasida mahsulot yetkazib berish majburiyati to'g'risida alohida-alohida shartnoma tuziladigan bo'ldi. Bu shartnoma yil oxirigacha, ya'ni hosil olingunga qadar o'zgarmas edi. Bu esa dehqonlarni yerdan ko'proq hosil olish uchun astoydil mehnat qilishga undardi. Xullas, yangi iqtisodiy siyosat dehqonning o'z mehnatidan manfaatdor bo'lishi-ni tayin qildi. Endilikda dehqonning ortiqcha g'allasi tortib olinmaydigan, bugina emas, dehqonga o'zi yetishtirgan oshiqcha mahsulotni bozorda erkin sotish huquqi berildi. Oshiqcha mahsulot deganda dehqonning davlat buyurtma topshiriq-rejasida belgilangan hajmdagi mahsulotni topshirgandan keyin ortib qolgan qismi tushuniladi. Shuningdek, narx-navo tartibga solindi. Ayrim sanoat korxonalari ham ma'lum cheklashlar asosi-da o'zlarining avvalgi sobiq egalariga qaytarib berildi.

Yangi iqtisodiy siyosat Turkiston uchun bir qator o'ziga xos xususiyatlarga ega edi. Birinchidan, Turkiston chekka, asosan qishloq xo'jaligi o'lkasi edi. Demak, bu yerda zamonaviy qishloq xo'jaligi va sanoatni yangidan barpo etish kerak edi. Ikkinchidan, o'lkada milliy ishchilar sinfini shakllantirish zarur edi. Uchinchidan, Turkiston ko'p millatli o'lka bo'lib, yangi iqtisodiy siyosatga o'tishda yerli xalqlarning qadriyatlari, an'analari, urf-odatlarini xususiyatlarini hisobga olish kerak bo'lardi. Ammo RKP(b) va sovet hukumati Turkistonda yangi iqtisodiy siyosatni joriy etishda o'z manfaatlaridan kelib chiqib ish yuritdilar.

1921-yil 20-aprelda Turkiston ASSR Markaziy Ijroiya Qo'mitasi oziq-ovqat, yem-xashak va xom ashyo razvyorstkasini mahsulot solig'i bilan almashtirish to'g'risida qaror qabul qildi. Unda 1921 —1922-yillar uchun soliq miqdori belgilandi. Achinarlisi shundaki,

Turkiston mehnatkashlaridan olinadigan soliq markaziy rayonlardan farqli o'laroq yil oxirida yig'ib olingan hosil miqdoriga qarab emas, balki ekilgan yerning har desya-tinasi, shuningdek, qoramol va mayda mollar hisobidan olinadigan bo'ldi. Bu esa, Turkiston dehqonining kamsi-tilishini bildirardi.

Bundan tashqari, sovet hukumati o'lkada birinchi navbatda o'zi uchun zarur bo'lgan tarmoqlarni, chunonchi, paxta, qand lavlagi, tamaki va boshqa texnik ekinlarni rivojlantirishga alohida e'tiborni qaratdi. Yordam ko'rsatish bahonasida 300.000 dan ortiq ishchi va dehqon oilalari Rossiya markaziy rayonlaridan Turkistonga keltirilib joylashtirildi. Buning ustiga o'lkada ahvol og'ir bo'lishiga qaramasdan 1921-yil kuzida bu yerdan Moskva va boshqa shaharlarga 300 ming puddan ko'proq g'alla mahsulotlari olib ketildi. Shunga qaramay, o'lka mehnatkashlari fidokorona mehnat qildilar. Ularning, biroz bo'lsa-da, hayotga ishonchi uyg'ona boshladi. Chunki, sovet hokimiyati cheklangan holda bo'lsa-da, o'lkada xususiy mulkchilik va xususiy tad-birkorlikka erkinlik bergan edi.

Yangi iqtisodiy siyosat asosida sanoatni xo'jalik hiso-biga o'tkazish jarayoni amalga oshirib borildi. Bu esa sanoat korxonalari ishlab chiqarishining biroz bo'lsada jonlanishiga olib keldi. Mayda va o'rta sanoat korxo-nalari, yirik kooperativ tashkilotlar va ularning birlash-malari tadbirkorlarga ijaraga berildi, o'lkada yangi sanoat korxonalari, temir yo'llar qurildi. Xilkovo sement zavo-di, Farg'ona pillakashlik fabrikasi, Qizilqiya, Xilkovo temir yo'l shoxobchalari shular jumlasidandir.

O'lkada ayniqsa paxtachilik va u bilan bevosita bog'liq bo'lgan paxta tozalash korxonalari tez suratda o'sdi. Bu Markaz to'qimachilik sanoatining O'zbek paxtasiga talab-ehtiyoji ortib borayotganiga ko'p jihatdan bog'liq edi.

Natijada paxta ekiladigan maydonlar 1924-yilda 1921-yilga nisbatan 3 barobar ko'paydi. Ishlab turgan sanoat korxonalari soni 144 taga yetdi. Birgina paxta tozalash sanoatida yalpi mahsulot ishlab chiqarish 1923-yildagi 23,9 mln. so'mlikdan

1924-yilda 57,8 mln. so'mga yetdi. Bundan ko'rinadiki, yangi iqtisodiy siyosat asosida Turkiston sanoati tiklanib sezilarli darajada rivojlana boshladi.

Biroq partiya va sovet hukumati yangi iqtisodiy siyosat Turkistonda sinfiy kurashning keskinlashuviga olib kelmoqda, mahalliy boylar, milliy burjuaziya qoldiqlari, yirik savdogarlar, musulmon ruhoniylari va boshqa ekspluatator unsurlar jonlanmoqda, deb ularga qarshi mafkuraviy tashviqot va targ'ibot ishlarini kuchaytirib yubordi.

Bu hol asta-sekinlik bilan o'lkada yangi iqtisodiy siyosat yo'lidan chekinishga olib keldi. Dehqonga beril-gan imtiyozlar qaytarib olindi. Ular qishloq xo'jalik artellariga birlashtirila boshlandi. Sanoatni milliy-lashtirish jarayoni avj oldirildi. Ayniqsa, 20-yillarning oxirlariga kelib Ittifoqning, shu jumladan, O'zbekiston-ning ijtimoiy-siyosiy va iqtisodiy-madaniy hayotida ma'muriy-buyruqbozlik boshqaruvi tizimining kucha-yishi natijasida yangi iqtisodiy siyosat o'z mazmuni va mohiyatini tobora yo'qota bordi.



2. Yer - suv islohoti.



Azaldan sun'iy sug'orishga asoslangan dehqonchilik madaniyati maskani hisoblangan hamda aholisining mutloq ko'pchiligi qishloq xo'jaligida band bo'lgan Turkiston xalqlari uchun yer-suv, undan foydalanish masalasi favqulodda ahamiyat kasb etardi. Negaki, o'lka aholisining anchagina qismi yersiz edi. iBir parcha yerga muhtoj bo'lganlar boylar, yirik zamindorlarning mulkida chorakorlik bilan nochor hayot kechirib, oila tebratib kelardi. Buning ustiga chor Rossiyasi bosqinidan so'ng ko'plab serhosil, unumdor yerlaf Rossiyadan ko'chirib kelingan kelgindi rus oilalari foydasiga majburan olib berilgan edi. Chorizmning Turkiston qishlog'idagi bu zo'ravonlik, mustamlakachilik siyosati yersiz, batrak dehqonlarning ahvolini tanglashtirib yuborgan edi. Shu bois ham mahalliy yerli aholi yangi sovet hokimiyatining «Yer—dehqonlarga» degan balandparvoz va'dalari, da'vatlariga umid bog'lab, uning yer to'g'risidagi dekretining amalga oshuviga ko'z tikib kelayotgandi. Darhaqiqat, sovet hokimiyatining 1917-yil 25-oktabrda qabul qilgan «Yer to'g'risida»gi dekretida butun mamlakatda kambag'al, batrak, yersiz dehqonlarni yer bilan ta'miniash, yirik yer-mulklarni musodara qilish va undan so'ng milliylashtirish vazifalari e'lon


qilingan edi.

Sovet hukumati ko'p sonli dehqon aholisini o'z tomoniga qaratib olishni ko'zlab yer to'g'risidagi dekret-ni qabul qilgan bo'lsada, ammo uni amalga oshirishdan kuzatilgan va uzoqqa mo'ljallangan maqsadlari boshqa edi. Sovetlarning yer-suv islohoti masalasida tutgan siyosatining pirovard maqsadi yirik xususiy yer-mulklarni musodara qilish, milliylashtirish orqali ularni tugatib, jamoalar ixtiyoriga bera borib, asta-sekinlik bilan yirik jamoalashgan sotsialistik xo'jaliklarni qaror toptirish edi. Turkistonda ham mana shu prinsipial maqsadlarni ko'zlab yer-suv islohotini o'tkazishga kirishildi.

Turkiston Sovetlarining XI s'ezdida (1920-yil sentabr) o'lkada yer-suv islohoti masalasi ko'rib chiqildi, bu sohadagi asosiy vazifalar belgilandi. Bunga ko'ra aholining boy qismi qo'lidagi katta yerlarni musodara qilish, ovrupalik kelgindi aholi bilan yerli xalqlar o'rtasi-da yer-suv masalasida vujudga kelgan tengsizlik munosabatlariga barham berish, mehnatkash aholini sovetlar tevaragiga jipslashtirish zarur deb topildi. Yer ishlari xalq komissarligi rejasiga ko'ra tortib olingan yerlar kam yerli va yersiz mahalliy batrak va dehqonlarga bo'lib berilishi aytilgandi. Bu jarayon kelgindi va mahalliy boy xo'jaliklarga ma'muriy choralar va tazyiq o'tkazish yo'li bilan olib borildi. Bu xil tadbirlarga batrak-dehqonlar ommasi ham keng jalb etildi. Shu maqsadda joylarda qishloq va ovullar mahalliy aholisining yersiz, kambag'al qismini birlashtiruvchi «Qo'shchi» uyushmalari tuzila boshladi. «Qo'shchi» uyushmalari kommunistlarning dehqonlar orasidagi tayanchiga aylanib, yer-suv islohotini o'tkazishda partiyaga katta yordam ko'rsatib bordi. Turkiston ASSR hududida 1921-yil davomida tuzilgan «Qo'shchi» uyushmalari 160 ming a'zolarni birlashtirgan edi. 1921-yil dekabrda Toshkentda «Qo'shchi» uyushmalarining birinchi respublika qurultoyi bo'lib o'tdi. Qurultoy qarorida, jumladan, «bu uyushmalar mehnatkashlar ommasini sovetlar yordamida xo'jalik qurilishiga tortish vositasidir»— deb uqtirilgan edi.

Shunday qilib, Turkistonda 1921—1922-yillar davomida yer-suv islohotining birinchi bosqichi yirik yer-suv egalariga qarshi keskin kurash shiori ostida o'tkazildi. Masalan, Samarqand viloyatida 350 ta katta yer egalaridan 13 ming desyatina yerlar tortib olindi. Respublika bo'yicha boy va o'ziga to'q aholidan 1,7

mln. desyatina yer tortib olindi, ularning 117 ming desyatini yersizlarga va kambag'allarga berildi, qolgan katta qismi asosida «Qo'shchi» uyushmalari tuzildi. Bu sovet hokimiyatining kambag'allarni o'z tomoniga og'dirib olishga qaratilgan harakati edi. o'rtahol dehqon xo'jaliklari saqlab qolindi.



Xulosa qilib aytganda, yer-suv islohotining birinchi bosqichi yakunida dehqon xo'jaliklarini jamoalashtirish uchun zamin yaratildi. Endilikda mehnatkash xalqni bir-dan-bir yagona yo'l — jamoa xo'jaliklariga majburan bir-lashish masalasi ko'ndalang bo'lib turardi. Ammo, bu aslida oddiy xalqni aldashdan boshqa narsa emas edi. Chunki, yer dehqonga berilmadi, balki bir mulk shakli-dan, ikkinchi mulk shakliga aylantirildi xolos. Gap shun-daki, garchi yerga xususiy mulkchilik tugatilgan bolsa-da, u jamoa (amalda davlat) mulki bo'lib qoldi.



3. Yer - suv islohotining ikkinchi bosqichi.

O'zbekiston SSR tuzilgan paytda ham respublikada sovetchasiga agrar siyosatni amalga oshirish to'la hal etilmagan edi. 1925-yil boshi-da Farg'ona viloyatida umuman yersiz dehqonlar 3,4 foizni, 3 desyatinagacha yeri bor xo'jaliklar 83,1 foizni tashkil etardi. Samarqand viloyatida bu ko'rsatkich mos ravishda 2,1 va 51,5 foizga teng edi. Toshkent viloyatida esa yersiz dehqonlar 12,5 foizni tashkil etardi.

O'zbekistonning asosiy paxtakor viloyat va tumanla-rida yerning katta qismi yangi iqtisodiy siyosat asosida xo'jalik yuritayotgan o'rtahol dehqonlar qo'lida to'plangan edi. Ular respublikada yetishtirilayotgan paxta, g'alla va boshqa qishloq xo'jalik mahsulotlarining asosiy qismi-ni yetkazib berar edi. Kambag'al dehqonlar esa yerni ulardan ijaraga olib ishlashardi. O'zbekiston Kompartiyasining II s'ezdida (1925-yil noyabr) bu hol feodal munosabatlarning qoldig'i deb baholandi va xususiy mulkchilik munosabatlari sotsialistik iqtisodiyot ta'siriga bo'ysundirilishi kerakligi ta'kidlandi. Shundan so'ng o'zKP(b) Markaziy Qo'mitasi Ijroiya byurosida, viloyat, shahar, tuman partiya va sovet tashkilotlarida yer-suv islohotining ikkinchi bosqichini o'tkazish masalasi bir necha bor muhokama qilindi va uning nihoyatda dolzarbligiga e'tibor qaratildi. Joylarda yer-mulklarni qaytadan ro'yxatdan o'tkazish boshlab yuborildi. Bu ish birinchi navbatda asosiy dehqonchilik muzofotlari hisoblangan Toshkent, Farg'ona, Samarqand viloyatlarida boshlandi.

Yer-suv islohotining mazmuni dastavval quyidagi muammolarni hal etishga qaratildi:

1. Qishloqda ishlab chiqaruvchi kuchlarni yanada rivojlantirishga

bo'lgan barcha to'siqlarni olib tashlash.

2. Yer va suv manbalarini tezroq milliylashtirish.

3. Mehnat qilmay boshqalar hisobiga yashaydigan-larning yerlarini tortib olish.

4. Yangi tashkil etilayotgan xo'jaliklarga yordam berish va hokazo.

Bu aslida qishloqda yangi iqtisodiy siyosatdan chekinish edi. Shuning uchun ham mahalliy rahbarlar yer-suv islohoti jarayoniga o'ziga xos tarzda baho berdi-lar. Masalan, O'zbekiston SSR Yer ishlari xalq komissari Inomjon Xidiraliyev va boshqa mas'ul xodimlar o'zKP(b) Markaziy Qo'mitasi va o'rta Osiyo byurosiga ariza bilan murojaat qilib, yer-suv islohoti mahalliy xalqning xohish-irodasiga, turmush tarziga zid, deb islo-hotga oshkora e'tiroz bildirdilar. Biroq ular Markaz vakillari qudrati oldida yakkalanib qoldilar.

1925-yil dekabridabo'lgan O'zbekiston SSR Markaziy Ijroiya Qo'niitasining Favqulodda sessiyasi «Yer va suvni milliylashtirish to'g'risida» dekret qabul qildi.

Dekretga binoan quyidagi tarzda yerlar batamom musodara qilinishi kerak edi:

1. Qayerda turishidan qat'i nazar Farg'ona vohasida 40 desyatinadan, Toshkent va Samarqand vohalarida 50 desyatinadan ortiq sug'oriladigan yeri bo'lgan mulk egalari jami jonli va jonsiz mulki bilan.

2. Qishloq va ovullarda yashamagan, o'zlari va oila a'zolaridan birortasi hani yerda ishlamaydigan shaxslarga qarashli yerlar, boshqa mol-mulki bilan.

3. Vaqf yerlari, xo'jayinlari nomalum yerlar musodara qilinadigan bo'ldi.

Yer-suv islohoti qishloqda asosiy kuch bo'lgan o'rta-hol dehqon bilan aloqani mustahkamlash shiori ostida o'tdi. Farg'ona vohasida 7 desyatina, Toshkent va Samarqand vohalarida 10 desyatinagacha yeri bor o'rta hol dehqonlar mulki saqlanib qoladigan bo'ldi. Natijada o'rta hol dehqonlar boy va quloqlardan ajratib olinib, kambag'al dehqonlarga yaqinlashtirildi. Bundan ko'zlangan asosiy maqsad ularni sovet hokimiyati tayanchiga aylantirish edi. Yer-suv islohotini o'tkazishga hatto xotin-qizlar ham jalb etildiki, bu hol masalaning chuqur ijtimoiy mohiyat kasb etishidan dalolat edi. o'sha yil-larga oid bir hujjatda «Ko'maklashuvchi komissiyada

xotin-qizlar faol qatnashmoqdalar. Yashirilgan yerlarni aniqlamoqdalar, umumiy yig'ilishlarda boylar va te-kinxo'rlarni fosh etmoqdalar», deyilgan edi.

1926-yil dekabrda yuqoridagi uch viloyatda o'tkazilgan yer-suv islohoti tajribasi respublika miqyosida umumlashtirilib, uni qolgan viloyatlarda ham o'tkazish-ga qaror qilindi. Islohot Zarafshon, Qashqadaryo, Surxondaryo va Xorazm vohalarida ham o'tkazildi.

Qashqadaryo, Surxondaryo va Xorazmda 20 gektar sug'oriladigan va 45 gektar lalmikor va bahorikor yerga ega bo'lgan katta yer egalarining oshiqcha yerlari musodara qilindi. 1929-yilda yer-suv islohoti Qoraqal-pog'istonda ham o'tkazildi.

Shunday qilib, yer-suv islohoti natijasida O'zbekistonda jami 1492 ta o'ziga o'q xo'jaliklar tugatildi. 27992 ta badavlat mulkdorlarning ortiqcha yerlari tortib olindi. Respublikaning yer fondiga tortib olingan 474393 desyatina yer qo'shildi, ularning 10 foizi kam yerlilarga berildi. Qishloq aholisini qishloq xo'jalik kooperativlariga birlashtirish kuchayib bordi. 1929-yilda jamoa xo'jaligi hisoblangan kooperatsiyalarga birlashtirilgan dehqon xo'jaliklarining respublikadagi salmog'i 81 foizga yetdi. Bu jarayon, afsuski, oddiy mehnatkashlar manfaatiga zid holda olib borildi. Jumladan, shunday hollar ham sodir bo'ldiki, unda o'rta dehqonlar, kustarlar, hunarmandlar, hatto qishloq kambag'allari ham quloq dehqonlar qatoriga qo'shib quvg'in yoxud surgun qilindi, mol-mulklari musodara etildi.

Shunday qilib, respublikada yer-suv islohoti qanday murakkab, ziddiyatli sharoitlarda o'tkazilmasin va ko'plab noxush, salbiy holatlar bilan bog'liq kechmasin, biroq u O'zbekistonning asosiy qishloq aholisi uchun bir talay o'zgarishlar olib keldi. Avvalo, yurtning ko'plab kambag'al, batrak aholisi yer-suv islohotidan bahra olib, o'z xo'jalik hayotini bir qadar tiklab olishga, uni emin-erkin yuritish imkoniga ega bo'ldi. Biroq shu narsa afsuslanarliki, bu jarayon uzoqqa bormadi. 20-yillar oxirlaridan qishloqda yalpisiga boshlangan jamoa-lashtirish siyosati O'zbek dehqonlarining hayot tarziga asoratli ta'sir ko'rsatdi. Battol, tez o'zgaruvchan sovet tuzumi ularni yana yangidan hayotning kutilmagan zarbalariga duchor etdi.



4. O'zbekistonda sanoatlashtirish va uning oqibatlari.

XX asr 20-yillari o'rtalaridan e'tiboran hukmron kommunistik partiya va sovet davlatining butun diqqat-e'tibori sovetlar mamlakatini industrlashtirishga qaratildi. Bu-ning asosiy sababi shundaki, industrlashtirish SSSRda sotsializm qurish dasturiy rejasining eng asosiy vazifalaridan biri hisoblanardi. Shu sababdan VKP(b) XIV s'ez-dida (1925-yil dekabr) mamlakatni industrlashtirish par-tiyaning sotsializmni barpo etishga qaratilgan bosh strategik vazifasi, deb belgilanishi bejiz emas edi. Hukmron Markaz bu asosiy vazifani bajarishga xalqni safarbar etar ekan, bu ishni mamlakatning barcha mintaqalarida, jumladan, O'zbekistonda ham tezkor suratlarda amalga oshirishga qarata qafiyon yo'l tutdi. Bunda o'sha hudud va oikalarda zarur yetarli shart-sharoitlar, moddiy yoki moliyaviy imkoniyatlar, resurslar boy-yo'qligi hech bir inobatga olinmadi.

O'zbekistonda sanoatlashtirish ishini amalga oshirish orqali sovetlar ko'p narsaga umid bog'lagandilar. Eng asosiysi, ular bu o'lkada ko'plab sanoat korxonalari va tarmoqlarini yaratish yo'li bilan uning bitmas-tuganmas boy tabiiy va mineral resurslarini ishga solish, arzon mahalliy ishchi kuchidan foydalanish va oxir oqibatda Markaz uchun ko'proq foyda undirib olishni ko'zlagan-lar.

Ularning nazarida bu narsa O'zbekistonda sotsializm qurish yo'lida hal qiluvchi omil bo'lib xizmat qilishi kerak edi. So'ngra sanoatlashtirish jarayoni O'zbekiston-ning Markaz ta'sirida batamom qolib ketishi uchun qulay imkoniyatlar yaratardi. Gap shundaki, zamonaviy sanoat tarmoqlarini vujudga keltirish va ishga tushirish respublikaning iqtisodiy taraqqiyoti uchun g'oyatda katta ahamiyat kasb etardi. Biroq bu jarayon juda ko'p miqdordagi moliyaviy resurslar, pul mablag'lari, xilma-xil texnika jihozlari, ilmiy-texnika salohiyati, ko'p sonli yuqori ma'lumotli muhandis-texnik xodimlar, malakali ishchi kadrlar va hokazo omillar bilan bog'liq edi. Bunday salohiyatga O'zbekiston mutlaqo ega emas edi. Negaki, respublika bu davrga kelib, xalq xo'jaligi tarmoqlarini qaytadan tiklashga arang muvaffaq bo'lib, o'z qaddi-bastiiii astasekinlik bilan rostlab borayotgan edi. Shuning uchun ham bu mintaqada sanoatlashtirish jarayonining tashabbuskori va tashkilotchisi bevosita hukmron Markaz va Kommunistik partiya bo'ldi. Chunki ular O'zbekistonning xom ashyo resurslarini to'la ishga solish, bu hududda qizil sovet iinperiyasining mavqeini

mustahkamlash, uni yangi mustamlakachilik tizginiga yanada kiritib olishni o'z oldilariga bosh maqsad qilib qo'ygandilar. Bu o'rinda shuni aytilish joiz-ki, Ittifoq hukumatining sanoatlashtirish rejasida O'zbekistonda zamonaviy yirik industrial tarmoqlarni emas, balki ko'proq xom ashyoni (ayniqsa paxta xora ashyosini) qayta ishlaydigan sanoat korxonalarini, tog'-kon sanoatini rivojlantirishga asosiy urg'u berilgandi. Negaki, bu hudud Markaz uchun ko'proq xom ashyo mahsulotlari yetkazib berishga ixtisoslashtirilishi kerak edi. Shu bois ham muhim e'tibor paxtachilik va u bilan bevosita bog'liq tarmoqlarni rivojlantirishga qaratilgandi. O'zbekistonda 1925-yilda atigi 21 sanoat tarmog'iga taalluqli 149 ta korxona mavjud edi, xolos. Ular ham asosan qishloq xo'jaligi mahsulotlarini qayta ishlashga moslashgan, uncha katta bo'lmagan korxonalar edi. Industriashtirish yillarida O'zbekiston energetik resurslarga nihoyatda boy bo'lishiga qaramay, kuchli gidroenergetik inshootlar qurilishi sust olib borildi. Agar O'zbekistonda 20-yillar oxirida bunyod etilgan to'ng'ich Bo'zsuv GESi bilan Ukrainada qurilgan DneproGES quvvatini bir-biriga solishtiradigan bo'lsak bunda katta farqli manzara namoyon bo'ladi. Negaki, Dnepro-GESning 50 ming kv/s quvvati bilan Bo'zsuv GESining esa 2 ming kv/s quvvatini bir-biriga qiyoslab bo'lmazligi o'z-o'zidan ravshandir. Bu ham O'zbekistonning Ittifoq davlati nazdida ko'proq iqtisodiy qoloq o'lka sifatida gavydalanishi kerakligiga yaqqol bir ishoradir. Sanoatlashtirish davrida respublikada 17 ta paxta toza-lash zavodlari barpo etildi. Shuningdek, Toshkent, Samarqand, Buxoro, Marg'ilon va Shahrisabzda pillakasblik fabrikalari, Farg'ona (1930) va Toshkent (1936—1939) to'qimachilik, Chirchiq elektrokimyoy (1937) kombinatlari, Toshkent niashinasozlik zavodi, bir necha konserva, g'isht pishirish va urug' yetishtirish korxonalari qurildi. Umuman, statistik ma'lumotlarga qaraganda O'zbekistonda birinchi besh yillik (1928— 1932)da 289 ta va ikkinchi besh yillik (1933-1937) davrida 189 ta katta va kichik sanoat korxonalari quril-gan hamda ishga tushirilgan. Ularning mahsulot ishlab chiqarish hajmi va salmog'i ham yil sayin ortib bordi. Chirchiq, Yangiyo'l kabi sanoat shaharlari vujudga keldi. 1925—1940 yillar davomida respublikada qurilgan GESlar soni 49 taga yetdi. Toshkent—Angren temir yo'li, Toshkent — Termiz katta O'zbek trakti avtomobil yo'li qurildi.

Ikkinchi jahon urushiga qadar bo'lgan davrda O'zbekistonning sanoat

salohiyati 1445 ta yirik va o'rtacha sanoat korxonalarini va 19 mingga yaqin mayda korxonalarni o'z ichiga olardi. Garchand sanoat qurilishi urushgacha bo'lgan yillarda ancha ko'zga ko'rinarli tarz-da rivojlanib, muayyan yutuqlarga erishib borgan bo'lsa-da, biroq bu sohada ko'plab jiddiy muammolar va nuq-sonlar ham mavjud edi. Avvalo, Ittifoq davlati bilan respublika o'rtasida imperiyachilik munosabatlari tizimi, yuqoridan tazyiq qilish amaliyoti, rahbarlikning ma'-muriy-buyruqbozlik usullari O'zbekiston sanoati tarmoqlarida chuqur salbiy asorat qoldirdi. Mustabid tuzum tomonidan O'zbekiston sanoatini rivojlantirish siyosatining amalga oshirilishi orqasida respublika metropoliyaning rangli va nodir metallar, oltingugurt, ozokrit, volfram, molibden, paxta tolasi, xom ipak bilan ta'minlovchi mintaqasiga aylantirildi.

O'zbekistonda bunyod etilgan sanoat korxonalarining ko'pchiligi xom ashyo yoki yarim mahsulot turlarini tayyorlashga ixtisoslashtirilgan edi. Ularni boshqa hududlardagi korxonalarda tayyor mahsulotlarga aylanti-rar edi. Bu esa Ittifoq hukumati xazinasiga mo'may valyuta daromadlarining kelib tushishini taxmin etardi. Markaz amri bilan respublikaning xom ashyo, tabiiy resurslari ayovsiz ekspluatatsiya qilingani holda uning o'ziga xos iqtisodiy manfaatdorligi hech qanday nazar-pisand qilinmasdi. Yana shunisi ajablanarliki, O'zbekistonda qurilgan sanoat korxonalarining asosiy qismi uning bevosita tasarrufida bo'lrriay, ular to'lig'icha Ittifoq ixtiyoriga bo'ysunardi. Masalan, 1928-yilda O'zbekistondagi mavjud korxonalarning 81,7%i Ittifoqqa tegishli, 14,5%i respublika va 3,8%i mahalliy ahamiyat-ga ega bo'lgan bo'lsa, 30-yillarning o'rtalariga kelib Ittifoq tasarrufida bo'lgan korxonalar 90%ni tashkil qil-gan. Buning ustiga industrlashtirishning butun og'irligi mehnatkash xalq zimmasiga og'ir yuk bo'lib tushgan. Ular og'ir sharoitlarda mehnat qilishga, bu murakkab jarayonlarning barcha qiyinchiliklariga bardosh berishga majbur edilar.

Respublikada industrlashtirishning yana bir xarakter-li tomoni shundaki, bu jarayon davomida malakali ishchi kuchi yetishmaganligidan RSFSR hududidan bu yerga juda ko'plab odamlar oqimi kirib keldi. Ular hisobiga respublikaning ishchilar sinfi saflari to'ldirilib borildi. Jumladan, 1926-yildan to 1940-yilga qadar O'zbekiston aholisi yangi kelganlar hisobiga 750 ming kishiga yoki 10% dan ortiqroqqa ko'paydi. SSSRning markaziy tumanlaridan aholining sun'iy tarzda ommaviy olib kelinishi

ko'p jihatdan xalq xo'jalik mulohazalari bilan emas, balki ko'proq siyosiy mulohazalar taqozosi bilan amalga oshirilgan edi. Agar joylarda o'zining malakali ishchi kadrlarini keng miqyosda tayyorlash tashkil etilganda edi, bu hol ancha oqilona va ijobiy bo'lishi va eng muhimi ko'plab mahalliy navqiron yoshlarni foydali ishga jalb etish hamda ularni yaxshi ishchi kadrlar qilib tarbiyalashga sezilarli ta'sir ko'rsatishi shubhasiz edi. Biroq sovet tuzumi davrida siyosat va mafkuraning iqtisodiyotdan ustun qo'yilib kelinishi bu masala bobida ham o'z salbiy ta'sirini ko'rsatmasdan qolmagandi. Negaki, totalitar tuzum sharoitida barcha aholi tabaqalarida bo'lgani singari respublikaning ishchi va xizmatchilariga nisbatan ham g'oyaviy va ma'muriy tazyiq ko'rsatib borishga alohida urg'u berilgan edi. Shuningdek, bu tuzum mutasaddilari aholining moddiy, ma'naviy manfaati, shaxsiy qiziqishi, tashabbuskorligi masalalariga mumkin qadar panja ortidan qarar, bularni ikkinchi darajali ish deb hisoblardi.

Shunday qilib, sanoatlashtirish yillarida partiya va sovet hukumatining so'zi bilan amaliy ishi o'rtasida yakdillik va uyg'unlik bo'lmadi. Sotsializmning kapitalizmdan afzalligi, ustuvorligi, mehnatkashlar turmush farovonligini tubdan "yaxshilash, ularning hayoti maz-mun-mohiyatini chuqur o'zgartirish to'g'risidagi g'oyalar amaliyotda puch bo'lib chiqdi. Xalq ommasining o'n yillar davomida to'kkan peshona teri, amalga oshirgan tinimsiz mehnati, chekkan zahmati, fidokorligi unga yengillik, baxtu farovonlik keltirmadi. Buning aksicha xalqning mehnat jasorati va bunyodkorlik faoliyati samarasi 30-yillarga kelib mamlakatda bo'y ko'rsatgan «kazarma sotsializmi» o'pqnini to'ldirishga, uning g'arazli manfaatlarini qondirishga xizmat qildi. Bu esa tariximizning fojeali sahifasi bo'lib totalitar tizimning SSSR hududida qaror topib, chuqur ildiz otib borishiga asosiy sabab bo'ldi.

Savol va topshiriqlar

1. XX asrning 20-yillari boshlarida Turkiston iqtisodiyoti holatining nochorligini nima bilan izohlash mumkin?
2. Sovetlar nima uchun yangi iqtisodiy siyosatni ishlab chiqdilar?
3. Yangi iqtisodiy siyosatni joriy etishdan kuzatilgan asosiy maqsadlarni bilasizmi?

4. Turkiston uchun iqtisodiy siyosatning qanday o'ziga xos xususiyatlari bor edi?
5. Turkistonda o'tkazilgan yer-suv islohotining birinchi bosqichida nimalarga asosiy e'tibor qaratildi?
6. o'lkada amalga oshirilgan yer-suv islohotining ikkinchi bosqichi qaysi jihatlari bilan ajralib turadi?
7. O'zbekistonda sanoatlashtirishni o'tkazish zaruriyati bormidi va buning uchun respublika imkoniyati yetarlimidi?
8. O'zbekistonda sanoatlashtirish jarayonida uning mustamlakachilik mohiyati nimalarda namoyon bo'ldi?
9. Mamlakatni sanoatlashtirish rejasida O'zbekiston hissasiga qanday rol ajratilgan edi?
10. O'zbekistonda sanoatlashtirish jarayoni qanday oqibatlarni keltirib chiqardi?
11. Ikkinchi jahon urushiga qadar bo'lgan davrda O'zbekiston sanoatida yuz bergan o'zgarishlar haqida so'zlab bering.

9-MAVZU: RESPUBLIKA QISHLOQ XO'JALIGINI JAMOALASHTIRISH VA UNING OQIBATLARI.

Reja:

- 1. Qishloqda jamoalashtirish sari yo'1 tutish.**
- 2. Ommaviy jamoalashtirish siyosati va uning oqibatlari.**
- 3. Jamoa xo'jaliklarining moddiy-texnik bazasini mustakamlash va suv inshootlari qurilishi.**



1. Qishloqda jamoalashtirish sari yo'1 tutish.



Sovetlar hokimiyatining asrning 20-30-yillanda athalga oshirgan ma'muriy-buyraqbozlik va zo'ravonlik siyosatining yorqin ifodasi qishloqda o'tkazilgan jamoalashtirish jarayonida namoyon bo'ldi.

Necha asrlar davomida individual xo'jalik yuritib kel-gan, ongi, shuurida xususiy mulkchilik hissiyoti kuchli bo'lgan, mulk daxlsizligi tushunchasini muqaddas bilgan millionlab dehqon xonadonlarini ularning xohish-irodasiga qaramasdan, majburiy tarzda yirik jamoa xo'jaliklariga olib o'tish bu hazilakam jo'n, oson ko'chadigan ish emas edi. Sovet hokimiyati, hukmron partiya ijtimoiy taraqqiyotning borishi, uning tabiiy qonuniyatlariga zid o'laroq bu jarayonni qisqa muddatlar ichida zo'ravonlik va majburiylik yo'li bilan o'tkazish sari yo'1 tutdi* VKP(b) XV s'ezdi (1927-yil dekabr) belgilab bergan qishloqda yoppasiga jamoalashtirishni amalga oshirish siyosati bunga to'la asos qilib olindi.

Butun SSSR hududida bo'lgani singari O'zbekiston-da ham bu ishga faol, yeng shimarib kirishildi^Negaki, yuqoridan belgilangan har qanday amru farmon va direktiv ko'rsatmalar bu yerda ham so'zsiz bajarilishi, hayotga joriy etilishi majburiy hisoblanardi. Buning uchun tegishli shart-sharoit va imkoniyatlar bormi, yo'qligi yoxud mahalliy aholining bu tadbirlarni bajarishga tayyorgarligi qay darajada ekanligi e'tiborga olinmasdi.

Mahalliy hududlarning o'ziga xos xususiyatlari, milliy jihatlari, turmush tarzi ko'rinishlari ham inobatga olinmadi. Xo'sly O'zbekiston qishloq xo'jaligining 20-

yillar manzarasi qanday edi? Uning qishloq aholisining sinfiy, tabaqaviy tarkibidagi o'zgarishlar nimadan dalolat berardi.

20-yillarda o'tkazilgan yer-suv islohoti davrida badavlat dehqonlarning yerlari, vaqf yerlari, ruhoniylarga tegishli yerlar davlat tomonidan tortib olingan edi. Yer bilan birga hamma ot-ulov va asbob-uskunalar ham musodara qilindi. Umuman, 1925 - 1929-yillar ichida boylar, yirik savdogarlar va ruhoniylarning 45 mingga yaqin individual xo'jaliklari batamom tugatildi. Ko'pgina xo'jaliklar tasarrufidagi ortiqcha yerlar ham tortib olingan edi. Bu yerlar qayta taqsimlanib, ularning bir qismi yersiz yoki kam yerli dehqon xo'jaliklariga mulk qilib berildi. vBuning natijasida batrak-kambag'allar toifasi islohotdan oldin barcha dehqonlarning 76 foizini tashkil etgan bo'lsa, islohotdan so'ng ularning soni 39 foizgacha qisqardi. Ularning xo'jalik turmushi yaxshilanib, o'sib borganligi bois o'rta hol dehqonlar salmog'i 17 foizdan

52 foizga ko'tarildi. Shu tariqa, qishloqda tovar-g'alla yetishtiravchi mayda ishlab chiqaruvchilarning salmog'i ko'payib bordi. Bu islohot jarayoni davomida respub-likada jamoa xo'jaliklari, ya'ni kolxozlar tashkil etildi. Biroq ularning hali xo'jalik va moliyaviy zaifligi, ishlab chiqarish ko'rsatkichlarining pastligi ko'zga tashlanib turardi.

Sovet hokimiyatining 20-yillarda qishloqda yuritgan bir qadar mo"tadil siyosatidan bahra olib, yer-suv islohotidan naf topib, o'z xo'jaliklarini anchayin oyoqqa turgizib, o'rtahollar darajasiga ko'tarilib olgan O'zbek dehqonlari hayoti va qismati, taassufki, tez orada hukmron partiya boshlab, yuborgan ommaviy jamoalashtirish jarayoni girdobiga g'arq bo'ldi.



2. Ommaviy jamoalashtirish siyosati va uning oqibatlari.



Qishloqda yalpisiga jamoalashtirish siyosatini izchil oqibatlar amalga oshirish uchun O'zbekistondagi partiya, sovet, xo'jalik, yoshlar, xotin-qizlar va boshqa jamoat tashkilotlari to'la safarbar qilindi. Markaz buyrug'i va dasturul-amal ko'rsatmasini quloq qoqmay bajarishni o'zlari uchun katta ishonch yorlig'i deb bilgan, unga ko'r-ko'rona asoslangan mahalliy rahbarlar dehqonlarni zud-lik bilan kolxozlarga majburan kiritishni 1929-yilning ikkinchi yarmi va 1930-yil boshlarida

avj oldirib yubor-dilar. Masalan, O'zbekiston partiya va hukumatining 1930-yil 17-fevraldagi «Jamoalashtirish va quloq xo'jaliklarini tugatish to'g'risida»gi qarorida respublikaning 17 ta tumanida yoppasiga jamoalashtirishni amalga oshirish vazifasi belgilangan edi. Ko'p joylarda quloq-larni tugatish shiori ostida o'rta hol, hattoki kambag'al dehqon xo'jaliklariga nisbatan ham zulm o'tkazildi. 1929-yil oktabriga qadar respublikadagi dehqon xo'jaliklarining 3,4 foizi kolxozlarga kirgani holda, 1930-yil martiga kelganda dehqon xo'jaliklarining 47 foizi kol-xozlashtirilgan edi.

Ko'pgina joylarda aholi jamoalashtirish xavfidan qo'rqib o'z chorva moliarini keragidan ziyod so'yib yubordi. Bu esa chorvachilik uchun koni zarar bo'ldi, Masalan, birgina qoramollar tuyog'ining soni 1930-yilda respublika bo'yicha 60 mingdan ziyodroqqa kamayib ketdi. Jamoalashtirish ishidagi shoshma-shosharlik, joylardagi real shart-sharoitlar bilan hisoblashmaslik, milliy hududlarning o'ziga xos xususiyatlari, aholisining milliy an'analari, udumlarini, e'tiborga olmaslik, ularni pisand qilmaslik oxir-oqibatda bundan ham ko'ngilsizroq va noxushroq holatlarning yuz berishiga sabab bo'ldi.

Ko'p qishloq tumanlarida hokimiyat organlarining zo'ravonligi, o'zboshimchaligiga qarshi aholi keskin norozilik bildirib, turli harakatlar uyushtirishga majbur bo'ldi. 1929—1930-yillarda dehqonlarning sovet tuzumi-ga nisbatan ommaviy norozilik harakatlarida faqat Qashqadaryo okrugidan 14 ming nafar kishi qatnashgan. Ma'lumotlarda qayd etilishicha, bunday ommaviy norozilik harakatlari shu davrda respublika bo'yicha 240 marta sodir bo'lgan. Eng achinarlisi shuki, ko'plab oddiy dehqon xo'jaliklari arzimagan sabablar bilan yoxud birgina jamoa xo'jaligiga kirishga rag'bat bildirmaganligi vajidan bor-budidan mahrum etilib, uy-joyi, mol-mulki tortib olinib quloq qilinuvchilar ro'yxatiga tirkab yuborilavergan.

Statistik ma'lumotlarga qaraganda jamoalashtirish boshlarida O'zbekistonda shartli ravishda quloq xo'jaligi-ga kiritish mumkin bo'lgan xo'jaliklarning salmog'i asli-ni olganda umumiy dehqon xo'jaliklarining 5 foizidan kamrog'ini tashkil etardi, xolos. Biroq ommaviy jamoalashtirish boshlanishi bilan 15 foizdan ortiq xo'jaliklar quloqlashtirishga duchor bo'ldi, faqat 1930-yilning o'zida respublikada boy va quloq xo'jaliklar toifasiga kiritilgan 2648 ta o'rtahol dehqon xo'jaliklari tugatilgan edi.

Respublikaning o'ziga to'q, bozorga tovar g'alla yetishtirib berishga qodir bo'lgan son-sanoqsiz dehqon xo'jaliklari bor narsasidan mahrum bo'lib, haqsiz-huquqsiz holda o'z oila a'zolari, qarindosh-urug'lari bilan uzoq hududlarga (Sibir, Ukraina, Qozog'iston) yoki yangi o'zlashtirilayotgan cho'lli, to'qayzor, qamish-zor yerlarga badarg'a qilindilar. Ularning ko'plari bu kimsasiz, huvullagan joylarning og'ir shart-sharoitlariga dosh berolmay, turli kasalliklarga chalinib, ochlik, muhtojlik azobidan bevaqt ko'z yumib ketdilar.

Endi quloq qilingan va o'z joylaridan ko'chirilgan xo'jaliklarning tortgan azob-uqubatlari haqida bir kichik lavha: Samarqand viloyatining Miyonkol oroliga bir necha ming quloq xo'jaliklari olib kelinib joylashtirilgan-di. Botqoqli va ko'llardan iborat to'qayzor, qamishzor yerlar ulaming kuchi bilan quritilib, o'zlashtirilgach, paxta, sholi ekiladi. Qamishdan to'qilgan lagerlarda yashovchi "quloq" oilalari hayvonchalik qadr etilmasdi. Ichki ishlar xodimlari ularni xo'rlar, ovoz chiqarsa otib tashlar, beayov ishlatardi. Miyonkollik keksalarning eslashicha, ularning ko'plari mashaqqatli mehnat, ochlik, kasallik azobidan, soqchilar zulmidan o'lib ket-dilar. Bu yerda yuzlab, minglab o'lim topgan kishilar bir joyga kafansiz, diniy rasm-rusumlarsiz ko'mib yuborilgan.

Ming-minglab qishloq oilalari bunday xavf-xatarning bo'lishini oldindan his qilib, o'z kindik qonlari to'kilgan muqaddas zaminni tark etib, uzoq begona yurtlarga bosh olib ketishga majbur bo'ldilar. Ularning ko'plari uzoq yillar xorijiy ellarda umrguzaronlik qilib, ona yurt sog'inchi bilan, unga talpinib yashab o'tdilar. Faqat O'zbekiston milliy mustaqillikka erishgandan so'nggina orzu-armonlari ushalib, yangidan Vatanning mo'tabar tuprog'ini tavof qilish baxtiga musharraf bo'ldilar.

Sovet hokimiyati, uning tegishli mas'ul organlari, mahalliy partiya, sovet va xo'jalik tashkilotlari butun choralar bilan qishloqda jamoalashtirish siyosatini qat'i-yat bilan o'tkazishda davom etdi. Garchi partiya Markazqo'mining 1930-yil 5-yanvardagi qaroriga binoan O'zbekistonda dehqon xo'jaliklarini yoppasiga jamoalashtirish ishlarini 1933-yil boshlariga qadar tugallash muddati belgilangan bo'lsa-da, mahalliy rahbarlar uni muddatidan avval bajarish uchun shiddat ko'rsatdilar. Buni quyidagi raqamlar ko'rsatkichida ham yaqqol ko'rish mumkin. Agar 1930-yil iyunida respublikada 6124 ta kolxoz tuzilgan, ularga jalb qilinganlar dehqon

xo'jaliklarining 27,1 foizini tashkil etgan bo'lsa, shu yil-ning oxiriga borib 37 foizga, 1931-yil dekabrda esa 68,2 foizga yetdi.

Ayni paytda dehqon xo'jaliklarini majburiy quloq qi-lish, boshqa joylarga surgun qilish ishlari avj oldirildi. Qurollashtirish oqibatida 60 mingdan ortiq kishi O'zbekistondan Ukraina, Sibir va Shimoliy Kavkazga surgun qilindi.

Ma'muriy tazyiq, oshkora zo'ravonlik, iqtisodiy terror usullari va shu kabi ta'sir choralarning uzluksiz qo'llanilishi orqasida kolxoz qurilishi sezilarli sur'atlarda rivojlantirib borildi. 1932-yil oxiriga kelib umuman O'zbekistonda jamoalashtirilgan xo'jaliklar barcha dehqon xo'jaliklarining 81,7 foizini birlashtirgan edi. 800 ming dehqon xo'jaliklari negizida 9734 ta kolxoz va 94 ta sovxoz tashkil etilgandi.

Bu davrga kelib paxtachilik tumanlarida jamoa-lashtirish asosan tugallangan, ularning ekin maydonlari 1929-yildagi 530 ming gektardan 1932-yilga kelib 928 ming gektarga ko'paygan edi. Shu tariqa, «SSSRning paxta mustaqilligini ta'minlash»da O'zbekiston o'z salmoqli ulusbini qo'shib bormoqda edi. Masalan, 1935-yilda O'zbekistonda 1 mln. tonna paxta tayyorlangan bo'lsa, bu ko'rsatkich 1939-yilda 1,5 mln. tonnani, 1941-yilga kelib esa 165620 tonnani tashkil etdi. Bu SSSR bo'yicha tayyorlangan paxtaning 60 foizidan ziyodrog'ini tashkil qilardi. 30-yillar davomida respubli-ka qishloq xo'jaligi tizimida paxta yakkahokimligi mustahkam o'rin egallab bordi. Jumladan, agar 1933-yilda paxta mahsuloti respublika yetishtirib tayyorlab beradi-gan qishloq xo'jalik mahsulotlari umumiy hajmining 81,5 foizini tashkil etgan bo'lsa, 1937-yilga kelib bu raqam ko'rsatkichi 93,4 foizga yetdi. rQishloqni jamoalashtirish jarayoni ham o'zining yakunlovchi pal-lasiga kirib bordi. Chunonchi, 1937-yilda dehqon xo'jaliklarining jamoalashtirish darajasi 95 foizga yetgan bo'lsa, 1939-yilda u 99,2 foizni tashkil etdi. Ommaviy Jamoalashtirish jarayonida O'zbekiston bo'yicha 60 mingdan ortiqroq kishi quloqlarga mansublikda ayblanib qatag'on qilindi. Shunday qilib, «quloqlarni sinf sifatida tugatish» masalasi uzil-kesil hal qilindi.



3. Jamoa xo'jaliklarining moddiy-texnik bazasini mustakamlash va suv inshootlari qurilishi.



O'zbekistonda dehqon xo'jaliklarini ommaviy tarzda jamoalashtirish ishlari ayni chog'da yangi xo'jaliklarga moddiy-texnik baza bo'lib, xizmat qiladigan mashina-traktor stansiyalari (MTS)ni tashkil etish bilan uzviy bog'liq holda olib borildi. O'zbekistonda dastlabki mashina-traktor stansiyasi 1929-yilda Andijon okragining Asaka tumanida tuzilgan, u yangidan tashkil etilgan jamoa xo'jaliklariga texnik yordam ko'rsat-gan edi. Asta-sekin ularning soni ortib bordi. 1931-yilga keib MTSlar 48 ta qishloq tumanlarida tashkil etilib qishloq ahlining dala yumushlariga xizmat ko'rsatdi.

MTSlarning yirik dehqon xo'jaliklariga nafi katta bo'lganligidan ularning safi respublikada to'xtovsiz ortib bordi. Jumladan, 1937-yilda ularning soni 163 taga, 1941-yilga kelganda esa 189 taga yetdi. Garchand yirik jamoa yerlarini ishlab berish, qo'l mehnatini yengillashtirish, qishloqqa texnika olib kirish, texnika ilmidan qishloq mehnatkashlarini xabardor qilish, ma'lumotini oshirishda MTSlar muhim rol o'ynagan bo'lsada, biroq bu narsa jamoa xo'jaliklarining davlatga tobeligini yanada kuchaytirdi. Buning asosiy sabablari-dan biri shundaki, yirik ishlab chiqarish vositalari MTSlar orqali tobora davlat qo'lida to'plana bordi. MTSlar jamoa yerlarini natural haq evaziga ishlab berar, bu haqning miqdori esa yuqoridan, davlat organlari tomonidan belgilanardi.

MTSlarning vujudga kelishi va xizmat ko'rsata bosh-lashi bilan qishloqda shartli ravishda bo'lsa-da, «ikkita xo'jayin» — kolxozlar va MTSlar qaror topdi. Garchand har ikkalasining asosiy jilovi davlat qo'lida bo'lsada, biroq ularning biri texnika uchun va ikkinchisi qishloq xo'jaligi sohasining qolgan boshqa ishlari uchun mas'ul hisoblanardi. Shunday bo'lsada, bunday «ikki hokimiyatchilik»ning yuzaga kelishi orqasida ishlab chiqarishni tashkil etish va texnika xizmatidan foydalanishda xo'jasizlik kelib chiqdi, ekinlar hosildorligi, chorvachilik mahsuldorligi uchun mas'uliyatni jamoa a'zolari ham, MTS xodimlari ham o'z zimmalariga olmadilar. Bu esa katta va keraksiz xarajatlarga sabab bo'ldi.

O'zbekiston qishloq xo'jaligi azal-azaldan sun'iy sug'orish tizimiga asoslanib

kelganligidan bu sohani rivojlantirib borish asosiy vazifalar sirasiga kiradi. Respublikaning asosiy ekin turi hisoblangan paxtachilikni o'stirish ham ko'p jihatdan shunga bog'liq edi. Bu esa o'lka hududlarida sug'orish inshootlari, chunonchi, kanallar, kollektorlar, suv havzalari, suv omborlarini ko'plab barpo etishni taqozo etardi.

O'zbekiston qishloq xo'jaligi va ayniqsa uning yetakchi tarmog'i — paxtachilik sohasining tezkor rivojlanishidan manfaatdor bo'lgan sovet hukumati ham boshdan boshlab respublikada irrigatsiya va melioratsiya tizimini yaxshilash va takomillashtirishga jiddiy e'tibor berib bordi.

Shu maqsadda 1922-yildayoq respublikada irrigatsiya tizimini qayta tiklash va yanada rivojlantirish asosiy vazifalari belgilab berildi. Xususan, O'zbekiston hukumati tarkibida suv va qishloq xo'jaligi xalq komissarligi, uning huzurida esa suv xo'jaligi bosh boshqarmasi, joylarda viloyat, tuman, uchastka suv xujaligi bo'limlari tashkil etildi. Ularga davlat yordami ko'rsatib borildi. Jumladan, 1922-yilda irrigatsiya ishlariga 6 mln. oltin rubl hisobida mablag' ajratildi. Bundan ko'zlangan asosiy maqsad sug'oriladigan yerlarni 2 yil ichida 2 mln. desyatinaga yetkazish edi. Joylarda suv inshootlari qurilishi avj oldirib yuborildi. Yangi kanallar, ariqlar qurildi. Ko'plab yangi yerlar o'zlashtirildi. Natijada 1924-yilga kelib sug'oriladigan yerlar miqdori 2,4 mln. desyatinaga, shu jumladan, paxta ekiladigan maydon esa 500 ming desyatinaga yetkazildi.

Bu ishlar O'zbekiston SSR tuzilgach, yanada avj oldirib yuborildi. Urushgacha bo'lgan davrda respublika-da Darg'om, Narpay, Savay, Dalvarzin, Log'on, Katta Farg'ona kanallari, Kattaqo'rg'on suv ombori kabi ko'plab suv inshootlari qurildi. Chirchiq-Ohangaron vodiylarida, Zarafshon daryosi havzasida, shuningdek, Qashqadaryo va Surxondaryoda irrigatsiya tarmoqlari ancha yaxshilandi. 1929—1933-yillarda bu sohaga 234,9 mln. rubl sarflandi.

1939-yilda O'zbekiston KP(b) Markaziy Qo'mitasi va respublika hukumati hashar yo'li bilan Katta Farg'ona kanalini qurish to'g'risida qaror qabul qildi. o'sha yil-ning 1 avgustidan 160 ming kolxozchi kanal qurilishini boshlab yubordi. Ularning 70 mingdan ziyodrog'ini yoshlar tashkil etardi. Uzunligi 270 kilometr bo'lgan bu kanal asosan qo'l mehnati bilan 45 kun ichida qurildi. Unda 46 ta yirik, 274 ta kichik

gidrotexnik inshootlar, 5 ta temir yo'l va 40 ta avtomobil ko'priklari barpo etildi. Holbuki, bunday kanalni barpo etish uchun chorizm davrida 6—8 yil, sovet davrida esa 6—8 oy kerak bo'ladi, deyilgan edi. Amalda esa u xalq qudrati, azmu qarori bilan atigi 1,5 oyda bunyod etildi. Bu O'zbek xalqiga xos bo'lgan hashar usulidagi shonli, fidokor mehnatning samaralari edi.

Hatto Markaz matbuotining bosh organi — «Pravda»ning 1939-yil 13-dekabrdagi bosh maqolasida shunday satrlar bitilgan edi: «Shu yilning yoz faslida uzoq Farg'onada qilingan ish, o'n minglab O'zbek va tojik kolxozchilarining bir yarim oy mobaynida kanal qaziganligi butun xalqni juda quvontirdi. Ijodkor xalq, yaratuvchi xalq farg'onalik kolxozchilarning tajribasida... mehnatdagi shunday bir yangilikni ko'rib oldiki, bu yangilik kelajak sari qilinayotgan harakat sur'atlarini jadallashtiradi».

Katta Farg'ona kanali Farg'ona vodiysining asosiy qon tomiri bo'lib qoldi. Vodiyda 60 ming gektar bo'z, cho'lli yerlar o'zlashtirilib, 500 ming gektar yerni suv bilan ta'minlash imkoniyati yaratildi. Shuningdek, Ikkinchi jahon urushidan oldingi yillarda Shimoliy va Janubiy Farg'ona kanallari, Toshkent kanali, Kampirrovot suv to'g'oni, Qoraqalpog'istonda Qizketgan kanali, sig'imi 1 mln. kub metr bo'lgan Kattaqo'rg'on suv ombori va ko'plab boshqa suv inshootlari barpo etildi hamda foydalanishga topshirildi. Buning natijasida 1937—1940-yillarda respublikada sug'oriladigan yer maydonlari qo'shimcha ravishda 200 ming gektarga ko'paydi. Respublikada yangi paxtachilik tumanlari va ko'plab jamoa xo'jaliklari tashkil etildi. Ularning ekin maydonlarining hosildorligi yil sayin ortib bordi.

Shunday qilib, sovet hokimiyati va kommunistik partiya qishloqda jamoalashtirish siyosatini olib borishda qishloq ahliga nisbatan nechog'lik zulm va zug'um o'tkazmasin hamda ne-ne og'ir sinovlarga duchor etmasin, biroq ular xalq irodasini, uning shiddatu azmu qarorini so'ndira olmadi, O'zbek xalqi fidoyilik bilan mehnat qildi.

Savol va topshiriqlar

1. Qishloqda ommaviy jamoalashtirish siyosatini o'tkazish qachon boshlandi?
2. Jamoalashtirish jarayoniga kirishish arafasida O'zbek qishlog'ining

manzarasi qanday edi?

3. O'rta dehqonga munosabatda qanday nohaqlik va adolatsizliklar sodir etildi?

4. Qishloqda quloqlashtirishni keskin tarzda o'tkazish va uning ko'lamini atayin kuchaytirishga urg'u berilganligi boisi nimada?

5. Quloqlashtirish siyosati qishloqda qanday xunuk oqi-batlami keltirib chiqardi?

6. O'zbekistonda paxta yakkahokimligini shakllantirishga 30-yillarda alohida ahamiyat berilganligini siz qanday izohlay-siz?

7. Nima sababdan O'zbek oilalarining ancha qismi o'z yurtlarini tark etib xorijiy ellarga bosh olib ketdilar?

8. MTSlar faoliyati haqida so'zlab bering?

9. Respublikada suv inshootlarining ko'plab barpo etilishiga qanday ehtiyoj va sabablar bor edi?

10. XX asr 30-yillarida O'zbekistonda qanday muhim suv inshootlari qurildi?

11. Katta Farg'ona kanali va uning qurilishi to'g'risida nimalarni bilasiz?

10-MAVZU: O'ZBEKISTONDA SOVETLAR YURITGAN MADANIY- MA'RIFIY SIYOSAT: MAZMUN VA MOHIYATI

Reja:

- 1. Xalq ta'limi.**
- 2. Oliy va o'rta maxsus ta'lim.**
- 3. Ilm-fan.**
- 4. "Hujum" harakati.**
- 5. Madaniy va adabiy jarayon.**



1. Xalq ta'limi.



XX asrning 20-30 – yillarida madaniy-ma'naviy soha ham o'ziga xos murakkablik, qiyinchilik bilan kechdi.

20-yillar boshlariga kelib O'zbekiston hududida madaniy qurilishning eng dolzarb vazifalaridan sanalgan sovet ta'lim tizimini shakllantirish ishlari faol boshlab yuborildi. Sovetlar O'zbekistonda yangi ta'lim tizimini yaratishga yo'l tutar ekan, bundan ko'zlagan asosiy maqsadlari o'lkada xalq ta'limi bo'g'inlarini ravnaq top-tirish, yalpisiga xalq savodxonligiga erishish, ilm-ma'ri-fat chashmalaridan hammani to'la bahramand etish emas, balki eng avvalo, yurt farzandlari ongiga, shuuriga kommunistik g'oyalar va ideallarni chuqur singdirish va shu yo'l bilan o'zlariga quloq qoqmay xizmat qiladigan «mo'min-qobil» avlodni tarbiyalab voyaga yetkazish edi.

Sovetlar avval boshda O'zbekistondagi murakkab vaziyatni, mahalliy xalq kayfiyati va ruhiyatini, uning o'ziga xos milliy an'analari, islomiy qadriyatlarini bir qadar hisobga olib, bu yerda eski va jadid usulidagi mak-tablar yoki madrasalarning ham bir vaqtning o'zida faoliyat yuritishiga monelik ko'rsatmadii Buning orqasi-da bu o'quv dargohlari navqiron avlodga ta'lim berish, ulug' bobokalonlar merosi va sharqona odob, axloq ruhi-da tarbiyalashda o'z ulushini qo'shib bordi. Lekin sovet arboblari va mafkurachilarining bu vaqtinchalik taktikasi uzoqqa bormadi. Ular o'lka hayotiga moslashib, biroz tomir yozib olgach, 20-yillar o'rtalaridan e'tiboran O'zbek xalqi ma'naviy hayotiningko'piamonlar uzviy tarkibiy qismi bo'lib kelgan eski maktab va madrasa ta'lim-tarbiya tizimini barham toptirdi. Uning ko'p sonli ziyoli

vakillari, mullalariyu mudarrisleri faoliyati to'xta-tib qo'yildi- Ularning taqdir-qismati hayotning og'ir sinovlariga duchor etildi. Bu ham sovetlarning tili boshqa-yu, dili boshqa ekanligidan, ularning madaniy siyosati zahirida qanday makkorona maqsadlar yashiringanligidan yaqqol dalolat beradi.

Sovet hukumati mahalliy avom xalq ishonchini qozonish, eng avvalo, kambag'allar, yo'qsillar farzandlarini o'qitish, ularni savodli, bilimli qilish uchun o'zining dasturiy maqsadiga javob beradigan sovetcha talimni rivojlantirishga asosiy e'tibor berdi. 20-yillarda O'zbekiston hayotidan muhim o'rin olgan birinchi va ikkinchi bosqich maktablari shunday ta'lim berishga mo'ljallangan bilim dargohlari edi. Masalan, - 1921 -yilda Turkistonda 165645 o'quvchisi bo'lgan 1-bosqich (boshlang'ich) va 6500 o'quvchisi bo'lgan 2-bosqich (o'rta) sovet maktablari faoliyat ko'rsatgandi.

1920-yil 17-sentabrda Turkiston ASSR hukumati o'lkada 8 yoshdan 40 yoshgacha bo'lgan kishilarni o'qitish va savodxon qilish to'g'risida dekret qabul qildi> Bundan ko'zda tutilgan maqsad mahalliy xalqni tobora sovetlar siyosati va mafkurasi ta'siriga olish, uning yangi tuzumga xayrixohligini kuchaytirish edi. Shularni hisob-ga olib respublikaning turli hududlarida son-sanoqsiz savodsizlikni tugatish kurslari tashkil etilib faoliyat ko'rsatdi. Ularga turli yoshdagi kishilar, erkaklar va ayol-lar jalb qilinib, o'z savodlarini chiqardilar. Jumladan, 1928—1932-yillarda O'zbekistonda jami 700 ming nafar kishi savodsizlik kurslarini tugatgan bo'lsa, bu ko'rsatkich 1933—1937-yillarda 1,4 mln. kishini tashkil qildi.

Respublikada boshlang'ich talim tizimining joriy etilishi, keyinroq 7 yillik talimga o'tilishi ham xalq ta'li-mi sohasidagi muhim o'zgarishlardan biri bo'ldi. Maktab qurilishi, uning malakali o'qituvchi kadrlar bilan ta'min-lanishi, o'quvchilar soni yil sayin o'sib bordi. Sovet davri statistik ma'lumotlariga qaraganda, agar 1924/25 o'quv yilida O'zbekistonda 160 ta sovet tipidagi maktablar tashkil qilinib, ularda 17209 nafar o'quvchi ta'lim olgan bo'lsa, 1941-yilga kelib bunday maktablar soni 5504 taga va ularda ta'lim olayotgan o'quvchilar soni esa 1 mln. 315 ming nafarga yetgan.

30-yillarga kelib respublikada malakali o'qituvchi kadrlar tayyorlaydigan ko'plab pedagogika institutlari va o'rta maxsus pedagogik bilim yurtlari tashkil

qilindi. Bu esa xalq ta'limi tizimi faoliyatini ancha yaxshilashga turtki berdi. Agar raqamlarga murojaat qiladigan bo'lsak, 1928/29 o'quv yilida respublikamizda o'qituvchilar soni 5,5 ming kishiga teng bo'lgan bo'lsa, bu ko'rsatkich 1932/33 o'quv yilida 19 ming kishini, 1941-yilda esa 42 ming kishini tashkil etdi. Garchand bu raqamlar xalq ta'limi tizimida yuz berib borgan muayyan ijobiy o'zga-rishlarni ko'rsatsada, biroq bu sohada xuddi shu davrlar-da ko'plab jiddiy xato, nuqsonlar, yo'qotishlar sodir etil-ganligidan ko'z yumib bo'lmaydi.

Sovet hukumati ta'lim tizimini, yangi avlod tarbiyasini to'liq ravishda o'z izmiga bo'ysundirish maqsadida arab alfavitiga asoslangan eski O'zbek yozuvini ham tub-dan isloh qilishga kirishdi. Shu maqsadda 1929-yilda arab imlosi asosidagi O'zbek yozuvi tugatilib, undan lotin grafikasiga o'tildi. Bundan ko'p vaqt o'tar-o'tmasdan, 1940-yilga kelib sovetlarning birdan-bir yagona orzusi bo'lgan kirillitsa - rus alfaviti negiziga qurilgan yozuvga o'tildi. Birgina O'zbek yozuvini o'zgartirish borasida qo'llanilgan bunday xatti-harakatlar respublika xalq ta'li-mining keyingi taqdiri, istiqboli uchun salbiy oqibatlar keltirib chiqardi. Eng achinarlisi, buning natijasida necha asrlar davomida xalq dahosi, buyuk bobokalon-larimiz aql-zakovati tomonidan yaratilgan bebaho ma'-naviy manbalar, asarlar, risolalarni o'rganish mushkul muammoga aylanib qoldi. Negaki, ular arab yozuvida bitilgan edida!

Bu ham yangi avlodni o'z asliy sarchashmalaridan, milliy tarixidan mahrum etib borishning o'ziga xos ay-yorona yo'li, ko'rinishi bo'lgan edi. Shu bilan birlikda yangi tashkil etilgan ta'lim maskanlari, maktablarning moddiy bazasi, ularning o'quv dasturlari, qo'llanmalari va darsliklar hamda boshqa zarur jihozlar bilan ta'min-lanish darajasi ham mutlaqo talabga javob bermas edi. Agar 20~yillarda respublikada o'qitish jarayoni bir qadar milliy ziyoli olimlar, yetuk pedagog mutaxassislar tomonidan tayyorlangan o'quv qurollari, darsliklar asosida tashkil etilgan bo'lsa, 30-yillardan e'tiboran ahvol keskin o'zgardi.

Bu sohaning jilovi toliq holda Markaz mutasaddilari qo'liga o'tdi. Endiiikda milliy respublikalardagi ta'lim jarayoni Moskvadan tayyorlab yuboriladigan dasturlar, darsliklaru o'quv qo'llanmalari asosida olib boriladigan bo'lib qoldi. Bu esa xalq ta'limining milliy mazmuni, xarakteriga salbiy ta'sir ko'rsatib bordi. Shuningdek, ayniqsa 30-yillarga kelib respublikaning maktab ta'limi-ga mafkuraviy tazyiq

o'tkazish, muallimlar tarkibini «tozalash», ular safidan «nobop, yot unsurlar»ni qidirib topishga urinish hollari atayin kuchaytirildi. Masalan, VKP (b) MQ o'rta Osiyo byurosining 1933-yil 27-martda qabul qilgan o'qituvchilar safmi tozalash to'g'risidagi qarori aynan shu yovuz maqsadga qaratilgan edi. Bu qarorga asoslanib ish yuritgan sovet «bilag'onlari» bu davrda ko'plab bilimli, ma'rifatli, sof vijdonli milliy zi-yolilarimizni ishdan bo'shatdi, qatag'on qildi.

Ular tomonidan tayyorlanib nashr etilgan milliy ruhdagi ko'plab o'quv adabiyotlari ham ayni shu yillar-da taqiqlab qo'yildi. Yana shuni aytish joizki, shu davr-da ommaviy tarzda «sovet ta'limi»ni olib, turli maktab va savodsizlik kurslarini bitirib, zo'rg'a savodini chiqarib endigina hayotga qadam qo'yganlar «ishonchli shaxslar» sifatida topilib, mafkuraviy saralash asosida o'z vazifalaridan chetlatilgan tajribali, bilimdon, professional ziyolilar o'rnini egallab borganlar.

Xullas, sovetlar O'zbekistonda o'z ta'lim siyosatini yuritir ekanlar, bunda birinchi navbatda uning sinfiy mohiyatiga e'tibor berdilar. Binobarin, ular rahnamoligida shakllantirilib, rivojlantirilib borilgan xalq talimi tizimi va uning barcha bo'g'inu yo'nalishlari ham shu ruh va mazmun bilan sug'orilgan edi.



2. Oliy va o'rta maxsus ta'lim.



Sovetlarning xalq ta'limi sohasida yuritgan siyosatining muhim yo'nalishlaridan biri, bu oliy va o'rta maxsus talim tizimini shakllantirish hamda rivojlantirish edi. Har qanday tuzumda bo'lgani singari, sovet hokimiyati ham yangi tuzum g'oyalari va ideallari ruhida tarbiyalangan, unga sadoqat bilan xizmat qiladigan ko'plab yuqori malakali, o'qimishli, ziyoli kadrlarga o'tkir ehtiyoj sezardi.

Sovet hokimiyati O'zbekistondek chekka o'lkada oliy ta'limni tashkil etish, unga mahalliy yoshlarni jalb qilish orqali yerli xalq ishonchini qozonishga, u bilan yaqindan aloqa bog'lashga umid qilar edi. Markaz amri bilan 1920-yil sentabrida Toshkentda tashkil etilgan Turkiston Davlat universiteti shu maqsadga yo'naltirilgan edi. Keyinchalik o'rta Osiyo universiteti maqomini olgan bu oliygoh o'lkada oliy ta'limni rivojlantirish, yuqori mutaxassis kadrlar tayyorlash o'chog'i bo'ldi. Biroq bu o'quv dargohi professor-o'qituvchilarining mutloq tar-. kibi yevropalik millat vakillaridan tashkil topganligidan, undagi o'qitish tizimi birinchi kundanoq faqat rus

tilida olib borildi. Bu esa mahalliy millat yoshlari uchun unga kirib ta'lim olishda jiddiy qiyinchiliklar tug'dirardi. Shuning uchun ham universitet talabalari safida ularning salmog'i juda ozchilikni tashkil etardi. Jumladan, 1923/24 o'quv yilida o'rta Osiyo Davlat universitetida talim olayotgan 2047 nafar talabadan faqat 51 nafari mahalliy millat yoshlari edi, xolos. 1924/25 o'quv yilida bu universitetda 2440 talaba va ishchilar fakultetida 889 yoshlar talim oldi. Keyinroq 30-yillar boshlariga kelib bu bosh oliy o'quv yurti negizida respublikamizda juda ko'plab turli xil yo'nalishlardagi institutlar tashkil etildi va faoliyat ko'rsata boshladi. o'rta Osiyo politexnika (hozirgi Texnika universiteti), Moliya-iqtisod, Tibbiyot, Qishloq xo'jalik, To'qimachilik institutlari, Samarqand Davlat universiteti va boshqalar shular jumlasidandir. Shuningdek, bu davrda yuqori malakali pedagogik kadrlarga talab muttasil o'sib borganligidan Buxoro, Samarqand, Toshkent, Nukus, Xiva, Urganch, Farg'ona va Namangan singari shaharlarda pedagogika va o'qituvchilar tayyorlash institutlari tashkil etildi. Buning orqasi-da 1932-yilga kelib respublikadagi jami oliy o'quv yurtlari soni 31 taga yetdi. Ularda ta'lim olayotgan talabalar soni 12,2 ming nafarni tashkil etardi. Keyinroq bu ko'rsatkichlar yil sayin oshib bordi. Chunonchi, oliy o'quv yurtlari talabalarining soni 1937-yilda 15,5 ming-ga, 1941-yilda esa 18 mingtaga yetdi.



O'rta Osiyo davlat universiteti (hozirgi O'zbekiston milliy universiteti) binosi.

Ayni paytda mahalliy aholi yoshlari orasidan maxsus tanlab olinib, partiya, sovet va xo'jalik organlarida ish-lash, sotsialistik qurilish jabhalarida aktiv faoliyat ko'rsa-tishga da'vat etilgan rahbariy kadrlar tayyorlashga ham alohida e'tibor qaratildi. Negaki, hukmron partiyaning «oltin fondi» hisoblangan bunday kadrlarni ko'plab tar-biyalab voyaga yetkazish O'zbekiston sovetlar siyosatini to'laqonli o'tkazishda muhim kafolat bo'lib xizmat qilardida. Shu maqsadlarni ko'zda tutib 1923-yilda Turkiston kommunistik universiteti ochildi. Unda o'lkaning bo'lg'usi sovet kadrlari «markscha-lenincha» ta'limot negizlarini qunt bilan egallab bordilar. Shuningdek, bu davrda Turkistonda 2 ta markaziy, 5 ta viloyat va 5 ta uezd partiya sovet maktablari faoliyat ko'rsatmoqda edi. Ularda o'qiyotgan 1312 nafar tinglovchining 10 foizini xotin-qizlar tashkil etardi.

Moskvadagi Sharq mehnatkashlari kommunistik uni-versitetida esa 1923-yilda 77 nafar turkistonlik yoshlar talim oldi. Ulardan O'zbeklar 24, turkmanlar 24, qozoq-qirg'izlar 29 kishi edi.

O'zbekistonning bu davrdagi ta'lim tizimida o'rta max-sus ta'lim o'quv yurtlari faoliyati ham alohida o'rin egallaydi. Buning asosiy boisi shuki, respublikaning ijtimoiy-iqtisodiy va madaniy taraqqiyoti ko'p jihatdan maxsus bilim, tajriba va ko'nikmaga ega bo'lgan kadrlarga bog'liq edi. Faqat shunday kadrlargina respublika xo'jalik va madaniy qurilishining ko'plab dolzarb masalalari, vazifala-rini hal etishga salmoqli hissa qo'sha olardilar. Shu boisdan ham o'lkada hunar-texnika ta'limi maktablari, texnikumlar, maxsus bilim yurtlarini tashkil qilish va faoliyatini jonlan-tirib borishga e'tibor berildi. 20-yillarda respublikada 6 ta qishloq xo'jalik texnikumi, 1 ta tibbiyot texnikumi, 16 ta hunar-texnika piaktabi; tashkil qilindi. Ularda 6800 nafar bilimga chanqoq yoshlar o'qidi. Shuningdek, shu vaqtda 5 ta pedagogika texnikumi, 2 ta pedagogika bilim yurti, bitta xotin-qizlar bilim yurti mavjud bo'lib, ular orqali ko'plab bilimli, malakali pedagog kadrlar tayyorlandi. XX asrning 40-yillari boshlariga kelib O'zbekistonda maxsus bilim yurtlari soni 92 taga yetgan bo'lib, ularda 12,6 ming nafar yoshlar ta'lim olmoqda edi.

Shu bilan birlikda oliy va o'rta maxsus ta'lim tizimi oldida ham hali ko'plab jiddiy muammolar ko'ndalang bo'lib turardi. Oliy ta'lim tizimidagi o'qish jarayoni asosan rus tilida olib borilardi. Maxsus o'quv qo'llan-malari, darsliklar, boshqa

o'quv-uslubiy jihozlar milliylik, yurtning o'ziga xoslik jihatlaridan nihoyatda uzoq bo'lib, ular asosan Markazdan tayyorlab yuborilardi. Mahalliy professor-o'qituvchilar tarkibi nihoyatda kam bo'lganligi bois ko'pchilik fanlar va predmetlarning o'qitilishi asosan yevropalik olimlar tasarrufida edi. Buning ustiga 30-yillarda avjiga mingan stalincha qatag'onlik shamshiri ko'proq milliy kadrlar boshida sindiki, bundan respublika ta'lim tizimining barcha bo'g'inlari katta ziyon-zahmat chekdi, ancha mahrum-liklarga duchor bo'ldi.



3. Ilm-fan.



Respublikada ilm-fanning ravnaq topishi ham tabiiy holdir. Garchand O'zbekistonning sovetlar hukmronligi davri ilm-fani ahvoli, uning o'sishi, o'zgarishi ko'plab murakkab, ziddiyatli jarayonlar silsilasida kechgan bo'lsada, birQq bu hol bir qator o'z xususiyatlari va asosli omillariga egadir. Avvalo, ilm-fanga, ma'rifatga intilish millatimizga xos azaliy ota meros an'anadir. Jahonga tengi yo'q allomalarni bergan xalq har qanday og'ir, mushkul vaziyatlarda ham ilm mash'alini qo'lda mahkam tutib, uni rivojlantirishga intilib kelgan. Binobarin, sovetlar davri, qatag'onlik yillari ham bundan mustasno emas, albatta. Shu bois sovetlarning madaniy qurilishi doirasida bo'lsa ham respublikaning ilmiy salo-hiyati o'sish va rivojlanishda davom etdi.

Markaz zo'ravonlarining milliy kadrlar, ziyolilar faoliyati doirasini har qanday cheklash, bo'g'ishga uri-nishiga qaramay, yurtning ko'plab iqtidorli, zakovatli yoshlari o'zlarini ilm-fan mashaqqatiga bag'ishlab, asta-sekin uning cho'qqilariga ko'tarilib bordilar. Rus tilini mukammal egallash qiyinchiligi ham ularga hech bir to'siq bo'lolmadi. 30-yillarga kelib O'zbek fanining turli yo'nalishlarida o'z yuksak salohiyatini namoyon qila olgan, o'z ilmiy maktabiga asos solgan Qori Niyoziy, Abdurahmon Sa'diy, Abdulla Avloniy, Ibrohim Mo'minov, Yah'yo G'ulomov, Toshmuhammad Sarimsoqov, Xalil Rahmatullin, Habib Abdullayev, Sobir Yunusov singari fan allomalari yetishib chiqdi. Ayni zamonda respublikada ko'plab ilmiy-tadqiqot institut-lari, markazlari tashkil etilib, fanning turli dolzarb muammolari ustida samarali izlanishlar olib bordilar, S Bular jumlasiga Butunittifoq paxtachilik ilmiy-tadqiqot instituti (SoyuzNIXI), Madaniy qurilish, Sanoat-iqtisod, Sanoat

qurilishi, Huquq-tadqiqot institutlari, Gid-rometrologiya instituti, Geliotexnika laboratoriyasi, Astronomiya Observatoriyasi, uning qoshidagi Quyosh xizmati bo'limi va boshqalarni nisbat berish mumkin. Mazkur institutlar va ilmiy markazlarga jalb etilgan respublika ilmiy kuchlari, fan fildoyilari Ittifoq va respublika ahamiyatiga molik qanchalab hayotiy muammolar, masalalarning yechimini topishda jiddiy tadqiqotlar olib bordilar. Ayniqsa paxtachilik, uning hosildorligini oshirish, tez pishar, sifatli yangi navlar yaratish sohasida muhim yangiliklar qilindi. Geolog olimlar sa'y-harakatlari bilan yangi konlar, turli xil ma'dan topilmalari kashf qilindi. 1927-yilda Farg'ona vodiysida Sho'rsuv neft koni ochildi. Sement ishlab chiqarish uchun xom ashyo qidirib topildi. Natijada Quvasoy sement zavodi qurildi.

Qator mis, oltin, kumush, qalay, marmar konlari topildi va ishga tushirildi. Biroq ularning huzurini Markaz ko'rdi. Negaki, bu davrga kelib uning inon-ixtiyori to'la Ittifoq hukumati tasarrufiga olingan edi.

1940-yil 9-yanvarda O'zbekiston XKS (hukumati) huzuridagi Fan qo'mitasi negizida SSSR FANing O'zbekiston filiali ta'sis etildi. o'sha kezlarda uning tarkibida 75 ta ilmiy-tadqiqot institutlari va muassasalari mavjud edi. Ular 3024 nafar ilmiy xodimlarni o'z safiga birlashtirgandi. Bularning 109 nafari fan doktorlari, 510 nafari fan nomzodlari edilar.



4. “Hujum” harakati.



XX asr 20-yillari ikkinchi yarmida “Hujum” nomi bilan boshlangan harakat o'z mohiyati bilan O'zbek xotin-qizlarini tutqunlikdan, paranji zulmatidan ozod qilishga qaratilgan edi. Turkiston sharoitida o'ziga xos o'ta murakkab xususiyatlarga ega bo'lgan bu ijtimoiy-siyosiy masala hukmron partiya tomonidan hech bir o'ylanmas-dan, mahalliy shart-sharoitlarni, xalqning an'anaviy udumlari, urf-odatlarini e'tiborga olmasdan kutilmagan bir holda amalga oshirildiki, bu esa o'lka hayotida ko'plab noxush oqibatlarini keltirib chiqardi.

Ma'lumki, Turkiston xotin-qizlari hayoti asrlar davomida musulmonchilik qonun-qoidalari va an'analari asosida kechgan va o'ziga xos xususiyatlarga ega bo'lgan. Jumladan, ular aksariyat hollarda mehnatga tortilmas, balki uy-ro'zg'or ishlarida band bo'lishgan va farzand tarbiyasi bilan shug'ullanishgan. Sovet hukumati

esa O'zbek xotin-qizlarining bunday turmush tarziga diniy «xurofot» sifatida qaradi. Shu bilan birgalikda ayollarning erkaklar bilan teng huquqliligi, ularning tor oila muhitidan ozod bo'lib, keng ijtimoiy-siyosiy hayotga tortilishi g'oyasi ilgari surildi.

Shu narsa haqiqatki, jamiyat rivojlanib borar ekan, odamlarning ongi ham o'zgarishda davom etadi. Turmush tarzi yangilanadi, u zamonga moslashadi. Shu ma'noda O'zbek ayollarini paranjidan ozod qilish muhim vazifalardan biri ekanligi tabiiydir. Biroq bu masalani eng avvalo jamiyat a'zolari, fuqarolari orasida keng ko'lamli tushuntirish, ma'rifiy yo'llar orqali tinch hal qilish mumkin edi. Jadidlar rahbarlari F. Xo'jayev, A. Fitrat, Cho'lpon, A. Avloniylar ham bu masalani hal etishni o'z oldilariga muhim vazifa qilib qo'ygan edilar. Shu maqsadda tashkil etilgan respublika, viloyat, tuman, shahar va quyi sovet tashkilotlari qoshidagi xotin-qizlar bo'limlarida dastlab umuman to'g'ri ish olib borilgandi.

Bu yerda gap paranji tashlash ustida emas, balki xotin-qizlar uchun maxsus klublar, artellar, do'konlar, savodxonlik kurslari ochish haqida borardi. Bu xildagi tadbirlarning ko'plab o'tkazilishi natijasida xotin-qizlar ijtimoiy-foydali mehnatga, jamoatchilik ishlariga tortila boshlagandi. Ammo, ming afsuski, bu dastlabki yutuqlar, xususan, ayollarning jamoat joylariga paranjida kelishlari mustabid tuzumni aslo qoniqtirmasdi.

Shuning uchun ham VKP (b) MQ o'rta Osiyo byurosining 1926-yil sentabridagi maxsus qarori asosida bu harakatni sun'iy ravishda tezlashtirishga kirishildi, oqibatda bu majburiy harakat «Hujum» nomini oldi. Xolisona aytgarchi, uni, o'zbek, xotin-qizlari xursandchilik bilan kutib oldilar. Chunki ochiq yurish, yorug' olamni ko'rish, ilm olish, erkaklar bilan teng huquqli bo'lish ularning ham asriy orzusi edi. Biroq bu harakat, yuqorida ta'kidlanganidek, nihoyatda shoshma-shoshar-lik, ma'muriyatchilik yo'li bilan o'tkazildi. Bu tadbirga hattoki erkak kommunistlar ham tayyor emas edilar. Masalan, 1927-yil 8-mart kuni bo'lgan ko'plab mi-tinglarda minglab xotin-qizlar paranjilarini tashlashdi. Bularning orasida kommunistlarning ham xotinlari bor edi. LeMn, ular ertasiga yana paranjini yopinishga majbur qilindi.

Shunga qaramay «Hujum» harakati dastlab ancha sezilarli yutuqlarga erishib bordi. 1927-yil bahoriga kelib 100 ming ayol paranji tashladi. Ming-minglab ayollar

korxonalarga, qishloq, tuman kengashlariga, sud tizimiga ishga tortildi. Ular orasidan ko'plab traktorlar, brigadirlar, kolxoz raislari, klub va kutubxona mudirlari tayyorlandi. Jumladan, 1927—1929-yillarda sudlarning xalq maslahatchilari orasida O'zbek ayollari 563 kishiga yetdi. 1926-yilda birgina Toshkent va Farg'ona viloyatlari «Qo'shchi» uyushmalarining 4900 ayol a'zolari bor edi. 1927-yil davomida 7169 ayol kasaba uyushmalariga a'zo bo'lib kirdi. 5916 ayol matlubot kooperatsiyalariga a'zo bo'ldi, 2343 xotin-qizlar davlat organlariga saylan-di.

1927—1928-yillarda «Hujum» harakati yanada keng quloq yozdi. Xotin-qizlarni savodsizlikni tugatish kurslariga jalb etish, ulaming farzandlari uchun yasli va bog'chalar ochish tadbirlari ko'paydi. Paranji tashlagan ayollar uchun 32 ta savodsizlikni tugatish maktablari tashkil qilindi.

Biroq bu sohadagi ishlar partiya organlari tomonidan bo'rttirib ko'rsatildi. Atnalda esa bu jarayon ko'p hollari da joylarda to'xtab qoldi. Bu borada qo'llanilgan zo'rlash, majburlash yo'li va usullari o'zining salbiy nati-jalarini bermasdan qolmadi. Natijada hatto 10—15 yashar qizlarni ham erga berib yiiborish hollari ro'y berdi.

Joylarda xotin-qizlarni o'ldirish hollari ko'plab ro'y berdi. 1927—1928-yillarda 2,5 mingdan ortiq faol ayollar yovuz kuchlar qurboni bo'ldi.

Tabiiyki, har qanday jinoyat jazosiz qolmaydi. Faqat 1928-yilda ayollarga nisbatan g'ayriqonuniy xatti-harakatlari uchun 671 kishi jazoga tortildi. Shulardan 7 kishi otuvga hukm qilindi.

Shunday qilib, partiyaviy tazyiq, sovetcha majburlash va mafkuraviy kurash asosida o'tkazilgan «Hujum» harakati, qiyinchiliklar bilan bo'lsada, hayotga tatbiq etib borildi. Buning natijasida O'zbek ayoli ijtimoiy ish-lab chiqarishga, hatto eng og'ir mehnat talab qiladigan ishlarga ham tortildi. Masalan, 1930-yilda ular qishloq xo'jaligida ishchi kuchining 80 foizini tashkil etdi. Boshqa sohalarda ham xotin-qizlar salmog'i ortib, ularning ijtimoiy faolligi kuchaydi.

«Hujum» harakatining o'sib borishi davomida 1937-yilga kelib 273637 nafar O'zbek xotin-qizlari savodsizlikni tugatish kurslarini muvaffaqiyatli bitirdilar. Ayol ishchilar va xizmatchilar soni 1940-yilda 232 ming kishiga yetdi. Bu esa butun respublikadagi ishchilarning 40,7 foiziga teng edi. Ular tikuvchilikda 82,3, qandolatchilikda 65,5, to'qimachilikda 8 foizni tashkil etardi.

Shu bilan birlikda bu mavsumiy harakat ko'pgina salbiy oqibatlarining yuz berishiga ham sabab bo'ldi. Bu jarayonni o'tkazishda yo'l qo'yilgan jiddiy xato va kam-chiliklar, xalqning asriy udunilari, O'zbek ayollariga xos sharqona odob, axloq tamoyillarining buzilishi, bu nozik sohada odamlarning ornomusini mensimaslik hollari real hayotda ko'plab fojeali voqealarni keltirib, chiqardi.

Eng achinarlisi shuki, «Hujum» harakatida faol ishtirok etib, unda tashabbuskor bo'lgan, butun borlig'ini, ongli hayoti, faoliyatini sotsializm isbiga, partiyaning yolg'on, soxta g'oyalarining chinligiga ishongan qanchalab ilg'or xotin-qizlar keyinchalik stalinch qatag'onlik qurboni bo'ldilar. Bunga O'zbek xotin-qizlari ozodligi kurashining otashin namoyandalari — Tojixon Shodiyeva, Sobira Xoldorova, Xosiyat Tillaxonova, Maryam Sultonmurodova, Xayriniso Majidxonova singarilarning fojeali va tahlikali kechgan nochor qismatlari to'la misol bo'la oladi.



5. Madaniy va adabiy jarayon.



XX asrning 20-30-yillarida jarayon hukmron kommunistik partiyaning madaniy qurilish siyosati asosan «shaklan milliy, mazmunan sotsialistik madaniyat»ni shakllantirishga qaratildi. Zero, «Lenincha madaniy inqilob g'oyasi»ning bosh maqsadi ham ko'p millatli sovetlar mamlakatida yagona sotsialistik madaniyatni tarkib toptirish va uning «samaralari»dan SSSR barcha xalqlari va millatlarini bahramand etish edi. Garchand bu madaniyat milliy belgi, shakllarni ras-man ko'zda tutsada, biroq u amalda har bir xalqning o'ziga xos tarixiy va madaniy merosini, uning sarchash-malarini inkor etardi. Chunki bular kommunistik mafkura o'lchovi va tamoyillariga mohiyatan zid kelardi.

Shu bois bu yillarda O'zbek xalqining olis asrlarga borib qadaluvchi moddiy va ma'naviy madaniyati durdonalari, osori-atiqalariga, masjidu madrasalar, gumbazu maqbaralar ko'rinishidagi noyob me'moriy obidalariga zo'r berib hujum uyushtirildi. Binobarin, bu maskanlarning qarovsiz, xarob ahvolga keltirilganligi ham tasodifiy hol emas, albatta. Ayniqsa bunda xalqimizning qalbi, dilidan chuqur joy olgan, uning uzoq asrlik islomiy qadriyatlari zavol toptirilganligini chuqur taassuf bilan ta'kidlashga to'g'ri keladi.

Odamlar ongiga kommunistik g'oyalarni singdirishdan iborat maqsadga erishishda joylarda «Xudosizlar jamiyatlari» tuzilib, ular orqali diniy e'tiqod va tasavvurlarga qarshi, uning pokdomon peshvolariga qarshi hujumkor ateistik kurash, tashviqot va targ'ibot avj oldirildi. Buning oqibatida yurtning ilg'or ziyolilari bo'lgan qancha-qanchalab ruhoniylar, eshonu mullalar, ulamoyu fuzalolar ayovsiz ta'qibu quvg'inlarga duchor etildi yoxud qirg'in qilindi. Ularning ko'plari jonlarini hovuchlab, oila, bola-chaqasi bilan ne azobu uqubatlarni boshdan kechirib, uzoq xorijiy yurtlarga bosh olib ketishga majbur bo'ldilar.

O'zbek xalqining ko'plab yurtparvar ziyolilari fidoyilik namunalarini ko'rsatib, barcha qiyinchiliklarga bardosh berib respublikaning madaniy hayotida faol qatnashdilar.

Ularning sa'y-harakatlari bilan teatrlar, klublar, kutubxonalar va boshqa madaniy-ma'rifiy muassasalar bunyod etilib faoliyat ko'rsata boshladi. 1929-yilda O'zbek musiqali teatriga asos solindi.



Mashhur hofiz
Hoji Abdulaziz Abdurasulov.



Hofiz va bastakor
Madrahim Sheroziy.

1933-yilga kelib Hamza nomli akademik drama teatri ish boshladi. Har qanday mafkuraviy tazyiqlarga qaramasdan milliy ruh ustuvor bo'lib qola berdi. Xalqimiz orasidan uning asriy dil armoni, orzu-istaklarini kuylagan Hoji Abdulaziz

Abdurasulov, Ota G'iyos Abdug'aniyev, Domla Halim Ibodov, Mulla To'ychi Toshmuhamedov, Madrahim Sheroziy, Shorahim Shoumarov, Abror Hidoyatov Soraxonim, Tamaraxonim, Lutfixonim, Mukar-ramaxonim singari nomdor san'atkorlar yetishib chiqdi va dovrug' qozondi.

1936-yilda Toshkent Davlat konservatoriyasining ochilishi xalqimizning madaniy hayotida katta voqea bo'ldi. O'zbek musiqa madamyatining zabardast vakillari — Yunus Rajabiy, Muxtor Ashrafiy, Mutal Burhonov, Tolibjon Sodiqov, To'xtasin Jalilov singari san'atkorlar ijodi xalq dilidan chuqur joy oldi.

1937-yilda Moskvada o'tkazilgan birinchi O'zbek san'ati va adabiyoti dekadasi xalqimiz madaniyatining yorqin ko'rigi bo'ldi. Unda «Gulsara», «Layli va Majnun» operalari, «Farhod va Shirin» musiqali dramasi va boshqa sahna asarlari katta mahorat bilan namoyish etildi.

30-yillarda O'zbekistonda yangidan kino san'ati shakllanib bordi. Uning yorqin ifodasi sifatida shu davrda yaratilib ekranlarga chiqarilgan sal», «Qasam», «Ravot qashqirlari», «Azamat» singari lilmlarni tilga olib o'tish joizdir.

Ularni yaratishda Komil Yormatov, Nabi G'aniyev, Sulaymon Xo'jayev, Yo'ldosh A'zamov, Rahim Pirmu-hamedov singari ajoyib O'zbek kino ustalarining xizmatlari benazirdir.)

20 - 30-yillarda respublikada ko'plab madaniy inshootlar qurildi. 1932-yilda respublikada 707 ta kutubxona, 3087 ta klub, 409 ta kino qurilma, 32 ta teatr, 13 ta muzey faoliyat ko'rsatdi.

O'zbekistonda madaniy qurilish jarayonining chuqurlashib borishiga mamlakatda avj olgan totalitar tuzum zo'ravonligi va bedodligi jiddiy to'sqinlik tug'dirdi. Bunday keskin, nosog'lom muhitda madaniyat muassasalarining faoliyati cheklanib, bu soha xodimlarining



Abror Hidoyatov Otello
rolida.

ijodkorligi har tomonlama qiyin-qistov va siquvga olindi. Bu esa respublika madaniy hayoti maromining normal kechishiga, shubhasiz, salbiy ta'sir ko'rsatdi.

Bu davrda O'zbek adabiyoti ham jiddiy hayotiy sinovlar jarayonini boshdan kechirdi. o'zining boy ta'rixiy an'alariga ega bo'lgan bu adabiyot xalq ruhining ko'zgusi sifatida uning ma'naviy hayotini tashkil qilishda, zamon muammolarini idrok etish hamda hal etishda o'z hissasini qo'shib bordi. Sovetlar insonlarning ongi, shuuriga ta'sir etish, ularni ma'nan va ruhan tarbiyalashda adabiyot va san'atning o'rni va roli beqiyosligini hisobga olib, uni yangi sotsialistik qurilish xizmatiga faol jalb etishga intildilar. Ularning nazarida adabiyot kuchli mafkuraviy qurol sifatida yangi tuzumni mustahkamlashga xizmat qilishi, millionlar ommasini shunga da'vat etmog'i kerak edi. VKP(b) MKning 1925-yil 18-iyunda qabul qilgan «Partiyaning adabiyot sohasidagi siyosati to'g'risida» nomli qarorida shu ruh, g'oya aks ettirildi. Bu hujjat O'zbek adabiyoti va uning namoyandalari uchun ham qo'llanma hisoblanardi. Unda ochiqdan-ochiq sovet mafkurasiga zid adabiyot «burjua mafkurasi xizmatkori», deb elon qilingandi. Bu, albatta, har bir ijodkor zimmasiga mashaqqatli vazifa yuklardi. Negaki, har bir shoir yoki adib sovet mafkurasi talablaridan biroz, bo'lsada chetlashsa, o'z xalqining boy tarixiy o'tmishi yoxud ulug' ajdodlari hayotidan asar yozguday bo'lsa, uning og'ir jazoga ro'baru kelishi hech gap emas edi. Mana, nima uchun 30-yillarda xalqimiz faxru-g'ururi bo'lib qolgan bir qator favqulodda iste'dod sohiblari qatag'on qilindi, ijodlari bo'g'ildi.

Biroq har qanday tazyiqu ta'qiblarga qaramay O'zbek adabiyoti bu yillarda muhim yutuqlarga erishib, jiddiy o'zgarishlar yo'lidan ilgarilab bordi. Bu o'rinda Abdulla Qodiriyning «O'tgan kunlar», «Mehrobdan chayon», Cho'lponning «Kecha va kunduz», Sadriddin Ayniyning «Odina», «Sudxo'rning o'limi», Fitratning «Abul-fayzxon», Oybekning «Qutlug' qon», G'afur G'ulomning «Ko'kan», «Yodgor» va shu singari o'z davri uchun muhim voqea bo'lgan badiiy g'oyasi yuksak asarlarni alohida qayd etmoq lozim bo'ladi.

Savol va topshiriqlar

1. «Madaniy inqilob» g'oyasining asl maqsad, muddaosi nimada edi?
2. Sovetlar Turkiston xalq ta'limini tashkil etish, rivojlantirishga qanday nuqtai nazardan yondashdilar?
3. o'lka xalq ta'limi tizimida yuz bergan xato, kamchiliklar, murakkabliklar

va muammolar haqida nimalar deya olasiz?

4. Respublika oliy ta'lim tizimini shakllantirish qanday maqsadlarda amalga oshirildi?

5. O'zbekistonda ilm-fan qanday rivojlantirib borildi?

6. 30-yillarda yetishib chiqqan taniqli O'zbek olimlari haqida tushuncha bering.

7. O'zbekistonda «Hujum» harakatini o'tkazishdan ko'zlangan maqsad nima edi?

8. 20-yillarda respublikada o'tkazilgan «Hujum» harakati xotin-qizlar hayotiga qanday o'zgartirishlar olib kirdi?

9. «Hujum» harakati qanday oqibatlarni yuzaga keltirdi?

10. Nima sababdan O'zbekistonda din va dindorlarga qarshi hujumkor kurash avj oldirildi?

11. 30-yillarda respublikaning madaniy hayotida yuz bergan eng muhim voqealardan qaysi birlarini aytib bera olasiz?

12. O'zbek sarTatini yuksaltirishga muhim hissa qo'shgan mashhur sarTatkorlardan kimlarning nomini tilga olsa bo'ladi?

13. O'zbek adabiyotining rivojlanish jarayonining murakkab kechganligi sabablarini nimalarda deb o'ylaysiz?

14. O'zbek adiblaridan kimlarning nomlari 30-yillarga kelib qoralandi va nima uchun?

11-MAVZU: QATAG'ONLIK SIYOSATI: UNING MOHIYATI VA OQIBATLARI.

Reja:

- 1. Totalitar tuzmning kuchayishi.**
- 2. Milliy kuchlar safining bo'lib tashlanishi.**
- 3. Ziyolilarning quvg'in qilinishi.**
- 4. Inson huquqlari va erkinliklarining poymol etilishi.**



1. Totalitar tuzmning kuchayishi.

XX asr 20-yillari ikkinchi yarmiga kelib sovetlar mamlakatining hokimiyat boshqaruv-idora tizimida ham keskin o'zgarish hollari yuz berdi. Stalin asta-sekinlik bilan o'zining yakka hokimli-gini butun choralar bilan qaror toptirish harakatida bo'ldiy 20-yillar oxirlarida Stalin tomonidan yangi nazariy qarash sifatida ilgari surilgan «Sotsializm mustahkamlanib borgan sari sinfiy dushman qarshiligi ham shunchalik kuchayib boradi» degan g'oya g'ayriqonuniy xatti-harakatlarning avj olishiga olib keldit Stalin va uning atrofida gilar mamlakat va partiya hayotiga oid har bir masalada o'z irodasi, hukmini boshqalarga majbur etib, har qanday muxolifatchi qarashlarni, ularning tashuvchilarini mahv etib bordilar.

Shu tariqa, mamlakatda Lenin tomonidan asos solingan totalitar boshqaruv tizimini Stalin yanada kuchaytirdi. Bu tizimning mohiyati shundaki, unda davlat boshqaruvi markazlashgan va buyruqbozlik xarakteriga ega bo'ladi. Ijtimoiyot, iqtisodiyot, madaniyat, ma'naviyat sohalari ustidan qattiq nazorat o'rnatiladi. Turli xil tarzda fikr, tafakkur yuritish, muxolifatchilik harakatlarida bo'lish qafiyman etiladi, siyosiy erkinliklar taqiqlanadi. Ayni chog'da demokratiya buziladi, ilg'or, taraqqiyparvar kuchlar qatag'onlikka mahkum etiladi. Hukmron partiyaning yagona irodasi, o'zboshimchaligi, chegara bilmas zo'ravonligi avjga minadi.

Mamlakatda totalitar tuzumning qaror topishi milliy sovet respublikalari hayotiga ham dawl qilib, ularning butun inon-ixtiyorini Ittifoq davlati tasarrufiga bog'lab qo'ydi. Bu O'zbekiston timsolida ham ko'zga yaqqol tashlandi. Avvalo, respublika hokimiyati boshqaruvining hamma bo'g'inlari to'liq ravishda SSSR organlariga bo'ysundirildi. Shuningdek, bu yerdagi yagona rahbar tashkilot —

O'zbekiston Kompartiyasi ham VKP (b) ning tarkibiy qismi sifatida, ya'ni viloyat bo'limi maqomiga tushirildi. Binobarin, hukmron partiya qabul qiladigan har qanday qaroru farmoyishlar, rahbariy ko'rsatmalar respublika partiya tashkilotlari tomonidan bajarilishi majburiy va shart edi.

Stalincha ma'muriy-buyruqbozlik tizimi ko'zga ko'rinarli va ko'zga ko'rinmas ming xil qizil iplar bilan O'zbekistonni o'z domiga kiritib, uning amaldagi rasmiy mustaqilligini ham yo'qqa chiqargan edi. Uning mahalliy rahbariyati respublikaning iqtisodiy, xo'jalik, madaniy-ma'naviy hayotiga oid biror bir masala, muammoni mus-taqil tarzda hal etishga haqli, huquqli emas edi.



2. Milliy kuchlar safining bo'lib tashlanishi.

Mustabid tuzum Markazdan O'zbekistonga o'zining ko'p sonli sadoqatli xodimlari, vakillarini rahbariy lavozimlarda ishlashga uzluksiz yuborib turdi. Ular yordamida o'lka hayotida kechayotgan barcha jarayonlar, o'zgarishlardan doimiy xabardor bo'lib, mahalliy kadrlar faoliyatini kuzatib, nazorat qilib bordi.

O'z xalqi, yurtining milliy manfaatlarini himoya qilib, uning istiqbolini ko'zlab, o'zida kuch-iroda topib, bor haqiqatni aytishga jur'at qilgan millat kishilari birinchi navbatda hukmron Markazning qahr-zahriga duchor bo'ldi. Qatag'onlik zulmkorlari, ularning gumashtalari bir imo-ishora bilan bunday yurt fidoyilarini oradan olib tashlash, faoliyatini og'machilik, buzg'unchilikda ayblash, sha'nigajnillatchi, xalq dushmani, aksilin-qilobchi, burjua malaylari singari asossiz bo'htonlar bilan la'nat tamg'asini tirkashga doimo tayyor turardilar. Burting yorqin ifodasini sovet mafkurachilari tomonidan to'qib chiqarilgan va O'zbek milliy kadrlari sha'nini bulg'ashga qaratilgan «181ar guruhi», «inog'omovchilik», «qosimovchilik» degan siyosiy ishlar misolida ko'rish mumkin. Mazkur guruhlar faoliyatiga oid tarixiy hujjat-larni ko'zdan kechirib, tahlil etarkanmiz, bu insonlar xatti-harakatida, faoliyatida ularni ayblashga bois bo'ladi-gan hech bir asosli ashyo-dalillar bo'lmaganligiga to'la amin bo'lamiz. Ularning yagona «gunohi»— bu o'z millati dardi, tashvishi va manfaatini ko'zlab, ayrim muhim muammolarni ko'targanligi va ularni hal etishga yuqorining e'tiborini jalb etganligi xolos.

Xo'sh, «181ar guruhi» tarkibi kimlardan iborat bo'lgan? Ular sovet

mutasaddilari oldida qanday gunoh qilgan edilar? Respublikaning taniqli arboblardan tash-kil topgan bu guruh (I. Xidiraliyev, M. Saidjonov, U. Ashurov, R. Rahimboboyev, R. Rafiqov va b.)ga tirkalgan asossiz aybga, uyushtirilgan tuhmatu bo'htonga ko'ra, go'yo uning a'zolari ko'p masalalarda noto'g'ri yo'l tutganlar. Aslida esa ular hukmron Markazning ulug' davlatchilik va shovinistik siyosatiga, milliy kadrlarga nisbatan bepisandlik, loqaydlik yo'liga qarshi chiqib, adolat va haqqoniylik tamoyillarini himoya qilib chiqqandilar. Shu bois rasmiy partiya organlari tomonidan mazkur guruh keskin qoralandi va uning a'zolari o'z lavozimlaridan olinib, turli partiyaviy jazolarga giriftor etildilar.

«Inog'omovchilik» guruhi to'g'risida gap borganda ham unga qo'yilgan barcha ayblarning to'liq tarzda to'qib chiqarilganligi ayon bo'ladi. Malumki, Rahim Inog'omov o'zKP(b) MQ Matbuot bolimi mudiri va O'zSSR Maorif xalq komissari vazifasida faoliyat yuritib kelgan.

U 1926 yilda «O'zbekiston ziyoli!ari» degan risolasini e'lon qiigan. Risolada oktabr o'zgarishi O'zbek xalqi uchun kutimagan voqea bo'ldi va unga O'zbek mehnatkashlari tayyor emas, degan gaplarni yozdi. Uning risolasida oktabrgacha bo'lgan davrda «...Rus istibdodiga qarshi mustaqilik harakatida tarixiy rolni ziyolilar o'ynagan», degan haqqoniy fikrlar ilgari surilgan.

Shuningdek, R. Inog'omov o'zining bir qator nutqlarida O'zbekiston Kompartiyasining mustaqil faoliyat yurita olmayotganligiga, Markazning nazoratchi organlarining o'lka hayotidagi zo'ravonligiga ham alohida e'tibor qaratgan. Respublikaning bir qator mahalliy partiya, sovet organlari mas'ul hodimlaridan N. Mavlonbekov, I. Isamuhammedov, M. Aliyev singari hammaslaklar Inog'omov qarashlarini qo'llab-quvvatlab chiqqandilar. Albatta, bunday muxolifatchi chiqishlar hukmron partiya mutasaddilarining qahriga uchramas-dan, jazolanmasdan qolmasdi. Shu bois 1926, 1927-yillarda bu guruh faoliyati partiya tashkilotlarida bir necha bor muhokama qilinib, og'machi guruhbozlikda ayblandi. R. Inog'omov va uning tarafdorlari vazifalaridan olinib, nomlari qoralandi, o'zlari esa tavba-tazarru qilishga majbur etildilar.

”Qosimovchilik” guruhi ham 1929— 1930-yillarda sovet hukmron rejimi tomonidan milliy kadrlarni, ziyolilarni qatag'on qilish, jazolash maqsadida atayin

uyushtirilgan navbatdagi uydirma bo'lgan.

O'zSSR Oliy Sudining raisi lavozimida ishlab kelgan Sa'dulla Qosimov va uning yaqin maslakdoshlari deb topilgan N. Alimov, B. Sharipov kabi 7 kishi 1929-yil-ning ikkinchi yarmida qamoqqa olinadilar. Ularning atayin to'qib chiqarilgan «ayblov ishi»ga siyosiy tus beriladi. Bunga ko'ra, ular respublikadagi millatchi tashki-lotlar bilan aloqa bogiaganlikda ayblandilar. Ular «bosmachilik» harakatiga yon bosganlikda qoralandilar. JSu guruhning 4 ta a'zosi mana shunday asossiz ayblar bilan ayblanib, otib tashlandilar, qolgan 3 kishi esa ko'p yillik qamoq jazosiga hukm qilindilar. O'zbekiston rav-naqi, istiqboli uchun, xalqining baxtu saodati, farovon turmushga erishishi uchun fidoyilik ko'rsatgan Fayzulla Xo'jayev, Turor Risqulov, Abdulla Rahimboyev, Akmal Ikromov, Isroil Ortiqov, Abdulla Karimov va boshqa o'nlab nomdor mahalliy rahbar kadrlarning hayot qismati ham pirovardida mana shunday fojea bilan yakun topdi.

Mustabid tuzum hukmdorlari va ular gumashtalarining yeng shimarib qilgan «sa'y-harakatlari» natijasida 1937— 1938-yillarda go'yo O'zbekistonda bir qator yirik aksilin-qilobiy tuzilmalar borligi to'qib chiqarildi. Bular: respublika rahbarlari A. Ikromov va F. Xo'jayev boshchiligidagi «Burjua-millatchilik aksilinqilobiy tashkiloti markazi», Ab-durauf Qoriyev rahbar bo'lgan «Musulmon ruhoniylarning millatchi-isyonchilar tashkiloti», «Aksilinqilobiy o'ng trots-kiychi josuslar tashkiloti markazi», «Buxoro va Turkiston baxt-saodati» nomli aksilinqilobiy tashkilot, I. Ortiqov boshliq «Yoshlarning aksilinqilobiy burjua-millatchilik tashkiloti», «Ingliz josuslik rezidenturasi», «Yapon josuslik-qo'poruvchilik rezidenturasi» va boshqalar edi.

Eng so'nggi ma'lumotlar, tarixiy hujjatlarni har tomonlama o'rganish, tahlil qilishlar, surishtirishlar bun-day tashkilotlarning respublika hududida butunlay bo'lmaganligini tasdiqlamoqda. Demak, bunday aksil-inqilobiy tashkilotlar qatag'onlik tuzumi buyurtmasi asosida Markaz jallodlari va jazo organlari tomonidan atayin to'qib chiqarilgan. Buning orqasida ming-minglab begunoh, aybsiz insonlar shafqatsiz jazolangan, aziz umrlari xazon bo'lgan.



Akmal Ikromov.



Yo'ldosh Oxunboboyev.

Faqat 1937—1939-yillarda O'zbekistonda hammasi bo'lib 43 mingdan ziyod kishi qamoqqa olingan. Ulardan 6 ming 920 nafari otib tashlangan, 37 ming nafari esa turli muddatli qamoq va surgunlarga hukm etilgan.

Mustabid tuzum jallodlarining bu bedodligini hech narsa bilan oqlab boimaydi. Yaqin milliy tariximizning bu qorong'u zulmati xalqimiz dilida mangu o'chmas armon bo'lib qoldi. U faqat milliy istiqlool tufayligina to'la yuzaga chiqib, bundan yurtimiz fuqarolari chi-nakam ro'shnolik ko'rmoqdalar.



3. Ziyolilarning quvg'in qilinishi.



Sovet rejimining qatag'onlaridan milliy ziyohlar eng ko'p aziyat chekdi, mislsiz qurbonlar berdi. Negaki, bu rejim mutasaddilari o'zlari johil kimsalar bo'lganligidan ilmu ma'rifat, ziyo ahlini qadr-lash, e'zozlash emas, balki ularni xo'rlash, tahqirlash, kerak bo'lsa yo'q qilishni o'zlariga kasb qilib olgandilar. Ular yurtimizda iymoni but, qalbi, dili jonajon Vatan, ona zamin mehri bilan limmolim to'la, vijdonli, diyo-natli ziyolilarni topib, jazolashdan o'zgacha zavq olardilar. Shuning uchun Markazning o'tkir shamshiri va po'lat qalqoni hisoblangan Davlat siyosiy boshqarmasi (GPU), Ichki ishlar xalq komissarligi (NKVD) kabi jazo organlari va ularning jallodlari uchun ilg'or, taraqqiypar-var ziyolilarni hibsga olish, ularning faoliyati uchun yo'q ayblarni to'qib chiqarish, uydirmalarni «yasash» hech

gap emasdi. Qatag'onlik davrida tuzilgan «uchlik» har qanday valloamat, pokdomon zotni ham bir lahzada «gunohi azim»ga g'arq qilib, uni og'ir jazoga mahkum eta olardi. Eng achinarlisi shuki, o'z elini jonu dildan sevgan, uni kuylagan, boy tarixi, betakror madaniyatiga murojaat qilib undan asar bitgan, buyuk ajdodlar nomi-ni tilga olgan vatanparvar ijodkorlar, ilm-fan ahli birinchilar qatorida qatli omga duchor bo'ldi. Masalan, butun hayotini, barakali ijodini millat baxt-saodati, yurt istiqboli uchun bag'ishlagan Munavvar Qori Abdurashidxonov mana shu davrda avj olgan sovetlar ig'vosi va bo'htonining aybsiz qurboni bo'ldi. Uning rah-namoligida millat ravnaqi va istiqloli yo'lida faoliyat yuritgan, xalqqa ziyo taratib kelgan «Milliy Ittihad» va «Milliy Istiqlol» tashkilotlarining 87 a'zosi ustidan sud uyushtirildi. Ularning 15 nafari 1931-yilda Moskvada otib tashlandi, qolganlari ham uzoq muddatli qamoq jazosiga hukm qilindi.

Bu o'rinda O'zbek adabiyotining ustunlari bo'lgan, noyob ijodlari xalq mehrini qozongan Abdulla Qodiriy, Abdurauf Fitrat, Abduihamid Cho'lpon, Usmon Nosir, Elbek (Mashriq Yunusov), Mahmud Botu, G'ozi Yunus kabi ajoyib iste'dodlar quruq bo'htonu tuhmatlar asosida «xalq dushmanlari» sifatida jismonan yo'q qilinib, yorqin faoliyati so'ndirildi.

Axir ularning har biri o'z millatining faxri, iftixori darajasiga ko'tarilgan, beqiyos ijodi, yaratgan boy merosi e'tirof topgan, har qancha havas qilsa arziydigan inson-lar edilar-ku! Masalan, ulardan biri—professor G'ozi Olim Yunusovni oladigan bo'lsak, u 50 dan ziyod asarlar muallil edi. Arab, fors, nemis, ingliz va barcha turkiy tillarni puxta bilardi. U hatto rus, arab va nemis tillarida Samarqand universiteti, Toshkent pedagogika instituti hamda Til va adabiyot ilmiy-tadqiqot institutida maxsus kurslardan ma'ruzalar o'qirdi. Biroq bunday iste'-dodlar qatag'on jallodlari uchun sariq chaqalik ham qadr-qimmatga ega bo'lmagan. Mustabid tuzum farmonbardorlari ayniqsa O'zbek xalqining milliy ongi, tafakkurini yoritish, uning o'zligini tanitishga ilk qaldirg'ochlar sifatida fidoyilik qilgan istiqlol darg'alari bo'lgan jadidchilik namoyandalarini yo'q qilishni o'z oldilariga maqsad qilib qo'ydilar. Bunga erishdilar ham.

O'z zamonasining qomusiy bilim sohibi Said Rizo Alizoda qalamiga mansub bo'lgan yetuk asarlar uning hayotlik davridayoq dunyoga mashhur bo'lgan. Faqat

1923—1934-yillar davomida Lahor shahrida olitnning 10 dan ziyod asari, shu jumladan, yirik «Axborot» kitobi chop etilgan. Uning 1919-yildan boshlab nashr etilgan «Inqilob shu'lası» haftalik jurnali faqat Turkiston o'lkasi xalqlari o'rtasida mashhur bo'lib qolmay, balki shu bilan birga qo'shni Eron, Turkiya, Afg'oniston, Hindiston mamlakatlariga ham keng tarqalgan. Shunday inson ham 30-yillar qatag'onligi domiga uchrab, Vladimir turmasida azob tortib, olamdan bevaqt ko'z yumib ketdi.

Qatag'onlik davri qurbonlari orasida juda ko'plab taniqli ilm-ma'rifat, madaniyat namoyandalari bo'lgan. Ajablanarli jihati shundaki, Buxoro va Turkiston respublikalari hukumatining tashabbusi va sa'y-harakati bilan 20-yillarda xorijga o'qishga yuborilib, yaxshi mutaxassis-lar, fan arboblari bo'lib yetishgan kishilar atayin qatli om qurbonlari bo'ldilar. Agar Germaniya yoki Turkiyada talim olgan bo'lsalar ularga o'sha mamlakatlarning josuslari degan ayb qo'yildi. Buning uchun ularning uyida tintuv paytida chet elda bosilgan kitob topilguday bo'lsa, shuning o'zi yetarli dalil edi. Axir ular xorijiy oliy o'quv yurtlarida o'qigan bo'lsalar shunday kitoblar ularda bo'lishi mumkin ediku. Masalaning bunday mantiqiy jihatlari chalasavod jazo organlari vakillarini aslo qiziqtirmagan. Germaniya va Turkiyada o'qib, u yerda olgan bilimlarini o'z respublikasining xalq xo'jaligi, iqtisodiyotini yuksaltirish uchun baxshida qilishga bel bog'lagan Sattor Jabbor, Solih Muhammad, Maryam Sultonova singari o'nlab bilimdon yosh mutaxassis kadr-larga «xalq dushmani», «chet el josusi» qabilidagi tavqi la'nat tamg'asi bosilib, qatli om etildilar.

Qatag'onlik ajal mashinasi aqli raso, oq-qorani yaxshi biladigan, sog'lom fikrlaydigan hech bir insonni ayab o'tirmasdi. 60 yoshli mo'ysafid Xudoyberdi Devonovning 1938-yilda mutlaqo asossiz ayb bilan oliy jazo-ga mahkum qilinib, otib yuborilganligi faktini qanday izohlash mumkin axir., Bu tinib-tinchimas inson O'zbeklardan chiqqan dastlabki fotograf va kinomatograf sifatida butun umri davomida halolu pok xizmat qilib kelgan. Uning turli yillarda tasvirga olgan rang-barang suratlari, kinoxronikalari xalqimizning katta ma'naviy mulki hisoblangan. Qarangki, 1936-yilda «Pravda Vostoka» gazetasi tahririyati tomonidan moddiy rag'batlantirish maqsadida taqdim etilgan «Leyka» fotoapparati uning boshiga balo bo'ldi. Negaki, qatag'on posbonlarining taxminicha, bu apparat go'yo X. Devonovga

«xalq dushmani» deb topilgan Fayzulla Xo'jayev tomonidan berilgan. Binobarin, bu shaxs F. Xo'jayevning «dumi» deb ko'rsatilib, uni otuvga hukm qilganlar. Inson taqdiri bilan bu qadar o'ynashish, uni chuqur surishtirmay eng og'ir jazoga mahkum etish - bu totalitar tuzum qonunbuzarligi va qonxo'rligining tipik namunasidir.

Biz milliy istiqlol davri kishilari jonajon yurtimiz erki, ozodligi va mustaqilligi yo'lida kurashib, stalincha qatag'onlik qurbonlari bo'lib ketgan aziz va mukarram insonlar xotirasini doimo qalbimiz to'rida saqlamog'imiz kerak bo'ladi. Bu har birimiz uchun farzu qarzdır. Yurtboshimizning tashabbusi bilan Toshkentda qatag'on qurbonlari xotirasini abadiylashtirish uchun 2000—2002-yillarda "Shahidlar xotirasi" yodgorlik majmui, "Qatag'on qurbonlari xotirasi" muzeyi barpo etildi. Prezidentning 2001-yil 1-maydagi farmoni bilan 31-avgust kunining "Qatag'on qurbonlarini yod etish kuni", deb e'lon qilinganligi g'oyatda quvonarlidir. Bu hozirgi minnatdor avlod kishilarining o'tganlar, shahid ketganlar xotirasi oldidagi ehtiromining umumxalq va umumdavlat e'tirofidir.



4. Inson huquqlari va erkinliklarining poymol etilishi.

Totalitar sovet rejimi bedod va zulmning haddan ziyod kuchayib borishi nafaqat yurtparvar milliy kadrlar, fidoyi ziyolilarning hayot tarzini, qismatini zavol toptirib qolmasdan, shu bilan birga millionlab fuqarolarning oddiy insoniy qadr-qimmatini, or-nomusi hayosizlarcha tahqirlandi. G'addor tuzum zulmkorlari o'z g'ayriqonuniy xatti-harakatlarini avj oldirib borar ekanlar, bunga har bir insonning yurish-turishi, kundalik mashg'uloti, muomalasidan tortib to uning qanday tafakkur yuritishigacha bo'lgan hamma jarayonlarni o'z nazoratiga olishga intilganlar. Bundan ko'zlangan asosiy maqsad esa insonlar erki, irodasi, mayl-xohishini jilovlash, uni muayyan chegara doirasida ushlab turish va shu yo'l bilan badkirdor tuzum sha'niga dog' tushirmaslik, uning soxta obro'-nufuzini asrash, avaylash edi.

SSSRning «g'olib sotsializm» Konstitutsiyasi va unga muvofiq tarzda O'zbekistonning Asosiy qonuni qabul qili-nib, ularda inson haq-huquqlari, sovet demokratiyasi afza-lliklari to'g'risida lof urilib, olamga jar solingan bir paytda respublika fuqarolari mutloq ko'pchiligining oddiy insoniy huquqlari, or-nomusi, vijdoni oyoq osti qilinganligi, ular-ning hayoti nochor, tahlikali

ko'chganligini qanday izohlasa bo'ladi.

Bu insonlar kommunistik siyosat va mafkura yolg'onlariga ishonib, porloq kelajakka umid bog'lab, jonlarini jabborga berib, ter to'kib mehnat qilsalar, o'zlarini sotsializm ishiga bag'ishlasalar-da, biroq buning evaziga undan beadad zulm-sitam ko'rsalar! Respublikada sanoatlashtirish, qishloqda jamoalashtirish, quloqlashtirish yoxud madaniy inqilobni amalga oshirish jarayonida yuz bergan jiddiy xatolar, buzilish va chekinishlardan qattiq aziyat chekkan aholi tabaqalarini ras-miy hokimiyat organlari ommaviy tarzda quvg'in va ta'qib qilishganligi va turli xil jazolarga tortganligi ham buning asosli isbotidir. Buning oqibatida XX asr boshidan 40-yillarigacha 450 ming vatandoshimizga nisbatan "jinoiy ish" ochilganligi, ularning hayoti ostin-ustun bo'lib ketganligi faktdir. Ayniqsa bunda kishilar dunyo-qarashi, e'tiqodini o'z izmiga bo'ysundirish, uni yangi kommunistik axloq, ateistik tamoyillar ruhida shakllantirish uchun jon-jahdi bilan hujumkor kurash olib bor-gan sovet mafkurasining respublika mehnatkashlarining ma'naviy hayotiga yetkazgan zarari behisob bo'ldi. Xalq ma'naviy-ruhiy hayotiga asrlar osha muhim hissa qo'shib kelgan ulamolar yo'q qilib yuborildi. Ko'plari begona yurtlarga ketib jon saqlashga majbur bo'ldi. Bunday chidab bo'lmas qabohatlar oqibatida xalqimizning ne-ne barhayot udumlari, marosimlari, an'analari zavol topdi, unutilishga mahkum etildi. Faqat milliy istiqlol davriga kelibgina ular yangidan ro'yobga chiqib, bugungi demokratik voqeligimizdan munosib o'rin topib bormoqda.

Yana 30-yillar voqealariga qaytar ekanmiz, bunda shu narsa kishini benihoya ajablantiradiki, u davrda insonni qoralash, uning peshonasiga xalq dushmani tamg'asini bosish tuzum zolimlari uchun xuddi xamir-dan qil sug'urganday gap bo'lgan. Hatto shunday hollarga duch kelindiki, respublikalardagi ko'p xonadonlarda vaqti-vaqti bilan o'tkazilgan tintuv paytida mabodo arab yozuvida bosilgan biror kitob topilguday bo'lsa, uning nomi, mazmuni so'rab, surishtirilmasdan o'sha xonadon sohibiga jamiyatga yot unsur degan la'nat tamg'asi bosilib, u qamoq yoki surgun jazosiga .hukm etilaverardi.

Masalan, Xorazm viloyatining Gurlan tumanidagi Begovul qishlog'ida ilmiy, yaxshi fazilatlar bilan elda hurmat qozongan, ayollarni o'qitib, savodli qilgan tabar-ruk onaxon Bibijon Ismoilova bo'lgan. Bu 80 yoshli inson diniy kitob o'qishda

ayblanib, qamoqqa olingan. Momo qiynoqlar oqibatida qamoqda olamdan o'tgan. Holbuki, u kishining uyiga qora quzg'unlar bostirib kir-gan paytda Bibijon momo hamisha o'qib yuradigan «Axloqi Muhsinin» («Yaxshi xulqlar») kitobini o'qib o'tirar va bu asar go'zal insoniy fazilatlar ta'rifidan hikoya qilardi. U davrda nohaq ayblanib, mushtipar momo singari fojeali qismatga duchor bo'lganlar ko'plab topilardi. Bunday noxush hollardan sarosimaga tushgan, zada yegan odamlar avvalgidek kitobxonlik qilish nari tursin, hatto eski kitoblarni qo'lga olishdan hadiksirardi-lar. Bu esa ko'plab yurtdoshlarimizning battol tuzum mayliga moslashib, ma'nan va ruhan cho'kib, tarixiy o'tmishimizning teran sarchashmalaridan bebahra bo'lib borishlariga bois bo'lgan.

Shunday qilib, mustabid sovet rejimining qatag'onlari respublikamiz hayotining barcha sohalari uchun qonli fojealar, beadam yo'qotishlar, mahrumliklar bilan to'lib-toshgan davr bo'ldi. U millionlab odamlarning taqdir-qismatida asoratli iz qoldirdi va mislsiz xunuk oqibatlarni yuzaga keltirdi. Shunga qaramay xalqimiz o'z bukilmas irodasini, matonatini namoyon etib, yorug' kunlar kelishiga intiqib, kurashib yashadi, u qatliomning har qanday shiddatiga dosh berib, o'z asriy qadriyatlari udum-lari, rasm-rusumlari, imon-e'tiqodiga sodiq qola bildi va hamisha milliy istiqlol sari dadil harakatlanishda davom etdi.

Savol va topshiriqlar

1. Sovetlar mamlakatida totalitar rejim qachondan boshlab shakllana bordi?
2. Uning qaror topishini tayin qilgan shart-sharoitlar to'g'risida tushuncha bering.
3. Totalitar sovet tuzumi qanday yo'llar va vositalar bilan O'zbekistonni o'z domiga tortib bordi?
4. Respublikadagi milliy kuchlarni ajratib tashlash Markazga nima uchun kerak bo'ldi?
5. «Inog'omovchilik» va «qosimovchilik» degan siyosiy ishiarni to'qib chiqarish va ulaming faoliyatiga siyosiy tus berishdan ko'zda tutilgan maqsadlar nima edi?

6. Nima sababdan XX asr 30-yitiri ikkinchi yarmiga kelib respublika rahbariyati qatliom qilindi, ularga qanday «ayb» qo'yilgan?

7. Ilg'or O'zbek ziyolilarini qatag'on qilish nima uchun kerak bo'lib qoldi?

8. O'zbek ziyoiiri sha'niga qanday «ayblar» tirkaldi?

9. Siz yashayotgan shahar va tumanda qatag'on qilinganlardan kirnlarni bilasiz, ular haqida so'zlab bering.

10. Totalitar tuzum ma'murlarining inson huquqlari va erkiniiklari masalasidagi munofiqligi, riyokorligini qanday izohlaysiz?

II. Respubliikada ko'plab oddiy fuqarolarning ayblanib, turii darajadagi jazolarga tortiishi faktiga qanday baho berasiz?

12-MAVZU. : O'ZBEKISTON IKKINCHI JAHON URUSHI YILLARIDA

(1939-1945 yillar)

Reja:

1. Urushning boshlanishi.

2. Urushning sabablari va xarakteri.



Urushning boshlanishi, sabablari va xarakteri.

Ikkinchi jahon urushi tarixida misli ko'rilmagan darajada katta va dahshatli, butun insoniyat boshiga og'ir kulfatlarni solgan urush bo'ldi. 1939-yil 1-sentabr kuni fashistlar Germaniyasi qo'shinlarining Polshaga bostirib kirishi bilan boshlangan bu urush 61 mamlakatni, Yer shari aholisining 80 foizini, ya'ni 1,7 milliard kishini o'z girdobiga tortdi.

Ikkinchi jahon urushini yirik davlatlar o'rtasidagi ixtiloflar, agressiv kuchlarning dunyoga hukmron bo'lish uchun intilishlari keltirib chiqardii Urushni asosiy agressiv davlatlar—fashistlar Germaniyasi va Italiyasi hamda Yaponiya boshladi. Ular orasida Germaniya uyushti-ruvchi, yetakchi rol o'ynadi.

Fashizm o'ta agressiv, o'ta urushqoq siyosiy kuch, siyosiy partiya sifatida Birinchi jahon urushi tugashi bilanoq Italiya va Germaniyada vujudga keladi. Fashistik ' kuchlarni Birinchi jahon urushi yakunlaridan norozi bo'lgan, dunyoni qaytadan bo'lishga va dunyoda hukmron bo'lishga intiluvchi yirik moliya-sanoat korxonalari egalari, harbiylar har tomonlama qo'llab-quvvatladilar. Fashistlar ikki jahon urushi o'rtasida o'tgan 20 yil davomida ildiz otib, kuchayib boradi va nihoyat Germaniya, Italiya va boshqa mamlakatlarda siyosiy hokimiyatni egal-laydilar. Germaniya va Italiya fashistlari harbiy siyosiy ittifoq tuzib, boshqa mamlakatlarning ichki ishlariga aralasha boshladilar. Shu tariqa G'arbda, Sharqda, o'rta yer dengizida xavfli urush o'choqlari vujudga keladi.

Fashistlar bloki mamlakatlarining hukmron doiralari o'zlarini «nasibasiz» qoldirilgan deb hisoblardilar. Ular Birinchi jahon urushidagi mag'lubiyatdan, uning na-tijalaridan norozi edilar. Ular mavjud xalqaro munosa-batlarni o'zgartirish, dunyoni qurolli kuch bilan qay-tadan bo'lish maqsadida urushga tayyorlandilar.

Ularga Angliya, Fransiya va AQSh dan iborat ikkinchi guruh qarama-qarshi

turardi. Birinchi jahon urushida yutib chiqqan bu mamlakatlar egallagan yerlarni saqlab qolishga, hukmron mavqeini mustahkamlashga va o'z raqobatchilarini yangidan zaiflashtirishga intilardilar.

Ikkinchi jahon urushining 1-davrida — 1939-yil 1-sentabrdan 1941-yil 22-iyungacha bo'lgan davrda fashistlar Germaniyasi G'arbiy va Markaziy Yevropada hukmronlikni qo'lga kiritdi. Germaniya va Italiya Yevropadagi 10 davlatni—Polsha, Chexoslovakiya, Yugoslaviya, Belgiya, Gollandiya, Lyuksemburg, Daniya, Norvegiya, Avstriya, Fransiya bosib oldi. Millatlar ligasi harakatdan to'xtadi.

Germaniya G'arbiy Yevropaning harbiy, iqtisodiy resurslarini qo'lga kiritgach, 1941-yil 22-iyun kuni hujum qilmaslik to'g'risidagi shartnomani buzib, urush e'lon qilmasdan SSSRga xoinona hujum boshladi. Fashistlarning maqsadi SSSRni bosib olish, boyligini talash, millionlab kishilarni qirish va qolganlarini qul qilish edi. Germaniyaning SSSRga qarshi olib borgan urushi xarakter jihatidan bosqinchilik, adolatsiz urush edi. Germaniya bilan hamkorlikda uning ittifoqchilari — Italiya, Finlyandiya, Vengriya, Ruminiya, Bolgariya ham SSSRga qarshi urushga kirdilar.

Sovet hukumati 22-iyun kuni urushning boshlanishi munosabati bilan mamlakat xalqiga murojaatnoma ishlab chiqdi va u o'sha kuni radio orqali e'lon qilindi. Bu murojaatnoma xalqni g'alabaga erishish uchun mustahkam jipslashishga, uyushqoqlik va fidokorlik ko'rsatishga chaqirdi. «Bizning ishimiz haq ish! Dushman tor - mor keltirilajak! Biz g'alaba qilamiz!» deyilgan edi murojaatnomada.

13-MAVZU: O'ZBEKISTONNING URUSH GIRDOBIGA TORTILISHI. MA'NAVIY VA MODDIY KUCHLARNING FRONTGA SAFARBAR ETILISHI.

Reja:

- 1. O'zbekistonning urush girdobiga tortilishi.**
- 2. Harbiy safarbarlik.**
- 3. Mehnat safarbarlik.**
- 4. O'zbeklarning insoniylik fazilatlar.**
- 5. O'zbekiston jangchilarni sog'lomlashtirish markazi.**
- 6. Mudofaa fondi.**



1. O'zbekistonning urush girdobiga tortilishi.

SSSR tarkibiga kirgan barcha respublikalar, muxtor viloyatlar, milliy okruglar, shu jumladan, O'zbekiston xalqlari ham urush girdobiga tortildi. O'zbekiston xalqlarining boshiga og'ir sinovlar tushdi.

Urushning boshlanganligi to'g'risidagi shum xabar yetib kelgan kuniyoq O'zbekistonning barcha shaharlari va tumanlarida, korxona va muassasalarida mitinglar va yig'ilishlar bo'lib o'tdi. Ishchilar, xizmatchilar, dehqonlar, ziyolilar, talaba yoshlar o'z Vatanlarini himoya qilishga, yuzma-yuz janglarda bosqinchilarni tor-mor etish uchun urushga borishga, g'alabani ta'minlash uchun front orqasida fidokorona mehnat qilishga tayyor ekanliklarini bildirdilar.

Vaziyat butun mamlakat hayotini urush davri talablariga moslab qayta qurishni, butun kiich va vosita-lami safarbar etishni talab qilardi. 23 iyun kuni VKP (b) MQ Siyosiy byurosi partiya va sovet organlarini urush sharoitiga moslab qayta qurish to'g'risida qaror qabul qildi. Partiya va sovet hukumatining harbiy holat to'g'risida, harbiy xizmatga majbur bo'lgan kishilarni qizil armiyaga safarbar etish to'g'risida, qurol-aslaha ishlab chiqarish bo'yicha safarbarlik rejasini joriy etish to'g'risida qarorlari e'lon qilindi.

SSSR Xalq Komissarlari Soveti va VKP(b) MQ 1941-yil 29-iyunda mamlakat hayotini urush talablariga moslab qayta qurish dasturini—front yoni viloyatlarining partiya va sovet tashkilotlariga yo'l-yo'riqlarini tasdiqla-di va tegishli

tashkilotlarga yubordi.

Yo'l-yo'riqlarda jangchUardan har bir qarich yer uchun qattiq jang qilishni, mardlik va jasorat ko'rsatish-ni, partiya va sovet tashkilotlaridan harakatdagi armiyaga har tomonlama yordam berishni uyushtirish, qurol-yarog', o'q-dori, tanklar va samolyotlar ishlab chiqarishni butun choralar bilan ko'paytirish talab qilingan edi. Front orqasini mustahkamlash, korxonalarning yanada Jcuchliroq ishlashlarini ta'minlash vazifalari qo'yildi. «Hamma narsa front uchun! Hamma narsa g'alaba uchun!» — yo'l-yo'riqning asosiy talabi, ko'rsatmasi ana shunday edi.

Mamlakatda hokimiyat, iqtisodiyot, siyosiy va harbiy hayotga rahbarlik qilish 1941-yil 30-iyunda Stalin boshchiligida tuzilgan Davlat Mudofaa Qo'mitasi (DMQ) qo'lida to'la ravishda to'plandi. Uning qarorlari, ko'rsatmalarini bajarish hamma tashkilotlar uchun majburiy edi. Harbiy harakatlarni boshqaruvchi Oliy Bosh Qo'mondonlik qarorgohi tuzildi va Stalin SSSR Qurolli kuchlarining Oliy Bosh qo'mondoni va SSSR Mudofaa xalq komissari qilib tayinlandi. Soyet rahbari-yati tomonidan ko'rilgan bu tadbirlarning ijrosi hayotning barcha sohalarini harbiy izga tushirdi, mamlakatni yagona harbiy lagerga aylantirdi.



2. Harbiy safarbarlik.



O'zbekistonliklar frontga otlandilar. Urushning birinchi oyidayoq harbiy komissarliklarga 32 mingdan ko'p ishchilar, xizmatchilar, kokozchilar, yoshlar o'zlarini frontga jo'natishni so'rab ariza berdilar. Barcha viloyat, shahar va tuman harbiy komissarlari harbiy xizmat majburiyatida bo'lganlarni safarbar etish bilan shug'ullandilar. Urushning dastlabki oyidayoq yuz minglab vatandosbJarimiz qo'lga qurol olib frontga jo'nab ketdilar.

O'rta Osiyo harbiy okrugi front uchun jangchilar va zobitlar tayyorlaydigan o'choqqa aylantirildi. Bu okrug 1941-yil iyunidan 1942-yil oxirigacha bo'lgan muddatda harbiy safarbarlik asosida 109 ta harbiy qo'shilma tuzdi, harakatdagi armiyaga va Oliy Bosh Qo'mondonlik qarorgohi zaxirasiga 86 diviziya va brigada jo'natdi.

O'zbekiston hukumati va vatanparvar kuchlar milliy harbiy qo'shilmalar tuzish tashabbusi bilan chiqdilar. 1941-yil 13-noyabrdan 1942-yil martigacha bo'lgan

davrda 14 ta milliy harbiy qo'shilmalar, jumladan, 9 ta o'qchi brigada, 5 ta otliq askarlar diviziyasi tuzilib frontga jo'natildi. Milliy qo'shilma askarlari va zobitlariga yaxshi harbiy ta'lim berishda, ular bilan frontni mus-tahkamlashda O'zbekistonda tuzilgan zahiradagi 24-o'qchi diviziya katta rol o'ynadi. Diviziyaning boshliqlari va zobitlari tarkibida 178 O'zbek o'g'loni faol xizmat qildi. Bu diviziya urush yillarida 390 ming kishidan ziyod jangovar kuchlar tayyorladi va frontga jo'natdi.

1941 -yilda O'zbekiston aholisi jami 6,5 million kishini tashkil etgan, ularning yarmini bolalar va keksalar tashkil etgan bo'lsa, yaroqli odamlarimizning 50—60 foizi, aniqrog'i 1.433.230 kishi urushga safarbar bo'lgan.

Karimov I.A. Vatan sajdagoh kabi muqaddasdir. T.3.Asarlar. T.: O'zbekiston, 1996, 80-bet.

O'zbek xalqi, keksalar, ota-onalar dahshatli sinov paytida o'z farzandlarini frontga jo'natar ekan, ularga mard va botir askar bo'l, hamisha birinchi safda yur, qahramonlarcha jang qil, g'alaba bilan qayt, deb nasihat qilib qolardilar.



3. Mehnat safarbarlik.

O'zbekiston partiya va sovet tashkilotlar front orqasni mustahkamlash, xo'jalikni harbiy izga tushirish, barcha odamlarni mehnatga safarbar etish, ko'plab jangovar texnika, qurol-aslaha, o'q-dorilar ishlab chiqishni yolg'a qo'yish bo'yicha shoshilinch tadbirlarni amalga oshirdilar. Bu sohadagi ishlarga VKP(b) MQ va Davlat Mudofaa Qo'mitasi topshirig'iga binoan ishlab chiqilgan va 16-avgustda tasdiqlangan 1941-yil 4-kvartali va 1942-yil uchun harbiy xo'jalik ishlar rejasi asos bo'lib xizmat qildif Bu rejada mamlakatning sharqiy mintaqalarida, jumladan, O'zbekistonda yangi zavodlar, shaxtalar, konlar qurish hamda qurol-aslaha, o'qdori, ayniqsa ko'plab tank, samolyot, to'p va zambaraklar ishlab chiqarishning keng dasturi belgilab berilgan edi. Dasturda transport ishini qayta qurish, dushman ishg'ol qilishi xavfi ostida qolgan joylardagi sanoat korxonalarini, kolxoz va sov-xozlarning molmularini, ilmiy muassasalarni sharqqa ko'chirish va ularni joylashtirish, yangidan ishga tushirish tartiblari ham belgilangan edi. Bu tadbirlarni amalga oshirishga 1941-yil 25-avgustda tashkil etilgan U. Yusupov boshliq maxsus respublika hukumat

komissiyasi rahbarlik qildi. O'zbekistonning iqtisodiy va mehnat resurslari frontga safarbar etildi. Butun SSSR hududida, jumladan, O'zbekistonda yangi mehnat rejimi joriy qilindi, ya'ni ish kuni uzaytirildi, dam olish kunlari va mehnat ta'tillari bekor qilindi.

O'zbekiston sanoatchilari 1941-yil oxirigacha 300 ga yaqin korxonani jangovar texnika, qurollar, o'q-dori ish-lab chiqarishga moslashtirib qayta qurdilar. Bu korxonalarda frontga safarbar etilgan erkaklar o'rnini keksalar, xotin-qizlar egalladilar.

Urushning dastlabki paytlaridayoq 20 mingga yaqin toshkentlik xotin-qizlar sanoat korxonalari va qurilishlarda, 1700 ga yaqin respublika xotin-qizlari ko'mir koni shaxtalarida ishlashga yo'l oldilar. Jumladan, 1941-yil iyul oyidan «Tashselmash» zavodida 220 xotin-qizlar frontga ketgan otalari, akalari va erlarining o'rniga ishga kirib fidokorona mehnat qildilar.



Namangan tumani qishloq jamoa xo'jaligi raisi Kiyev shahridan ko'chirib kelingan bolalar uyi tarbiyalanuvchilari davrasida. 1943-yil.

Ishlab chiqarishni ishchi va mutaxassislar bilan ta'minlash choralari ko'rildi. Respublika oliy va o'rta maxsus o'quv yurtlari, hunar-texnika bilim yurtlari, fabrika-

zavod ta'limi maktablarining faoliyati urush davri talablariga mos kadrlar tayyorlashga yo'naltirildi. Yakka tartibda va brigada tariqasida hunar o'rgatish ishlari yo'lga qo'yildi.

Respublikamiz qishloqlarining aholisi frontni va front orqasini oziq-ovqat, sanoatni xom ashyo bilan ta'minlash uchun oyoqqa turdi. Har bir kolxozchi va sovxoz ishchisi ikki-uch ish normasini bajarish uchun fidoko-rona mehnat qildi.

Urush bo'layotgan va dushman yaqinlashib kelayotgan hududlardan muhim sanoat korxonalarini, kolxoz, sovxoz va MTSlarning mulklarini, madaniy boyliklar va o'quv maskanlarini Sharqqa, jumladan, O'zbekistonga zudlik bilan ko'chirib keltirish, joylashtirish ishlari boshlanib ketdi. Fashistlar tomonidan yondirilgan, vayron qilingan shaharlar va qishloqlarning aholisi, otalari urushning dastlabki kunlarida halok bo'lgan bolalar, mil-lion-million kishilar ulkan yurtimizga oqib kela boshla-di. Kishilik tarixida ko'lami jihatidan bunday katta voqea birinchi marta sodir bo'ldi. O'zbekistonga 100 ga yaqin sanoat korxonasi, jumladan, 48 ta mashinasozlik, metall ishlash, ximiya va boshqa harbiy texnika va mahsulotlar ishlab chiqaruvchi yirik zavodlarning asbob-uskunolari ko'chirib keltirildi. O'zbekiston shaharlarida shoshilinch bo'shatib berilgan yoki yangidan qurilgan binolarga ko'chirib keltirilgan asbob-uskunalar zudlik bilan joylashtirildi va montaj qilindi. Ular ishchi kuchi, xom ashyo, instrumentlar bilan ta'minlandi va front uchun mahsulotlar ishlab chiqarish yo'lga qo'yildi.



4. O'zbeklarning insoniylik fazilatlarini.

O'zbek xalqining insoniylik, o'lganoblik, bolajonlik fazilatlarini urush yillarida mamlakatning g'arbiy viloyatlaridan ko'chirib keltirilgan aholiga, bolalarga ko'rsatgan ochiqko'ngilligi, hamdard-ligi va g'amxo'rlikida o'z ifodasini topdi.

O'zbek xalqi urushning dastlabki yillarida Rossiya, Ukraina, Belorussiya, Moldaviya, Boltiqbo'yi respublikalaridan ko'chirib keltirilgan bir milliondan ko'proq kishilarni, shu jumladan, 200 mingdan ko'proq yetim bolalarni o'z bag'riga oldi. Ko'chirib keltirilgan aholini qabul qilib olish, joylashtirish va ularga zarur shart-sharoitlar yaratish masalalarini mehnat jamoalarining yig'ilishlarida muhokama qilish va amaliy yordam ko'rsatish ishlari keng quloqch yozdij. 1941-yil 3-dekabrda

O'zbekiston Kompartiyasi MQning ko'chirib keltirilgan fuqarolarni qabul qilish va joylashtirish yuzasidan maxsus qarori chiqdi. Xalq Komissarlari Soveti huzurida 1941-yil 10-iyulda tuzilgan maxsus respublika komissiyasi va mahalliy sovetlarning ijroiya qo'mitalari qoshida tuzilgan alohida bo'limlar kishilarni hisobga olish va joylashtirish bilan shug'ullandilar. Ko'chirib keltirilgan-lar shahar va qishloq tumanlariga joylashtirildi. Qisqa muddat ichida Andijon viloyatiga 100 ming, Samarqand viloyatiga 165 ming, Namangan viloyatiga 53600 kishi joylashtirildi. Ko'chib kelganlar O'zbekistonda boshpana topdilar, ish bilan ta'minlandilar. O'zbek xalqi o'z noni, kiyim-kechagi, turar joyini ko'chib kelganlar bilan baham ko'rdi.

O'zbekiston bo'yicha 1942-yil bahorigacha ko'chirib keltirilgan 716 ming kishi qabul qilib olindi, ishga joylashtirildi, ular uchun kerakli sharoitlar tug'dirildi.

O'zbeklar ko'chirib keltirilgan ota-onasiz yosh bolalarga alohida g'amxo'rlik qildilar, 200 ming dan ko'proq yetim bolalarni o'z bag'riga oldilar.

O'zbekiston SSR Xalq Komissarlari Soveti qoshida bolalarga yordam ko'rsatish bo'yicha maxsus komissiya tuzildi, uning ishida 30 ta xotin-qizlar faoliyat ko'rsatdi. O'zbekiston Xalq maorifi komissarligi tashabbusi bilan bolalarni qabul qilish-taqsimlash markazi tuzildi. Respublikamizning barcha viloyatlari, shahar va tumanlarida bolalarni qabul qilish punktlari ochildi, ularda o'qituvchilar kechayukunduz navbatchilik qildilar. Militsiya bo'limlari qoshida 30 dan ortiq bolalar xonalari tashkil etildi.

Ko'chirib keltirilgan bolalar turlicha yoshda edilar. 15 yoshgacha bo'lgan bolalar—bolalar uylari, maktab-internatlarga joylashtirilib, ularda o'quv-tarbiya ishlari yo'lga qo'yildi. Fabrika-zavod ta'limi maktablari, hunar va temir yo'l bilim yurtlarining sobiq talabalari o'qiskni davom ettirishi uchun respublika zavod-fabrika talimi maktablarida o'qishga jalb etildi. 15 yoshdan katta bo'lgan bolalar esa ishlab chiqarishga ishga joylashtirildi.

1942-yil 2-yanvarda Toshkent shahrida xotin-qizlarning yig'ilishi bo'lib, unda respublikamizdagi barcha ayollarga qarata murojaat qabul qilindi. Murojaatda yetim bolalarni o'z tarbiyasiga olishga da'vat etiladi. Ko'plab oilalar boqimsiz qolgan

bolalarni o'zlariga farzandlikka oldilar, topgan-tutganlarini ular bilan baham ko'rdilar. O'zbekiston rahbarlaridan Usmon Yusupov va Yo'ldosh Oxunboboyevlar oilasi ham yetim bolalarni o'z tarbiyasiga oldilar.

Jami 200000 dan ortiq yetim bolalar O'zbekistonliklar oilasida issiq boshpana, rizq-ro'z, eng muhimi, mehribonlik topdilar. Turli millatlarga mansub bo'lgan 14 bolani farzandlikka olgan toshkentiik temirchi usta Shoahmad Shomahmudov va uning xotini Bahri Akramovalar oilasi yuksak insoniylik fazilatlarini ko'rsatib ko'pchilikka ibrat bo'ldi. Urushdan nogiron bo'lib qaytib kelgan kattaqo'rg'onlik Hamid Samatovlar oilasi 13 bolani, samarqandlik kolxozchi ayol Fotima Qosirnovalar oilasi 10 bolani o'z quchogiga olib, mehr qo'ri bilan ularning qalbini isitdi, dilini yoritdi.

O'nlab bolalarni farzandlikka olib tarbiyalab voyaga yetkazgan oilalar respublikamizda anchagina. Ularning buyuk insonparvarlik, vatanparvarlik jasorati Toshkent shahrining Xalqlar do'stligi maydonida yaratilgan yod-gorlikda abadiylashtirildi.

«O'sha og'ir yillarda, bir burda non tansiq bo'lgan yillarda, O'zbekiston urush tufayli uy-joysiz qolgan minglab oilalarga boshpana berdi, non berdi, qanchadan-qancha yetim-esirlarning boshini siladi, Xalqimizning insonparvarlik va olijanoblik fazilatleri tiliarda doston bo'ldi».

Karimov I.A. Vatan sajdagoh kabi muqaddasdir. T.3.Asarlar. T.: O'zbekiston, 1996, 80-81-betlar.



14 bolani o'z tarbiyasiga olgan toshkentlik temirchi
Sh.Shomahmudovlar oilasi. 1942-yil.



5. O'zbekiston jangchilarni sog'lomlashtirish markazi.

O'zbekistonga janglarda sog'iomiashtirish markazi yarador bo'lgan yoki bemor bo'lib qolgan minglab jangchilar—askar va zobitlar ham jo'natilardi. Ularni qabul qilib olish, gospitalga joylashtirish, salomatligini tiklash ishlariga alohida mehribonlik qilindi, respub-likamiz sog'lomlashtirish markazlaridan biriga aylandi. 1941-yil 1-oktabrgacha O'zbekiston sog'liqni saqlash xalq komissarligi tizimida 14950 o'ringa ega bo'lgan 47 gospital barpo etildi va zarur uskunalar bilan jihozlandi. Ayni paytda Moskvadan, Kalinin, Rostov va boshqa viloyatlardan 15900 o'rin-krovatga ega bo'lgan 48 gospital ko'chirib keltirilib, joylashtirildi va ishga tushirildi. Harbiy kasalxonalar qurish keyingi yillarda ham davom etdi.

O'zbekistonda 39140 o'ringa ega bo'lgan 113 ta gospitalda yarador va bemor jangchilarga tibbiy xizmat ko'rsatildi.

Viloyat, shahar, tuman idora organlari gospitaldagilar holidan xabar olib turdilar, gospitallarga xo'jaliklar tashkil etish va ish yuritish uchun yer maydonlari ajratib berdilar. Agar 1941-yilda shu maqsadda 385,5 gektar yer ajratilgan bo'lsa, 1943-yilga kelib ajratilgan yerlar maydoni 656 gektarni taskil etardi. 1942-yilda 1513 mehnat jamoalari, shu jumladan, 750 korxona, kolxoz va sovxozlar gospitallarni

otaliqqa olib, ularni yoqilg'i, oziq-ovqat va boshqa qishloq xo'jalik mahsulotlari bilan ta'minlab turdilar. Jumladan, 1943-yilda Buxoro viloyatidagi gospitalar uchun zarur bolgan yoqilg'ining 80 foizini otaliq korxonalar yetkazib berdi. O'zbekistonlik 18482 nafar donorlar yaradorlarni oyoqqa turg'izish uchun qon berib turdilar.

Urush yillarida O'zbekistondagi gospitalarga 164382 yarador va bemorlar joylashtirildi, ularning 87 foizi, 143101 kishi davolanib chiqdilar.

O'zbekistonliklar sog'ayganlarga chiroyli xaltachalar tikib berar va sovg'a-salomlar bilan frontga yoki korxonalarda ishlashga jo'natib qo'yardilar. Nogiron bo'lib qolganlarga zarur yordam ko'rsatildi, holiga yarasha ish bilan ta'minlash choralari ko'rildi.




6. Mudofaa fondi.



O'zbekistonliklar orasida Mudofaa fond mudofaa fondini tashkil etish, front uchun issiq kiyimlar to'plash harakati keng yoyildi. Ishchilar, kolxozchilar va ziyolilar shaxsiy jamg'armalarini, qimmatbaho buyumlarini mudofaa fondlariga topshirdilar. Faqat 1941-yilning ikkinchi yarmida O'zbekiston kolxoz va sovxozlari front uchun 59 ming ot va ularga kerakli yem-xashak to'plab berdilar. Mashhur O'zbek raqqosasi Tamaraxonim mudofaa fondiga 50 ming so'm topshirdi.

Mudofaa fondiga 650 million so'm pul, 22 million so'mlik qimmatbaho buyumlar, 55 kilogrammga yaqin oltin, kumush va boshqa qimmatbaho metallar to'plandi.

Bu jamg'arma hisobiga respublikamizda tank kolon-nalari, aviatsiya eskadrilyalari, bronepoyezdlar qurilib frontga jo'natildi. O'zbekistonliklar jangchilarga eshelon-lab issiq kiyimlar, mevalar jo'natib turdilar. Davlat harbiy zayomlariga yozilish yo'li bilan anchagina mablag'lar to'plandi. Aholidan issiq kiyimlar tayyorlash uchun jun, qo'y terilari yig'ib olindi.



Forish tumani kolxozchilari nomidan frontga yuborilgan oziq-ovqat
ortilgan tuyalar karvoni. 1943-yil.

Aholiga davlat zayomi, pul-buyum lotoreyasi sotish hisobiga 4,2 milliard so'm mablag' yig'ilib g'alaba manfaatlari yo'lida foydalanildi.

Xullas, urushning dastlabki yiliyoq O'zbekistonning butun moddiy va ma'naviy kuchlari g'alaba uchun safarbar etildi, hayot harbiy izga tushirildi, xalq Vatan himoyasiga otlandi.

Savollar va topshiriqlar

1. Urushni qanday sabablar keltirib chiqardi?
2. Nima uchun O'zbekiston urush girdobiga tortildi?
3. O'zbekistonda o'tkazilgan harbiy safarbarlik to'g'risida nima bilasiz?
4. Urush boshlangan paytda O'zbekiston aholisi qancha edi, qancha kishi urushga safarbar etildi?
5. Korxonalar, xo'jaliklar hayotida qanday o'zgarishlar bo'ldi?
6. Mehnat safarbarligi nima?
7. O'zbekistonga mamlakat g'arbidan nima uchun va qanday korxonalar ko'chirib keltirilgan?
8. O'zbekiston xalqi mamlakat g'arbidan ko'chirib keltirilgan aholiga qanday

munosabatda bo'ldi?

9. Ko'plab yetim bolalarni farzandlikka olgan O'zbek oilalari haqida referat yozing.

10. O'zbekiston jangda yarador bo'lganlarni sog'lom-lashtirish ishiga qanday hissa qo'shdi?

11. O'zbekistonliklar nima maqsadda mudofaa fondi tuzdilar, bu fondga nimalarni topshirdilar?

14-MAVZU: O'ZBEKISTON SANOATI VA QISHLOQ XO'JALIGI FRONT XIZMATIDA.

Reja:

- 1. O'zbekiston sanoati.**
- 2. Transport va aloqa vositalari.**
- 3. O'zbekiston qishloq xo'jaligi.**
- 4. Aholi turmushi.**



1. O'zbekiston sanoati.

Urush respublika sanoat tarmoqlarining yo'nalishini ham, sanoat xodimlarining ishini ham tubdan o'zgartirdi. Korxonalarda yangi mehnat rejimi joriy qilindi, ish kuni uzaytirildi, ishdan keyin qolib ishlash, joriy etildi, mehnat ta'tillari, dam olish kunlari bekor qilindi.

Sanoat korxonalari qisqa vaqt ichida harbiy izga solinib, minomyot va avtomatlar, samolyot va tanklar uchun ehtiyot qismlari va boshqa harbiy qurollar ishlab chiqara boshladilar. Qishloq xo'jalik mashinalari ishlab chiqarayotgan Toshkent qishloq xo'jalik mashinasozligi zavodi harbiy qurollar ishlab chiqara boshladi. Andijondagi «Kommunar», «Stroy mashina» zavodlarida samolyot va tanklarga kerakli mahsulotlar, Qo'qon shahridagi Oxunboboyev nomli tikuvchilik fabrikasi harbiy kiyimlar ishlab chiqaradigan bo'ldi. Toshkentlik sanoatchilar harbiy mahsulot ishlab chiqarishni yo'lga qo'yishda fidokorona mehnat qildilar. 1941-yil dekabrighacha shahardagi 137 sanoat korxonalarining 64 tasi qurol-yarog'lar, front uchun zarur mahsulotlar ishlab chiqarishga kirishdi.

Respublika bo'yicha 1941-yil oxirlariga kelib 300 ta sanoat korxonasi faqat harbiy mahsulot bera boshladi.

O'zbekiston sanoatchilari korxonalarni harbiy izga tushirishdek ishlarni ko'chirib keltirilgan korxonalarni joylashtirish va ishga tushirishdek yanada og'irroq ishlar bilan qo'shib olib bordilar. O'zbekiston rahbari Usmon Yusupovning «O'zbekiston — bu front orqasi emas, O'zbekiston — jang maydoni», degan so'zlarida jon bor edi.

O'zbekistonliklar frontdagidek harakat qildilar, har qanday resurslarni

izlab topdilar, ular bitta fashist marazining boshi uchun bittadan aviabomba, bittadan snaryad va granata, yuzlab o'q, fashistlardan go'sht ham, suyak ham qoldirmaydigan «Katyusha»lar yetkazib berish uchun mardona mehnat qildilar.

Toshkentda zudlik bilan joylashtirilgan «Rostselmash» zavodi «Katyusha» va minomyot snaryadlari, aviatsiya zavodi jangovar samolyotlar, Kolchuginskdan keltirilgan kabel zavodi harbiy aloqa mahsulotlari yetkazib bera boshladi.

Odamlar irodasiga bog'liq bo'lmagan yetishmovchiliklar sezilardi. Yuk ko'taruvchi kranlar yo'q edi, maxsus asbob-uskunalar, elektr quvvatlari, ko'mir va neft kabi yoqilg'ilar, xom ashyo va boshqa materiallar yetishmas edi. 1941-yil 5—7-dekabr kunlari bo'lib o'tgan O'zbekiston Kompartiyasi Markaziy Qo'mitasining V plenumida respublika sanoatini harbiy izga solish, ko'chirib keltirilgan asbob-uskunalarni joylashtirish sohasidagi ishlarga yakun yasali, korxonalarda qurol-yarog'larning muhim turlari - samolyotlar, tanklar, bronepoyezdlar, aviabombalar, to'p va zambaraklar, granatalar, minalar, snaryadlar ishlab chiqarishni keng miqyosda yo'lga qo'yish vazifasi ilgari surildi. Buning uchun yetarli darajada metall qirquvchi stanoklar va aniq o'lchovchi instrumentlar ishlab chiqishni tashkil etish, nodifmetallar qazib olishni kuchaytirish hamda qora va rangli metallurgiya sanoatini yaratish, elektr energetika bazasini kengaytirish, neft qazib olishni 2—3 barobar oshirish, ko'mir qazib olishni kuchaytirish, yirik qurilish materi-allari ishlab chiqarish korxonalarini barpo etish, qisqa muddatda 30 ming malakali ishchilar tayyorlash tadbirlari belgilandi.

Ko'chirib keltirilgan korxonalar tarixda misli ko'rilmagan qisqa muddatlarda 4—5 oyda, ayrimlari hatto 1—2 oy davomida qurib bitkazilib, front uchun harbiy mahsulotlar bera boshladilar. Ularning eng yiriklari Chkalov nomli 84-aviatsiya zavodi, Moskva kabel zavodi, Xarkov elektrostanok zavodi, ko'tarma kranlar zavodi, Rostovdan keltirilgan «Krasniy Aksay», Sulsk nasos zavodi, vagon-remont zavodi, «Krasniy put» zavodi, Kiyev «Transsignal» zavodi, «Kinap» zavodi va boshqalar edi. Bu korxonalarning har biri o'rta hisobda 20 foizgacha ishchi va injener-texnik xodimlar bilangina keltirilgan edi. Qolgan 80 foizi respublikamizning fabrika-zavod ta'limi maktablarida, turli kurslarda tayyorlangan ishchi va texnik xodimlar bilan ta'minlandi.

Harbiy izga tushirilgan respublikamiz korxonalari ham anchagina kengaytirildi. «Tashselmash» zavodi, masalan, boshqa korxonalardan keltirilgan 438 stanok, 200 dan ortiq yuqori malakali ishchilar hisobiga kengaydi. Qodirov, Hakimov, Yusupov, Ismoilov va boshqa ustalar kunlik normalarini 200—300 foizga oshirib bajardilar. «Tashselmash» zavodi 1941-yilgi ish rejasini 240 foizga ado etdilar.

Xotin-qizlar, keksalar, yoshlar korxonalardagi turli xil ishlarga jalb etildi. Urushning bir yarim yili mobaynida O'zbekiston sanoatida xotin-qizlar salmog'i 29 foizdan ziyod oshdi va 1943-yilda 63,5 foizni tashkil qildi.

Respublika sanoat korxonalari quvvatlarining kenga-yishi, ko'chirib keltirilgan zavodlarning ishga tushishi birinchi navbatda elektr energiyasi va yoqilg'i ishlab chiqarishni keskin oshirishni talab qildi, mavjud ener-getika quvvatlari bunday talabga javob berolmas edi. O'zbekiston partiya va hukumati Ittifoq hukumatiga xat yo'llab bu muammoni hal etishda ko'mak so'radi. Tez orada, 1942-yil 18-noyabrda VKP(b) MQ va SSSR Xalq Komissarlar Soveti «O'zbekiston SSRda beshta gidroelektrostansiya qurilishi to'g'risida» qaror qabul qildi. O'zbekistonda metallurgiya zavodi qurish, ko'mir va neft qazib olishni ko'paytirish tadbirlari ham belgi-landi. O'zbekistonda yangi sanoat korxonalari va energetika tarmoqlari qurilishi uchun 1 milliard so'm ajratildi.

1943-yilda O'zbekistonning eng yirik gidroelek-trostansiyasi — Farhod GESi qurilishi boshlandi, qurilish zarur materiallar va ishchi kuchi bilan ta'minlandi. Farhod qurilishi umumxalq qurilishiga aylandi, binokorlik ishlari hashar yo'li bilan bajarildi. 10 oylik fidokorona mehnat natijasida Sirdaryo jilovlandi.

Urush yillarida Bo'zsuv daryosi o'zanlarida Tovoqsoy, Oqqovoq, Salar, Quyibo'zsuv, Oqtepa, Qibray GESlari, Samarqand viloyatida Taligulyan GESi, 30 ga yaqin kichik kolxoz GESlari, shaharlar va yirik korxonalar yonida kichik GESlar qurilib ishga tushirildi. O'zbekistonda elektr energiyasi ishlab chiqarish qariyb 2,5 baravarga, ya'ni 1940-yilda 482 mln. kilovatt soatdan 1945-yilda 1187 mln. kilovatt-soatga ko'paydi.



Farhod GESi qurilishida.

Yoqilg'i sanoatini rivojlantirishga ham katta kuch va mablag'lar sarflandi. 1940-yil oxirlarida Ohangaron daryosi oqimidagi Qurama tog' tizmasida dastlabki ko'mir qazib oladigan shaxta qurilgan edi. Urush davrida «Angrenugol» ko'mir konida yana uchta shaxta va ochiq usulda ko'mir qazib olinadigan kar'yer bunyod etildi. O'zbekiston va Qirg'iziston chegarasida Qizilqiya ko'mir koni foydalanishga tushirildi, o'ta issiqlik quvvatiga ega bo'lgan qo'ng'ir ko'mir qazib olindi. O'zbekiston ko'mir sanoati xodimlariga 1942-yilda respublikamizga kelishgan Donbass shaxtyorlari ko'maklashdilar.

1940-yilda O'zbekistonda atigi 3,4 ming tonna ko'mir qazib olingan bo'lsa, 1945-yilda 103 ming tonna ko'mir qazib olindi. Natijada respublikada sanoatning yangi tarmog'I - ko'mir sanoati barpo qilindi.

Neft-geologiya qidirav tresti, neft tarmog'i qurilish-montaj tresti, neft qazib oluvchi ikkita trest, neft qazib chiqarish asbob-uskunalarni ta'mirlash zavodi, neft mashinasozligi zavodi barpo etildi. Farg'ona vodiysida ishlab turgan Andijon, Polvontosh, Changartosh, Chimyon neft konlarida mahsulot ishlab chiqarish ko'paytirildi.

Urush yillarida Chuquriangar, Tolmozor, Nayman, Shahrixon, Xo'jaobod, Janubiy Olamushuk va boshqa yangi neft koniari ishga tushirildi. Neft tozalash zavodi, ozakrit ishlab chiqarish yo'lga qo'yildi. Urush yillarida respublikada neft ishlab chiqarish 4 marta ko'paydi va 1945-yilda 478 ming tonnadan ortdi.

Energetika va yoqilg'i sanoatining o'sishi mashinasozlik sanoatining rivojlanishiga qulay baza yaratdi. G'arbdan ko'chirib keltirilgan zavodlar bazasida 16 ta stanoksozlik, to'qimachilik va mashinasozlik korxonalari tashkil etildi. Urushdan oldingi respublikamizdagi ko'pgina zavodlar ham turli asbob-uskunalar, mashinalar, jangovar texnika ishlab chiqarishga moslab qayta qurilgan edi. Bu korxonalarining noni—metall hisoblana-di. Shu bois metallga bo'lgan talab tobora oshib bordi.

O'zbekiston Xalq Komissarlar Soveti 1942-yil 17-iyunda Bekobodda metallurgiya zavodi qurishga qaror qabul qildi. Ittifoq hukumati zarur materiallar, mablag' bilan ko'maklashdi. Rossiya va Qozog'iston sanoat korxonalaridan ko'plab asbob-uskunalar keltirildi. Metallurgiya zavodini qurish butun respublika mehnatchilarining ishiga aylandi. Sanoat korxonalari zarur miqdorda mutaxassislar ajratishdi, kolxoz-sov-xozlar ishchi kuchi bilan ta'minladi. Zavod qurilishida 30 mingdan ko'proq kishilar ishtirok etdilar. Beloretsk, Dobryanka, Gur'yev, Makeevka zavodlaridan po'lat erituvchi mutaxassislar keldilar. Yuzlab O'zbekistonlik yigit-qizlar Ural va Sibirning sanoat korxonalarida mar-ten va prokat ishlarini o'rganib keldilar.

O'zbekistonning birinchi metallurgiya zavodi 1944-yil 5-mart kuni dastlabki metai! mahsulotlarini beraboshladi va tez kunlarda zavodning birinchi navbati, 1945-yil fevraldan ikkinchi navbati ishga tushirildi.

Geologik-qidiruv ishlari natijasida ko'plab qora va rangli metall konlari ochildi. Urush yillaridayoq Langar, Ingichka, Qo'ytosh, G'ortepa, Olmaliq rangli metall konlari, Oqtosh boksit konini o'zlashtirish ishlari boshlanib ketdi. Ulardan qazib olingan volfram, molibden, mis, alyumin va boshqa mahsulotlarni qayta ishlash korxonalari qurildi.

Kimyo sanoati rivojlandi. 1944-yil yanvaridayoq Gorkiy va Stalinogorsk kimyo kombinatlaridan ko'chirib keltirilgan uskunalar asosida qurilgan Chirchiq

elektro-kimyo kombinatining ikkinchi navbati muhim kimyo mahsuloti - ammiak ishlab chiqara boshladi. 1943-yilda Quvasoy kimyo zavodi, Qo'qon superfosfat zavodi, Farg'ona gidroliz zavodi qurilib ishga tushirildi. Kimyo sanoati mahsulotlari salmog'i 1940-yilga nisbatan 1945-yilda 6,1 baravarga ko'paydi.

Urush yillarida qurilish materiallari sanoati, to'qimachilik va poyabzal sanoati, oziq-ovqat sanoati, mahalliy sanoat tarmoqlarini rivojlantirish tadbirlari amalga oshirildi. Faqat 1943-yilda 12 ta yog' zavodi, 3 ta paxta tozalash zavodi, 4 ta qand va 4 ta konserva zavodlari qurilib ishga tushirildi.

Sanoat korxonalarining kengayishi, yangi qurilgan zavod-fabrikalarning ishi, muvaffaqiyati ularni malakali ishchilar bilan ta'minlashga bog'liq edi. Yuz minglab kishilarning, xususan, tajribali xodimlarning frontga safarbar etilishi katta qiyinchiliklar tug'dirardi. Keksalar, ayollar, ayniqsa armiyaga chaqirish yoshiga yetmagan o'smirlar va qizlar korxonalarga jalb etildi, ularga hunar o'rgatildi, respublikada 100 mingdan ko'proq malakali ishchilar tayyorlandi. Faqat hunar va temir yo'l bilim yurtlari, fabrika-zavod ta'lim maktablari 57 mingdan ziyod yosh ishchi kadrlarni tayyorlab berdilar. Korxonalar zimmasiga yuklangan katta topshiriqlar kishilardan jismoniy zo'riqish, hatto holdan toyguncha ishlashni talab qilardi. O'zbekistonliklar g'alaba uchun har qanday og'irlikni, qiyinchiliklarni yengib o'tdilar, respublikani qizil armiyaning qurol-aslahaxonasiga aylantirdilar.

Urush yillarida O'zbekistonda 280 ta yangi sanoat korxonalari qurilib ishga tushirildi. Sanoatning yangi tarmoqlari-aviatsiya, stanoksozlik, og'ir mashinasozlik, qora va rangli metallurgiya va boshqa tarmoqlari vujudga keldi. 1940-yilda yalpi sanoat mahsulotida og'ir sanoatning hissasi 13,9 foizni tashkil etgan bo'lsa, 1945-yilda 47,5 foizni tashkil etdi.

Toshkent SSSRning eng katta sanoat markazlaridan biri bo'lib qoldi. Bekobod sanoat shahri sifatida vujudga keldi. Yangiyo'l, Chirchiq kabi yosh shaharlar yanada rivoj topdi.

Sanoatchilarimizning fidokorona mehnati tufayli O'zbekiston sovet armiyasining qurol aslahaxonasiga aylandi. O'zbekiston frontga 2090 samolyot, 17342 avia-motor, 2318 ming aviabomba, 1,7 mingdan ortiq minomyot, 22 mln. dona mina, 560 ming snaryad, milliontacha granata, 330 ming dona parashyut,

harbiy ehtiyojlar uchun 100 ming km dan ortiq maxsus sim, 125 ming km. telefon kabellari va boshqa mahsulotlarni yetkazib berdi. Bu O'zbekistonliklarning fashist bosqinchilarini tor-mor etishga qo'shgan ulkan hissasi sifatida jahon tarixidan munosib o'rin oldi.



2. Transport va aloqa vositalari.



Transport. Urushda g'alabaga erishish transport ishi bilan bog'liq edi. 1943-yil 25-yanvarda «Toshkent temir yo'li ishi to'g'risida» maxsus qaror qabul qilindi. Temir yo'l harbiy holatga o'tkazildi, unda ishlovchilar safarbar etilgan deb hisoblandi, harbiy xizmatchilar kabi qattiq intizomga rioya etish majbur qilib qo'yildi. Poyezdlar harakatining qo'shinlar va harbiy yuklarni birinchi navbatda o'tkazib yuborishni ko'zda tutuvchi harbiy grafik joriy etildi. Toshkent temir yo'l transportchilari ko'chirib keltirilayotgan korxonalarning asbob-uskunalarini va millionlab kishilarni G'arbdan Sharqqa, jangovar texnika va qurol-yaroqlarni Sharqdan G'arbgacha o'z vaqtida to'xtovsiz o'tkazib turish topshirig'ini bajardilar. Faqat 1941—1942-yillarda O'zbekiston temir yo'lchilari 2700 sostavdagi passajir poyezdlarini, ko'chirilgan korxonalar-ning asbob-uskunalari orilgan 17600 vagonlarni mo'ljalga yetkazishdi, o'q-dorilar, yoqilg'i, oziq-ovqat, kiyim-kechaklar orilgan minglab vagonlarni frontga yetkazishdi.

O'zbekistonda yangi temir yo'llar qurilishi jadal olib borildi, 1941—1945-yil Narda temir yo'li liniyalari 2 baravar uzaydi. Toshkent — «Angren-ugol», Boysun—Otquyoq— Turangii, Toshkent—tovar stansiyasi temir yo'li qurilib ishga tushirildi.

Aloqa vositalari. Aloqa, telefon, telegraf xodimlari ham urush talablariga moslashib ishladilar. Aloqa xodimlari O'zbekistonning Markaz bilan, respublika rahbariyatining viloyat, shahar, tumanlar, yuziab sanoat korxonalari bilan telefon aloqasini yo'lga qo'yidilar. Toshkent-Samarqand-Ashxobod, Toshkent-Samarqand-Boku, Toshkent-Samarqand-Krasnovodsk telefon liniyasi, ikkita Toshkent-Samarqand-Buxoro telefon aloqa yo'llari qurildi. 1943-yilda qurib ishga tushirilgan 500 kilometr-lik telefon yo'li Toshkentni Xorazm viloyati va Qoraqalpog'iston bilan

bog'ladi. Yirik korxonalarning o'zlarida ham 50—100 o'rinli telefon stansiyalari qurildi. Natijada xo'jaliklarga rahbarlik qilish, ularga o'z vaqtida ko'maklashish ishlari yaxshilandi.

Pochta bo'limlarida ish hajmlari oshib bordi. Agar 1941-yilda o'rta hisobda bitta pochta xodimi tomonidan 50 ming xat-xabarlar jo'natilgan bo'lsa, bu ko'rsatkich 1942-yilda 74,5 mingga, 1943-yilda — 77,5 mingga yetdi. Pochta xodimlari frontdagi jangchilar bilan ular-ning ota-onalari, rafiqalari, qarindoshlari o'rtasida aloqa bog'lovchi ko'priklarni bajardilar.



3. O'zbekiston qishloq xo'jaligi.

Urush respublika qishloq xo'jalik xodimlarini qattiq sinovdan o'tkazdi. Ular oldi da sanoatni xom ashyo bilan, aholini oziq-ovqat, kiyim-kechak bilan uzluksiz ta'minlashdek ulkan, murakkab vazifa turar edi. Vaziyatning murakkabligi shundan iborat ediki, birinchidan, respublika qishloq xo'jaligi asosan paxta yetishtirishga yo'naltirilgan bo'lib, oziq-ovqat mahsulotlari Ittifoq fondidan keltirilar edi. Urush boshlangach, oziq-ovqat keltirish to'xtadi, aholini boqish uchun ichki imkoniyatlarni topish zarur bo'lib qoldi. Ikkinchidan, evakuatsiya qilingan aholi hisobiga shaharlar aholisining ko'payishi oziq-ovqatga bolgan talabni yanada oshirdi. Uchinchidan, kuch-quvvatga to'lgan dehqonlar frontga va harbiy sanoatda ishlashga safarbar etilgan, dehqonchilikning mashaqqatli ishlari keksalar, ayollar, o'smirlar zimmasiga tushgan edi. To'rtinchidan, MTS va sovxozlarga G'arbdan yangi traktorlar, qishloq xo'jalik mashinalari va ularga ehtiyot qismlar keltirish to'xtab qolgan, bugina emas, xo'jaliklardagi traktorlar, avtomobillar, otlarning bir qismi qizil armiya ehtiyojlari uchun olib ketilgan edi.

Qishloq xo'jaligining barcha bo'g'inlarida qafiy ish tartibi belgilandi. Eng kam miqdordagi majburiy mehnat kunlari 1,5 baravarga oshirildi, o'smirlar uchun ham 12 yoshdan boshlab mehnat kunlari belgilandi. Belgilangan miqdordagi mehnat kunlarini bajarish majburiy qilib qo'yildi.

Urush yillarida respublika dehqonchiligining strukturasi keskin o'zgardi. Paxtachilikni asosiy tarmoq sifatida saqlab qolgan holda don, qand lavlagi, kanop, pilla, sabzavot, poliz mahsulotlari yetishtirishni ko'paytirish tadbirlari ko'rildi.

Birinchi navbatda ekin ekiladigan maydonlarni kengaytifish, irrigatsiya quvvatlarini oshirish ishlari yuksak sur'atlar bilan olib borildi.

1942-yil fevral-martda barpo etilgan Shimoliy Toshkent kanali 15 ming gektar yerni sug'orish imkonini berdi. Kattaqo'rg'on, Kosonsoy, Rudasoy suv omborlari, Yuqori Chirchiq, Shimoliy Farg'ona, So'x-Shohirrrardon, Uchqo'rg'on kanallari qurildi. Natijada respublikaning sug'oriladigan yer maydonlari 454,7 ming gektarga kengaydi.

Usmon Yusupov O'zKP(b) MQning 1941-yil dekabrda o'tgan V plenumida O'zbekistonda g'alla masalasini hal qilish, o'zimizni o'zimiz un-non bilan ta'minlashimiz kerak, degan vazifani ilgari surdi. Don ekiladigan sug'oriladigan yer maydonlari kengaytirildi. Zarang yerlar, qo'riqlar, to'qaylar, lalmikor yerlardan ham foydalanildi. 1942-yilda 1408,1 ming gektar, 1943-yilda 2090,2 ming gektar yerga g'alla va dukkakli ekinlar ekildi. Natijada don mahsulotlari yetishtirish ko'payib, 1941-yilgi 4,8 mln.s. o'rniga 1943-yilda 5,3 mln. s. olin-di, respublika ehtiyojlari qondirildi.

Qishloq xo'jaligida O'zbekiston uchun yangi tar-moq—qand lavlagi yetishtirish yo'lga qo'yildi. Samarqand, Farg'ona, Toshkent, Qashqadaryo viloyatlari lavlagi yetishtirish bo'yicha ixtisoslashtirilib, 1942-yildayoq 65 ming gektarga, keyingi yillarda 70 ming gektardan ortiqroq hosildor yerlarga qand lavlagi ekildi. Jizzax, Pastdarg'om tumanlarida har gektardan 400—800 sentnerdan lavlagi hosili olindi. O'zbekistonga ko'chib kelgan Ukraina va Belorussiya olimlari, mutaxassislari lavlagikorlik brigadalari va zvenolari uchun rahbarlar tayyorlash, respublika lavlagikorlariga mo'l hosil yetishtirish ishlarida ko'maklashdilar.

Qand lavlagini qayta ishlash, shakar-qand ishlab chiqarish uchun Zirabuloq, Qo'qon, Yangiyo'I qand zavod-lari qurildi. Respublika bo'yicha 1944-yilda davlatga 1 mln. 373 ming. s., 1945-yilda 1 mln. 646 s. qand lavlagi top-shirildi. Urush yillarida O'zbekiston butun Ittifoqda ishlab chiqarilgan qandning to'rtidan bir qismini berdi.

Urush yillarida mehnatkashlar chorvachilik, jun, qorako'l, teri yetishtirish, pillachilik jabhalarida ham fidokorona mehnat qildilar. Go'sht, yog', sut, kartoshka, sabzavot va poliz mahsulotlari, meva tayyorlashda ko'rsatilgan g'ayrat-shijoat tufayli

mustahkam oziq-ovqat bazasi yaratildi.

Respublikamiz qishloq xo'jaligi xodimlari urush yillarida davlatga 1262 ming tonna don, 54,1 ming tonna pilla, 482 ming tonna kartoshka va sabzavot, 57,5 ming tonna meva va uzum, 36 ming tonna quruq meva, 159 ming tonna go'sht, 22,3 ming tonna jun yetkazib berdilar.

Urush yillarida ham paxtachilik qishloq xo'jaligining muhim sohasi bo'lib qoldi. Paxtakorlar jonbozlik bilan ishlaganlariga qaramay, 1942—1943-yillarda paxta tay-yorlash rejasi bajarilmay qoldi. Davlatga 1 ming tonna paxta kam topshirildi. Bunga bir qator ob'yektiv holatlar sabab bo'ldi: paxta ekiladigan maydonlar 1941—1943-yil-larda 927650 gektardan 625343 gektarga kamaydi; me-xanizatsiya vositalari yetishmasdi; mineral o'g'itlar, yoqilg'i kamaygan edi; yerni haydash, chopiq, sug'orish, irrigatsiya tarmoqlarini tozalash ishlarini o'z vaqtida muntazam olib borish uchun ishchi kuchi yetishmasligidan paxta yetishtirish agrotexnikasi yomonlashgan edi. Respublika rahbariyati buni yaxshi tushunardi. Paxta maydonlarini qisqartirish, buning hisobiga don, qand lavlagi va boshqa oziq-ovqat mahsulotlari yetishtiriladigan ekin maydonlarini ko'paytirishga majbur bo'lgan edi.

Biroq Markazdagi rahbarlar bu ob'yektiv omillarni hisobga olmadi. Shu bois respublika rahbarlari Moskvaga chaqirilib muhokama qilindilar, ularni paxta tayyorlash ishini o'z holiga tashlab qo'yishda, layoqatsizlikda aybladilar. Ulardan har qanday yo'l bilan bo'lsa ham paxta tayyorlash rejasini bajarish, yanada ko'paytirish talab qilindi. Bu boshqarishning ma'muriy-buyruqbozlik usullarini yanada kuchaytirishdan boshqa narsa emasdi. Bunday Zug'um natijalari VKP(b) MQning 1944-yil 6-martda qabul qilingan «O'zbekiston KP(b) MQning ishi to'g'risida»gi qarorida o'z ifodasini topgandi.

O'zbekiston Kompartiyasi MQning 1944-yil aprel oyida bo'lgan X plenumi mazkur qarorni bajarishga doir tadbirlarni ishlab chiqdi. Kolxozlar tashkiliy-xo'jalik jihatdan mustahkamlandi, brigada va zvenolar qayta tiklandi. Donli ekin yetishtirishga o'tib olgan xo'jaliklarning anchagina qismi paxtachilikka qaytarildi. Kolxozchilar uchun eng kam miqdordagi majburiy mehnat kunlari soni yana oshirildi. Ittifoq hukumati O'zbekiston paxtakorlari uchun 2300 yangi traktor, 300 yuk avtomobili, 375 ming tonna mineral o'g'it va boshqa qishloq xo'jalik uskunalari

ajratdi. 1944-yilgi paxta tayyorlash rejasi bajarildi, davlatga 1943-yilga nisbatan 325 ming tonna ko'p paxta topshirildi, 1945-yilda ham paxta tayyorlash rejasi bajarildi.

Urush yillarida respublika paxtakorlari davlatga 4 mln. 806 ming tonna paxta xom ashyosi yetkazib berdilar.

Urush yillarida ishchilar bilan dehqonlar o'rtasidagi jipslik, o'zaro yordam yanada kuchaydi. Sanoat korxo-nalari kolxozlarni otaliqqa olib, ularga qishloq xo'jalik texnikalari, ehtiyot qismlar bilan yordamlashdilar. Shaharliklar qishloq xo'jalik mahsulotlarini yig'ishtirib olishda faol qatnashdilar. Kolxozchi dehqonlar esa sanoat sohasidagi umumxalq qurilishlarida faol ishtirok etdilar. Masalan, Farhod GESi qurilishining o'zidagina 70 mingga yaqin kolxozchi qatnashdi. O'zbekiston ishchilari va dehqonlari jipslashib, fidokorona ishlab, fashistlar ustidan qozonilgan g'alabaga salmoqli hissa qo'shdilar. 160 mingga yaqin kishi front orqasidagi fidokorona mehnati uchun «Shuhrat» medali bilan mukofotlandi.



4. Aholi turmushi.



Urush O'zbekistonliklarni og'ir muhtojlikka duchor etdi. Hanuna narsaning frontga safarbar etilishi natijasida oziq-ovqat tanqisligi vujudga keldi. Shaharlarda oziq-ovqatlarni, sanoat mollarini kartochka asosida taqsimlash joriy etildi. Ishchi va xizmatchilarga kuniga 400—500 grammdan, oila a'zolariga esa 300 grammdan non berish belgi-landi. Amalda esa aholi belgilangan me'yorlardan ham kam non olardi. Go'sht, yog', baliq, makaron, yormalar ham me'yorlangan tartibda taqsimlanar, ko'p hollarda kartochkada ko'rsatilgan miqdorda berilmasdi.

Qishloq aholisining turmushi yanada og'irlashdi. Oziq-ovqat va sanoat mollarini me'yorlangan tarzda taqsimlash qishloq aholisiga joriy etilmadi. Ular ishlagan mehnat kunlari uchun deyarli haq ololmasdi. Ularga oziq-ovqat mollari matlubot kooperatsiyasi do'konlarida davlatga topshirilgan qishloq xo'jalik mahsulotlari miqdoriga qarab qat'iy me'yorlangan miqdorda berilardi.

Aholini oziq-ovqatlar bilan ta'minlashni yaxshilash maqsadida sanoat korxonalari qoshida yordamchi xo'jaliklar tashkil etishga ruxsat berildi. Ularga

vaqtincha foydalanish uchun 53 ming gektar yer ajratildi. Ishchi va xizmatchilar tomonidan yakka tartibda polizchilik ishlari bilan shug'ullanish keng tarqaldi.

Oziq-ovqat tanqisligi sharoitida pul tobora qadr-sizlanib bordi, chayqovchilik avj oldi. Muhtojliklarga qaramay sanoat va qishloq xo'jalik xodimlari g'alaba uchun, frontga ketgan farzandlari va erlari uchun fidokorona mehnat qildilar. Qiyinchiliklarga qaramay frontga ketgan jangchilarning oilalariga har tomonlama g'amxo'rlik qilindi, bolalari yasli va bog'chalarga joy-lashtirildi. Kolxoz va sovxozlar jangchilarning oilalariga oziq-ovqat, ekin ekish uchun yer ajratib berardi.

Mamlakat ichkarisida urush yillarida mehnat qilgan yuz minglab vatandoshlarimiz chekkan zahmatlarni, keksayu yosh akalarimiz, opa-singillarimiz qish qahratonida dildirab, saraton olovidayonib, o'ziyemasdan, o'zi kiymasdan topgan nasibasini frontga jo'natganini, azob-uqubatlar chekib, fidoyilik ko'rsatganini esdan chiqarib bo'ladimi?

Karimov I. A. Vatan sajdagoh kabi muqaddasdir. T.3.-T.: O'zbekiston, 1996, 80-bet.

Savol va topshiriqlar

1. O'zbekiston sanoatchilari frontga qanday mahsulotlar yetkazib berdilar?
2. O'zbekistonga ko'ehirib keltirilgan korxonalarni joylashtirish, qurish va ishga tushirish jarayoni qanday kechdi?
3. Sanoat korxonalarini ishchi kuchi, mutaxassislar bilan ta'minlash haqida nimalarni bilasiz?
4. Qanday GESlar qurildi?
5. Yoqig'i sanoati nimalar hisobiga o'sdi?
6. Bekobod metailurgiya zavodi qurilishi haqida so'zlab bering.
7. Transport xodimiari g'alabaga qanday hissa qo'shdilar? Aioqachilarchi?
8. Qishloq xo'jalik xodimiari frontga qanday xizmat qildilar?
9. Paxtachilikda ahvol qanday edi?
10. Aholi turmushi qanday edi? Aholi qanday muhtojlik-larni boshidan kechirdi?

15-MAVZU: URUSH YILLARIDA FAN, MAORIF VA MADANIYAT. O'ZBEKISTONNING QARDOSH XALQLARGA BAYNALMILAL YORDAMI.

Reja:

- 1. Ilm-fan g'alaba uchun xizmatda.**
- 2. Maorif va oliy ta'lim.**
- 3. Adabiyot g'alaba uchun kurashda.**
- 4. Ommaviy axborot vositalari.**
- 5. San'at front xizmatida.**
- 6. O'zbekistonning baynalmilal yordami.**
- 7. O'zbek xalqining o'z vatanidan badarg'a qilingan xalqlarga g'amxo'rliqi.**



1. Ilm-fan g'alaba uchun xizmatda.

Urushning dastlabki kunlaridayoq SSSR FAning O'zbekiston filiali, respubhkada ishlab turgan 75 ta ilmiy muassasalar, shu jumladan, 25 ta ilmiy-tadqiqot institutlari, 23 ta ilmiy stansiya va boshqalar, barcha olimlar respublika xo'jalik hayotini harbiy izga solish bilan aloqador muammolarni hal etishga jalb etildi. Ulaming zavodlar, fabrikalar, temir yo'l va avtomobil yo'llari transport korxonaieri bilan bevosita aloqalari o'rnatildi. Olimlarning tadqiqot ishlarini rnuvofiqlashtirish maqsadida 1941-yil 29-noyabrda O'zbekiston Ilmiy muhandis-texnika jamiyati tuzildi.

G'arbiy hududlardagi yirik shaharlardan ko'plab ilmiy muassasaier O'zbekistonga ko'chirib keitirildi. SSSR FAning tarix, iqtisodiyot va huquq, jahon xo'jaligi va jahon siyosati, sharqshunoslik, jahon adabiyoti, moddiy madaniyat, tuproqshunoslik, seysmologiya institutlari, bir qancha muzeylar va kutubxonalar shuiar jumiasiga kiradi. Akademiyaning 375 ylrlik olimlari va xodimlari ko'chib keidilar.

O'zbekistonlik olimlar ko'chib kelgan yirik olimlar bilan yaqin aloqa bog'ladilar, respublikamizda mavjud bo'lgan va ko'chirib keltirilgan ilmiy muassasalarning tadqiqot yo'nalishi qayta ko'rib chiqildi, urush talablariga moslab

o'zgartirildi. Olimlar o'zlarining asosiy e'tiborini mudofaa sanoati uchun zarur bo'lgan tabiiy resurslarni izlab topish va ulardan foydalanishni tashkil etishga qaratdilar. Geolog olim H. M. Abdullayev va boshqalarning tadqiqotlari natijasida qalayi, volfram, molibden, o'tga chidamli minerallar, nodir metallar va boshqa turdagi xom-ashyo konlari topildi va o'zlashtirildi. A. S. Uklonskiy boshchiligidagi geologlar guruhining temir konini topishi, O'zbek metallurgiya kombinati qurilishini loyihalashtirish va ularni foydalanishga tushirishdagi xizmatlari katta ahamiyatga ega bo'ldi. D. M. Bogdanov va muhandis G. S. Chikrizovlar Angrenda qidiruv ishlariga boshchilik qildilar va ko'mir konining boy zahiralari topib yangi shaxtalar qurishga ko'maklashdilar.

Sirdaryodagi Farhod GESning loyihasini ishlab chiqishda mashhur irrigatorlar A. N. Askochenskiy, V. V. Poslavitskiylar faol ishtirok etdilar, loyihachilarga akademiklar G. O. Grafito va B. Ye. Vedenevlar qim-matli maslahatlar berdilar.

Kimyogar olimlar neftning suvini ketkazish, oltingugurtdan tozalash, ko'mirni kokslash, paxta chiqindilaridan xalq xo'jaligida foydalanishning, etil spirti, soda, kislota olishning yangi samarali usullarini yaratdilar. Dori-darmonlar tayyorlash borasidagi tadqiqotlar nati-jasida aholi ehtiyojlari uchun zarur bo'lgan turli xil dori-darmon ishlab chiqish yo'lga qo'yildi. Toshkentda far-matsevtika zavodi qurilib ishga tushirildi.

Butunittifoq paxtachilik ilmiy-tadqiqot instituti paxtaning yangi navlarini yetishtirish sohasida samarali izlanishlar olib bordi. Seleksionerlar S. S. Kanash va A. I. Avtonomov boshchiligida vilt kasalligini yuqtirmaydigan yangi navini yaratdilar. S. S. Kanash yaratgan S— 460, L. V. Rumshevich yaratgan F—108 yuqori hosilli navlar, shuningdek, boshqa uzun tolali navlar paxtachilikning rivojida ulkan hissa bo'ldi. O'zbekistonda ekilib kelingan amerika, paxta navlarini yangi navlar bilan almashtirish 1944-yilda tugallandi. Respublika olimlari Samarqandda joylashtirilgan Timiryazev nomidagi qishloq xo'jalik akademiyasi xodimlari bilan hamkorlik-da g'o'za, bug'doy va qand lavlagini almashlab ekish usulini joriy etdilar, O'zbekiston sharoitida qand lavlagidan mo'l hosil olishga ko'maklashdilar.

Urush yillarida gumanitar fanlar ham ancha rivojlandi. Yirik tarixchi,

arxeolog, huquqshunos, sharqshunos, adabiyotshunos olimlar O'zbekistonlik hamkasblari bilan O'zbekiston xalqlari tarixi, madaniyati va adabiyotining muhim masalalarini ishlab chiqdilar. V. S. Struve, V. A. Shishkin, Ye. E. Bertels, I. K. Dodonov, V. Yu. Zohidov, H. Sh. Inoyatov, A. Yu. Yakubovskiy, M. Ye. Masson, S. P. Tolstov, Ya. G'. G'ulomov va boshqalar O'zbekistonning eng qadimgi va o'rta asrlar tarixi, mod-diy madaniyati va ma'naviyati, o'rta Osiyo xalqlarining etnogenezi bo'yicha qator asarlar tayyorladilar. Ikki jild-lik «O'zbekiston xalqlari tarixi»ni tayyorlashga kirishildi. Yozuvchi Aleksey Tolstoy rahbarligida rus va O'zbek olimlari birgalikda «O'zbek adabiyoti tarixi» asarini yaratdilar.

1943-yil 4-noyabrda O'zbekiston Fanlar akademiyasi ochildi, uning birinchi prezidenti etib taniqli olim T. N. Qori Niyoziy saylandi.

Fanlar akademiyasining ochilishi respublika hayotida muhim voqea bo'ldi, ilm-fanning yanada taraqqiy etishi uchun mustahkam poydevor yaratildi. Tez orada yangi ilmiy muassasalar vujudga keldi. Til, adabiyot va tarix instituti bazasida Tarix va arxeologiya, Til va adabiyot institutlari, Sharqshunoslik instituti, Iqtisodiyot, Matematika va mexanika, Tuproqshunoslik, Fizika-texnika institutlari va boshqa laboratoriyalar tashkil etildi.

1945-yilga kelib Fanlar akademiyasi tarkibida 23 ta ilmiy muassasa, shu jumladan, 2 ta ilmiy tadqiqot institut-lari, 2 ta laboratoriya, tajriba stansiyalari faoliyat ko'rsatdi. O'zbekiston Fanlar akademiyasining uch faxriy a'zosi, 15 haqiqiy a'zosi, 20 muxbir a'zosi va 1265 ilmiy xodimi, shu jumladan, 54 ta fan doktori va 172 ta fan nomzodi ilmiy tadqiqot ishlari olib bordi. Ular orasida fizika-matematika fanlari doktorlari T. A. Sarimsoqov va V. I. Romanovskiy, geolog olim H. M. Abdullayev, fizik olim S. U. Umarov, faylasuf I. Mo'minov, adib S. Ayniy, yozuvchi Oybek, shoir G'. G'ulom va boshqalar bor edi.

Sharqshunoslik instituti olimlarining Sharq qo'lyoz-malarini o'rganish asosida tayyorlagan fors, arab va turkiy tillarda yozilgan qo'lyozmalar to'plami jahondagi eng boy to'plamlardan biri bo'lib qoldi. To'plam 3 jilddan iborat bo'lib, ularda 300 ga yaqin qo'lyozma tavsiflab va ilmiy jihatdan baholab berildi. 1944-yilda O'zFA Prezidiumida aspirantura tashkil etildi va o'sha yili 60 kishi, shu jumladan, 41 O'zbek qabul qilindi. 1944-yilda Akademiya institutlarida 2 ta doktorlik, 17 ta

nomzodlik dissertatsiyalari yoqlandi.

Urash yillarida O'zbekistonlik olimlar mingdan ortiq ilmiy ishlarni bajardilar, ulaming ko'pchiligi xalq xo'jalik va mudofaa ahamiyatiga ega bo'ldi.



2. Maorif va oliy ta'lim.



O'zbekiston xalq talimi, jumladan oliy o'quv og'ir sinovlardan o'tdi. Ko'pchilik professor-o'qituvchilar, talabalar frontga safarbar etildi. Kasb yo'nalishi yaqin bo'lgan institutlar, fakultetlar, kafedralar bir-lashtirildi, ayrimlari yopildi. Samarqand kooperativ instituti bilan Toshkent moliya-iqtisodiyot instituti, Toshkent va Samarqand tibbiyot institutlari, O'zbek va o'rta Osiyo davlat universitetlari birlashtirildi. Ularning bo'shagan binolariga harbiy muassasalar, gospitalar joy-lashtirildi.

Moskva, Leningrad, Kiev, Xarkov, Voronej, Odessa va boshqa shaharlardan 1941—1943-yillarda ko'chirib keltirilgan 35 oliy o'quv yurti va 7 harbiy akademiya qabul qilib olindi, ularning ba'zilari o'zaro yoki O'zbekiston oliy o'quv yurtlari bilan birlashtirildi.

O'z professor-o'qituvchilari bilan ko'chirib keltirilgan oliy o'quv yurtlarining faoliyati respublikada oliy ta'limning yanada rivojlanishiga ijobiy ta'sir etdi. Moskvalik va leningradlik olimlar talabalarga yangi kurslar bo'yicha ma'ruza'lar o'qidilar, mahalliy millat vakillaridan ilmiy-pedagogik kadrlar tayyorlashga ko'maklashdilar, yangi mutaxassislik bo'yicha kadrlar tayyorlash yolga qo'yildi. Ular xalq xo'jalik va harbiy ahamiyatga molik mavzularda tadqiqot ishlarini uyushtirdilar. Toshkent industriya instituti ilmiy jamoasi, masalan, Bekobodda metallurgiya zavodini qurish, mis va boshqa mahalliy rudalarni eritish usullarini ishlab chiqish, metallar korroziyasiga qarshi kurashning samarali yo'llarini topish, yangi zavodlar loyihasini ishlab chiqish va qurish borasida faol qatnashdilar.

O'zbekiston hukumati oliy o'quv yurtlaridagi qiyinchiliklarni bartaraf etish, moddiy ba'zasini mustahkamlash, o'qituvchilar bilan ta'minlash masalalarida ko'maklashdi. Ayniqsa, ko'chib kelgan tajribali pedagoglar, olimlar 1943—1944-yillarda o'z shaharlariga qaytaboshlagan, urushning dastlabki davrida vaqtincha yopilgan yoki birlashtirilgan institutlar qayta tiklanayotgan, yangidan Chimboy va

Urganch pedagogika institutlari, Namangan va Marg'ilon o'qituvchilar institutlari, Toshkent teatr san'ati instituti ochilgan, ilmiy-pedagogik kadrlarga muhtojlik ortgan bir paytda respublika hukumatining oliy o'quv yurtlariga ko'magi sezilarli bo'ldi. Yirik oliy o'quv yurtlarida doktorantura va aspiranturaga qabul kengaytirildi. Respublika miqyosida ishlab turgan rahbar xodimlar oliy o'quv yurtlariga ishga yuborildi.

1945-yilda oliy o'quv yurtlari soni 1940-yilga nisbatan 3 taga ko'payib 33 tani tashkil etdi, talabalar soni esa 19,1 mingdan 21,2 ming kishiga ortdi. Urush yillarida hammasi bo'lib 10 mingdan ko'proq oliy malakali va 3,7 mingga yaqin o'rta maxsus ma'lumotli mutaxassis tayyorlandi.

Xalq maorifida ham jiddiy qiyinchiliklar bo'ldi. Ko'plab maktablar binolari gospitalar, yotoqxonalar, harbiy o'quv yurtlariga berildi. Maktablar birlashtirildi, ko'p smenali o'qish joriy etildi. Urushgacha respublika maktablarida ishlayotgan o'qituvchilarning 74,6 foizini erkaklar tashkil etardi. Ular frontga, ishlab chiqarish ishlariga ketdi. Buning ustiga darsliklar, uskunalar, daftarlar yetishmas edi. Qisqa muddatli kurslar tashkil etilib, boshlang'ich sinflar uchun o'qituvchilar tayyorlandi, boshqa ishga ketgan o'qituvchilarni maktabga qaytarish tadbirlari ko'rildi, ularning moddiy-maishiy ahvolini yaxshilashga g'amxo'rlik qilindi. 1944-yilda o'qituvchilar armiya safidan maktablarga qaytarildi. o'quvchilarning jismoniy tayyorgarligi yaxshilandi. Kundalik o'qish foydali mehnat bilan qo'shib olib borildi. o'qishdan tashqari vaqtlarida o'quvchilar gospitalarga otaliq yordami berdilar, frontdagilarning oilalariga ko'maklashdilar, temir-tersak to'plab topshirdilar, qishloq xo'jalik ishlarida qatnashdilar.

Maktablarda ta'lim-tarbiya sifatini yaxshilash maqsadida o'quvchilar bilimini baholashning besh balli tartibi, boshlang'ich va yetti yillik maktablarni tamomlovchilar uchun bitiruv imtihonlari, o'rta maktabni tamomlovchilar uchun yetuklik attestati — guvohnomasi uchun imtihonlar topshirish majburiyati, maktab o'quv dasturlarini a'lo o'zlashtirgan va a'lo xulqli o'quvchilarni oltin va kumush medallar bilan taqdirlash joriy etildi. Bu tadbirlar dars mashg'ulotlari saviyasini ko'tarishga, o'quvchilar intizomini yaxshilashga olib keldi.

Ko'chirib keltirilgan muassasalar o'z joylariga qaytib ketaboshlagach,

maktab binolari ham bo'shatila bordi, o'quvchilar o'z maktablari bag'riga qaytib, o'qish ishlarini davom ettirdilar.

1940-41 o'quv yilida 5504 ta umumta'lim maktablarida 1368,9 ming o'quvchi o'qigan bo'lsa, 1945/46 o'quv yilida 4976 ta umumta'lim maktablarida 989,2 ming bola ta'lim oldi.



3. Adabiyot g'alaba uchun kurashda.



O'zbekiston yozuvchilari va shoirlari o'zlarining qaynoq ijodi bilan xalqni mardonalikka chorlab, fidokorona mehnatga ruhlantirib g'alabaga munosib hissa qo'shdilar.

O'zbekiston yozuvchilar uyushmasi o'z faoliyatini dushmanni tezroq tor-mor etishga qaratdi. Uning rayosati qoshida tashviqot va targ'ibot bo'limi, harbiy komissiya tuzildi. Ijodiy ziyolilarning radio va matbuotda kishilarni hushyorlikka, vatanparvarlikka, dushmanga qarshi mardona jang qilishga, front orqasini mustahkamlashga chorlovchi chiqishlari katta ahamiyatga ega bo'ldi.

O'zbekistonga vaqtincha ko'chirib keltirilgan rus, ukrain, belorus, moldavan va boshqa millatlarga mansub yozuvchi va shoirlar ham respublikamiz hayotida faol qatnashdilar, O'zbekistonlik hamkasblari bilan yaqindan hamkorlik qildilar. «Biz yengamiz!» degan almanax, «O'zbekiston shoirlari — frontga» degan antologiya ana shunday hamkorlikning mevasi bo'ldi. Hamid Olimjon, Uyg'un, Sobir Abdulla, Nikolay Pogodinlar birgalikda «O'zbekiston qilichi» musiqali dramasini yaratdilar.

Urush yillarida yaratilgan Oybekning «Navoiy» va «Qutlug' qon» romanlari, Abdulla Qahhorning «Oltin yulduz» qissasi, «Xotinlar» asari jamoatchilikning yuksak bahosiga sazovor bo'ldi. She'riyatda ulkan yuksalish bo'ldi.

Hamid Olimjonning «Qo'lingga qurol ol», «Sharqdan G'arbga ketayotgan do'stga», «Jangchi Tursun» va «Roksananing ko'z yoshlari», G'afur G'ulomning «Sen yetim emassan», «Men—yahudiyman», «Bizning ko'chada ham bayram bo'lajak», Uyg'unning «Qasam», «Bir qadam ham orqaga chekinilmasin» va «Maktub», Maqsud Shayxzodaning «Ona kuzatmoqda» va «Kapitan Gastello» she'r-lari, Sharof Rashidovning «Qahrim» sherlar to'plami, Sulton Jo'raning «Pulemyotchi ovozi», «Nayzamiz» she'rlari fashizm

kirdikorlarini fosh etib, g'alaba qozonishga ishonchni kuylab, xalqning jangovar ruhini ko'tardi.

Ona zamin, Vatanga sadoqat, dushmanga nafrat, jasorat va mardlikni tarannum etgan bu teran she'rlar jangovar quroldan qolishmaydigan dahshatli qurol bo'lib xizmat qildi.



4. Ommaviy axborot vositalari.



Urush yillarida respublika ommaviy axborot vositalari ommani front uchun, g'alaba uchun safarbar etishda, xalqni g'oyaviy-siyosiy jihatdan tarbiyalashda muhim omil bo'lib xizmat qildi. o'sha damlarda O'zbekistonda 200 ga yaqin gazeta, shundan 124 tasi O'zbek tilida, 52 ta jurnal, shundan 19 tasi O'zbek tilida nashr etilar edi. Gazetalarning bir gallik adadi 900 ming, shundan 600 ming nusxasi O'zbek tilida chiqardi. Gazetalar va jurnallar sahifalarida frontdagi vaziyat, respublika mehnat jamoalarining fidokorona mehnati, qiyinchiliklar yoritilar edi.

O'zbekistonning bir guruh yozuvchi va jurnalistlari sovet armiyasi siyosiy boshqarmalari ixtiyoriga yuborildi. Bulardan To'lqin Rustamov va Rasul Muhammadiy sovet armiyasi bosh boshqarmasida inspektor, Jalolxon Azizxonov, Rustam Abdurahmonov, Adham Rahmat, Sharif Bo'latov, Muhammadjon Murodov, Yo'lchi Bilolov va boshqalar front gazetalarida muharrir o'rinbosarlari bo'lib xizmat qildilar. Nazir Safarov, Mirzakalon Ismoiliiy, Zinnat Fatxullin, Meli Jo'ra, To'g'on Ernazarov, Sulton Jo'ra va boshqalar harbiy muxbirlar sifatida va jurnalistikaning boshqa jangovar sohalarida faoliyat ko'rsatdilar.

Urush yillarida O'zbek tilida 14 ta front va 12 ta diviziya gazetasi nashr etilardi. «Front haqiqati», «Qizil askar haqiqati», «Qizil Armiya», «Vatan sharafi uchun», «Dushmanga qarshi olg'a» kabi gazetalar nashr etilgan.

Urush yillarida radio xodimlarining, madaniy-ma'rifiy muassasalarning xizmatlari ham katta bo'ldi.

Urush yillarida 754 ta kino ustanovka, 11 ta muzey, 360 ta qiroatxona, 1044 ta klub, 433 ta kutubxona, 2800 ta qizil choyxona omma orasida siyosiy, madaniy-ma'rifiy, tarbiyaviy ishlami olib borish markazi sifatida xizmat qildi.



5. San'at front xizmatida.

Urush yillarida sahna san'ati rivojlandi. Toshkentda va Andijonda yangi teatrlar ochildi, respublikada hammasi bo'lib 36 ta teatr ishlab turdi. Shuningdek, ko'chirib keltirilgan 14 teatr ham faoliyat ko'rsatdi. Teatrlarda urush mavzusiga bag'ishlangan «Davron ota», «Sherali», «O'zbekiston qilichi» musiqali dramalari, «Ulug'bek» va «Mahmud Torobiy» operalari, mardlik, jasorat mavzularida yozilgan Komil Yashinning «Bosqinchilarga o'lim», M. Shayxzodaning «Jaloliddin» pesalari ko'rsatildi. Urush yillarida O'zbek davlat opera va balet teatri 10 ta, Hamza teatri 16 ta, Gorkiy nomli rus drama teatri 32 ta yangi spektakllarni sahnalashtirdilar. Respublika "teatr jamoalari 1942—1944 yillarda 203 ta yangi asarni sahnalashtirdilar, 187568 marta spektakl va konsert namoyish etdilar, ularni millionlab kishilar tomosha qildilar.

Xalq ashulachilarining, talantli bastakorlarning ijodi zo'r shuhrat qozondi. To'xtasin Jalilov va Yunus Rajabiy xalq musiqa san'atining an'alariga tayanib, yorqin xalqchil asarlar yaratdilar. M. Ashrafiy, T. Sodiqov, M. Burhonovlar musiqa madaniyatini yuksak darajaga ko'tardilar.

Toshkent badiiy filmlar studiyasi vaqtincha ko'chib kelgan yirik kinomatograflar bilan hamkorlikda «Ikki jangchi», «Nasriddin Buxoroda», «217-raqamli odam», «Vatanga sovg'a», «Besh respublikaning film-konserti» nomli kinofilmlarni yaratdilar.

O'zbekiston rassomlari zo'r g'ayrat bilan ishladilar. L. Abdullayevning «Qizil Armiyaga kuzatuv» va «Mukofot bilan tabriklash», o'. Tansiqboyevning «Otlqlar hujumi» va «Partizan qiz», Ch. Ahmarovning «O'zbekiston — frontga», V. Ye. Kaydalovning «Fashist gazandasi yo'q qilindi» va «Dushinanga qaqshatqich zarba» asarlari O'zbekiston badiiy xazinasidan mustahkam o'rin egalladi. Urush yillarida O'zbekiston rassomlari 39 ta ko'rgazma tashkil etdilar, besh mingdan ko'proq badiiy-siyosiy plakatlar yaratdilar.

O'zbekiston san'at xodimlari mehnatkash xalqqa, jangchilarga xizmat qilib, ularning ruhini ko'tarib turdilar.

San'atkorlardan tuzilgan 30 dan ortiq konsert brigadalari frontdagi jangovor harbiy qismlarning askar va zobitlari uchun 400 dan ko'proq konsert

berdilar, respublika hududida joylashgan harbiy qismiarda 15 mingta, gospitalarda 10 mingta konsert uyushtirdilar. Ishchilar, paxtakorlar huzurida doimo xizmatda bo'ldilar.

Bu tadbirlarda faol qatnashgan atoqli san'atkorlar: Halima Nosirova, Tamaraxonim, Abror Hidoyatov, Lutfixonim Sarimsoqova, Sora Eshonto'raeva, Abbos Bakirov, Kommuna Ismoilova va boshqalar xalq hurmatiga sazovor bo'ldilar.

Ijodkor ziyolilarning asarlari, san'at ustalarining chiqishlari xalqni ma'naviy jihatdan ko'tardi, ommani g'alaba uchun kurashga safarbar etishda mubim omil bo'ldi. O'zbek ijodkorlari fashizm ustidan qozonilgan g'alabaga munosib hissa qo'shdilar.



6. O'zbekistonning baynalmilal yordami.

Fashist bosqinchilari SSSRning g'arbiy qismidagi katta hududni, ko'plab shahar va qishloqlarni bosib olib Moskva ostonalariga yetib keldilar. Sovet xalqi uyushqoqlik, birdamlik, misli ko'rilmagan jasorat bilan dushmanni Moskva ostonalarida yer tishlatdi. Fashist gazandalari tor-mor etildi va uloqtirib tashlandi. Dushmanning Stalingrad, Kursk, Orel, Belgrad shaharlarida tor-mor etilishi va ularning SSSR tuprog'idan yoppasiga haydab chiqarila boshlanishi natijasida ko'pgina viloyatlar, shaharlar va qishloqlar ozod etildi. Dushman bu hududlarni bombardimon qilish va vayron qilish orqali bosib olgan bo'lsa, chekinish davrida esa shahar va qishloqlarni yondirib, yanada vayron qilib ketardi.

Sovet xalqi hali urush davom etayotgan qiyin paytlardayoq dushmandan ozod etilgan shahar va qishloqlarni, zavod, fabrika va boshqa xo'jaliklarni qayta tiklashga kirishdi. Ozod etilgan hududlardagi xo'jalikni tiklash ishlarida Sharqdagi barcha respublikalar, viloyatlar, shu jumladan, O'zbekiston ham faol qatnashdi. Tiklash ishlari umumxalq ishiga aylandi.

Ozod etilgan shahar va qishloqlarga yordam yordam berish harakati butun O'zbekistonni qamrab oldi. Urushda zarar ko'rgan viloyat, shahar va tumanlarga yordamlashish bilan bog'liq bo'lgan masalalar respublika hukumati, viloyat, shahar va tuman tashkilotlari va keng jamoatchilik orasida muntazam ravishda muhokama qilinib, zarur tadbirlar amalga oshirib borildi. Yordam davlat yo'li bilan va

jamoatchilik yo'li bilan amalga oshirildi. Tiklash ishlariga yordam berish maqsadida Sherobod MTSining brigadir-mexanigi Odish Cheximov 10 ming so'm, traktorchi Ro'ziyev 15 ming so'm berdi. Bu harakatni ko'pchilik qo'Uadi. Samarqand viloyati ozod qilingan tumanlarga 170 million so'mdan ko'proq pul, 80 mingta kitob va turli xil darsliklar yuborildi.

1943-yilning bahorida O'zbekiston ozod etilgan tumanlarga 2 ming traktor, avtomobil va qishloq xo'jalik mashinalari, 8 ming ot va ho'kiz, 170 ming bosh qo'y va echki jo'natdi. 1943 yil oktabr oyida O'zbekistonlik yoshlar leningradlik bolalarga 250 tonna oziq-ovqat, 10 ming juft poyabzal va kiyim, 2 million so'mdan ko'proq pul yubordi.

O'zbekiston temir yo'lchilari ozod etilgan joylardagi temir yo'llarni tiklashga katta yordam berdilar. Toshkent tovar stansiyasi temir yo'lchilari 35 ko'targich asboblarni komplekti, 350 dona slesarlik asboblari, 2 mingdan ortiq ehtiyot qismlarini to'plab G'arbdagi stansiyalarning birini tiklash uchun jo'natdi. 1943 yil 30 martda Toshkent temir yo'lchilari asbob-uskunalar ortilgan butun bir eshelonni Stalingrad temir yo'l tarmog'ini tiklash uchun yubordi. Uning tarkibida ko'chib yuradigan maxsus ustaxona, ikkita parovoz, jihozlangan 33 ta vagon va platforma, dori-darmonlar va ishchi kiyimlari bor edi?

O'zbekistonliklar ko'chirib keltirilgan korxonalar, ilmiy va madaniy muassasalar, o'quv yurtlarini o'z o'rniga qaytarish, binolarni tiklash va joylashtirish ishlarida ham faol qatnashdilar. Ko'plab O'zbekistonlik mutaxassislar va ishchilar rus, ukrain, belorus, moldavan do'stlariga ko'maklashish uchun jo'nab ketdilar.

Faqat 1943-yilda O'zbekistonliklardan 60 mingga yaqin kishi Sverdlovsk, Chelyabinsk, Moskva, Ivanov va boshqa viloyatlarda ishladilar. O'zbekiston aloqachilari 540 muhandis, texnik va boshqa mutaxassislardan iborat maxsus batalon tuzib, uni zarur asbob-uskuna va materiallar bilan ta'minlab G'arbga jo'natdi. Batalon Rossiya, Ukrainada ko'plab aloqa vositalarini tiklashda faol qatnashdi.

G'arbiy viloyatlarni tiklash ishlariga respublikamizning fabrika-zavod ta'limi maktablarini, hunar o'quv yurtlarini endigina tamomlab chiqayotgan yoshlar ko'proq yuborildi. 1943—1945-yillarda Donbass, Kiev, Leningrad va Urar korxonalari,

qurilishlari va temir yo'Uarida ishlash uchun O'zbekiston mehnat rezervlari maktablarining 15 ming talabasi jo'natildi.

Ozod etilgan hududlar aholisiga qardoshlarcha yordam, respublikaning o'zida moliyaviy resurslar, asbob-uskuna va materiallar, malakali kadrlar, iste'mol moilari yetishmay turgan og'ir bir sharoitda berildi. Urush yillarida O'zbekiston aholisining turmush saviyasi keskin pasayib ketganiga, xo'jalik harbiy izda ishlayotganiga qaramasdan qardosh xalqlarga ko'rsatgan baynalmilallik yordami O'zbek xalqining buyuk insoniylik fazilatlariga sodiq ekanligining guvohidir.



7. O'zbek xalqining o'z vatanidan badarg'a qilingan

xalqlarga g'amxo'rligi.



Stalin va uning atrofidagi yugurdaklari tomonidan urush yillarida ham kichik g'amxo'rligi xalqlar, etnik guruhlariga nisbatan adolatsizlik qilindi. Kurashning dastlabki yilidayoq Volgabo'yi nemislar avtonom respublikasi tugatildi. Uning 300 mingdan ortiqroq aholisidan «bosqinchilar yordam olishi mumkin», degan gumon bilan ularni yashab turgan joy-laridan mahrum etib, Sibir va Qozog'iston viloyatlariga ko'chirib yuborildi.

1943-yil oxirlari — 1944-yil boshlarida Volganing quyi oqimi va Kaspiy dengizi qirg'oqlarida yashovchi qalmoqlar, Shimoliy Kavkazda yashovchi qorachoylar, chechenlar, ingushlar va bolqarlar, 1944-yil iyunida qrim tatarlari, greklar, keyinroq mesxeti turklari ham o'z vatanlaridan Sibir va o'rta Osiyoga badarg'a qilindilar.

«Bu xalqlar fashistlar bilan hamkorlik qilishda» ayb-landi, hech kimdan hech narsa so'rab surishtirilmadi, har bir odamning qanchalik aybdorligi, gunohkorligi aniqlanmadi, hamma ommaviy ravishda qattiq jazolandi. Ko'chirish yashirin holatda va shoshilinch ravishda amalga oshirildi. Bu katta kulfatlarga, ko'pchilik odamlar, bolalarning yo'lda qirilib ketishiga olib keldi. Bu xalqlar adolatsiz jazolanayotgan bir paytda, ularning farzandlari, yoru-birodarlari fashistlarga qarshi jang qilmoqda edilar. Ular yurtdoshlari boshiga tushgan kulfatdan bexabar edilar. Ko'chirilganlar Sibir va o'rta Osiyoning aholisi kamroq bo'lgan tumanlariga guruh-guruh qilib taqsimlandi.

O'zbekistonga 175 mingdan ortiqroq chechenlar, 157 ming ingushlar,

150 mingdan ortiqoq qrim tatarlari, 4500 bolqarlar, o'n minglab mesxeti turklari, greklar ko'chirib keltirildi. O'zbek xalqi ularni beg'araz kutib oldi, yashash uchun uy-joy, oziq-ovqatlar bilan yordam berdi. Mahalliy hokimiyat ularga hosildor yerlardan tomorqa yer, uy qurish va xo'jalik yuritish uchun kredit mablag'lari ajratdi. Ko'chirib keltirilganlar ancha mashaqqatlar bilan yangi joylarga asta-sekin moslashib bordilar.

Stalin boshliq Markaziy hokimiyat amalga oshirgan milliy siyosatning zarari, adolatsizligi odamlarning qattiq qatag'on qilinishi bilan chegaralanib qo'lmadi. Uning mudhish ekanligi yana shundaki, ko'plab xalqlarning milliy davlatchiligi buzildi, respublikalar va muxtor viloyatlarning haq-huquqlari poymol qilindi. Eng dahshatlisi shundaki, butun-butun xalqlarning milliy madaniyati, qadriyatlari va an'analari oyoq osti qilindi. shunday «milliy siyosat» Markaz tomonidan butun vositalar bilan tashviqot qilinayotgan Sovet Ittifoqidagi xalqlar o'rtasida buzilmas do'stlik to'g'risidagi g'oyaga soya, qora dog' bo'lib tushdi. Bunday zo'ravonlikning zararli oqibatlari hanuzgacha to'la bartaraf etilganicha yo'q. Vaqti-vaqti bilan millatlar o'rtasidagi nizolar, fojearlar chiqishga sabab bo'lib kelmoqday

Savol va topshiriqlar

1. O'zbekiston Fanlar akademiyasining tashkil etilishi haqida so'zlab bering.
2. O'zbekistonga G'arbdan qanday ilmiy muassasalar ko'chirib keltirildi?
3. Yer osti xom ashyo konlarini izlab topish va o'ziashtirishga rahbarlik qilgan olimlardan kimlarni bilasiz?
4. Qaysi olimlar paxtaning yangi navlarini yetishtirdilar?
5. Urush yillarida xalq ta'limi qanday ahvolda edi?
6. Oliy ta'lim sohasida ahvollar qanday edi?
7. Urush yillarida ijod etgan yozuvchi va shoirlardan kimlarni bilasiz? Qanday asarlar yaratildi?
8. Front gazetalarda faoliyat yuritgan yozuvchi va jurnalistlardan kimlarni bilasiz?
9. «San'at front xizmatida» mavzusida referat yozing?
10. Urush yillari davomida ozod etilgan harbiy hududlarning tiklash ishlariga

O'zbekistonliklar qanday yordam berdilar?

11. Urush yillarida qaysi xalqlar nima uchun o'z vatanidan badarg'a qilindilar?

12. Urush yillarida qaysi xalqlar O'zbekistonga badarg'a qilindi va joylashtirildi?

13. O'zbek xalqining zo'rlab ko'chirib keltirigan xalqlarga ko'rsatgan insonparvarlik yordami haqida nimalarni bilasiz?

14. «O'zbek xalqining o'z vatanidan badarg'a qilingan xalqlarga insoniylik yordami» mavzusida referat yozing.

16-MAVZU: O'ZBEKISTONLIK JANGCHILARNING FASHIZMNI TOR-MOR ETISHDAGI JASORATLARI.

Reja:

- 1. O'zbekistonliklarning dastlabki janglardagi jasoratlari.**
- 2. O'zbekistonliklar Moskva uchun janglarda.**
- 3. O'zbekistonliklar Stalingrad jangida.**
- 4. Tub burilishga o'zbekistonlik jangchilar hissasi.**
- 5. O'zbekistonlik partizanlar.**
- 6. Turkiston legioni.**

Urushning dastlabki kunlari O'zbekistonliklarning davoq G'arbiy chegaralardagi toSKffi 9' ha"rbi>' qo'shilmalar tarkibida xizmat qilayotgan o'zbekistonliklar fashist bosqinchilariga qarshi jangga kirdilar. Chegarada joylashgan Brest qal'asining 50 dan ortiqroq millatga mansub jangchilari orasida o'zbekistonliklardan Doniyor Abdullayev, Boboxalil Kashanov, Ahmad Aliyev, Nurum Siddiqov, Uzoq O'tayev va boshqalar ham bor edi. Ular qal'a himoyachilari bilan yelkama-elka turib dushmanning katta kuchlariga qarshi qariyb bir oy davomida oxirgi tomchi qonlari qolguncha jang qildilar. «O'layotgan boisam ham tashm bo'lmayman. Alvido, Vatanim!». Qal'a devoriga qon bilan yozilgan bu so'zlarda yurtdoshlarimizning hayajonlari, jasorati, Vatanga muhabbati o'zining yorqin ifodasini topgan.

G'arbiy chegaralardagi dastlabki janglarda toshkent-lik Zokir Karimov jasorat ko'rsatdi. U Qrim va Kavkazda ham dushman bilan olishdi, mardlik va jasorati uchun I va II darajali «Shuhrat» va boshqa ordenlar hamda «Jasorati uchun» medali bilan taqdirlandi.

O'zbekistonlik jangchilar Smolensk, Kiev, Odessa, Sevastopol va boshqa shaharlar mudofaasida qatnashdi-lar. Odessa himoyasida qatnashgan Omon Umarov dushmanning qurol-aslaha ortilgan 40 avtomobildan iborat kolonnasiga qarshi hujumda jasorat ko'rsatdi, bir o'zi dushmanning 3 avtomashinasini safdan chiqardi va 9 nemis askarini yer tishlatdi. Omon Umarovning kichik harbiy bo'limi Odessa yonida qurilgan dushman aero-dromiga hujum qilib dushmanning 16 samolyoti va 30 avtomashinasini yondirib yubordi. Uning bir o'zi 12 fashistni yo'q qildi. Afsuski,

Kerch uchun bo'lgan janglarda u halok bo'ldi. Odessa himoyasida sapyorlar rotasining komandiri Hamza Zaripov jasorat ko'rsatdi. Uning rotasi minalashtirilgan yo'lda dushmanning 27 tanki va 13 bronetransporterini portlatdi.

O'zbekistonlik jangchilar qatnashgan Brest, Smolensk, Kiev, Odessa, Sevastopol va Leningradning qahramonona himoyasi fashistlar Germaniyasining «yashindek tez urush qilish» rejasiga dastlabki zarba bo'ldi.

1941-yil kuz-qish oylarida janglarda Moskva ostonalarida hayot-

momot janglari bo'ldi. Unda, bir tomondan, qanday qilib bo'lsa ham Moskvani egal-lash uchun intilgan, ikkinchi tomondan, qanday qilib bo'lsa ham Moskvani qo'ldan bermaslik uchun oyoqqa turgan tarixda misli ko'rilmagan darajadagi katta harbiy qo'shinlar to'qnashdi. Ana shu dahshatli janglarda o'zbekistonlik jangchilar ham sabot-matonat, yuksak harbiy mahorat ko'rsatdilar.

Janubi-G'arbiy front tarkibidagi 353-tog' o'qchi polki jangchisi Qo'chqor Turdiyev katta jasorat ko'rsatdi. U 1941-yil 25-oktabrda o'rtoqlari bilan razvedkaga, so'ngra «tjl» olib kelishga yuborildi. Otishmada barcha o'rtoqlari halok bo'lgan Qo'chqor Turdiyevning bir o'zi dushmanning bir DZOT, 9 askar va zobitni yo'q qilib, 3 tasini asrga olib keldi va front qo'mondoni S. K. Timoshenkoga buyruq bajarilgani haqida xabar berdi. Bu jasorati uchun Qo'chqor Turdiyev Qahramon unvoniga sazovor bo'ldi.

Toshkentda uzoq yillar xizmat qilgan general I. V. Panfilov Almati shahrida turkistonliklardan diviziya tuzdi. Uning komandirlari tarkibida Toshkent piyoda bilim yurti va O'rta Osiyo harbiy okrugining harbiy-siyosiy bilim yur-tida ta'lim olgan 180 zobit bor edi. General I. V. Panfilov diviziyasi Moskva ostonalaridagi Volokolamsk yo'nalishi-da qattiq jang qildi. Ommaviy qahramonlik ko'rsatdi. Diviziyaning 28 kishidan iborat 4-o'qchi rotasining bir o'zi Dubosekovo raz'ezdida dushmanning bir rotasini qaytardi, 32 tankini majaqlab tashladi. Diviziya jang may-donida dushmanning 114 tankini, 26 ming askar va zobiti-ni, 5 samolyot va boshqa ko'plab texnikasini yo'q qildi, harakatdagi jangovar texnikasining ancha qismini qo'lga kiritdi. Janglarda vzvod komandiri Ikrom Halilov, Zarif forohimov, Mamadali Madaminov, Abdulla Tog'ayev, jarroh G'ulom Abdurahimov va boshqalar jasorat ko'rsatdilar.

Jangda diviziya qo'mondoni I. V. Panfilov halok bo'ldi, ammo uning quroldoshlari 8-gvardiyachi Panfilovchi diviziya nomi bilan dushman tor-mor etilgun-cha jang qildilar.

O'zbekistonda tuzilgan 21- va 44-otliq askarlar diviziyasi Moskva ostonalarida 1- va 2-otliq askarlar kor-puslari saflarida jang qilib qahramonlik namunalarini

ko'rsatdilar. Shular qatorida 1-otliq askarlar korpusining jangchilari H. Musayev, R. Abduqosimov, A. Abdul-layev, bo'lim komandiri R. Aliyev, vzvod komandiri kichik leytenant X. Bektursunov, 2-otliq askarlari korpusining jangchilari Z. M. Qosimov, R. S. Halilov, katta serjant V. Sodiqov, eskadron komandiri M. Ibrohimov va boshqalar bor edi.

O'zbekistonda tuzilgan 258-o'qchi diviziya askarlari Moskva ostonalaridagi janglarda 9000dan ko'proq dush-man askar va zobitlarini yer tishlatib, 137 ta aholi yashay-digan manzilgohlarni ozod etadi, birinchilardan bo'lib Upa daryosiga chiqib oladi, ko'plab jangovar texnikani qo'lga tushiradi. 258-o'qchi diviziya Kalugani ozod etishda ko'rsatgan matonati uchun gvardiyachi diviziya unvoniga sazovor bo'ladi.

Diviziyaning orden va medallar bilan mukofotlangan komandirlari va siyosiy xodimlari orasida B. O'razov, G. Tolipov, M. Bektemirov, V. Kashapov va boshqalar bor edi. O'zbek xalqi Moskva himoyachilariga ko'maklashish uchun qo'lidan kelgan barcha tadbirni ko'rdi. 1941-yil dekabrda O'zbekiston SSR Oliy Kengashi raisi Yo'ldosh Oxunboboyev boshchiligidagi o'zbek delegatsiyasi Moskvaga bordi. Delegatsiya a'zolari Moskva ostonlari-da jang qilayotgan G'arbiy front jangchilari—askarlar, zobitlar va qo'mondonlari bilan uchrashdi, suhbatlashdi, 1942-yil 1-yanvar — yangi yil kunini birga kutib olishdi, ularga O'zbekistondan olib borilgan 29 vagon meva-cheva, 9 ming kalta po'stin, 20 ming juft kigiz etik, 100 ming juft issiq qo'lqop va boshqalarni sovg'a qildilar.

Moskva himoyachilari orasida o'zbek qizi Zebo G'aniyeva ham bor edi. U Moskvadagi teatr san'ati institutida o'qir edi. Urush boshlangach, Zebo G'aniyeva o'z yurti — Andijonga qaytib kelishni emas, frontda jang qilishni afzal ko'rdi. Tez orada mohir mergan va razvedkachi bo'lib yetishdi. Uning harbiy qismi Moskva-Volga kanali bo'ylab joylashgan edi.

Mergan Zebo G'aniyeva 1942-yil 21-may kunigacha 23 ta fashistni yer tishlatdi, 16 martda razvedkaga borib, dushman to'g'risida qimmatli ma'lumotlar olib keldi. Zebo G'aniyeva jasorati uchun hukumat ordeni bilan mukofotlandi.

Berlin operatsiyasida qat-Urushdan keyin Toshkentga 1943-yil avgustda Dem-yanskda bo'lgan jangda Zebo G'aniyeva og'ir yarador bo'ldi, 33 marta jar-rohlik operatsiyasiga bar-dosh berib o'limni yengib o'tdi. Zebo G'aniyeva urushdan keyin ham tinib-tinchimadi, tirishqoqlik bilan o'qidi. Bokuda insti-tutni tamomlab, Moskva jahon adabiyoti institutida nomzodlik dissertatsiyasini yoqladi.

Moskva ostonalarida o'zbekistonlik merganlar Ishoqov 354 fashistni, Abubekov 229, Yusupov 132, Madaminov 123 fashist askar va zobitlarini yer tish'53 nafar o'zbekistonlik jangchilar «Moskva mudo-uchun» medali bilan mukofotlandilar.

oskva yonidagi jangda dushman tor-mor etildi. Bu . Ikkinchi jahon urushi boshlangandan beri o'tgan ikki yarim yil orasidagi birinchi yirik mag'lubiyati edi. Fashistlarning «yashindek tez urush» rejasi butunlay bar-bod bo'ldi.

O'zbekistonlik jangchilar 1942-yilda Qrim, Donbass, Don, Kuban, Shimoliy Kavkazda bo'lgan og'ir janglarda ham qatnashib o'z vazifalarini bajardilar. O'zbekistonda uzoq yiilar xizmat qilgan general I. Ye. Petrov Sevastopol uchun bo'lgan 8 oylik mudofaa janglarining boshliqlari-dan biri edi. U katta harbiy mahorat bilan alohida dengiz bo'yi armiyasiga qo'mondonlik qildi. Sevastopolni quruqlikdan himoya qilishni tashkil etdi. Uning adyutanti toshkentlik katta leytenant Z. Qahhorov edi. General I. Ye. Petrov Shimoliy Kavkaz fronti, keyinroq 4-Ukraina irontiga qo'mondonlik qildi, qaytib kelib 1 harbiy okrugi qo'shinlariga qo'mondonlik qildi.

O'zbekistonliklarO'zbekistonliklar 62- va 64-

stalingrad jangida armiyalar safida tunb tanxiy Stalingrad jangida qahramonona jang qildilar. Janglar avjiga chiqqan paytda Stalingradga Samarqand va Farg'onada tuzilgan 90- va 94-o'qchi brigadalar yetib kelib jangga kirdilar. Bu brigadalar asosan o'zbek yigitlaridan tuzilgan bo'lib, komandirlari orasida S. Nuriddinov, V. Umarov, A. Murodxo'jayev, F. Norxo'jayev va boshqalar bor edi. 21-otliq askarlar diviziyasining baland jangovar ruhda jang qilishida diviziya komissari, keyinroq general-mayor unvoniga erishgan Mullajon Uzoqovning xizmati katta

bo'ldi. Volga bo'ylarida dahshatli janglar bo'layotgan paytda o'zbekistonlik jangchilar o'zbek xalqining ularga yozgan xatini oldilar.

Xatda: «Farzandlarimiz, erlarimiz va aka-ukalarimiz, fashistlarni oldinga yorib o'tmoqchi bo'lgan hamma joyda to'xtatib qolingiz, ularning olg'a qarab bir qadam ham siljishiga yo'l bermang, qonxo'r jallodlarni orqaga uloqtirib tashlang va yer bilan yakson qiling, yodingizda bo'lsinki, agar siz hozir bir qadam orqaga chekinsangiz, bu narsa mamlakat uchun, O'zbekistonimiz uchun g'oyat og'ir musibatlar keltirishi mumkin», — deyilgan edi. Jangchilar bu xatni jangovar topshiriq deb qabul qildilar. Unga javoban yanada qat'iyroq, shiddatliroq jang qildilar.

128-gvardiyachi Turkiston tog'-o'qchi diviziyasi askarlari dushmanga qarshi shiddatli zarbalari bilan shuhrat qozondilar. Kichik leytenant M. Kabirov vzvodiga Perelazovsk xutori yonidagi tepalikni egallash va ushlab turish vazifasi topshirildi. Vzvodning 40 ta jangchisi hamma tomondan ochiq, dushmanga ko'rinib turgan yalanglikdan o'rmalab tepaga yurdi, qattiq jang, og'ir yo'qotishlar evaziga tepalikni ishg'ol etdi. Tirik qol-gan 11 jangchi dushmanning 300 jangchisiga qarshi 12 kun davomida tepalikni qo'ldan bermay jang qilishdi va dushmanni o'sha tepalik yonida to'xtatib qoldi. Ularning 9 tasi o'zbek, 1 tasi qozoq va 1 tasi tatar edi. Og'ir jang-da B. Alimbekov, D. Ahmedov, B. G'afforov, S. Mar-donov, H. Musayev, S. Payziyev, N. Haitov, S. Tlenovlarning qoni ana shu tepalikda abadiy qoldi. Faqat Abdurahmon Erdonov va M. Kabirovlar tirik qo'lishdi.

Bu tepalik hozirgacha «Sharqning 11 qahramoni tepaligi" deb atalib kelinmoqda.

Mashhur Pavlov uyini mudofaa qilgan jangchilar orasida o'zbek yigiti Kamoljon Turg'unov ham bor edi.

Stalingradda jang qilayotgan namanganlik zobit Mamasoli Jabborov 1942-yil noyabrida o'zining motoo'qchilar ro'tasi bilan chekinib borayotgan dushmanning ikkita polkiga shiddatli hujum qilib 400 soldat va zobitni qirib tashladi, 230 tasini asirga tushirdi va anchagina qurol-aslahani oija qildi. 117 fashistni yer tishlatgan Buxoro viloyatidan borgan mergan Hayit Xo'jamatov 5 ta jangda o'z pulemyoti bilan dushmanning 300 dan ortiq askar va zobitini yer tishlatgan. Qorako'l tumanidan

borgan jangchi Haitov, Toshkent Pedagogika institutining talabasi Yelena Stempkovska-yalar jasorati Stalingrad jangi solnomasidan munosib o'rin egalladi.

O'zbekistonlik jangchilardan 2738 kishi «Stalingrad mudofaasi uchun» medali bilan mukofotlandi.

Tub buriiishga o'zbekis- 1943-yil yozida Kursk yoyida tonlik jangchilar hissasi o'lgan qattiq janglarda

O'zbekistonda tuzilgan 62- va 69-o'qchi diviziyalar, 162-O'rta Osiyo-Novgorod-Shimol diviziya askar va zobitlari alohida jasorat ko'rsatdilar. O'zbekistonliklar, shuningdek, 5- va 15-o'qchi diviziyalar hamda 5-gvardiyachi va 62-gvardiyachi o'qchi diviziyalar tarkibida ham jang qildilar.

«Oryol» diviziyasi faxriy nomini olgan 5-o'qchi diviziya tarkibida farg'onalik Ahmadjon Shukurov ham bor edi. Bu diviziyaga Zolotaryovka qishlog'ini dushmandan tortib olish topshirig'i berildi. Zolotaryovka uchun bo'lgan qattiq janglarda Ahmadjon Shukurov jasorat ko'rsatdi. Dushmanning 110 ta askar va zobitini yer tishlatdi va 15 tasini asir oldi. Bu jasorati uchun unga Qahramon unvoni berildi va Zolotaryovka qishlog'i Shukurovka deb ataladi-gan bo'ldi.

Zilmat Hasanov bir o'zi 80 fashistga qarshi jang qilib, tadan ortig'ini qirib tashladi, patronlari tugagach,

qaltis paytda o'zini ham, dushmanlarni ham portlatib yubordi. O'zbek qizi, shifokor-jarroh Muqaddam Ashrapova namunali xizmati uchun 1-gvardiyachi armiya jangchilarining mehr va hurmatiga sazovor bo'ldi. Pragagacha bo'lgan jangovor yo'lni bosib o'tdi. Ko'rsat-gan jangovor jasoratlari uchun hukumat ordeni va bir necha medallar bilan taqdirlandi. Muqaddam Ashrapova urushdan keyin Toshkent Tibbiyot institutida ishlab, tib-biyot fanlari doktori, professor darajasiga erishdi, o'z hayotini fanga va tibbiyot xodimlari tayyorlashga baxshi-da etdi.

Kurskda porloq g'alabaga erishilgach, qizil armiya-ning 2000 km uzunlikdagi frontlarda qudratli strategik hujumi boshlanib ketdi. Shimoliy Don, Desna, Soj daryolari kabi suv to'siqlari ham, dushmanning kuchli mudofaa pozitsiyalari ham qo'shinlarimizni to'xtatib qololmadi. Dushmanning Dnepr daryosining o'ng qirg'og'ida mahkam o'rnashib olishdan iborat rejasini sindirish maqsadida jangchilarimiz zudlik bilan Dneprni kechib o'tishni boshladi. Toshkent viloyatida

tuzilgan 441-o'qchi diviziya jasorat ko'rsatdi. Leytenant Ozerov otryadi daryoni kechib o'tib Dnepr va Soji daryolarining burilish joyidagi g'arbiy sohilning kichik bir istehkomini egalladi. Fashistlar o'q yog'dirib, ularni yo'q qilib tash-lashga intildilar. Tirik qolgan 10 tacha jangchi rota komandiri Jo'raxon Usmonov yetakchiligida madad yetib kelguncha ikki kecha-kunduz davomida marram egallab turdi. Bo'hnmaning barcha jangchilari yuksak mukofotlarga sazovor bo'ldi, Jo'raxon Usmonov Qahramon unvoni bilan taqdirlandi. Dneprni birinchi bo'lib kechib o'tganlar orasida G'ijduvon tumanidagi Navzakaron qishlog'idan chiqqan starshina Vali Nabiyeu, andijonlik Qambarali Do'smatov, qoraqalpoq Xudoybergan Shoniyoov, shofirkonlik Xalloq Aminov, romitanlik Sharif Ergashev, Buxorodan chiqqan T. A. Tixonov va boshqalar bor edi.

Dneprni kechib o'tishda, uning o'ng qirg'og'idagi isteh'komlarni egallashda ko'rsatgan jasorati uchun jami, 2348 jangchiga, jumladan, 26 o'zbek yigitlariga Qahramon unvoni berildi.

Kurskdagi g'alaba va dushmanning Dneprdan ulog-tirib tashlanishi natijasida jahon urushining borishida tub burilish yasaldi, harbiy strategik tashabbus dushmandan batamom tortib olindi. Stalingraddagi g'alaba Gitler Germaruyasining yengilishi muqarrarligini ko'rsatgan bo'lsa, Kursk va Dneprdagi g'alaba nemis-fashist qo'shinlarini halokatga mahkum etdi.

O'zbekistonlik jangchilar Leningrad qamalini yo'q qilish, Ukraina, Belorussiya, Moldaviya va Boltiqbo'yi respublikalarini dushmandan ozod qilish uchun bo'lgan janglarda qahramonlik namunalarini ko'rsatdilar. 1944 yil kuz oylariga kelganda dushman mamlakatdan butun-lay haydab chiqarildi, SSSR chegaralari tiklandi.

O'zbekistonlik partizanlar Dushmanni tor-mor etishda

partizanlar harakatimng roll va o'rni katta bo'ldi. Urushning dushman ustunlik qilgan dastlabki davrida butun-butun harbiy qismlar dushman qurshovida qolib ketdi, ko'plab askar va zobitlar noiloj-likdan asirga tushib qoldilar. Asirlarning soni 5 mln. kishidan ortiqroq bo'lib, ular orasida minglab o'zbe-kistonliklar ham bor edi. Asirga olinganlar orasida komissarlar, kommunistlar birinchilar qatorida surushtirib o'tirilmasdan otib tashlanar edi. Qolganlari harbiy lagerga tashlanardi, ularga qattiq

azob berilar, sovuqda och-yalong'och saqlanar edi. Dastlabki paytlar-da fashistlar harbiy asirlarni ortiqcha yuk, keraksiz xo'randa deb o'ldirib yuborishar edi. Keyinchalik urush dushman o'ylaganchalik bo'lib chiqmagach, harbiy asir-lardan tekin ishchi kuchi sifatida foydalana boshladi.

Dushman bosib olgan shahar va tumanlar aholisi Germaniyaga haydab ketildi. Ba'zi joylarda mehnatga layoqatli bo'lgan fuqarolarni o'z ixtiyori bilan Germaniyaga ishga yollab olib ketishga ham urindilar.

Germaniyaga olib ketilgan sovet fuqarolari soni 4 mln. dan ortiq edi. Harbiy asirlar, haydab ketilgan fuqarolar Osvensim, Mautxauzen, Buxinvald va boshqa o'nlab o'lim lagerlarida saqlanadi, xo'rlanadi va ko'plari halok qilinadi.

Dushman ishg'ol qilgan tumanlar aholisining dushman qamalidan chiqib olgan qismi yoki harbiy asirlikdan qochgan jangchilar tog'larga, o'rmonlarga ' yashirinib, partizancha kurashga o'tdilar. Partizanlar harakati

Markaziy shtabi tayyorlab yuborgan harbiy mutaxassis-lar, razvedkachilar partizanlar orasiga borib, ularni yirik-yirik otryadlarga birlashtirib, uyushgan holda dushman-ga qarshi kurashdilar. Dushman qurshovidan chiqib olgan o'zbekistonlik jangchilar ham Rossiyaning g'arbi, Ukraina, Belorussiya, Moldaviya respublikalarida parti-zan qo'shinlarida ishtirok etdilar.

«Chekist» partizan otryadining razvedkachisi, qo'rqmas partizan Mamadali Topiboldiyevning nomi Belorussiyada mashhur bo'ldi. U dushmanning 67 askar va zobitini yo'q qilib, 180 tasini asirga oldi. Dovrug'i butun partizanlar o'lkasiga yoyilgan M. Topiboldiyev ko'rsatgan jasorati uchun Qahramonlik unvoniga sazovor bo'ldi. Belorussiyaning Pisarevo qishlog'i o'zbek xalqining jasur o'g'loni nomiga Topiboldiyevka deb ataladi.

Gomel atrofidagi «Temir yo'l urushi»da ishtirok etgan Jonibek Otaboyev, Bryansk atrofida dushmanga to'satdan zarba bergan I. Musayev, A. Hakimov, I. Qosimov va boshqalarning nomlari urush solnomasidan o'chmas o'rin oldi. Ukrainada dushmanga qiron keltir-gan S. A. Kovpak, A. N. Soburov, A. F. Fedorov, M. I. Naumovlarning partizan qo'shinlari saflarida yuzlab o'zbekistonlik qasoskorlar ham

qatnashdilar. Ular dushman qismlariga to'satdan hujum qilar, ko'priklar ya temir yo'llarni portlatib dushmanni sarosimaga solardi-lar.

O'zbekistonlik jangchilar

yJSSSSS^ Yevropa xalqlarini ozod

etishda faol qatnashdilar. Birinchi o'zbek generali, 57-gvardiyachi diviziyaning qo'mondoni Sobir Rahimov Polshada shonli xotira qoldirdi. Uning diviziyasi Kavkazdan Sharqiy Prussiyagacha bo'Igan masofani qattiq janglar bilan bosib o'tdi. Ko'rsatgan harbiy mahorati uchun ko'p martalab hukumat ordenlari va medallar bilan taqdirlandi. 1943-yil martida unga general-mayor unvoni berildi.

1943-yil mayidan 1944-yil apreligacha muddatda Sobir Rahimov Moskvadagi Oliy harbiy akademiyada ta'lim oldi. U akademiyaning tamomlab, avval Belorussiyani ozod etishda, so'ngra Polshaning Grudzyandz, Gnev, Starograd, Dzyaddovo shaharlarini

<^od etish uchun bo'Igan janglarda sarkardalarga xos harbiy san'atni namoyish etdi.

1945-yil 26-martda Gdansk shahrini ozod etish uchun bo'Igan jangda general Sobir Rahimov halok bo'ldi. Sobir Rahimovga o'limidan so'ng Qahramon unvoni berildi. Polsha xalqi o'zbek xalqi kabi general Sobir Rahimov nomini e'zozlab kelmoqda. Gdansk shahridagi ko'chalar, maktablarga Sobir Rahimov nomi berilgan.



O'zbekistonliklar Yevropa mamlakatlarida avj olgan qarshilik ko'rsatish harakatida ham faol qatnashdilar. Ular dushmanning maxsus lagerlaridan qochib Chexoslovakiya, Polsha, Yugoslaviya, Gretsiya, Fran-siyadagi Qarshilik harakatiga

qo'shilib jang qildilar. Samarqandlik G. G. Bulatov otryadi Polshada o'nlab ko'priklarni, temir yo'llarni portlatdi, dushmanning harbiy qismlari va jangovor texnikasi orilgan eshelonlarni ag'dardi. 1944-yil o'rtalarida Slovakiyada fashistlarga qarshi ko'tarilgan milliy qo'zg'olonda o'zbekistonliklar-dan partizan otryadi komandiri V. F. Melnikov, R. Allamov, A. Narzullayev, R. Hamroyevlar ishtirok etdi. Yugoslaviyada ko'rsatgan jasorati uchun farg'onalik Uksanboy Xolmatov 3 mar-ta Yugoslaviyaning muko-fotlariga sazovor bo'ldi.

Fransiyada 37 millat va elatlarga mansub 2200 sovet harbiy asirlaridan tuzilgan partizanlar polki A. A. Kozaryan qo'mondonligida fransuz partizanlari bilan birgalikda jang qilib, Ales, Vilfor, Sen-Sheli shaharlarini, Gar va Lozer departa-mentining qishloqlarini fashistlardan ozod qildilar. Bu janglarda samarqandlik Abdulla Rahmatov, Bulun-g'ur tumanidan Sariboy Shomurodov, toshkentliklar Rahmon Rahimov, Nasib

Arnirov va boshqalar faol Birinchi o'zbek generali qatnashdilar. Sobir Rahimov.

Fransiyaning janubini ozod etishda ko'rsatgan jasorati uchun qo'qonlik Hoshim Ismoilov, toshkentlik Tojiboy Ziyayev Fransiyaning Janna d'Ark kresti ordeni bilan mukofotlandi.

Italiyaning Karraro shahri konlarida ishlatish uchun olib borilgan harbiy asirlar orasida andijonliklar Turg'un Qo'chqorov va Ahmad Mamajonovlar italiyalik parti-zanlar bilan aloqa bogiab toqqa qochadi. Ular Garibaldiyachi partizanlar otryadiga qo'shilib dushman qurol-aslaha omborxonalarini portlatishda, yoilarda dushman kolonnalarini yo'q qilishda, ko'priklar va eshe-lonlarni portlatishda faol qatnashadilar.

O'zbekistonliklarning Qarshilik ko'rsatish harakatidagi ishtiroki Yevropa xalqlarini fashistlar asoratidan xalos qilish harakatiga qo'shgan muhim hissa bo'ldi.

«Turkiston iegioni» Dushman o'ta makkor edi. Harbiy asirlar o'rtasida millatlarni bir-biriga qarshi gij-gijlash, kehb chiqishi nemis-lardan bo'lgan sovet fuqarolarini qulayliklar yaratish eva-ziga o'ziga xizmatkorlikka olish, sovet hokimiyatiga nis-batan norozilik kayfiyatida bo'lgan ayrim musulmon etnik guruhlaridan foydalanish kabi siyosiy yo'llardan foydalanishga urinib ko'rди. Rozi bo'lmaganlarni ochlik va o'lim bilan qo'rqitar edi. Bu xildagi usullar harbiy asirlarga ko'proq ishlatilardi. Fashistlar harbiy asirlardan «Rus ozodlik armiyasi», «Turkiston legioni», «Volga — Ural legioni» kabi harbiy qo'shilmalar tuzishdi, ulardan partizanlarga qarshi kurashda foydalandilar ham. Chet el manbalarida o'z vatanining dushmanlari bilan «hamkor-lik» yo'liga kirganlar soni oz emas, ko'p emas, qariyb 1 mln. kishiga yetganligi ko'rsatiladi. Bunga Stalinning asirlikka tushib qolganlarni vatan xoinlari deb hisobla-gani ham o'z ta'sirini ko'rsatgan bo'lishi ehtimoldan xoli emasdir. Haqiqatda ham, ko'pgina harbiy askarlar bun-day legionlarga majburan kiritilgan edi. Ular yashirin guruhlar tuzib partizanlar bilan aloqa bog'lash yo'lini qidirganlar. Masalan, 1944-yil yanvarida gitlerchilar «Turkiston legioni» otryadini Chernogoriyada yugoslaviyalik partizanlarga qarshi jangga soladi. Otryadlarning birida 28 o'zbek yigitlari — S. Fayziyev,

i A. Ahmedov, Z. U. Husanov va boshqalar bor edi. Zobit ; S. Fayziyev mahalliy aholi bilan aloqa bog'laydi va uning ko'rsatmasi bilan legionchilar fashist komandirlarini otib tashlab, qurol-aslahalari bilan toqqa, partizanlar tomoni-ga yuradi. 1944-yil 25-may kuni 28 o'zbekistonlik legionchilar Yugoslaviyada harakat qilayotgan bolgar askarlari bataloniga qo'shilib ketadi. Ular orasida jang qilgan toshkentlik Z. U. Husanovning taqdiri hayrato-muzdir. U 1941-yilda Smolenskda yarador bo'ladi, tuza-lib safga qaytadi va 1943-yil 5-iyulda 228-o'qchi polki safida qahramonlarcha jang qilib, og'ir yaralanadi. Quroldoshlari uni halok bo'ldi deb hisoblashadi, uyiga bu haqda xabar yo'llashadi. Unga Qahramon unvoni beriladi. Ammo jangchi o'lmay qoladi, dushman uni og'ir yarador holda asirga oladi, keyin «Turkiston legioni»ga kiritadi. Ziyamat Husanov o'rtoqlari bilan partizanlar tomoniga o'tadi. Priepol shahrida fashistlarga qarshi mardona jang qilib, ko'plarni yer tishlatadi,

o'zi ham og'ir yarador bo'ladi, bir mahalliy ayol jangchini o'ziga keltiradi. Italiyadagi harbiy kasalxonaga joy-lashtirishadi. U to'rt mafia operatsiyani boshidan kechi-radi, sog'aygach o'z yurtiga keladi. U keyinroq Qahramon unvoniga sazovor bo'lganligidan xabar topadi.

Biroq omon qolgan harbiy asirlarning taqdiri ham og'ir kechadi. Ular o'z Vataniga qaytib kelgach, gumon ostida bo'ldilar, ishga joylashishda, uy-joyli bo'lishda qiynaldilar. Ayrimiari yana lagerlarga, endi sovetlar hukumatining lagerlariga tushib qoladilar. Bunday hollar Stalin va uning atrofida-gilar yaratgan ishonchsizlik va gumonsirash vaziyatining oqibati edi.

0«zbekiston.ik.aming ,UrUsh ?'Z™% S^nggl Pal"

uhMimhg so'nggi pal- lasi8a kirdl- Berlin uchun

lasidagi jasoratiari qattiq janglar bo'ldi. Urush

Qahramonlari Botir Bobo-yev, Tojiah Boboyev, Solih Umarov, «Shuhrat» ordeni-ning to'liq kavalerlari Abdulla To'qmoqov va Said Niyazovlar Berlinni zabt etishda qahramonlarcha jang qildilar.

'■■■ /Berlinni olganligi uchun medal bilan o'zbekistonlik

janfgchilardan 1706 kishi taqdirlandi. Fashistlar

iJQefrmaniyasi tor-mor etildi. Germaniya ustidan g'alaba

qozonilganligi uchun medali bilan 109208 o'zbekistonlik

: ^ngchi taqdirlandi.

O'zbekistonlik jangchilar Yaponiyaga qarshi urushda ham qatnashdilar. Ular 22-, 79-, 275-, 388-, 221-diviziya va boshqa harbiy qismlarning tarkibida jang qildilar. Seysin port shahrini egallashda 335-o'qchi diviziyasi ba-taloni tarkibida leytenant Fozil Karimov, razvedkachi Vali Sulaymonovlaralohidajasorat ko'rsatdilar. Dushman sohiliga tushirilgan desantchilar orasida pulemyotchi Nishon Bozorov chaqqonlik bilan jang qilib, yaponlarning 10 ta askari va 2 ta zobitini yer tishlatadi. U jangovar medal bilan mukofotlanadi. Shuningdek, leytenant A. A. Karimov, o'qchi vzvod komandiri kichik leytenant U. Doniyorov, pulemyotchilar qismi komandiri S. Qo'chqorov va boshqalar ham dushmanga qaqshatqich zarba beradilar. Shimoli-Sharqiy Xitoy va Koreyani egal-lab turgan bir millionlik Kvantun armiyasi tor-mor

qilina-di. Janubiy Saxalin, Kurill orollari yapon qo'shinlaridan ozod qilinadi. Yaponiya tor-mor etiladi.

O'zbekistonliklarning urushda ko'rsatgan mardhgi va jasorati yuqori baholandi.

120 ming o'zbekistonlik jangchilar, jumladan, 70 ming I o'zbek yigit va qizlari orden va medallar bilan mukofotlan-di. 300 ga yaqin askar va komandirlar Qahramon unvoni-ga sazovor bo'lishdi, ularning 75 nafari o'zbeklardir. 32 nafar o'zbekistonlik jangchi uchala darajadagi Shuhrat ordeni bilan mukofotlandi.

6 yil davom etgan, butun insoniyat boshiga og'ir kul-fatlar solgan Ikkinchi jahon urushi tamom bo'ldi. Urush insoniyatga qimmatga tushdi, 50 milliondan ortiqroq kishi halok bo'ldi, 90 milliondan ortiq kishi yarador va mayib bo'lib qoldi, moddiy talofatlar qimmati 4 trillion dollardan oshib ketdi. Urush Yevropa, Afrika, Osiyo va Okeaniyada turli frontlarda bo'ldi. Fashizmni tor-mor etishda ko'p mamlakatlar qatnashdi. Biroq urushning asosiy og'irlik markazi SSSR xalqlari zimmasiga tushdi. 27 milhonga yaqin kishi urush alangasida halok bo'ldi, 18 milliondan ortiqroq jangchilar yarador va nogiron bo'lib qoldilar.

O'zbekistondan urushga safarbar etilganlardan I 263005 kishi halok bo'ldi, 132670 kishi bedarak yo'qoldi, 60452 kishi nogiron bo'lib qaytdi. Bu mashhum urush tufayli eng kamida to'rt yuz ming oila bevosita ayriliq azo-biga duchor bo'lgan. Agar qarindosh-urug'larni hisoblasak, butun mamlakat aholisi motam libosini kiygan.

Urushga bormaganlarga ham oson bo'lmadi. Yuz minglab vatandoshlarimiz mehnat frontida zahmat chekdilar, o'zi yemasdan, o'zi kiymasdan topgan nasi-basini frontga jo'natib azob-uqubatlar tortdi.

Ikkinchi jahon urushiga qanday qaralmasin, bu urush qaysi g'oya ostida va kimning izmi bilan olib borilgan bo'lmasin, o'z vatani, el-yurtining yorug' kelajagi, beg'ubor osmoni uchun jang maydonlarida halok bo'lgan-larni, o'z umrlarini bevaqt xazon qilgan insonlarni doimo yodda saqlaymiz.

I. A. Karimov. Vatan sajdagoh kabi muqaddasdir. T. Z.: O'zbekiston, 1996, 81-bet.

Fashizm ustidan qozonilgan g'alabaning olamshumul tarixiy ahamiyati shundaki, u dunyodagi ko'plab xalqlarni zo'ravonlikdan, qullikdan, zulmdan ozod

etdi, erkin, demokratik rivojlanish uchun, iqtisodiy va ma'-naviy taraqqiyot uchun yo'l ochib berdi. O'zbek xalqi fashizmni tor-mor etishga, olamshumul ahamiyatga molik g'alabaga, ulkan hissa qo'shdi. Ikkinchi jahon urushi butun insoniyatga katta saboq bo'ldi. Eng muhim saboq shundan iborat bo'ldiki, urush boshlanmasdan oldin unga qarshi kurashmoq, uning oldini ohsh tadbir-larini ko'rmoq zarur. Shu maqsadda jahondagi ko'pchilik mamlakatlar Birlashgan Millatlar Tashkilotini (1945-yil) tuzdilar. J. J. jajoaro „, tasHk'i/atman'sky1 nr i dspuo-: likadagi mashinasozlik zavodlari qurol-aslaha va boshqa harbiy mahsulotlar ishlab chiqarishdan qishloq xo'jalik mashinalari ishlab chiqarishga moslab qayta jihozlandi? «Tashselmash», «Uzbekselmash», «Krasniy dvigatel», «Pod'yomnik» va boshqa mashinasozlik zavodlari pax-tachilik hamda irrigatsiya qurilishi uchun mashinalar, tirkama uskunalar, kultivatorlar, o'g'itlagichlar, chigit seyalkalari, g'o'zapoya yuluvchi, ko'rak teruvchi mashinalar, ekskavatorlar, buldozerlar ishlab chiqarishga moslashtirildi. Kimyo sanoati korxonalari mineral o'g'itlar ishlab chiqarishga moslab qayta qurildi. Yengil va oziq-ovqat sanoati xalq iste'mol buyumlari ishlab chiqarishni kengaytirdi. Urush yillarida boshlangan yirik inshootlar, jumladan, Farhod GESi, O'zbek metal-lurgiya kombinatining yangi korxonalari va qurilishi davom etdi.

1946-yil 18-mart kuni SSSR Oliy Kengashi

qo'yishdek ulug'vor insoniy ishlar yoshlarni Vatanga muhabbat ruhida tarbiyalashda, mustaqil O'zbekiston-ning milliy xavfsizligini mustahkamlashda katta ahamiyatga egadir.

Savol va topshiriqlar

Urushning dastlabki kunlarida fashist bosqinchilariga qarshi janglarda o'zbekistonlik jangchilar ko'rsatgan jasorat haqida so'zlab bering.

O'zbekistonlik jangchilar Moskva uchun janglarda qanday jasorat ko'rsatganlar?

Zebo G'aniyeva jasoratini bilasizmi?

Urushda tub burilish yasashga o'zbekistonlik jangchilar qanday hissa qo'shdilar?

O'zbekistonlik partizanlardan kimlarni bilasiz? Ularning jasorati haqida so'zlab bering.

6. Yevropa mamlakatlarini fashizm asoratidan xalos etishga o'zbekistonlik jangchilar qanday hissa qo'shdilar?

Sobir Rahimov general unvonini qachon olgan, uning jasoratini bilasizmi?

«Turkiston legioni» nima, nima uchun u barbod bo'ldi?

Urush O'zbekiston xalqi boshiga qanday kulfatlar keltirdi?

«Xotira va Qadrlash» kuni haqida nimalarni bilasiz?

O'zingiz yashayotgan shahar, tumandagi urush qat-nashchilari, ularning jasoratlari haqida referat yozing.

17-MAVZU: URUSHDAN KEYINGI YILLARDA O'ZBEKISTON XALQ XO'JALIGINING TIKLANISHI. MA'MURIYATCHILIKNING KUCHAYISHI.

Reja:

- 1. Urushdan keyingi yillarda O'zbekiston xalq xo'jaligining tiklanishi.**
- 2. Ma'muriyatchilikning kuchayishi.**
- 3. Ziyolilarni qatag'on qilishning yangi bosqichi.**

Sovet davlati dasturlarida asosiy mablag'lar va vosita-lar g'arbiy hududlarga yo'naltirilgan bo'lib, ^Sharqdagi hududlar, jumladan, O'zbekiston o'z mablag'larigagina tayana olardL Buning ustiga yuqoridan tiqishtirilgan baynalmilallik tamoyiliga ko'ra ^O'zbekiston xo'jalikni tiklashdagi, aholini oziq-ovqat va iste'mol mollari bilan ta'minlashdagi tanqisliklarga, malakali ishchi va mutaxassislar yetishmasligiga qaramay, g'arbiy viloyatlarga har jihatdan yordam berishga majbur qilinardv. O'zbekiston aloqachilari Dnepropetrovsk viloyatiga 300 mutaxassis, Toshkent temir yo'lchilari g'arbdagi temir yo'llarda ishlash uchun 230 kishi yubordilar. O'zbekiston, Qozog'iston, Turkmaniston respublikalari, Rossiyaning sharqiy viloyatlari, Chuvashiston, Tatariston va Boshqirdiston avtonom respublikalari, Ukrainaga 5000 traktor, 300 avtomashina, 500 traktor, plug va ko'p miqdorda boshqa qishloq xo'jalik mashinalari yetkazib berdilar. Donbass shaxtalarini qayta tiklashga O'zbekiston nasoslar, kompressorlar, ko'targich kranlar, elek-tr kabellari va boshqa uskunalar yubordi. /Markazning O'zbekistonni asosiy paxta bazasi sifatida qoldirishdan iborat yo'li qat'iy edi/^hu bois urushdan keyin respublikadagi mashinasozlik zavodlari qurol-aslaha va boshqa harbiy mahsulotlar ishlab chiqarishdan qishloq xo'jalik mashinalari ishlab chiqarishga moslab qayta jihozlanch/T «Tashselmash», «Uzbekselmash», «Krasniy dvigatel», «Pod'yomnik» va boshqa mashinasozlik zavodlari pax-tachilik hamda irrigatsiya qurilishi uchun mashinalar, tirkama uskunalar, kultivatorlar, o'g'itlagichlar, chigit seyalkalari, g'o'zapoya >oiluvchi, ko'rak teruvchi mashinalar, ekskvatorlar, buldozerlar ishlab chiqarishga moslashtirildi. Kimyo sanoati korxonalari mineral o'g'itlar ishlab chiqarishga moslab qayta qurildi. Yengil va oziq-ovqat sanoati xalq iste'mol

buyumlari ishlab chiqarishni kengaytirdi. Urush yillarida boshlangan yirik inshootlar, jumladan, Farhod GESi, O'zbek metal-lurgiya kombinatining yangi korxonalari va qurilishi davom etdi.

1946-yil 18-mart kuni SSSR Oliy Kengashi tomonidan «SSSR xalq xo'jaligini tiklash va yanada rivoj-lantirishning 1946—1950-yillarga mo'ljallangan rejasi haqida qonun» qabul qilindi. Rejada vayron bo'lgan xo'jalikni tiklash, sanoat va qishloq xo'jalik mahsulotlari ishlab chiqarishni urushdan oldingi darajaga yetkazish va yanada oshirishga erishish vazifasi ilgari surildi.

O'zbekiston rahbariyati Markaz tomonidan real imkoniyatlardan kelib chiqmagan, texnika vositalari va moliyaviy resurslar tanqisligiga qaramay oshirib belgilan-gan ko'rsatkichlarni e'tirof etishga majbur bo'ldi va respublikada amalga oshiriladigan tadbirlarni belgilab chiqdi. Bu vazifalar respublika Oliy Kengashining 1946-yil avgustida tasdiqlangan «O'zbekiston SSR xalq xo'jaligini tiklash va rivojlantirishning 1946—1950-yillarga mo'ljallangan 5 yillik rejalari to'g'risidagi qonun»da o'z ifodasini topgan. Rejada respublikada sanoat mahsulotlarini 52 foizga ko'paytirish ko'zda tutilgan edi. Paxtachilikni, xususan, paxta yig'im terimini kompleks mexanizatsiyalashni tugallash kabi noreal vazifalar qo'yilgan edi. O'zini hamma narsalarni qilishga qodir deb hisoblovchi partokratiyaning kabinetlarida o'tirib belgilangan bu ko'rsatkichlarga erishib bo'lmasligi ko'rinib turardi, amalda ham shunday bo'ldi, rejalar bajarilmay qoldi.

O'zbekistonliklar xo'jalikni tiklash va yanada rivoj-lantirish yo'lida astoydil mehnat qildilarj 1946—1950-yillarda 150 dan ortiq yangi sanoat korxonalari qurilib ishga tushirildi. Quwatiga ko'ra SSSRda uchinchi o'rinda turuvchi Farhod GESining birinchi va ikkinchi navbatlari qurilib ishga tushirildi. 1-Oqqovoq, 1-Bo'zsuv, 2-Bo'zsuv va boshqa gidroelektr stansiyalar qurildi. 1945-yilda 1187 mln. kilovatt/soat elektro-energiyasi ishlab chiqarilgan bo'lsa, 1950-yilda 2681 mln. kilovatt/soatga yetdi. Qora metallurgiya sanoati rivojlandi. O'zbek metallurgiya kombinatining «300» prokat stani va yupqa listli «700» prokat stani qurildi, marten va prokat sexlari loyihadagi ishlab chiqarish quv-vatiga yetdi. Kombinatda issiqlik elektr markazi ishga tushirildi. Kombinat 1950-yilda 119 ming tonna poiat ishlab chiqardi va

O'zbekiston hamda boshqa respub-likalar sanoati uchun yuqori sifatli po'lat yetkazib be-ruvchi korxona bo'lib qoldi. «Tashselmash», «Uzbek-selmash», «Chirchikselmash» Samarqanddagi «Krasniy

dvigatel* va boshqa zavodlar paxtachilik bilan bog'liq mashinalar ishlab chiqarishni kengaytirdilar. 1950-yilda 4803 ta chigit seyalkalari, 7784 traktor kultivatorlari tayyorlandi. 1940-yilda 5 ta dastlabki paxta terish mashinasi SX—40 ishlab chiqilgan bo'lsa, 1950-yilda esa 4641 ta SX—40 ishlab chiqarishga erishildi. Paxta tozalovchi mashinalar ishlab chiqarish 1946-yilda 363 tani tashkil etgan bo'lsa, 1950-yilda 1251 taga yetdi.

Yoqilg'i sanoati tiklandi va rivojlandi. Farg'ona vodiysida Moyli va Shahrixon, Surxondaryo viloyatida Kokaydi va Lalmikor neft konlari ochilib foydalanishga topshirildi. Oltiariq neft haydash zavodi kengaytirildi. Neft ishlab chiqarish 1950-yilda 1,3 mln. tonnadan oshdi. Polvontosh — Asaka gaz quvuri qurildi, gaz ishlab chiqarish ortib bordi va 1950-yilda 52 mln. kubometrni tashkil etdi.

Yengil sanoat o'sib bordi. Farg'ona va Qo'qonda yangi to'qimachilik kombinatlari, Toshkentda trikotaj fabrikasi, Buxoro, Samarqand va Namanganda ip yigirish fabrikalari qurilib ishga tushirildi. 1941-yilda 107 mln. metr ip gazlama ishlab chiqarilgan bo'lsa 1945-yilda 85 mln. metr, 1950-yilda 161 mln. metr ip gazlama tayyorlandi. 1950-yilda 552 ming ustki kiyim, 8427 ming ichki kiyim, choyshab, yostiqlik kabi trikotaj buyumlari ishlab chiqarildi.

Transport tarmoqlari va yuk tashish ancha kengaydi. O'zbekistonning Xorazm viloyati, Turkmaniston va Qoraqalpog'iston hududlarini bog'lovchi Chorio'y-Qo'ng'iro't temir yo'l magistralining qurilishi muhim ahamiyatga ega bo'ldi.

Toshkentda 29 km uzunlikdagi dastlabki trolleybus yo'li ishga tushirildi. 1950-yilda 2070 km uzunlikdagi temir yo'l, 28,7 ming km uzunlikdagi avtomobil yo'llari, 814 ta pochta, telegraf va telefon korxonalari aholiga xizmat ko'rsatdi.

Sanoat korxonalarini malakali ishchilar va mutaxassislar bilan ta'minlash choralari ko'rildi. Ishchilar tay-yorlash hunar maktablari, fabrika zavod ta'limi tarmoqlari, temir yo'l bilim yurtlari, shuningdek, korxona va muassasalarning o'zlarida tashkil etilgan kurslar orqali amalga oshirildi. Ta'limning ana shu tarmoqlari

orqali 1946— 1950-yillarda 216,7 ming ishchi kadrlar yetishtirildi. Shu yillarda respublika oliy texnika o'quv yurtlari

sanoat, qurilish, transport va aloqa tarmoqlari uchun 2372 muhandis, o'rta maxsus o'quv yurtlari esa 5719 texnik kadrlar tayyorlab chiqardilar.

Respublika dehqonlari qishloq xo'jaligini, ayniqsa paxtachilikni tiklashga va rivojlantirishga katta kuch sarfladilar. Bu sohadagi majburiy ko'rsatmalar SSSR XKS va VKP(b) MQning 1945-yil 15-iyuldagi «O'zbe-kistonda paxtachilikni qayta tiklash va yanada rivojlan-tirish choralari to'g'risida»gi va SSSR XKSning 1946-yil 2-fevraldagi «1946—1953-yillarda O'zbekistonda paxtachilikni qayta tiklash va yanada yuksaltirish rejasi va tadbirlari to'g'risida»gi ketma-ket qabul qilingan qaror-larida belgilab berilgan edi. Tub aholi manfaatlariga mos bo'lmagan, paxta monokulturasini yanada kuchaytirish-ga qaratilgan bu qarorlarni O'zbekiston Kompartiyasi MQning 1945-yil sentabrida bo'lgan XIII plenumi muhokama qilib, Markaz ko'rsatmalarini o'ziga das-turulamal deb hisobladi va ularni bajarish yuzasidan tad-birlar ishlab chiqildi. Qishloq xo'jaligida paxta ekiladigan maydonlarni yildan-yilga ko'paytirish asosiy vazifa bo'lib qoldi. Paxta va beda almashlab ekish uchun ajratiladigan sug'oriladigan maydonlarni 1945-yildagi 947 ming gek-tardan 1947-yilda 1287 ming gektarga, 1953-yilda 1500 ming gektarga yetkazish belgilangan edi. Ayni paytda g'alla, qand lavlagi, poliz va sabzavot ekiladigan may-donlar qisqarib bordi.

O'zbekiston xalq xo'jaligini rivojlantirish uchun mablag'larning katta qismi paxtachilikka ajratildi va uning bilan bog'liq bo'lgan tarmoqlarga sarflandi. Respublika traktor parki ancha ko'paydi, kolxozlarga texnik xizmatni ko'rsatuvchi MTSlar soni 245 taga yetdi, ulardagi traktorlar soni 1950-yilda 29,5 mingtani, paxta terish mashinalari soni 3617 tani tashkil etdi. Respublika qishloq xo'jaligining yuk avtomobillar parki 1950-yilda 7934 ta yuk avtomobillari va avtotsister-nalarni tashkil etdi.

1949-yil 4-fevral kuni paxtaga davlat tayyorlov bahosini oshirish haqida hukumat qarori e'lon qilindi. Ilgari 1 tonna paxta xom ashyosiga 1047 so'm to'langan bo'lsa, 1949-yildan boshlab 2200 so'mga ko'tarildi, ya'ni 1 tonna paxta xom ashyosi 3 tonna bug'doyga teng-lashtirildi. Paxtakorlar mehnati juda ham past baholanib qolaverdi, 1 tonna paxta yetishtirish uchun 1 tonna

bug'doy yetishtirishga nisbatan 10—15 marta ko'p mehnat sarflash talab qilinardi.

1950-yil avgustida bo'lgan O'zbekiston Kompartiyasi MQning VI plenumi qarorlari asosida kolxozlar yirik-lashtirildi. O'zbekiston SSRdagi 1777 ta mayda kolxoz o'rniga 1950-yil avgustida 752 ta yirik kolxoz vujudga keldi.

Sovxozlar, kolxozlar, MTSlarni rahbar xodimlar va mutaxassislar bilan mustahkamlash choralari ko'rildi. 1947-yilda Toshkentda va Samarqandda ochilgan ikki yillik kurslar kolxoz raislari va brigadirlarni tayyorlab berib turdi. Samarqand qishloq xo'jaligi institutida MTS direktorlari va tuman qishloq xo'jalik bo'limlari mudirlarining malakasini oshirish 1 yillik kurslari ishlab turdi. Toshkent Irrigatsiya va qishloq xo'jaligini mexanizat-siyalash muhandislari instituti qoshida MTSlarning katta mexaniklari malakasini oshirish bir yillik kurslari ochil-di. 1947-yilning kuzida Toshkentda agronomlar tayyor-laydigan uch yillik maktab tashkil etildi. Bu o'quv tarmoqlari, shuningdek, qishloq xo'jalik oliy va o'rta maxsus o'quv yurtlari, kolxoz, sovxoz, MTSlarni malakali rahbar va mutaxassislar bilan ta'minlashda ijobiy rol o'ynadi. MTS direktorlari orasida oliy va o'rta ma'lumotlilari 1944-yilda 36 foizni tashkil etgan bo'lsa, 1949-yilda 57,9 foizga yetdi.

1949-yil yanvarida bo'lgan respublika komsomolining XII s'ezdi 20 ming komsomol a'zosini Mirzacho'lda doimiy ishlash va yashash uchun safarbar etishga qaror qildi. 1949-yil 15-martgacha Sirdaryo, Mirzacho'l, Bekobod, Bo'ka tumanlariga 14,5 ming kishi, shulardan 10,5 ming komsomol a'zosi doimiy ishlash uchun keldi.

1949-yilda viloyat, shahar, tuman komsomol faolla-ridan bir ming kishi qoloq kolxozlarga rahbarlik lavo-zimlariga — rais, brigadir va zveno boshliqlari bo'lib ishlash uchun yuborildi. Amaiga oshirilgan tadbirlar ijobiy natija bera boshladi. Paxta hosildorligi birmuncha oshdi. 1940-yilda gektaridan 14,9 s, 1945-yilda 10,9 s paxta olingan bo'lsa, 1950-yilda respublika paxtakorlari 2282,4 ming tonna paxta xom ashyosi yetishtirdilar, hosildorlik gektariga 20,1 s ga yetdi. Qishloq xo'jaligining boshqa tarmoqlarini tiklash tadbirlari ham amaiga oshirildi. Respublika chorvachiligida murakkab vaziyat vujudga kelgan edi. Urush yillarida chorva mollari 1 mln. bosh-

dan ziyodroqqa kamaygan edi. Chorvachi bo'lmagan kolxozlarga jamoat chorvasini vujudga keltirishga yor-damlashildi. Sigir, qo'y, echkilar soni birmuncha ko'paytirilgan bo'lsa-da, urushdan oldingi darajaga yet-madi.

Gap-so'zlar ko'p bo'ldi, ammo respublika chor-vachiligida jiddiy o'zgarishlar bo'lmadi, chorvachilik mahsulotlari yetishtirish qoniqarsiz ahvolda qolaverdi. Buning asosiy sabablari chorvachilikda moddiy-texnika bazaning nochorligi, chorva mollari zotini yaxshilash ishlarining yo'lga qo'yilmaganligi, chorvadorlarning o'z mehnatidan moddiy manfaatdor emasligi va boshqalar-dan iborat edi.

Respublika dehqonlari g'aila yetishtirish, bog'dorchi-lik, uzumchilik va sabzavotchilikni rivojlantirish sohasi-da ham ter to'kib mehnat qildilar. Ammo 1950-yilda ham bug'doy, arpa, guruch, kartoshka, sabzavot, poliz mahsulotlari yetishtirish urushdan oldingi darajadan ancha past bo'ldi. Masalan, 1940-yilda 280,1 ming tonna, urush yillarida bundan ham ko'proq bug'doy yetishtirilgan bo'lsa, 1950-yilda atigi 200,7 ming tonna bug'doy tayyorlandi. Buning asosiy sababi bunday mahsulotlarni yetishtirish uchun sug'oriladigan ekin may-donlarining qisqartirilishi, bu sohaga yetarli moliyaviy va texnika vositalarining ajratilmasligi edi.

Urushdan keyingi yillarda maktab yoshidagi barcha bolalarni maktablarga to'la jalb qilish tadbirlari amalga oshirildi. Urush yillarida harbiy muassasalarga berilgan maktab binolari xalq maorifi organlariga qaytarib berildi. Ular qayta ta'mirlanib bolalarga ta'lim-tarbiya berish ishlari yo'lga qo'yildi. 1950-yilda 37 oliy o'quv yurtida 40 ming talaba o'qidi, bu 1940-yilga nisbatan ikki bara-vardan ko'p edi. O'zbekiston Fanlar akademiyasi tar-kibidagi 23 ta ilmiy-tadqiqot muassasalari xo'jalikni tik-lash va yanada rivojlantirishga ko'maklashuvchi ilmiy izlanishlar olib bordilar.

., , . — /Urushdan keyin xalqning

kSSI 9 mamlakatda rahbarlik qilish usullari normal holatga o'tadi, tinch qurilishga moslashtiriladi, ijtimoiy-siyosiy hayot demokratlashtiriladi, degan orzu-niyatlari ro'yobga chiqmadi. Aksincha, iqtisodiyotda, ijtimoiy-siyosiy va ma'naviy hayotda ma'muriyatchilik kuchaydi/

Mamlakatni boshqarish partiyadavlat apparatida rahbarlik lavozimlarini egallagan tor doiradagi xodimlar tomonidan tayyorlanadigan, shaxsan Stalin

imzolaydigan va matbuotda e'lon qiladigan farmon va qarorlar orqali amalga oshiriladigan bo'lib qoldi. Hammani, xususan, joylardagi rahbar bo'g'inlarni nazorat ostiga olgan tota-litar tuzum Kreml'da o'tirganlarga mamlakatni farmon va qarorlar bilan boshqarish imkoniyatini berardi.

/Respublikalarning, jumladan, O'zbekistonning iqtisodiy, ijtimoiy, madaniy sohalardagi muammolarni hal qilish huquqlari yanada cheklanib bordi. Stalinning g'alabani ta'minlashda rus xalqi asosiy rol o'ynadi, degan g'oyasi butun mamlakatni ruslashtirish siyosatiga aylan-di/ Ommaviy axborot vositalari, Kompartiya va komso-mol tashkilotlari ruslarni «katta», «ulug' og'amiz» deb targ'ib qilardi.

iSovet hokimiyatining dastlabki yillaridanoq boshlangan qishloq aholisini yerdan mahrum qilish jarayoni urushdan keyin ham davom etdi/ 1946-yil sentabrda VKP(b) MQ va SSSR hukumatining «Kolxozlarda qishloq xo'jalik ustavining buzilishini tugatish choralari to'g'risida» qarori e'lon qilindi. Qishloq xo'jaligi bilan aloqasi bo'lmagan 1300 ta tashkilotga yordamchi xo'jalik sifatida berib qo'yilgan 6 ming gektar yerni kolxozlarga qaytarish, kolxozlardagi boshqaruv apparati shtatidan 51 ming kishini qisqartirish kabi ijobiy ishlar bilan birga jiddiy xatoliklarga, adolatsizlikka yo'l qo'yildi. Kolxozlar manfaatlarini himoya qilish bayrog'i ostida respublika qishloqlarida istiqomat qilayotgan 50 ming kolxozchi oilasi qo'lidagi tomorqa yerlaridan 25 ming gektari ustavda belgilanganidan «ortiqcha» deb tortib olindi. Kolxoz hududida yashagan, ammo unga a'zo bo'lmagan 20 ming xo'jalikning go'yo «qonunga xilof» ravishda egallagan 2,5 ming gektar yerlari ham tortib olindi. iQishloq aholisini yerdan mahrum etish jarayoni 50-yil-larda ham davom etch) Bu tadbirlar turmushi nochor bo'lgan qishloq aholisining ahvolini yanada og'irlashtir-di. Bunday adolatsizlikka hech kim qarshi chiqa olmadi. Qishloq xo'jalik artelining odamlardan so'ramasdan tuzilgan nizomini o'zgartirishni, nizom qoidalarini qishloq aholisining manfaatlariga moslashtirishni respublika rahbariyati ham, qishloq aholisining o'zi ham arib chiqa olmadi. Negaki, totalitar tuzum hammani

jilovlab olgan edi. Odamlar asoratga solingan, siyosiy mutelikda yashardi.

Ziyolilarni qatag'on qil-yKP(b) MQning 1946-yil 1-iyulning yangi bosqichi fevralda qabul qilingan

«Zvezda» va «Leningrad» jur-nali to'g'risida, «Katta hayot» filmi to'g'risida, V. fMuradelining «Buyuk do'stlik» operasi to'g'risidagi qarorlari ijodkor ziyolilarni qatag'on qilishning yangi to'liqlarini boshlab berdi (Bu qarorlar O'zbekiston Kompartiyasi organlari uchun ko'plab olimlar, adabiyot va san'at xodimlarini qatag'on qilish uchun mafkuraviy asos bo'lib xizmat qildi Ularining ko'pchiligi «o'tmishni ideallashtirishda», «feodal madaniyat oldida qullarcha tiz cho'kishda», «sovet turmush tarzini buzib ko'rsatishda», «millatchilikda» ayblandi.

O'zbekiston Kompartiyasi MQning 1949-yil 25-iyundagi «O'zbekiston yozuvchilar soyuzining ishi to'g'risida»gi qarorida Abdulla Qahhorning «Qo'shchinor chiroqlari» romani tanqid qilindi. Yozuvchilardan Oybek, Mirtemir, Hamid G'ulom, M. Shayxzoda, M. Boboyev, A. Qayumov va boshqa yozuvchilar bad-nom qilindij «Sharq yulduzi», «Zvezda Vostoka» jurnallarining tahririylariga bir qator «yaramas» asarlar chop etishga yoi qo'ygan, degan jiddiy ayblar qo'yildi. U948—1949 yillarda 20 dan ortiq yirik talantli olimlar, yozuvchi va shoirlar qamoqqa olinib, yopiq ravishda so'roq qilinib, millatchilikda ayblanib, 15—25 yilga ozodlikdan mahrum etildi va surgun qilindilan

O'zbekiston Kompartiyasi MQning 1950-yil 1-sentabrda qabul qilgan «O'zbekiston Fanlar akademiyasining ishi to'g'risida»gi qarorida bir qator iqtisod, til va adabiyot sohasidagi olimlar millatchilikda ayblandilar.

O'zbekiston Kompartiyasi MQning 1951-yil 8-apreldagi «O'zbekiston SSRda musiqa san'atining ahvoli va uni yanada rivojlantirish tadbirlari to'g'risida»gi qarorida o'zbek xalqining buyuk shoiri Alisher Navoiyning «Farhod va Shirin», «Layli va Majnun» dos-tonlari, «Tohir va Zuhra», «Alpomish» xalq dostonlari-ning afsonaviy folklor syujetlariga asoslangan opera, balet va musiqali drama spektakllarini yaratish va sah-nalarda ko'rsatish «zararli» ish deb baholandi. Bunday spektakllarni sahnalashtirgan ijodiy xodimlar qattiq tan- qid ostiga olindi. Shuningdek, ko'pgina konsert tashkilotlari va musiqali teatr xodimlari «Eski, arxaik musiqani va juda g'amgin, mungli maqom namu-nalari»ni tarqatganligi uchun qoralandi. Qarorda «O'zbekistonning musiqali san'ati hayotdan orqada qol-moqda, o'zbek xalqini kommunistik ruhda tarbiyalash maqsad va vazifalariga to'la-to'kis xizmat qilmayotir», deb ta'kidlandi.

1951-yil 10-avgustda respublika matbuotida «Ba'zi shoirlarning ijodidagi mafkuraviy buzg'unliklar to'g'risida*» degan maqola e'lon qilindi. Unda Turob Toia, Kamtar Otaboyev, Mirtemir, Sobir Abdulla, Habibiy asarlari kommunistik mafkuraga, xalqlar do'stligiga zid g'oyalarni ilgari suruvchi asarlar sifatida tanqid qilindi, ular millatchilikda ayblandilar.

Shu yil 24-avgustda matbuotda e'lon qilingan «O'zbek sovet adabiyoti vazifalaridan chetda» nomli maqolada Oybek, H. Zaripov, H. Yoqubov, I. Sultonov va boshqa adiblar mafkuraviy og'ishlarda qoralandi. M.Shayxzoda, Shukrullo Yusupov, Said Ahmad, G'ulom Alimov (Shuhrat)lar 1951-yilda «sovetlarga qarshi millatchilik faoliyati»da ayblanib qamoqqa olindi-lar va keyinchalik 25-yilga ozodlikdan mahrum etishga hukm qilindilar.

1952-yil fevralida bo'lib o'tgan O'zbekiston Kompartiyasi MQning X plenumi ilmiy va ijodiy ziyolilarni quvg'in, ta'qib ostiga olishda yana bir turtki bo'ldi. Plenumda «Respublikada mafkuraviy ishlarning ahvoli va uni yaxshilash choralari to'g'risida*» masala muhokama etildi va tegishli qaror qabul qilindi.

Stalin vafotidan keyin butun SSSRda bo'lganidek, O'zbekistonda ham shaxsga sig'inish oqibatlarini tugatish tadbirlari ko'rildi. Qatag'on qilinganlar ishini qaytadan ko'rib chiqishga kirishildi. Ko'pgina jinoiy ishlar to'qib chiqarilgani, minglab odamlar nohaq qamalib, ozodlikdan mahrum etilganligi aniqlandi va ular oqlandi. Abdulla Qodiriy, Cho'lpon, Fitrat va boshqa ko'plab yozuvchi va shoirlar oqlandi. Shukrullo, Shuhrat, Hamid Sulaymon, Maqsud Shayxzoda va boshqa adiblar ham oqlandi. Minglab partiya, sovet, komsomol xodimlari oqlandi. 50-yil-larning boshlarida shubha ostiga olingan, har bir qadami nazorat qilinayotgan 60 dan ortiq yirik olim-lar, adiblar zimmasidan «mihatchi, sovetlarning dush-mani» degan yorliqlar olib tashlandi, tuhmatlardan xalos bo'ldi, hayoti saqlanib qolindi.

Savol va topshiriqlar

Urush insoniyat boshiga qanday kulfatlar keltirdi?

O'zbekistondagi tiklash ishlarining g'arbiy hududlarda-gi tiklash ishlaridan farqlari nimalardan iborat?

Sanoat korxonalari qanday maqsadlarda qayta jihoz-landi?

Chorjo'y-Qo'ng'irot temir yo'li qachon qurildi, uning ahamiyati nimada?

Paxta monokulturasini nima?

Xalq xo'jaligi uchun mutaxassislar tayyorlash masalasi qanday hal etildi?

7. Ma'muriyatchilikning kuchayishi deganda nimalarni tushunasiz?

8. Ziyolilarning qatag'on qilinishi, uning oqibatlari haqida so'zlab bering?

18-MAVZU: 1950-90-YILLARDA O'ZBEKISTON SANOATINING BIR TOMONLAMA RIVOJLANISHI.

Reja:

- 1. Energetika va yoqilg'i sanoati.**
- 2. Metallurgiya sanoati.**
- 3. Mashinasozlik sanoati.**
- 4. Qurilish va yengil sanoat.**
- 5. Oziq-ovqat sanoati, transport, aloqa vositalari.**

50-80-yillarda O'zbekiston

3esanoVaatiy°q ' sanoati ancha rivojlandi, qurilish ishlari kengaydi, yangi sanoat tarmoqlari barpo etildi. Respublika xalq xo'jaligini rivojlantirishda energetika sanoati muhim o'rin tutdi. Shu boisdan, birinchi navbatda, elektr-energiyasi tarmog'i kengaytirildi.

50—80-yillarda 7-Shahrixon GESi, ikkita Namangan GESlari, ikkita Bo'zsuv GESlari, Chorvoq GESi, Xo'jakent GESi qurilib ishga tushirildi. O'zbek va tojik qardosh xalqlari birgalikda Tojikiston hududida O'rta Osiyoda eng yirik Qayroqqum GESini, Xisrav GESini qurib ishga tushirdilar. Gaz bilan ishlaydigan Angren, Taxiatosh, Navoiy, Sirdaryo, 2-Angren GRESlari qurilib ishga tushirildi.

1985-yilda O'zbekiston elektrostansiyalarining umu-miy quvati 9,9 mln. kilovatdan ortdi. Shu yili 47,9 milliard kilovatt-soat, ya'ni 1940-yilga nisbatan 100 baravar, 1950-yilga nisbatan 18 baravar ko'p elektr energiyasi ish-lab chiqarildi. Elektr uzatgich Uniyalari qurilishi kengaydi. Respublikaning barcha elektr stansiyalari O'zbekiston yagona energosistemasiga ulandi. Shuningdek, O'zbekiston, Qozog'iston, Qirg'iziston, Tojikiston va Turkmaniston respublikalarining yirik elektr stansiyalari Markaziy Osiyo yagona elektr sistemasiga ulandi. Natijada sanoat, qurilish, transport, qishloq xo'jaligini elektrlashtirish ancha kengaydi, xonadonlarni elektr energiyasi bilan ta'minlash yaxshilandi.

Yoqilg'i sanoati o'sdi. 50-yillarda Surxondaryo vilo-yatidagi Sharg'un toshko'mir koni o'zlashtirildi va yuqori sifatli qo'ng'ir ko'mir qazib chiqarila boshlandi. 60-yillarda Buxoro va Xorazm viloyatlaridagi Gazli, Jarqoq, Sho'rtepa,

Sho'rchi, Qarantay yangi neft konlari o'zlashtirildi. 70-yillarda Farg'ona vodiysida yangi neft konlari ishga tushirildi. 1959-yili qurilib foydalanishga topshirilgan Farg'ona neftni qayta ishlash zavodi ancha "cengaytirildi. Zavodda texnika moylari, benzin, dizil

RASm

yog'ilg'isi, parafin va boshqa 35 xil mahsulotlar ishlab chiqarish yo'lga qo'yildi.

O'zbekistonda yirik gaz industriyasi bunyod etildi. Gaz sanoati Buxoro va Qashqadaryo viloyatlarida yirik gaz konlarining izlab topilishi va o'zlashtirilishi bilan bog'liq ravishda yuksalib bordi. 50-yillarning ikkinchi yarmida «O'zbekneftegazrazvedka» tresti amalga oshir-gan geologiya-qidiruv ishlari natijasida 1956-yili gaz zahiralari 500 milliard kubometrga teng bo'lgan, foy-dalanishga eng qulay Gazli koni ochildi. Shuningdek, Muborak, O'rtabuloq, Qultak, Shapatti, Uchqir, Jarqoq, Sariatosh, Qorovulbozor neft va gaz konlari topildi.

Respublikamizda jami 100 dan ortiq neft va gaz konlari topilgan. Ularda 2 trillion kubometr gaz, 250 mln. tonna neft zaxiralari borligi aniqlandi. 1959-yili Buxo-roda neft va gaz qazib olishni yo'lga qo'yish maqsadida «Buxoroneftegaz» boshqarmasi tuzildi.

1958—1960-yillarda «Jarqoq — Buxoro — Samarqand — Toshkent» gaz quvurini qurish ishlari olib borildi. 767 km uzunlikdagi gaz quvuri 1960-yil 2-dekabrda qurib bitkazildi. Uning yillik quvati 4,5 mlrd. kubometr gazga teng edi.

1960-yilda Shimoliy So'x—Farg'ona, Shimoliy

■lijc-- Qo'qon gaz quvurlari qurilib ishga tushirildi. ||19^-1965-yillarda O'zbekistondagi 37 shahar, 71 mgaan markazi va 20 ta posyolka va aholi yashaydigan manzillar gazlashtirildi. 320 ta sanoat korxonasi, 3500 dan ortiq kammunal-maishiy korxonalar va 400 ga yaqin isitish qozonlari gaz bilan ishlashga tushirildi.

1964–1966-yillarda Muborak — Toshkent — Chimkent — Bishkek — Almati gaz quvuri yo'li qurilib foydalanishga topshirildi. Uzunligi 1317 km, diametri 720 mm li po'lat quvurlari orqali Qashqadaryo gazidan O'zbekistonning ko'pgina shaharlari, shuningdek, Qozog'iston va Qirg'iziston xalqi bahramand bo'ldi. Keyingi yillarda Toshkent — Bishkek — Almati oralig'ida ikkinchi gaz quvuri qurildi. Shunday qilib, 1958—1980-yillarda Buxoro, Gazli va Qarshi rayonlari-dan Toshkent — Bishkek — Almatigacha yotqizilgan gaz quvurlarining umumiy uzunligi 5686 km ni (uning 3618 km O'zbekistonda yotqizilgan), yillik quvati 23 mlrd. kubometr gaz yoqilg'isini tashkil etadi. 70-yillarda Muborakda qurilgan eng yirik gazni qayta ishlash zavodi yiliga 10 mlrd. kubometr gazni tozalab berib turdi va yiliga 160 ming tonna oltingugurt ishlab chiqarishni ta'minladi.

1970—1972-yillarda 234 km uzunlikdagi Qo'qon -Namangan — Andijon gaz quvuri qurilib foydalanishga topshirildi. 1974—1978-yillarda Xovos — Farg'ona quvuri yotqizildi. Uzunligi 677,8 km dan iborat bo'lgan bu gaz yo'lining 425,8 km O'zbekiston, qolganlari Tojikiston hududidan o'tdi. Qashqadaryo va Buxoro «zangori yoqilg'i»sidan qardosh Tojikiston xalqi ham bahramand bo'ldi.

O'zbekistonliklar respublikamiz hududidan ko'plab boy tabiiy gaz konlarining topilishi va o'zlashtirila boshlanishidan behad xursand bo'ldilar. Har bir oila o'z xonadonida «zangori yoqilg'i»dan foydalanishni orzu qilardi. Ammo o'zbek xalqi respublikamiz hududida topilgan gaz konlariga xo'jayin emas edi, ularning xo'jayini uzoqda — Moskvada edi. O'zbekiston gazidan qanday foydalanishni Markaziy hokimiyat kabinetlarida o'tirganlar belgilardi. Markaziy hokimiyat O'zbekiston gazidan Uraldagi, SSSRning Yevropa qismidagi shahar va posyolkalarni, korxona va xonadonlarni gazlashtirishda foydalanishga kirishdi. 1961—1963-yillarda zudlik bilan

Buxoro — Ural o'rtasida qariyb 2000 km masofada 1020 mm li gaz quvurlari yotqizildi. Gazli gazi Uralning Chelyabinsk shahrigacha bo'lgan hududdagi shahar va posyolkalarga, korxonalarga yetib bordi. Buxoro — Ural gaz quvuri yo'lining 2—3-navbatlarining qurilishi 1965-yilda nihoyasiga yetkazildi. Umumiy uzunligi 6100 km dan uzun bo'lgan Buxoro — Ural gaz transport sistemasining yillik o'tkazuvchi quvati 21 mlrd. kub metr o'zbek zangori oloviga teng edi. Markaziy hokimiyat bu

bilan cheklanib qolmadi. O'zbekiston va Turkmaniston gazini bir yo'la katta miqdorda G'arbiy viloyatlarga uza-tish rejalarini tuzdilar. Bu reja O'rta Osiyo — Markaz gaz quvuri nomini oldi. 1965—1975-yillarda 2750 km uzunlikdagi O'rta Osiyo — Markaz gaz yo'li qurildi. 2 yo'lik O'rta Osiyo — Markaz gaz quvurining umumiy uzunligi 5500 km bo'lib, bu yo'llar yiliga 80 mlrd. kub-metr yoqilg'i uzatish quwatiga ega bo'ldi. Shunday qilib o'zbek «Zangori yoqilg'isi» uzoq-uzoq joylardagi kor-xonalar va xonadonlarni isitdi. Ko'pgina o'zbekistonlik-lar asosan qishloq aholisining yonginasidan o'tgan gaz quvurlariga ming alam bilan qarab qolaverdi, bu mam-lakatimiz qaramligining oqibati edi, albatta. 1985-yilga kelib respublikada atigi 2,8 mln. kvartira, jumladan, qishloqlardagi 1,3 mln. kvartira gazlashtirilgan edi, xolos.

Respublikamizda mo'l-ko'I bo'lgan gaz, neft, oltin-gugurt, ozokrit, osh tuzi, ohak, grafit, rangli metallurgiya chiqindilari, paxta va kanopni qayta ishlashdan hosil bo'ladigan chiqindilar kimyo sanoati uchun boy xom ashyo bo'lib xizmat qiladi. Kimyo sanoatida mineral o'g'it ishlab chiqarish yetakchi o'rinda turar edi. Shu maqsadda 50-yillarda Samarqand superfosfat zavodi, 1962-yilda Farg'ona azot o'g'iti zavodi, 1965-yilda Navoiy kimyo kombinati, 1969-yilda Olmaliq kimyo zavodi qurilib ishga tushirildi. 70-yillarda Olmaliq va Samarqand zavodlarida mineral o'g'itlar ishlab chiqaruv-chi yangi quwatlar bunyod etildi. 1985-yilda respublika kimyo korxonalarida 7,8 mln. tonna mineral o'g'itlar ishlab chiqarildi, bu 1960-yildagidan 7 marta, 1950-yildagiga nisbatan 15 marta ortiq edi. Respublika qishloq xo'jaiigi mineral o'g'itlar bilan ta'minlandi va boshqa respublika, viloyatlarga o'g'itlar chiqarildi.

O'zbekistonda kimyo tolalari (Farg'ona kimyo it^lari zavodi), plastmassalar (Ohangaron «Santexnit» zavodi, Jizzax plastmassa turbalari zavodi), maishiy kimyo mahsulotlari (1971-yilda barpo etilgan Olmaliq maishiy kimyo zavodi, Quvasoy, Namangan kimyo zavodi, 1971-yilda Toshkent yog'-moy zavodi tarkibida qurilgan sintetik yuvish vositalari zavodi) ishlab chiqarish yo'lga qo'yildi.

Respublika kimyo sanoatida zaharli vositalar, kislota-lar ishlab chiqarish katta o'rin tutadi. Andijon gidroliz zavodi, Farg'ona furan birikmalari zavodi,

Yangiyo'l bioximiya zavodi paxta, sholi, paxta chiqindilaridan spirt, oqsil achitqilari, furan va boshqa mahsulotlar tay-yorladilar. Farg'onada triatsetilsellyuloza, Navoiyda kotaran, Chirchiqda kaprolaktam ishlab chiqarish yo'lga qo'yildi. 1960-yilda 235,4 ming tonna sulfat kislotalari ishlab chiqarilgan bo'lsa, 1985-yilda 2,3 mln. tonna tayyorlandi.

Markaziy hokimiyat tomonidan zaharli kimyo vositalari ishlab chiqarish respublikaga 60—70-yillarda tiqishtirildi. 1985-yilda 47,9 ming tonna turli zaharli ximikatlar ishlab chiqarildi.

Zaharli vositalarning respublika paxta maydonlarida haddan tashqari keng qo'llanilishi natijasida atrof-muhit, ekologik vaziyat buzildi, odamlar turli-tuman kasallik-larga chalindi. Odamlar sog'lig'i hisobiga paxta xom ashyosiga ko'rsatilgan «g'amxo'rlik» xalqqa qimmatga tushdi.

letaiiurgiya sanoati O'zbekiston metallurgiya
sanoati taraqqiy etdi. 1962-
'da O'zbekiston metallurgiya sanoati kombinatida
zluksiz po'lat quyuv qurilmasi ishga tushirildi. 1970—
1980-yillarda elektr yordamida po'lat eritish kompleksi
a uning ikkita pechi qurilib ishga tushirildi.
Kombinatda po'lat idishlar ishlab chiqarish yo'lga
j'yildi. Po'lat eritish 1985-yilda 1,2 million tonnaga
etdi.

Rangli metallurgiya respublika sanoatining yetakchi tarmog'i hisoblanadi. 50-yillarda Olmaliq — Angren tog' sanoati rayonida mis, qo'rg'oshin, rux, volfram, molib-den va boshqa nodir metallar koni topildi, ularni o'zlashtirish jarayonida yirik Olmaliq kon-metallurgiya kombinati bunyod etildi.

nn

1951-yilda Jizzax viloyati Forish tumanida Uch-
quloch rangli metallar koni kompleks usullar yordamida o'rganilib, Pistali, Qo'shqura, Uzoq, Markaziy, Sharqiy va boshqa qo'rg'oshin, rux, mis konlari topildi va o'zlashtirishga kirishildi. Jizzax — Uchquloch o'rtasida gaz quvur yo'li, avtomobil va temir yo'llari qurilib, Uchquloch tog' jinslarini Olmaliq kon-metallurgiya

kombinatiga tashib keltirish, ulardan qo'rg'oshin, rux, mis ishlab chiqarish yo'lga qo'yildi. Uchquloch rangli metallar konining kengaytirilishi natijasida Uchquloch va Band posyolkalari vujudga keldi.

Respublikada 50 ga yaqin simob va surma konlari, Angrenda zahirasi 10 milliard tonnaga yaqin bo'lgan kaolin, gili koni topildi, ularni o'zlashtiruvchi korxonalar qurildi.

O'zbekistonda 60-yillarda oltin qazib olish sanoati bunyod etildi. Muruntov, Chodak, Konbuloq oltin konlari, Farg'ona vodiysidagi daryo o'zanlarida sochma oltin, Nurota, Qurama, Zarafshon, Hisor, Pomir tog'larida oltin tarkibli kvars tomirlari va rudalar mavjudligi aniqlandi. Respublika hududida 30 ta oltin koni aniqlandi. Oltin qazib oluvchi Muruntov tog' boyi-tish kombinati, Marjonbuloq kombinati qurildi. «O'zbekoltin» birlashasi tuzilgach, uning tarkibida Chodak boyitish kombinati (1965), Angrenda oltin sara-lash fabrikasi qurilib ishga tushirildi.

O'zbekiston hududidagi rangli metall konlariga, shuningdek, oltin konlariga, ulardan noyob va nodir metallar qazib olishga respublika xo'jayinlik qilmasdi, ularga Ittifoq hukumati xo'jayinlik qilardi. O'zbekiston hukumati bu konlar va korxonalarda qancha oltin, mis, qo'rg'oshin, rux, volfram, molibden va boshqa nodir metallar qazib olinayotganini, ularni kimlar qaerga olib ketayotganini, qayerda va qancha pulga sotilayotganini bilmas edi. Bu haqda gapirish va yozish ham taqiqlangan edi. Bu holat o'sha paytlarda «O'zbekiston suveren respublika*» degan iboraning naqadar yolg'on, quruq gap ekanligini yaqqol ko'rsatib turibdi.

„ . ,,, 50-80-yillarda O'zbekiston

Mashmasozlik sanoati. mashinasozlik industriyasi ko'p tarmoqli sohaga aylandi. 1985-yilda respublika sanoatida faoliyat ko'rsatgan 1549 ta ishlab chiqarish bir-lashmalari, kombinatlari va korxonalarining 100 dan ortig'i mashinasozlik tarmog'iga tegishli bo'lib, ularda

gijiryoriangan mashinalar salmog'i butun sanoat mahsu-^jjiing 16 foizini tashkil etardi.

Respublikada, birinchi navbatda, paxtachilikka xiz-mat qiluvchi mashinasozlik tarmog'ini rivojlantirish tad-birlari amalga oshirildi. Toshkent qishloq xo'jaligi zavodi (Tashselmash) qishloq xo'jaligi mashinasozligining bosh korxonasi

hisoblanardi (O'zbekiston Prezidenti I. &. Karimovning mehnat faoliyatining dastlabki yillari mana shu yirik zavodda o'tgan. I.Karimov zavodda usta yordamchisi, usta-texnolog bo'lib ishlagan). «Tash-selmash» zavodida 1960-yilda 3184 ta paxta terish mashinasi ishlab chiqarilgan bo'lsa, 1985-yilda 9425 ta ana shunday mashina tayyorlandi. Bu mashinalar Markaziy hokimiyat tomonidan ittifoqdosh respublikalarga, shuningdek, Bolgariya, Yugoslaviya, Vengriya va boshqa 38 ta xorijiy mamlakatlarga eksport qilinardi. Toshkent qishloq xo'jalik mashinasozlik zavodining Sirdaryo, Chirchiq va Asaka shaharlarida filiallari qurilib, ularda paxta terish mashinalarining turli qism-larini ishlab chiqarish yo'lga qo'yildi.

50-yillarda qishloq xo'jalik mashinalari uchun reduk-torlar, bir qator traktor moslamalari ishlab chiqaruvchi «Tashirmash» zavodi qurildi. Bu zavodga 1963-yili O'zbekiston traktor yig'uv zavodi, 1971-yildan esa Toshkent qishloq xo'jalik mashinasozligi agregat zavodi norm berildi.

1957-yilda paxta tozalash sanoati uchun mashinalar ishlab chiqaruvchi «Tashxlopkomash» zavodi bazasida yirik «Tashavtomash» zavodi barpo etildi. Zavodda pax-tani qop-qanorsiz tashuvchi transport vositalari va gaz — 51 yuk avtomobili uchun ehtiyot qismlar ishlab chiqarish yo'lga qo'yildi. Bu zavod 1967—1971-yillarda qayta jizohlanib, traktor ishlab chiqarish yo'lga qo'yildi va unga Toshkent traktor zavodi nomi berildi. Zavod 1970-yilda 21,1 ming ta traktor, 38,5 ming ta pritsep (tirka-ma) ishlab chiqargan bo'lsa, 1985-yilda 26,4 ming ta traktor, 38,1 ming ta pritsep (tirkama) ishlab chiqardi. Zavod mahsulotlari Markaziy hokimiyat tomonidan Kuba, Eron, Afg'oniston, Pokiston va boshqa 30 dan ortiq xorijiy mamlakatlarga eksport qilinar edi.

1970-yilda O'zbekiston paxtachilik mashinasozlik birlashmasi tashkil etilib, uning tarkibiga Toshkent traktor zavodi (bosh korxona), Paxtachilik mashinalari

bo'yicha ixtisoslashtirilgan bosh konstruktorlik byurosi, Andijon «Kommunar» zavodi, Samarqand, Katta-qo'rg'on, Chust paxtachilik mashinasozligi ehtiyot qism-lari zavodlari birlashtirildi.

Respublika qishloq xo'jaligini mexanizatsiyalashda O'zbekiston qishloq xo'jaligi mashinasozligi zavodi muhim o'rinni egallaydi. 1948-yildan beri «O'zbeksel-mash» nomi bilan yuritilib kelayotgan bu zavod o'rish mashinalari, diskli baranalar, charxlash stanoklari, nasos changlagich-purkagichlar, motigalar, chigit ekish mashinalari ishlab chiqaradi. 1960-yilda ko'rak chuvish mashinasi, 1965-yilda yerga to'kilgan paxtani teradigan, g'o'zapoya yuladigan mashinalar tayyorlash yo'lga qo'yildi.

1976-yilda O'zbekiston qishloq xo'jalik mashinasozligi ishlab chiqarish birlashmasi tashkil etildi. Birlashmaga «Uzbekselmash» zavodi, Toshkent kimyo qishloq xo'jaligi mashinasozligi zavodi hamda Paxtakor qishloq xo'jalik mashinasozligi zavodi biriktirildi. Birlashma korxonalarida turli modifikatsiyadagi chigit ekish seyalkalari, paxta podborshchiklari, changlagich-purkagichlar, ko'rak chuvish mashinalari, g'o'zapoya yuladigan mashinalar, ehtiyot qismlar va xalq iste'mol mollari ishlab chiqarish tashkil etildi. Birlashma mahsulotlari ittifoqdosh respub-likalar hamda Hindiston, Eron, Afg'oniston, Gretsiya kabi 28 ta xorijiy mamlakatga eksport qilinar edi.

Paxtaga ishlov berish vositalari ishlab chiqaruvchi Chirchiq qishloq xo'jalik mashinasozligi zavodi ham kengaytirildi. Mazkur zavodda kultivatorlar, o'g'itlash mexanizmlari, ariq-zovur qazish mashinalari va boshqa 47 xil qishloq xo'jalik texnika vositalari tayyorlash ta'minlanardi.

Mashinasozlikning paxtachilik kompleksi tarkibiga kiruvchi yana bir yo'nalish irrigasiya mashinasozlik tar-mog'idir. Bu tarmoqning markazi Andijondir. 1965-yilda qurilib ishga tushirilgan Andijon irrigatsiya mashinasozligi zavodida yangi yerlarni o'zlashtirish, kanallar va suv omborlari qurilishi bilan bog'liq zovur kovlaydigan mashinalar, suv nasoslari, avtobenzotsisternalar, yer te-kislaydigan buldozerlar va skreperlar, greyderlar va kanallar tozalaydigan mashinalar, yuk ortib tushiradigan murakkab mexanizm va uskunalar ishlab chiqarish yo'lga qo'yildi.

Paxtachilik kompleksi bilan bog'liq bo'lgan mashina-likning yana bir yo'nalishi paxta tozalash sanoati va imachilik mashinalari ishlab chiqarishdir. Bu tar-ning yetakchi korxonalari 50—60-yillarda qurilgan hkent mashinasozlik zavodi, Andijon «Kommunar»

odi va boshqalar hisoblanardi. Ularda paxta tozalash hinalari, linterlar, paxta toylarini qabul qilish,

lash, xillashning ko'p mehnat talab qiladigan jara-vonlarini mexanizatsiyalashtirish mashinalari, quritish-tozalash asboblari, yuk tashish mashinalari ishlab chiqarilar edi.

To'qimachilik sanoati tarmog'ida 1946-yildan beri to'qimachilik mashinalari ishlab chiqarilib kelayotgan Toshkent to'qimachilik mashinasozligi zavodi yetakchi o'rinni egallaydi. Zavod 1948—1966-yillarda to'qimachilik mashinalarining 48 ta yangi turini ishlab chiqarishni yo'lga qo'ydi. 1966-yildan «PK-100» markali yigirish-eshish va shisha tolalariga islatilov beruvchi «PL-666» markali mashinalar ishlab chiqarish o'zlashtirildi.

O'zbekiston aviatsiya sanoati ham o'sib bordi. Toshkentda 1941-yilda Ximki shahridan keltirilgan zavod asosida aviatsiya zavodi barpo etilgan edi. Dastlab u PS-84 va IL-2 samolyotlarini ishlab chiqara boshladi. Toshkent aviatsiya zavodida 1953-yilda IL-14, 1958-yilda turli tipdagi transport samolyotlari, 1966-yilda esa AN-22 samolyotlari tayyorlash yo'lga qo'yildi. 1972-yilda V. P. Chkalov nomidagi Toshkent Aviatsiya ishlab chiqarish birlashmasi tashkil etildi. Uyushmaga Toshkent aviatsiya zavodi (bosh korxona), Andijon mexanika zavodi, Farg'ona mexanika zavodi va Toshkent kislorod zavodi birlashtirildi.

Birlashmada samolyot yig'iladi, uning turli detal va uzellari tayyorlanadi, shuningdek, xalq iste'moli buyum-lari ishlab chiqariladi. (O'zbekiston Prezidenti I. Karimov ham 1961-yildan boshlab besh yil davomida Toshkent aviatsiya zavodida muhandis, yetakchi muhandis-konstruktor bo'lib ishladi va yetuk mutaxassis bo'lib toblandi).

n.rii:..i. *• 50—80-yillarda O'zbekiston-

Qurilish sanoati , -., , . - „

da qurilish materiallari

sanoati rivojlandi. Urushgacha O'zbekiston hududida bir

necha kichik g'isht zavodlari, 1926-yilda Bekobodda

qurilgan Xilkovo sement zavodi, 1932-yilda qurilgan

Quvasoy sement zavodi ishlagan bo'lsa, 1985-yilda qurilish materiallari sanoatining ko'plab korxonasi turli xil qurilish mahsulotlari ishlab chiqardi. Shular jumlasiga Bekobod, Quvasoy, Angren, Ohangaron, Navoiy, Qumqo'rg'on yirik sement zavodlari, Toshkent[^] Chirchiq, Yangiyo'l, Angren, Ohangaron, Bekobod[^] Bektemir, Jizzax, Samarqand, Andijon, Chirchiq, Far-g'ona, Qarshi, Nukus, jami 11 ta yirik panelli uysozlik kombinatlari va boshqalar kiradi.

O'zbekistonda turli xil qurilish materiallari — sement, shifer, asbotsement quvurlar, pardozlash plita-lari, issiqni saqlaydigan (termoizolyatsion), gidroizolyatsion materiallari, keramika quvurlari va boshqalar ishlab chiqarish yo'lga qo'yildi. Angren uysozlik buyumlari zavodida emallangan cho'yan vannalari, rakavinalar, cho'yan kanalizatsiya quvurlari, Angren keramika buyumlari kombinatida quvurlar, Xovosda sopol quvurlar ishlab chiqarildi. Mahalliy sanoat korxonalari-da alibaster, ganch, ohak, cherepitsa, chiy, qamish, pli-talar ishlab chiqarish yo'lga qo'yilgan.

Hozirgi zamon qurilishida keng foydalanayotgan marmar va boshqa bezak toshlar asosida toshtaxtalar tayyorlash taraqqiy topdi. O'zbekistonda 34 ta marmar koni bor. Toshkent, G'azalkent, Ohangaron, Kitob, Nukus va G'azg'onda marmarni qayta ishlash, undan qurilish materiallari tayyorlash zavodlari va kombinatlari ishladi.

vengii sanoat Respublikada yengil.sanoatni

ustun darajada rivojlantirishga imkon beruvchi barcha omillar mavjud. Birinchi navbatda, ko'plab paxta, pilla, kanop xom ashyosi yetishtiriladi. Respublika yengil sanoatni rivojlantirish uchun zarur bo'lgan yoqilg'i-energetikasi va to'qimachilik mashinasozligiga ega. Aholi tabiiy o'sishining yuqori darajasi yengil sanoatni ishchi kuchi bilan yetarli darajada ta'minlash imkoniyatiga ega. Qolaversa, tez ko'payib borayotgan aholi yengil sanoat mahsulotlarining asosiy iste'molchisi hamdir.

Tarix bunday omillar davlat mustaqilligi sharoitida-gina to'la hisobga olinishi mumkin ekanligini ko'rsatdi. 50—80-yillardagi qaramlik sharoitida O'zbekistonda yengil sanoat bir tomonlama rivojlantirishga yo'naltirildi. Asosiy e'tibor paxta qabul qilish, paxta tozalash, pil-

qorako'l teriga va kanop tolasiga dastlabki

iv berish, yung yuvish tarmoqlarini rivojlantirishga

O'zbekiston bunday xom ashyolardan tayyor otlar tayyorlash imkoniyatiga ham, huquqiga ham etnas edi. Bu masalani Markaziy hokimiyat hal di. Tayyor xom-ashyo Rossiya sanoat korxonalariga, boshqa shaharlariga olib ketilardi va tayyor ulotga aylantirilardi, ortib qolgan xom ashyo qa mamlakatlarga sotilardi va undan katta daromad

Respublikada 80-yillarda 107 ta paxta tozalash zavodi, ko'pchiligi quritish tozalash sexlariga ega bo'lgan 490 paxta punktlari ishladi. G'ijduvon, Buxoro, Namangan, Juma kabi yirik paxta tozalash zavodlarining har biri yiliga 100 ming tonna paxtani qayta ishlardi. Yiliga respublikada 1,5 million tonna paxta tolasi yetishtirib berilardi.

Respublika to'qimachilik sanoati yetishtirilgan paxta tolasining atigi 10 foizini qabul qihshi va tayyor mahsu-lotlarga aylantirish imkoniyatiga ega edi. 70—80-yillar-. ning boshlarida respublika to'qimachilik sanoatining yirik korxonalari — Buxoro to'qimachilik kombinati (1973), Andijon ip-gazlama kombinati (1979), Nukus ip-gazlama kombinati (1983)ning Jizzax paxta yigiruv fabrikasi, Qo'rg'ontepa, Marhamat, Yangiqo'rg'on, Beshariq, Rishton, Vobkent, G'ijduvon filiallari qurildi. Toshkent va Farg'ona to'qimachilik kombinatlari tar-kibidagi bir qator fabrikalar qayta jihozlandi. Ip-gazlama ishlab chiqarish 1960-yildagi 234,7 million metrdan 1985-yilda 395,7 million metrga ko'paydi.

rwı,, » _-. « O'zbekistonda mahalliy xom

Ozlıq-ovqat sanoati . . . • , , ,

ashyoni qayta ishlashga asoslangan ko'p tarmoqli oziq-ovqat sanoati kompleksi barpo etildi. Uning yog'-moy, konserva, non, un yor-masi, qandolat, go'sht, sut, baliq, choy, tamaki, vino yetishtiruchi tarmoqlari ishladi. 1985-yilda oziq-ovqat sanoati kompleksida 271-korxona faoliyat ko'rsatdi. Tarmoqning respublika sanoat mahsulotlari umumiy hajmidagi salmog'i 14 foizni tashkil etdi. Bu tarmoqda yog'-moy sanoati yetakchi o'rinda turardi. 1970-yillarda respublikada ishlaydigan 17 ta yirik yog'-moy korxonasi 2,2 million tonna paxta chigitini qayta ishlab 294 ming

O'zbekistonda 451 ming tonna paxta yog'i ishlab chiqa-rilgan.

Respublikada go'sht kombinatlari 1960-yilda 97,4 ming tonna go'sht, 18 ming tonna kolbasa mahsulotlari ishlab chiqargan bo'lsa, 1985-yilda 232,3 ming tonna go'sht, 54 ming tonna kolbasa mahsulotlari yetishtirilgan. 24 ta sut zavodida 1985-yilda 554 ming tonna sut mahsulotlari, 1167 tonna sir, 10,9 ming tonna mol yog'i yetishtirilgan.

Respublikada qandolat sanoati ham birmuncha o'sdi. 50-yillarda Namangan va Buxoro shaharlarida konditer-makaron fabrikalari, 1964-yilda Yangiyo'l konditer fabrikasi ishga tushirildi. Yigirmanchi yillarda qurilgan Toshkent «O'rtoq» konditer fabrikasi 1965-yilda tubdan rekonstruksiya qilindi. 1968-yilda Yangiyo'l drojji (achitqi) zavodi qurildi. 1985-yilda qandolat sanoati tar-mog'iga qarashli 60 ga yaqin zavod va sexlarda 165 ming tonna qandolat mahsulotlari ishlab chiqarilgan.

Respublika sanoati bir tomonlama rivojlantirildi, boshqa mintaqalardagi korxonalar uchun xom ashyo bazasiga aylantirildi. Oltin, mis, qo'rg'oshin rux, volfram, molibden kabi nodir metallar xom ashyo sifatida boshqa mintaqalarga olib ketilardi. Paxta, kanop mahsulotlarining mo'l-ko'lligi yengil sanoatni ustun darajada rivojlantirish va katta daromad olish imkoniyatini berardi, ammo bunday imkoniyatlarga amalda nazarpisand qilinmadi. Respublika aholisi boy tabiiy resurslardan, og'ir mehnat evaziga yetishtirilayotgan qimmatbaho paxta xom ashyosidan bahramand bo'lolmadi.

Respublikada anchagina yirik sanoat korxonalari qurildi, biroq ular mustaqil ravishda tayyor mahsulot ishlab chiqaraolmas edi. Bu korxonalarda tayyorlanadigan mashinalar, asbob-uskunalar uchun zarur bo'lgan butlash buyumlari boshqa mintaqalardan keltirilar edi, respublika korxonalari Rossiya va Ittifoqning g'arbiy respublikalaridagi korxonalarga qaram edi.

Transport 50—80-yillarda temir yo'l

transporti ancha rivojlandi. 50-yillarda uzunligi 627 km bo'lgan Chorjo'y—Qo'ng'iro't temir yo'li qurildi va Quyi Amudaryo shahar va tumanlari O'zbekistonning boshqa hududlari hamda Ittifoq markazi bilan temir yo'l orqali bog'landi. 1962-yilda qurilgan uzunligi 280 km bo'lgan Navoiy—

temir yo'li yangi topilgan konlarni sanoat bilan bog'ladi. Mirzach0'l Jizzax, Qarshi cho'llarida yangi yerlarni lashtirish bilan bog'liq ravishda 1962-yilda Jizzax —

•hnat (133 km), 1970-yilda Samarqand—Qarshi (144 I) temir yo'llari qurildi va yangi tashkil etilgan ■'iaUklar respublika markazi va sanoat markazlari bilan ia masofada tutashtirildi. 1974-yilda' Termiz — I'rg'ontepa (218 km), 1975-yilda Taxiatosh— Nukus t3 km) temir yo'llari qurilib ishga tushirildi va Joraqalpog'iston poytaxti respublikaning temir yoi tar-rriog'i bilan bog'landi.

1972-yili Qo'ng'iro't — Beynov (408 km) temir yo'lining qurilishi natijasida O'zbekiston va boshqa O'rta Osiyo respublikalaridan sobiq SSSR Yevropa qismi va Kavkazga tomon ikkinchi temir yo'l ochildi. Respublika temir yo'llarining uzunligi 1985-yilda 3,5 ming kmni tashkil etdi.

Avtomobil transporti tez sur'atlar bilan o'sdi. 50—70-yillarda respublikada zamonaviy avtomobil yo'llari — Katta O'zbekiston trakti (Toshkent — Termiz) ta'mir-landi, Toshkent — Olmaliq, Toshkent — Buxoro — Nukus, Mo'ynoq — Zarafshon, Samarqand — Chorjo'y, Farg'ona halqa yo'li, Toshkent halqa yo'li qurilib foy-dalanishga topshirildi. Qoraqalpog'iston trakti qurildi, u ' To'rtko'l shahridan Amudaryoning so'ngi sohili bo'ylab Nukus shahri orqali Taxtako'pirga olib boradi. Qizilqum cho'lini kesib o'tuvchi va qorako'lchilik xo'jaliklarini viloyat va respublika markazlari bilan bogiovchi Buxoro — Gazli — Sazakino avtomagistrali, Qamchiq dovoni orqah respublika poytaxtini qisqa masofada Farg'ona vodiysi bilan bog'lovchi Toshkent — Angren — Qo'qon yo'li qurildi.

Toshkentdan barcha viloyat markazlariga va yirik shahar^arga, tuman markazlaridan kolxoz va sovxoz-larga, posyolka va qishloqlarga qatnaydigan avtomobil marshrutlari tashkil etildi. Respublikada 70 dan ortiq avtobus-taksomotor parklari barpo etildi va ular o'z davrining texnika vositalari bilan ta'minlandi. Respublikaning avtomobil yo'llari uzunligi 80,4 ming km ni, shu jumladan, usti qattiq qoplama bilan qoplangan yo'llar 66,7 ming km ni tashkil etdi. 1985-yilda avtomotransporti 1960-yilga nisbatan 5,5 marta ko'p yuk

tashidi yoki 1985-yilda 1,1 mlrd. tonna xalq xo'jaligi yuklarini tashidi. Umumiy foydalanishdagi avtobuslarda passajirlar tashish 1985-yilda 2,5 mlrd. kishini tashkil etdi, bu 1960-yilga nisbatan 7 marta ortiq edi.

Respublika iqtisodiyotida havo transportining ahamiyati ortib bordi. Havo yo'llari respublikaning 120 dan ortiq shahar va aholi manzilgohlarini bog'ladi.

Toshkent havo yo'llari orqali Ittifoqning markaziy sha-harlari, respublikalarning poytaxtlari, yirik sanoat markazlari bilan bogiandi.

O'zbekiston havo yo'llarining uzunligi 60 ming km ga yetdi. 1985-yilda respublika aeroportlarida 5,5 mil-ionga yaqin passajir, 63,4 ming tonna yuk jo'natildi.

Shahar yo'lovchi transporti ham kengaydi. 1947-yilda Toshkentda temir yo'l vokzah bilan eski shahar orasida uzunligi 18 km bo'lgan birinchi trolleybus yo'li qurilib 10 ta trolleybus qatnay boshladi. 1946—1947-yil-larda shaharlarda taksi mashinalari orqali passajirlar tashish yoiga qo'yildi. Trolleybus qatnovi Samarqand (1956), Olmaliq (1968), Farg'ona (1970), Andijon (1971), Namangan (1973) shaharlarida ham yo'lga qo'yildi. 1985-yilga kelganda respublika shaharlaridagi tramvay yo'llarining uzunligi 250,5 km ga trolleybus yo'llari 541,4 km ga yetdi. Respublikaning 80 ta shahar va posyolkalarida avtobuslar qatnovi tashkil etildi.

Yoiovcilarga xizmat ko'rsatishda Toshkent metro-politenining o'rni katta. Toshkent metrosi 1972-yildan boshlab qurila boshlandi, uning 12,1 kmlik birinchi yo'nalishi 1977-yilda, ikkinchi yo'nalishi 80-yillarda foy-dalanishga topshirildi.

.. „... . Respublikada aloqa vositalari

Aloqa vosrtalan <• i .? „ . .

tarmog i kengaydi. Urushdan keyingi yillarda shaharlararo telefon, telegraf aloqalari-ning keng tarmoqlari vujudga keldi. Kabel va radiorele liniyalari qurildi. 1965-yilda Toshkent — Moskva va Ittifoqning boshqa shaharlari bilan koaksial kabeli orqali bog'landi. 1971-yilda Toshkentda shaharlararo kuchli avtomatik telefon stansiyasi ishga tushirildi. 1972-yilda Samarqand, Buxoro, Termiz, keyinroq Namangan, Qarshi, Farg'onada AMTS-IM tipidagi shaharlararo avtomotik stansiyalar ishga tushirildi. Natijada shahar telefon tarmoqlarining 160 ming abonenti o'z telefonla-ridan kod yordamida shaharlararo avtomatik telefon alo-

bilan bog'lanish imkoniyatiga ega bo'ldi. 1985-yilda harlardagi telefon stansiyalarining abonent telefonlari ni 953,9 mingtaga yetdi. Kolxoz va sovxozlar telefon-shtirildi. ^«.-1985-yilda respublikada 4166 ta pochta, telegraf va fctefon aloqasi korxonalari ishladi.

Radio eshittirish tarmoqlari kengaydi. 1956-yil 5-noyabrda O'zbekistonda birinchi marta Toshkent tele-vizion markazi ishlay boshladi. 60-yillarning oxirlari-

gacha Farg'ona vodiysi, Samarqand viloyati ham tele-vizion ko'rsatuvlar bilan ta'minlandi. 1977-yilda Samarqand va Andijonga Toshkent televideniesining ikki programmasini rangli tasvirda uzatishga erishildi.

1978—1979-yillarda Toshkentda balandligi 350 metrli television minora qurildi. Urganch va Nukusda tele-markaz qurilib ishga tushirildi.

—, -j . O'zbekiston iqtisodiyotida

Qishloq xo'iahgida yangi . . , ..M. { . ..

yerlarni o'zlashtirish qishloq XO jallgl yetakchl

o'rinni egallaydi. 50—80-yillarda yerning mehorativ holatini yaxshilash, yangi yerlarni o'zlashtirish, sug'orish inshootlari qurish ishlari avj oldirildi. KPSS MQ va SSSR Ministrlar Sovetining 1956-yilgi «Paxta yetishtirishni ko'paytirish uchun O'zbekiston SSR va Qozog'iston SSRdagi Mirzacho'l qo'riq yerlarini sug'orish to'g'risida»gi, 1958-yilgi «O'zbekiston SSR, Qozog'iston SSR va Tojikiston SSR dagi Mirzacho'lni sug'orish va o'zlashtirish ishlarini yanada kengaytirish va jadallashtirish to'g'risida»gi qarorlariga asosan irrigatsiya tarixida birinchi bo'lib Mirzacho'lda katta maydonlarda qo'riq yerlarni o'zlashtirish ishlari olib borildi. Yirik ishlab chiqarish bazasi barpo etilib, qurilish ishlari industrial asosda olib borildi. 1956-yilda qo'riq yerlarni o'zlashtirish bosh boshqarmasi «Glavgolodnostepstroy», 1963-yilda irrigatsiya va sovxozlar qurilishi bo'yicha O'rta Osiyo bosh boshqarmasi («Glavsredazsovxozstroy»), ularning hududiy boshqarmalari, joylarda trest va qurilish boshqarmalari tizimi tashkil etildi.

Yangi yerlarni o'zlashtirish jarayoni yangi sovxozlar, ularning xo'jalik binolari, ahoh yashaydigan pasyolkalar bunyod etish bilan birga olib borildi. 1956—1965-yillar-da Mirzacho'lda 84 ming gektar yangi yer o'zlashtirildi, paxtachilikka ixtisoslashgan, bitta bog'dorchilik-

uzumchilik sovxozlari tashkil etildi. Shu yillarda o'zlashtirilgan joylarda 456 ming kv metr turar joy bino-lari, o'nlab maktablar, bolalar bog'chalari, kasalxonalar, oshxonalar, madaniy-maishiy muassasalar barpo etildi' 170 km temir va 759 km avtomobil yo'llari qurildi, 637 km elektr liniyalari o'tkazildi, xo'jaliklar turar joy bino-

lari gazlashtirildi. 1957-yilda Yangier va 1961-yilda Guliston shaharlari vujudga keldi.

1963-yil 16-fevralda markazi Guliston shahri bo'lgan Sirdaryo viloyati tashkil etildi. Viloyatda paxta ekiladigan yer maydonlari 1956-yildagi 120 ming gektardan 1965-yilda 211 ming gektarga, paxta xom ashyosi yetishtirish esa 243 ming tonnadan 441 ming tonnaga ko'paydi.

Mirzacho'l yerlarini sug'orish, meliorativ holatini yaxshilash tadbirlari amalga oshirildi. Janubiy Mirzacho'l kanali qurildi.

Markaziy Farg'ona, Qoraqalpog'iston avtonom respublikasida, Surxondaryo, Buxoro va Qashqadaryo viloyatlarida ham sug'oriladigan dehqonchilikni kengaytirish, irrigatsiya-qurilish ishlari keng ko'lamda olib borildi. Qoraqalpog'istonda yangi shoiikorlik sovxozlari ishga tushirildi. Buxoro viloyatida 1963-yilda Amu-Qorako'l mashinakanali, 1965-yilda Amu-Buxoro mashina-kanali qurilib foydalanishga topshirildi. Natijada Buxoro viloyatida 90 ming gektar yer, jumladan, 26 ming gektar yangi yer maydonlari sug'oriladigan, Qizilqum sahrosida maydoni 300 ming gektardan ortiq yaylovlarga suv boradigan bo'ldi.

1953—1963-yillarda Markaziy Farg'ona cho'llarida 72,4 ming gektar yer o'zlashtirildi, 16 ta yangi kolxoz va 2 ta yangi sovxoz vujudga keldi.

50—60-yillarda Kosonsoy, Qamashi, Farg'ona, Pachkamar, Chorvoq, Quyimozor, Janubiy Surxon, Chimqo'rg'on, Toshkent, Ohangaron suv omborlari qurildi. 1959—1965-yillarda respublika bo'yicha 381,8 ming gektar yangi sug'oriladigan yerlar o'zlashtirilib xo'jalik ishlariga kiritildi. Suvdan tejab foydalanish maqsadida 545 km beton ariqlar qurildi, 1965-yilda 900 ta sug'orish sistemasida 22 mingdan ortiqroq gidrotexnik inshootlar ishlab turdi, bu 800 ming gektar sug'oriladigan yerlarni suv bilan ta'minlashni yaxshilashga imkon berdi.

Jizzax va Qarshi choii, Mirzacho'l, Surxon-

Sherobod va Markaziy Farg'ona hamda Quyi Amudaryo yerlarini o'zlashtirish, suv chiqarish ishlari avj oldi.

Jizzax cho'lida 70 ming gektardan ko'proq yangi yerlar o'zlashtirildi. O'zlashtirilgan yerlarda Mirzacho'l (1967), Do'stlik (1970), Zafarobod (1973), Arnasoy (1977) tumanlari tashkil etildi. Sanoat korxonalari barpo etilgan, aholi

zichroq yashaydigan posyolkalar bazasida Paxtakor (1974), Do'stlik (1974), Gagarin (1974) shaharlari vujudga keldi. Jizzax cho'lida 1454 ming kv metr turar joy binolari, 21,9 ming o'rinli maktablar, 6800 o'rinli bolalar bog'chalari, klublar, shifoxonalar, oshxonalar qurildi. 1973-yilda Jizzax viloyati tashkil etildi.

Sirdaryo viloyatida yangi yerlarni o'zlashtirish ishlari davom ettirildi. 1966—1975-yillarda 181 ming gektar yangi yerlar o'zlashtirildi. 50-yillarning ikkinchi yarmi-dan 70-yillarning o'rtalarigacha qishloq xo'jalik ishlariga kiritilgan yangi yerlar maydoni 280 ming gektarni tashkil etdi. Bu yerlarda 55 ta sovxozlar vujudga keldi. Mirzacho'l va Jizzax cho'llarini o'z ichiga olgan yangi paxtachilik iqtisodiy rayoni vujudga keldi, sanoat kom-plekslari qurildi. 1985-yilda Sirdaryo va Jizzax viloyatlarida 731 ming tonna paxta xom ashyosi yetishtirildi.

Qashqadaryo, Surxondaryo, Buxoro, Andijon, Namangan, Farg'ona, Samarqand, Xorazm viloyatlarida, Qoraqalpog'iston ASSRda ham suv xo'jaligi, yangi yerlar o'zlashtirish ishlari keng miqyosda olib borildi. 70-yillarda Amudaryo suvi hisobiga eng yirik Tuyamo'yin, Kampirrovot daryosi bo'yida Andijon, Namangan viloyatida Chortoq va Eskar, Samarqand viloyatida Qoratepa, Surxondaryo viloyatlarida Surxon suv omborlari bunyod etildi. Katta Namangan, Parkent va boshqa kanallar qurildi.

Shunday qilib, O'zbekiston hududida 1946-1965-yillarda qariyb 600 ming gektar yangi sug'oriladigan yerlar ishga tushirilgan bo'lsa, 1966—1985-yillarda 1,6 million gektar yangi yerlar o'zlashtirilib foydalanishga topshirildi. 1985-yilda 10 milliard kubometr suvni to'plovchi 23 ta suv ombori, 197 ming km uzunlikdagi kanallar, 900 ta sug'orish sistemasi, 92 ming gidro uzellari ishlab turdi. O'zlashtirilgan qo'riq yerlarda 160 ta sovxoz tashkil etildi, 7,7 mln. kv m. turarjoy, 37 ming o'rinli maktabgacha yoshdagi bolalar muassasalari, 102 ming o'rinli umumta'lim maktablari barpo etildi.

Qishloq xo'jaligining moddiy texnik bazasi mustahkamlandi. Xo'jaliklarni elektr energiyasi bilan ta'minlash, ularga traktorlar va boshqa qishloq xo'jalik mashinalari, mineral o'g'itlar yetkazib berish ishlari ancha yaxshilandi. Masalan, 1985-yilda kolxoz va sovxozlarda 189 ming traktor, 37 ming paxta terish mashinalari va boshqa turdagi texnika vositalari bor edi.

Paxta monokulturasida Respublika qishloq xo'jaligi-

da paxta monokultura sifatida rivojlantirildi. 1950-yilda 1,1 mln. gektar yerga g'o'za ekilgan bo'lsa, 1985-yilda qariyb 2 mln. gektar yerga g'o'za ekildi. Paxta xom ashyosi shu yillarda 2,3 mln. tonnadan 5,4 mln. tonnaga yetdi. Hosildorlik har gektar hisobiga 20,1 sentnerdan 27,0 sentnerga ko'tarildi.

Markaziy hokimiyat Ittifoq mehnat taqsimotida, yagona xalq xo'jaligi kompleksida O'zbekistonning asosiy o'rni paxtachilik ekanligini qat'iy belgilab qo'ygan edi. O'zbekistonga og'ir vazifa — SSSRning xalqaro maydonda paxta mustaqilligini ta'minlash vazifasi yuklatilgan edi. Mana shu boisdan paxta O'zbekistonda monokulturaga, ya'ni hukmron tarmoqqa aylandi. 1985 yilda respublika paxta maydonlari barcha ekin maydonlarining uchdan ikki qismini egallardi. Andijon, Farg'ona, Sirdaryo, Jizzax, Buxoro viloyatlarida esa uning salmog'i 70—75 foizga yetardi. Bu holat ekinlarni ilmiy asoslangan mezonlarga binoan almashlab ekish va tuproq unumdorligini qayta tiklash imkonini bermasdi. Paxtachilikda juda zaharli ximikatlari (butifos, merkaptio-fos) haddan tashqari ko'p miqyosda qo'llanilardi, ularni saqlash va ishlatish qoidalari buzilardi. Bunday bedodlikdan odamlar zaharlanardi, atrof-muhit ifloslanardi, suv, havo va tuproq ham minerallashib zaharlanib bordi. Kasalliklar soni ortdi, o'lim, nosog'lom bola tug'ish hol-lari ko'paydi.

Paxta og'ir va mashaqqatli mehnat evaziga yetishtirilardi, dehqonlar ter to'kib ishlardi, biroq mehnatiga yarasha haq olmasdilar. Negaki, birinchidan, paxta xom ashyosiga kam xaq to'lanardi, ikkinchidan, paxta xom ashyosidan tayyor mahsulotlar tayyorlash asosan boshqa mintaqalarda amalga oshirilardi, daromadning ko'p qismini tayyor mahsulotlar tayyorlovchilar olardi, xom-ashyo yetishtiruvchilar nochor ahvolda qolaverdi.

chilining ahvoli

O'zbekiston qishloq xo'jaligi-da makkajo'xori, bug'doy ham yetishtirilardi. 1970-yil-rcha viloyatlarda 18 ta ixtisoslashgan ajo'xorichilik sovxozlari tashkil etildi va makka-Pxori yetishtirish sezilarli darajada ko'paydi. - Biroq 80-yillarning o'rtalarida bu tarmoqqa e'tibor laydi, makkajo'xori ekishga ajratilgan ekin may-3nlari keskin kamaytirildi. Natijada, makkajo'xori yetishtirish pasayib, 1985-

yilda atigi 443,1 ming ton-ja tushib qoldi. Sersuv va jazirama issiq bo'ladigan ^jbylarda sholi yetishtirilar edi. Sholi asosan Chirchiq, Ohangaron, Sirdaryo bo'ylarida ekilardi. O'zbekiston Kompartiyasi MQ va Ministrlar Kengashi 1978-yil noyabrida sholi yetishtirishni yanada ko'paytirish to'g'risida qaror qabul qildi. Qarorga muvofiq Amudaryoning quyi qismida— Qoraqalpog'iston ASSR va Xorazm viloyatida ancha yerlar o'zlashtirildi va ixtisoslashtirilgan maxsus sholikorlik sovxozlari tashkil etildi. Birgina Qoraqalpog'istonda sholikorlikka ixtisoslashtirilgan sovxozlar soni 19 taga yetdi. 1960-yilda Qoraqalpog'istonda 3,6 ming tonna sholi tayyorlangan bo'lsa, 1983 yilda 332,3 ming tonna sholi tayyorlandi. Sholi yetishtiriladigan asosiy hududlarJan ikkinchisi Xorazm viloyatidir. 1960-yilda Xorazm viloyatida 13,6 ming tonna sholi yetishtirilgan bo'lsa, 1985-yilda 117,9 ming tonna sholi tayyorlandi. Toshkent, Sirdaryo, Surxondaryo viloyatlarida ham sholi yetishtirish ancha ko'paydi. 1985-yilda respublika bo'yicha 482,9 ming tonna sholi tayyorlandi, bu 1970-yilga nisbatan 2,6 marta ko'p edi.

Respublikada bug'doy, arpa yetishtirish imkoniyatlari katta, ammo bu imkoniyatdan foydalanilmadi, bug'doy ekish uchun sug'oriladigan yer ajratilmadi. Bug'doy va arpa bahorikor (lalmikor) yerlarga ekilardi. Hosildorlik gektariga 5—8 sentnerdan oshmasdi. 1985-yilda atigi 387,9 ming tonna bug'doy yetishtirildi, aholining bug'doyga bo'lgan talabi mutlaqo qondirilmasdi, respub-likaga boshqa mintaqalardan bug'doy keltirilar edi. Respublika dalalarida shirin-shakar mevalar va uzum, qovun va tarvuzlar, sabzavotchilik mahsulotlari yetishtirildi. Respublikada 49 ta sovxoz meva va uzum yetishti-rishga ixtisoslashtirilgan edi.

Keyingi yillarda sitrus mevalar yetishtirish rivojlandi. Xalq seleksioneri Zayniddin Faxriddinov Toshkent viloyatida katta limonariya yaratdi. Termiz tumanida barpo etilgan «Navro'z» limonariyasining maydoni 50 gektarga yetdi. Aholining limonga bo'lgan ehtiyojining katta qismi respublikada yetishtirilgan limon bilan qoplanadigan bo'ldi.

1961-yilda respublikada 116,5 ming gektar mevazor, 46,4 ming gektar uzumzorlar bo'lgan bo'lsa, 1985-yilda ularning maydoni ancha kengayib mevazor bog'lar 206,1 ming gektarni, uzumzorlar 133,4 ming gektarni tashkil etdi. Shu

yillarda meva yetishtirish 152,2 ming tonnadan 633,0 ming tonnaga, uzum tayyorlash 223,6 mirig tonnadan 635,6 tonnaga ko'tarildi.

Barcha viloyatlarda, ayniqsa yirik shaharlar atrofida kartoshka sabzavot yetishtirish yo'lga qo'yildi. 50—80-yillarda respublikada 45 ta sabzavotchilikka ixtisoslashtirilgan kolxoz, 35 ta sabzavot, sutchilik sov-xozlari tashkil etildi. Sabzavot, kartoshka yetishtirish va poliz ekinlari maydoni 1960-yildagi 108,9 ming gektar-dan 1985-yilda 196,3 ming gektarga kengaydi. Shu yillarda kartoshka yetishtirish 162,7 ming tonnadan 240,7 ming tonnaga sabzavot tayyorlash 377,3 ming tonnadan 2,4 mln. tonnaga, poliz mahsulotlari 263,7 ming tonnadan 790,0 ming tonnaga ko'paydi. Xorazm, Jizzax, Sirdaryo viloyatlarida ko'p miqdorda qovun tarvuz yetishtirildi.

Chorv hii'k Chorvachilik ham o'sdi. 60-

yillarda qoramolchilikka ixti-soslashtirilgan 30 ta sovxoz tashkil etildi. 70-yillarning ikkinchi yarmida davlat va kolxozlar mablag'lari hisobi-ga 45 ming sigir boqiladigan sutchilik komplekslari, 65 ming buzoq boqiladigan go'shtchilik komplekslari va ochiq maydonda 190 ming bosh qoramol boqiladigan 13 ta ixtisoslashtirilgan komplekslar qurildi. 1985-yilda xo'jaliklar 4,1 mln. bosh qoramol, shu jumladan, 1,6 million sigirlarni boqib mahsulotlar yetishtirdi. 1982-yilda chorvachilik, cho'chqachilik va sutchilik komplekslari soni 82 taga yetdi.

Buxoro, Jizzax, Navoiy, Qashqadaryo, Samarqand viloyatlari, Qoraqalpog'iston ASSRda 90 taga yaqin ixtisoslashtirilgan qorako'lchilik sovxozlarida 5 mln dan ortiqroq qorako'l qo'ylari boqilib, qimmatbaho qorako'l

yetishtirildi. Shuningdek, 3 mln. boshdan ortiqroq i va jaydari qo'ylar boqildi. sT60—70-yillarda parhez parranda go'shti, tuxum ish-chiqaradigan 20 dan ortiq yirik parrandachilik kom-jekslari barpo etildi, parrandalarni oziqlantirish, o'paytirish, tuxum va go'sht yetishtirish ishlari mexa-jjzatsiyalashtirildi. 1985-yilda respublikada 33,5 mln. ovuqlardan qariyb ikki mlrd. dona tuxum olindi, bu 960-yildagiga nisbatan to'rt marta ortiq edi. \$,,,. O'zbekistonda sobiq Ittifoq bo'yicha yetishtirilgan pillaning uchdan ikki qismi yetishtirilardi. 1985-yilda xo'jaliklar tomonidan yetishtirilib davlatga sotilgan pilla 32,2 ming tonnaga yetdi. Shuningdek, yiliga o'rta hisob-da 4 ming tonnaga yaqin asal tayyorlandi. Amudaryo, Sirdaryo va Orol dengizi qirg'oqlarida andatra, nutriya, norka va boshqa hayvonlar urchitildi va mo'ynalar

tayyorlandi. Baliqchilik xo'jaliklari 1985-yilda 26 ming tonna mahsulotlar yetishtirdilar.

Oroi fojeasi Mustabid sovet tuzumi sharoitida dasturilamal bo'lib qolgan «Inson tabiatning xo'jayini», degan soxta mafku-raviy da'vo, xo'jalik yuritishning yaroqsiz usullari, tabiiy va mineral xom ashyo zaxiralaridan vahshiylarcha foy-dalanish kabi illatlar ekologik muammolarni keltirib chiqardi. O'zbekistonda yerning nihoyat darajada sho'rlanishi, tuproq unumdorligining pasayishi, yerning zaharlanishi va buzilishi, havo bo'shlig'i, yer usti va yer osti suvlarining ifloslanishi ekologik muhitni yomon-lashtirib bordi.

Cho'lu sahrolarni o'zlashtirish borasidagi dabdabali tadbirlar, paxta monokulturasining kuchayishi, Amudaryo va Sirdaryo havzalari bo'ylab sug'orish ti-zimlarini jadal suratda qurish ishlari Orol fojeasini keltirib chiqardi. Orol dengizining sathi qariyb 20 metrga pasaydi, uning sohillari 60—80 km ga chekin-di, u endi yaxlit dengiz emas, balki ikkita qoldiq ko'lga aylanib qoldi. Dengizning suv qochgan 4 mln. gektardan ortiqroq tubi qumli, sho'rhok sahroga aylandi. Undan kuchli shamol bo'ron orqali ko'taril-gan tuz, chang-to'zonlar, atrof-muhitni yemirmoqda, odamlar sog'lig'ini yomonlashtirmoqda. Oshqozon raki, tuberkulyoz, qorin tifi, kamqonlik, siydik yo'llari igar toshi, qon bosimi va boshqa kasalliklar

ko'paydi. Bolalar va xotin-qizlar o'limi ko'payishi kuzatilmoqda.

Yiliga 90 kunlab davom etadigan kuchli bo'ron tufayli 15—75 million tonna tuzli qumlar atmosferaga ko'tarilib 300—500 km masofaga yoyilmoqda. Orolning qurib borishi ekologik kulfat darajasiga aylandi, uning atrofida yashaydigan qariyb 35 million kishi xavf-xatar ostida qoldi.

tut

Savol va topshiriqlar

I. 50—80-yillarda qanday elektr stansiyalari qurildi?

I. Qaysi hududlarda gaz va neft konlari topildi?

* Jarqoq—Buxoro—Samarqand—Toshkent gaz quvuri qachon qurildi uning ahamiyati nimada?

O'zbekiston gazidan qaysi respublikalar foydalandi?

O'zbekistonda qanday metallurgiya korxonalari qurildi?

O'zbek oltini haqida nimalarni bilasiz?

Qaysi korxonalarda qishloq xo'jalik mashinalari ishlab chiqarilgan?

Qanday to'qimachilik korxonalari qurildi?

Yangi temir va avtomobil yo'llari qurilishi haqida nimalarni bilasiz?

O'zbekistonning qaysi hududlarida yangi yerlar o'z-lashtirildi?

II. Paxta monokulturasini nima?

12. Ijtimoiy-iqtisodiy hayotda qanday noxush holatlar vujudga keldi?

Qanday ekologik muammolarni bilasiz?

Orol fojeasi haqida referat yozing.

**19-MAZU: 1950-90-YILLARDA O'ZBEKISTON QISHLOQ XO'JALIGI
PAXTA MONOKULTURASI FOJEASI.**

Reja:

- 1. Paxta monokulturasasi.**
- 2. G'allachilikning axvoli.**
- 3. Chorvachilik.**
- 4. Orol fojeasi.**

20-MAVZU: IJTIMOIIY - IQTISODIY HAYOTDA INQIROZLI HAYOTNING VUJUDGA KELISHI.

50—80-yillarning birinchi

.ssffasai'sea; ^armi Vata"jr ,tatidagi

keiishi eng murakkab davrlardan

biridir. Bir tomondan, mehnatkashlarning fidokorona mehnati tufayli respubli-ka iqtisodiyoti rivojlandi. Ikkinchi tomondan, ijtimoiy, iqtisodiy, ma'naviy hayotda muammolar, noxush holat-lar to'planib borib, pirovardida inqirozli vaziyatni keltirib chiqardi. Respublikaning iqtisodiy rivojlanish yo'lida to'xtab qolishlar yuz bermasada, olg'a tomon siljish sur'atlari tobora sekinlashib, pasayib bordi. 20-yil-lar oxiri — 30-yillarda shakllangan xo'jalik yuritish tizi-mi boshqaruvning ma'muriy-buyruqbozlik usuli 30-yillarda, urush davrida, tiklash yillarida muayyan samara bergan bo'lsa-da, 50-yillardan e'tiboran ijtimoiy-iqti-sodiy taraqqiyotga to'siq bo'la boshladi. 1956-yilda ijtimoiy hayotda iqtisodiyotni qayta qurishlar, boshqaruvni demokratiyalashtirishga urinishlar bo'ldi. Avallari Markazda hal etilgan ayrim mahalliy masalalarni respub-likalar ixtiyoriga berish, ijtimoiy hayotni demokrat-lashtirish, boshqaruvni joylarga yaqinlashtirish, boshqafuv apparatini qisqartirish, korxonalarning xo'jalik mustaqflligini kengaytirish, xo'jalik tomorqalari-ni boshqarishning hududiy tartibiga o'tish tadbirlari ko'rildi. Biroq bu tadbirlar yarim-yorti o'zgarishlar bo'lib, iqtisodiy aloqalar va munosabatlarning chuqur qatlamlariga borib yetmadi. Uning ustiga bu o'zgarishlar, demokratlashtirish jarayonlari konservativ kuchlarning qarshiligiga duch keldi va to'xtab qoldi.

60-yillarning o'rtalarida iqtisodiy islohotlar qilishga kirishildi. 1965-yilgi islohotda sanoat, qurilish va qishloq xo'jalik korxonalarini xo'jalik hisobiga o'tkazish, rag'bat-lantirish tizimini takomillashtirishni ko'zda tutgan tadbirlar mo'ljallandi. Korxonalar uchun yuqoridan rejalashtiriladigan ko'rsatkichlar qisqardi, korxonalar

iyatiga baho berishda ishlab chiqilgan yalpi mahsulot is realizatsiya qilingan mahsulot asosiy ko'rsatkich ; belgilandi- Biroq siyosiy vaziyat o'zgarmadi, u iqti-jy

islohotga zid bo'lib qolaverdi. Markaziy siyosiy bkimiyatning iqtisodiyotni nazorat qilishi, buyruqbozlik anada kuchaydi, rejadagi tadbirlarga tez-tez tuzatishlar iritila boshladi, korxonalar huquqlari cheklana bordi. qtisodiy metodlar yana ma'muriyatchilik bilan almashtirildi. Islohot boshqaruvning o'rta qismiga, korxonalargagina daxldor bo'lib, u boshqaruvning yuqori eshelonlarini o'zgartira olmadi. Qarorlar qog'ozda qolib ketdi. Ularni amalga oshirishni ta'minlovchi jiddiy o'zgarishlar bo'lmadi, rahbariyatda siyosiy iroda yetish-madi. Islohotlar 60-yillarning ikkinchi yarmida biroz samara bergan bo'lsa-da, biroq umuman ko'zlangan natijani bermadi. 60-yillarning iqtisodiy islohoti jamiyat-ning siyosiy, ijtimoiy va ma'naviy rivojlanishiga, ishlab chiqarish munosabatlarining tub mohiyatiga daxl qilma-di. Shu sababli muvaffaqiyatsizlikka uchradi.

Boshqaruvning ma'muriy-buyruqbozlik tizimi yarat-gan to'g'onoqli mexanizm keyingi yillarda ham ijtimoiy-iqtisodiy hayotda progressiv qayta o'zgarishlarni, 1979-yilgi iqtisodiyotni isloh qilish yo'lidagi urinishlarni bar-bod qildi. 70—80-yillarda bo'lib o'tgan KPSSning bar-cha s'ezdlarida rivojlanishning intensiv shakliga o'tish zarurligi qayta-qayta ta'kidlangan edi. Ishlab chiqarish samaradorligini oshirish, rahbarlikda iqtisodiy usullarga o'tish vazifalari qo'yilar edi. Ammo bu vazifalar amalda ktivaligicha qolardi. So'z bilan ish o'rtasida uzilish >*y berdi. Taraqqiyotda depsinish, inqirozli holatlar yuz

Jamiyatning siyosiy va ijtimoiy-iqtisodiy hayotida ga kelgan inqirozli holatning sabablari va ildizi fikr_aing orqada qolganligida, muayyan tarixiy sharoitga yetarli siyosiy baho bera olmaganlikda edi. 60-yillarning oxirida ilmiy va siyosiy hayotga kirib kelgan «rivojlangan sotsializm» tushunchasi ijtimoiy-iqtisodiy taraqqiyot darajasini aniqlashda jiddiy nazariy xatoga yo'l-qo'yil-ganligining oqibati bo'ldi. Sovet jamiyatining holati qay darajada ekanligiga ob'ektiv baho bermaslik real hayotga to'g'ri kelmaydigan strategik va taktik yo'l yo'riqlarni belgilashga olib keldi. Qo'lga kiritilgan yutuqlarni g'lash, miqdor ketidan quvish, kamchiliklarni payqa-

maslik singari yaramas illatlar borgan sari hayotda mus-tahkam o'rnasha bordi.

Natijada respublika iqtisodiyotida, butun SSSRda bo'lganidek, inqirozli vaziyat belgilari vujudga kela bosh-ladi. Rasmiy ma'lumotlarga binoan, milliy

daromadning o'rtacha yillik o'sishi pasayib, 1960—1965-yillardagi 7,8 foizdan, 1981—1985-yillarda 3,3 foizga tushib qoldi. Aholi jon boshiga to'g'ri keladigan sof daromadning o'sish sur'ati 1965—1985-yillarda yetti marotabaga kamaydi.

Iqtisodiyotda ishlab chiqarishning intensiv usullariga o'tish, moddiy xom ashyo va energetika boyliklaridan foydalanish sohasida juda katta xatoliklarga yo'l qo'yildi. Moddiy boyliklarni saqlash o'rniga ulardan ayovsiz foydalanishga yo'l tutildi, mehnat unumdorligi pasayib ketdi. Iqtisodiyotdagi inqiroziy holatlar ijtimoiy sohaga ham o'z ta'sirini o'tkazmay qolmadi. Ijtimoiy ehtiyojlar uchun mablag'lar taqsimlashning qoldiq prinsipi va taqsimotda tekischilik qonun-qoidasining ustun bo'lishi ijtimoiy adolatsizlikning avj olishiga olib keldi. Ijtimoiy tanglik, millatlararo munosabatning keskinlashuvi ichki-likbozlik, giyohvandlik, chayqovchilik, poraxo'rlik va boshqa shu kabi illatlarning keng yoyilishida o'z ifodasi-ni topdi.

Ijtimoiy munosabatlarda mehnatni rag'batlantirish tizimining buzilishi oqibatida murakkab vaziyat vujudga keldi. Ko'p holatda yuqori malakali mehnat haq to'lash-da kamsitildi. Injener va ishchi-konstruktor, vrach va sanitariya xodimi deyarli bir xil maosh olardi. Natijada aholining mehnatga qiziqishi va faolligi susaydi. Bu esa o'z navbatida mehnat unumining pasayishiga olib keldi. Yillar mobaynida ana shunday holatning takrorlanishi mamlakat miqyosida mahsulot tanqisligini yuzaga keltir-di.

Noxush holatlar sog'hqni saqlash hamda xalq maori-fi sohalarini ham qamrab oldi. Davlat byudjetidan ajrati-layotgan mablag' tobora kamayib bordi. Bu esa ana shu sohalar moddiy-texnik bazasining eskirishiga, ta'limning va aholiga tibbiy xizmat ko'rsatish sifatining yomon-lashuviga olib keldi. Mamlakatda bolalar bog'chalari, maktablar, teatr va kino uchun binolar yetishmasligi ham odatdagi holga aylandi. Jumladan, 1985-yilda mak-tab binolarining yetishmasligi natijasida o'quvchilarning

uch qismi ikkinchi yoki uchinchi smenada

lirdi. Umumta'lim maktablarining 32 foizi Joprovod suvi bilan, 60 foizi markaziy isitish tarmog'i bUan ta'minlanmagan edi. Respublika ijtimoiy hayotida imzosiz xat, tuhmat, tanqid uchun o'ch olish singari illatlar ham avj oldi. Bu esa odamlar ijtimoiy ruhiyati-ning salbiy tomonga o'zgarishiga olib keldi. Tayyoriga tyyorlik, boqimandalik kayfiyatini keltirib chiqardi.

Noxush holatlar milliy munosabatlarni ham chetlab i-tmadi. Bu sohadagi muammolar tobora ko'p to'planib iverdi. Vazirlik va boshqarmalarning xodimlari har Jdoim ham milliy shart-sharoitlarni va urf-odatlarni, ekologik vaziyatni hisobga olib ish yuritish zarurligini e'tiborga olavermadi. Bir qancha joylarda ortiqcha ishchi kuchlari paydo boia boshladi. Birgina Farg'ona vodiysining o'zida 200 ming yigit va qiz ishsiz edi.

Jamiyatda sodir boiayotgan ijtimoiy jarayonlar, shu jumladan, milliy o'zlikni anglash, o'z xalqining tarixiga, ma'naviy merosiga hamda urf-odatlarga qiziqishning kuchayishi yetariicha e'tiborga olinmadi va chuqur tahlil qilinmadi. Bu jarayon tub joy aholi bilan kelib o'rnashib qolgan aholi o'rtasidagi nisbatning o'zgargan davrida ayniqsa keskinlashib bordi. Milliy o'ziga xoslikni asrash, milliy til va urf-odatlarni saqlab qolish muammolari kuchayib bordi.

Rahbarlikning ma'muriy-buyruqbozlik usuliga asoslangan davlat va Kompartiyaning o'sha paytda olib borgan millatlarni bir-biriga sun'iy yaqinlashtirish siyosati milliy respublikalar va boshqa milliy tuzil-malarning huquqlarini cheklab qo'ydi, ijtimoiy keskin-likning xavfli manbalarini vujudga keltirdi, respub-likalararo munosabatlarda ziddiyatli vaziyatlarni vujudga keltirish uchun shart-sharoit hozirladi.

Qishloq xo'jaligida sifat ko'rsatkichlari yildan-yilga pasayib bordi. Qishloq mehnatkashlarining o'z mehnat-lari natijalaridan manfaatdorligi susaydi.

Yildan-yilga «Markazning buyurtmasi» hisobiga paxta xom ashyosini yetishtirish ko'payib borgan bo'lsada, undan aholining olayotgan sof daromadi kam-ligicha qolaverdi. Qishloq oilasining har bir a'zosiga to'g'ri keladigan oylik daromad Rossiyada 98,1 so'mni tashkil etgan bir paytda, O'zbekistonda o'z tomorqasidan tushadigan daromad bilan birgalikda hisoblanganda 58,9

so'mga teng boidi. Natijada O'zbekiston xalqining tur-mush darajasi pasayib, SSSR miqyosida oxirgi o'rinlarga tushib qoldi.

Taraqqiyotga to'sqinlik qiluvchi o'ziga xos mexanizm siyosat sohasini ham o'z domiga tortdi. Boshqaruv appa-ratining byurakratlashtirilishi, qarorlar qabul qilish va uni hayotga tadbiq etishda nodemokratik usullarning qo'llanishi, qonunlarning bajarilishini taminlovchilar-ning o'zlari tomonidan qonunchilikning buzilishi, davlat

va ijtimoiy hayotga doir masalalarda oshkoralikning yo'qligi, ommaning passivligi va shu singarilar siyosat sohasidagi inqirozning namoyon bo'lishi edi.

70—80-yillarda partiyaviy rahbarlikning nrm'muriy-buyruqbozlik uslubi tendensiyasi kuchaydi. Hamma sohalarda boshqarish funksiyalari partiya tashkilotlari qo'lida to'plangan edi. Qabul qilingan qarorlarni bajarishda mas'uliyat tobora susayib bordi, omma bilan aloqa zaiflashdi. Davlat hayotiga chuqur kirib borgan noxush holatlar borgan sari taraqqiyotga to'siq bo'la boshladi.

SSSR Konstitutsiyasiga binoan xalq deputatlari sovetlari davlatning hokimiyat organlari hisoblansada, amalda ular partiya tashkilotlarining ijrochilariga aylanib qolgan edilar. Sovetlarning sessiyalari ham Kompartiya tomonidan oldindan tayyorlanadigan qonun va qarorlarni yakdillik bilan ma'qullar edi.

Sovetlar obro'sining pasayishi qonunlarning bajari-lishiga o'zining salbiy ta'sirini o'tkazdi. Qonunlar turli xildagi hujjatlar bilan almashtirildi. 70-yillarning oxiri — 80-yillarning boshiga kelib xalq xo'jaligini boshqarishda 200 mingga yaqin har xil buyruqlar va ko'rsatmalar to'planib qolib, xo'jaliklar faoliyatini o'rgimchak singari o'rab, chalkashtirib tashlagan edi. Mayjud imkoniyat-larni hisobga olmasdan ishlab chiqilgan oziq-ovqat, agrar, ijtimoiy va boshqa sohalardagi dasturlar iqtisodiy qarama-qarshiliklarni chuqurlashtirib yubordi.

Respublika partiya va hukumat rahbariyatida qanday qilib bo'lsa ham Markaz va KPSS rahbariyati, xususan, L. I. Brejnev oldida «yuzni yorug' qilish»ga intilish kuchaydi. O'z navbatida quyi partiya tashkilotlarining respublika rahbariyati oldida «yuzni yorug' qilish», bergan va'dalari ustidan chiqish uchun nopok yo'llarni axtarishi keng tus oldi.

O'zbekiston Kompartiyasi MQning 1984-yil iyun ida bo'lib o'tgan XVI plenumida partiya, sovet va davlat xo'jalik organlari faoliyatidagi jiddiy xatoliklar va I aonunbuzariik to'g'risida ochiq-oydin gapirildi. Biroq plenum tobora chuqurlashib borayotgan noxushliklar-liing ildizini keltirib chiqargan tub sabablarni to'liq ochib beta olmadi. Shu boisdan keyinchalik ham noxush jara-yonlar davom etaverdi. Mahalliy ahamiyatga molik ish-larni amalga oshirishda O'zbekiston partiya tashkilotlarining ishiga Markazning aralashuvi kuchaydi. Bu esa respublikadagi nosog'lom vaziyatni yana ham mu-rakkablashtirdi.

Iqtisodiy va ijtimoiy hayotning tobora yaqqolroq namoyon bo'layotgan inqiroziy holatlarini bartaraf etish, O'zbekistonni yuqori taraqqiyot darajasiga olib chiqish uchun yangicha yo'l tutish zaruriyati to'liq yetilgan edi.

21-MAVZU: MADANIY Va MA'NAVIY HAYOT. BU SOHADAGI MAFKURAVIY TAZYIQLAR.

Reja:

- 1. Umumta'lim maktabi.**
- 2. Oliy va o'rta maxsus ta'limi.**
- 3. Fan, adabiyot va san'at.**
- 4. Sharof Rashidov – davlat va jamoat arbobi.**

Ta'limning mazmuni hayotdan orqada qolganligi yaqqol ko'rinardi. Birinchidan, maktab o'quvchilarining bilim saviyasi past edi. Ikkinchidan, o'n yil o'qib, maktabni tamomlab chiquvchilar birorta kasb-hunarni egallamas, mehnat malakalarini olmas edilar.

1958-yil dekabrda SSSR Oliy Soveti «SSSRdagi maktabning turmush bilan aloqasini mustahkamlash va xalq maorifi tizimini yanada rivojlantirish to'g'risida» qonun qabul qildi. Qonunda o'qitishni turmush bilan bog'lab olib borish, yoshlarni aqliy, ma'naviy, jismoniy jihatdan yetuk qilib shakllantirish, ularga umumiy politeknik bilim berish vazifalari qo'yildi. Ayni shunga o'xshagan qonun 1959-yilda O'zbekiston SSR Oliy Kengashi tomonidan ham qabul qilindi. 10 yillik o'rta maktablar 11 yillik maktablarga aylantirildi.

Maktablar uchun yangi o'quv rejalari, dasturlari va darsliklar yaratildi. Maktablarda ustaxonalar qurildi. Maktab tajriba uchastkalari vujudga keldi. Fizika va matematika fanlarini o'rganish uchun ajratilgan soatlar ko'paytirildi. O'quvchilarga mashinasozlik, sanoat, qurilish va qishloq xo'jaligi bo'yicha amaliy mashg'ulotlar o'tish yo'lga qo'yildi. 1962-yildayoq umumiy majburiy sakkiz yillik ta'limga o'tish amalga oshdi. Barcha yetti yillik maktablar sakkiz yillik maktablarga aylantirildi.

Sanoat, qurilish va qishloq xo'jaligida ish bilan band bo'lgan yoshlarga ta'lim berish maqsadida ishlab chiqarishdan ajralmasdan o'qish imkoniyatini beruvchi kech-ki va sirtqi maktablar tashkil etildi. 1958—1965-yillarda 1000 ga yaqin shunday maktablar ochildi, ularda o'qiydigan yoshlar 1965-yilda 134,5 ming kishini tashkil etdi.

O'zbekiston Kompartiyasi va hukumati «Respublika umumta'lim maktablari ishini yanada yaxshilash choralari to'g'risida» (1966) va « Respublika umumiy o'rta ta'limga o'tish munosabati bilan xalq maorifini yanada yaxshilash choralari to'g'risida» (1969) qarorlar qabul qilindi.

tab-internatlari, sport maktab-internati va boshqa

lb musiqa maktablari ochildi.

)'rta umumta'lim maktablari 1970-yilda ishlab j qilgan nizomga muvofiq mahalliy sharoitlardan kelib iqqan holda alohida boshJang'ich (1—3-sinflar), 8 yil-

(1—8-sinflar) va o'rta (1—10-sinflar) maktablariga Aylantirildi. Ishlab chiqarish ta'limi berish maqsadida igiaktablararo ishlab chiqarish o'quvkombinatlari tuzildi. Shahar va tumanlarda kasb-hunar bilim yurtlari tashkil etildi. Ko'pchiljk maktablarda yoshlarni o'quv mashg'ulotlaridan keyin maktabda olib qolish, ularga ta'lim-tarbiya berish ishlari yo'lga qo'yildi, ya'ni kuni uzaytirilgan maktablar tashkil topdi. Alohida fanlarni chuqur o'rgatuvchi maktablar, shuningdek, aqliy va jismoniy zaif bolalar maktablari vujudga keldi.

70-yillarning o'rtalarida umumiy o'rta ta'hmga o'tish yakunlandi. 1965—1985 o'quv yillari orasida o'tgan 20 yil davomida barcha turdagi umumta'lim maktablari 8716 tadan 9188 taga ko'paydi, o'quvchilar soni esa 3055,8 ming boladan 6519,6 ming bolaga ko'paydi. 1965—1985-yillarda respublika maktablarida o'rta' ma'lumot olganlar soni 5,7 million kishidan oshdi.

Shunga qaramay, xalq ta'limida jidd.iy muammolar hal etilmadi. Maktablar sinf xonalarining soni qanchalik oshmasin, bolalar sonining tabiiy o'sishidan orqada qolaverdi. Maktab binolarining yetishmasligi, moddiy-texnik jihatdan zaifligi surunkah kasallikka o'xshardi.

Maktablarda ta'lim-tarbiya ishlarining mazmuni kom-munistik mafkuraga bo'ysundirilgan, KPSS rejalari va dasturlari doirasiga, qolipiga solib qo'yMgari edi. Ta'lim-tarbiya milliy xususiyatlar, tarixiy ma'naviy qadriyatlar, an'analarni inobatga olmasdi. Shuningdek, maktablar umum insoniy qadriyatlardan ham tobora begonalashtirildi. O'quvchilar-ing bilim asoslarini egallashga qiziqishi so'nib bordi.

1984-yilda sovet hokimiyati yoshlarga ta'lim va tar-berish mazmunini yaxshilash maqsadida maktab va lar-texnika bilim yurtlarini isloh qilishga qaror qildi.

iktablarda «Informatika va hisoblash texnikasi asoslari» kursini o'qitish, barcha maktablarni mikrokalkulyator, elektr hisoblash mashinalari, kompyuterlar bilan ta'minlash kabi vazifalar qo'yildi. 10 respublikaning ijtimoiy-iqtisodiy ahvoli bu vazifi-

fani bajarishni ta'minlay olmadi. Maktab islohoti iqtisodiy va ijtimoiy tangliklar orqasida qolib ketdi. Ta'lim-tarbiya jarayonini jahon andozalari darajasiga ko'tarish tomon qilingan yana bir urinish samarasiz tugadi.

Oliy va o'rta o'quv yurtlari

o'y Wa t0aTmmaXSUS malakali mutaxassislar tayyorlash maskanidir. Respublikada oliy va o'rta maxsus ma'lumotli mutaxassislar tayyorlash iqtisodiy va madaniy qurilish ishlari, taraqqi-yot istiqbollari bilan bog'langan holda olib borildi.

Urushdan keyingi yillarda oliy va o'rta maxsus ta'lim ancha o'sdi. 50-yillarda 3 ta oliy o'quv yurti—Andijon meditsina instituti, Toshkentda elektrotexnik aloqa, Fizkultura institutlari, 60-yillarda yana 8 ta yangi oliy o'quv yurti — Andijon paxtachilik instituti, Farg'ona politexnika instituti, Samarqand arxitektura-qurilish instituti, Termiz, Sirdaryo, Toshkent viloyat pedagogika institutlari, Andijon tillar pedagogika instituti, Toshkent rus tili va adabiyoti pedagogika instituti tashkil etildi. 70-yillarda yana 5 ta oliy o'quv yurti — Nukus davlat uni-versiteti, Toshkent avtomobil yo'llar instituti, Pediatriya instituti ochildi. Shuningdek, yangi fakultetlar, viloyat-larda yirik oliy o'quv yurtlarining filiallari ochildi. Yangi mutaxassisliklar bo'yicha kadrlar tayyorlash yo'lga qo'yildi.

1960-yilda 30 ta oliy o'quv yurtlarida mutaxassislar tayyorlangan bo'lsa, 1985-yilda ularning soni 42 tani tashkil etdi. 1961—1985-yillardan respublika oliy o'quv yurtlari 828 mingga yaqin muhandislar, iqtisodchilar, agronomlar, huquqshunoslar, o'qituvchilar, madaniyat va san'at xodimlari yetishtirib berdi. Shuningdek, o'rta maxsus o'quv yurtlari tarmog'i ham kengaydi. 1960-yilda 75 ta o'rta maxsus o'quv yurtlari faoliyat ko'rsatgan bo'lsa, 1965-yilda ularning soni 249 taga yetdi. 1961—1985-yil-larda 1 mln. 135 mingga yaqin o'rta maxsus ma'lumotli mutaxassis kadrlar tayyorlandi.

Mutaxassis kadrlarni tayyorlashda jiddiy kamchilik-larga ham yo'l qo'yildi. Mutaxassislar tayyorlashda ekstensiv metod, ya'ni son jihatdan ko'p kadrlar tayyor-

lash birinchi o'rinda bordi. Kadrlar tayyorlash sifatini ko'tarish sohasidagi sa'y-harakatlar kutilgan natija bermadi. Buning sabablari anchagina:

o'quv yurtlarining moddiy texnik bazasi talabalarning

o'sish darajasidan ancha past darajada boidi, zamonaviy texnika vositalari bilan yetarli darajada ta'minlanmadi;

Respublika partiya va sovet organlari tomonidan oliy o'quv yurtlari uchun har bir viloyatdan talabalar qabul qilish rejasi belgilangan bo'lib, bu rejani qanday qilib bo'lsa ham bajarish majburiy edi. Bu o'z navbatida bilim saviyasi nihoyatda past bo'lgan yoshlarning ham oliy o'quv yurtlaridan o'rin olishiga olib keldi;

oliy va o'rta maxsus o'quv yurtlarida fan-texnika taraqqiyoti ta'sirida o'quv rejalari va dasturlari 60—70-yillarda uch marta o'zgardi, har safar o'qitiladigan fanlar yangilari hisobiga ko'payib, o'quv materiallari hajmi oshib bordi, talabalarning mustaqil o'qib o'rganishlari uchun vaqt tobora kamayib bordi. Talabalarning uzoq muddatli qishloq xo'jalik ishlariga jalb etilishi o'quv jarayonlariga salbiy ta'sir ko'rsatdi. O'quv yurtlarida keng tarqalgan foizbozlik, bir necha fanlardan o'zlashtirmaganlarni kursdan kursga shartli ravishda o'tkazish kadrlar tayyorlash sifatining pasayishiga olib keldi;

xalq xo'jaligining mutaxassislariga bo'lgan talabi yaxshi o'rganilmadi, natijada kadrlar tayyorlashni rejalashtirishda jiddiy xatolarga yo'l qo'yildi, ba'zi sohalarda keragidan ortiqcha mutaxassislar tayyorlandi, boshqa sohalarda, ayniqsa texnika taraqqiyotining hal qiluvchi tarmoqlarida kadrlar tanqishgiga yo'l qo'yildi;

o'quv yurtlari faoliyatida tanish-bilishlik, oshna-og'aynigarchilik, poraxo'rlik kabi salbiy holatlarning tar-qahshi ham kadrlar tayyorlash sifatini pasaytirdi, son ketidan quvish ustunlik qildi. Bunday vaziyatda yosh mutaxassislarning ma'lum qismi olgan bilimlarini tur-mush bilan bog'lay olmadilar, g'oyaviy-professional va axloqiy jihatdan yetuklik va qat'iylik ko'rsata olmay, ko'zbo'yamachilik, qo'shib yozish yo'lga kirib qoldilar. Respublikaning ijtimoiy-iqtisodiy hayotida keng tarqalgan salbiy holatlarning ildizi mutaxassislar tayyorlashda-gi nuqsonlarga borib taqaladi, albatta.

— Urush yillarida tashkil etilgan

O'zbekiston Fanlar akade-miyasi respublikada ilm-fanning markazi bo'lib qoldi. 1946—1990-yillarda ko'plab yangi ilmiy-tadqiqot institutlari, laboratoriyalar, ilmiy stansiyalar tashkil etildi. 80-yillarning boshlariga kelib akademiya tarkibida Qoraqalpog'iston ASSR filiali va 35 ilmiy tadqiqot

muassasalari faoliyat ko'rsatdi. 38 ming ilmiy xodim, shu jumladan, 1215 fan doktori, 15664 fan nomzodi fanning turli sohalarida tadqiqot ishlari olib bordi.

Paxtachilik, sug'orish ishlariga doir kompleks tad-qiqotlar olib borildi. O'zbekiston tuproqlarining klassi-fikatsiyasi tuzildi, u iqlimiy rayonlashtirildi, kartalashti-rildi. 60-yillarda akademik S. N. Rijov sug'oriladigan tuproqlarning unumdorlik darajasi haqidagi tushunchani ishlab chiqdi va sug'oriladigan tuproqlar tip sifatida bel-gilandi. A. N. Askomchenskiy, V. V. Pavlovskiy, R. A. Alimov va boshqalar suv to'g'onining yangi konst-ruksiyasi, gorizantal va vertikal zovurlar sistemasi, g'o'za o'stirishning takomillashgan texnologiyasini ishlab chiqdilar. Bu tadqiqotlar Mirzacho'l, Dalvarzin, Sherobod, Qarshi choilari, Markaziy Farg'ona va boshqa zonalarda katta maydonlarni o'zlashtirish va qishloq xo'jaligi oborotiga kiritishga ko'maklashdi.

Akademik A. S. Sodiqov g'o'zadan o'stiruvchi mod-dalar va boshqa preparatlar sintez qildi. H. A. Rahmatullin, U. O. Oripovlar aniq ekish maqsadida chigitni tuksizlantirishning mexanik va aerokimyoviy usullarini ishlab chiqdilar. Seleksioner olim S. M. Mi-rahmedov va boshqalar paxtaning «Toshkent-1», «Toshkent-2», «Toshkent-3», «Toshkent-4» singari hosildor, tezpishar, tolasi sifatli yangi navlarini yetishtirdilar. Sholining 20 dan, sabzavot va poliz ekin -larining 50 dan, meva, rezavor-meva va uzumning 60 dan ortiq navlari yetishtirildi. Tut, ipak qurtining mah-suldor zotlari yaratildi, uni boshqarishning ilg'or usullari ishlab chiqildi.

O'zbekiston geologiyasini o'rganish, foydali qazil-malarni topish borasida katta yutuqlarga erishildi. 1946— 1959-yillarda yer po'sti yadro taraqqiyoti, rudalarning intruziyalar bilan bog'liqligi va boshqalar haqidagi ilmiy konsepsiyalar ishlab chiqildi. O'zbekistonlik olimlarning yer po'sti va yuqori mantiyasini o'rganish, zilzilalarning geoximik darakchilarini aniqlash sohasidagi tadqiqotlari va xulosalari xalqaro maydonda e'tirof etildi. H. M. Abdullayev, I. X. Hamraboyev, I. M.

Isomuhamedov, X.N.Boymuhamedov, K. L. Boboyev, A. M. Akram-xo'jayev, X.T. To'laganov, G'. M. Mavlonov va boshqa olimlar dunyo rudali-petnografik provinsiyalari klassi-fikatsiyasi, elementlarining geoximik klassifikatsiyasi,

I'rta Osiyo litosferasining geologik-geofizik modellarini
lab chiqdilar. Oltin, gaz va neft qazib chiqaruvchi
sanoatlar, shisha, keramika, abraziv materiallar sanoati
tarmoqlarini barpo etishga, aholi manzillarida yer osti
suvlaridan foydalanishni yo'lga qo'yishga ko'maklashdi-
lar.

O'zbekistonda mashina va mexanizmlar nazariyasi-ning rivojlanishi M. T. O'rozboyev, H. A. Rahmatullin, V. Q. Qobulov, H. ' H. Usmonxo'jayev, G. A. Kojevnikovlar nomi bilan bog'liq. Ular mashina va mexanizmlar nazariyasi bo'yicha ilmiy maktabga asos sol-dilar. Paxta terish mashinalari unumdorhgini oshirish va stabilligi nazariyasi, richagli mexanizmlarni sintez qi-lishning yangi ilmiy yo'nalishi ishlab chiqildi.

Respublikada 1966-yilda Kibernetika instituti tashkil etilgach, akademik V. Q. Qobulov yetakchiligida sanoat va boshqa ishlab chiqirish korxonalarida kibernetika va hisoblash texnikasi vositalari asosida boshqarishning avtomatlashtirilgan sistemalari yaratildi va joriy qilindi. ' ";ademik H. U. Usmonov rahbarligidagi kimyogar-arning ko'p yilik tadqiqotlari natijasida paxta tolasining lib yetilish jarayoni ochib berildi, texnologik xususi-atlar paxta navlariga bog'hq ekanligi aniqlandi, mashina >rirnining optimal muddatlari topildi. H. U. Usmonov onda eng yaxshi standartli paxta sellyulozasini olish xnologiyasini ishlab chiqdi, g'ijimlanmaydigan gazla-alar olish usulini, bir qator polimer dorilar yaratdi.

Akademik O. S. Sodiqov va S. Yu. Yunusov etakchiligidagi kimyogarlar o'simlik moddalari lkoloidlar, yurak glikozidlari, yog'lar, oqsillar, uglevodlar va boshqalar), tabiiy birikmalar va sintetik moddalar ustida kompleks tadqiqot olib borib, 400 ta orivor o'simliklar turini o'rgandilar, 300 dan ortiq oloidm, jumladan, 164 ta yangilarini aniqladilar. 'o'zadan 80 dan ortiq moddalar ajratib olindi va tek-"di. O. S. Sodiqov bioorganik kimyo fanining ijudga kelishiga ma'lum hissa qo'shdi. Olim

ixtiro qil-n Mmon va olma kislotalari olish texnologiyasi 'rgazmalarda oldingi o'rinlarni egallab oltin medalga xrvor bo'ldi.

Kardiolog olimlar yurak qon-tomir kasalliklari ustida

"y tadqiqotlar qilib gipertoniya kasalligi, ateroskliroz, okard infarkti, stenokardiya, revmatizm kasalliklari-

ning respublika iqlim sharoitiga bog'liq xususiyatlarini ochib berdilar, bu kasalliklarni davolash, oldini olish metodlarini takomillashtirdilar. O'zbekiston kardiologiya institutida yurakning ishemik kasalligi va giper-toniya kasalligining ba'zi tomonlari bo'yicha yangi ilmiy xulosalar qildilar, davolash yo'llarini ishlab chiqdilar.

Nevropotologiya va psixiatriya sohasida asab sis-temasining infeksiyon va qon tomirlari kasalliklari atroflicha o'rganildi. N. Majidov, M. H. Qoriyev, R.P. Po'latova va boshqa olimlar asab sistemasi qon tomirlari kasalliklari, miyaga qon qo'yilishi natijasida vujudga keladigan insult, o'tkinchi miya qon aylanishining buzilishi kabi kasalliklarning kelib chiqish sabablari, rivojlanishi, davolash va oldini olish metodlarini ishlab chiqdilar.

Ijtimoiy-gumanitar fanlar sohasida ham birmuncha muhim tadqiqotlar olib borildi. Arxeolog, etnograf, antropolog olimlarning izlanishlari natijasida o'zbek xalqining etnik tarkibi, etnogenezi shakllanishi tarixiga oid asarlar yaratildi. O'zbekiston qadimgi davrdan odamlar yashab kelayotgan o'lka ekanligi, ajdodlarimiz bundan 3000—2500-yillar ilgari shaharlar bunyod etgan, boy moddiy va ma'naviy madaniyatga ega bo'lgan xalq ekanligi isbotlandi. Biroq ijtimoiy-gumanitar fanlar sohasidagi tadqiqot ishlari marksizm-leninizm doirasida qolib ketdi. Sotsializm g'alabasi, O'zbekistonning nokapitalistik taraqqiyot yo'li, rivojlangan sotsializm qurilganligini asoslash, millatlar va sinflarning yaqin-lashuvi natijasida kishilarning yangi tarixiy birligi—sovet xalqining vujudga kelishi, burjua va revizionisti ta'limotlarni tanqid qilish kabi behuda samarasiz masalalar bilan o'ralashib qoldi.

Adabiyot 50—80-yillarda adabiyotda

roman va povest janrlari rivojlandi. Urush voqealari, mehnatkashlarning front orqasidagi mehnati Oybekning «Nur qidirib», Sh. Rashidovning «Qudratli to'lqin»,

Shuhratning «Shinelli yillar», Said Ahmadning «Ufq», O. Yoqubovning «E1 boshiga ish tushsa», H. G'ulomning «Toshkentliklar» romanlarida aks ettirildi.

Urushdan keyingi tiklash va tinch qurilish davri hayotini tasvirlovchi «01tin vodiyan shabadalar» (Oybek), «Qo'shchinor chiroqlari» va «Sinchalak»

§(A.Qahhor), «G,oliblar» va «Bo'rondan kuchli» (Sh. "HRashidov), «Ixlos» (I. Rahim) kabi romanlar va povest-lar yaratildi. Yozuvchi Parda Tursunning «Olqituvchi» romani qishloq ziyolilarining faoliyatini ochib berdi.

Pirimqul Qodirovning «Uch ildiz» va «Qora ko'zlar», O. Yoqubovning «Muqaddas» va «Diyonat», Mirmuh-sinning «Umid» asarlarida yosh zamondoshlarning I ma'naviy qiyofasi, hayoti va mehnati o'z ifodasini topdi. Rahmat Fayziyning «Hazrati inson», O'. Umarbekovning «Qiyomatli qarz», O'. Hoshimovning «Nur borki, soya bor» romanlarida odob-axloq, tar-biyaviy masalalar mahorat bilan bayon etildi.

G'afur G'ulom, Zulfiya, Uyg'un, H. G'ulom, T. To'la, Q. Muhammadiy, M. Shayxzoda, Sulton Akbariy, S. Zurmunova va boshqa shoirlar o'zbek she'riyatini yangi bosqichga ko'tardilar. Habibiy, Sobir Abdulla, Chustiy, Po'lat Mo'min, Akmal Po'lat va boshqalar o'zbek qo'shiqchiligini zamonaviy mavzular bilan boyit-ilar.

O'zbek she'riyatining 60—80-yillardagi taraqqiyoti A. Jripov, E. Vohidov, J. Kamol, N. Narzullayev, B.Boy-lobilov, G. Jo'rayeva, O. Hojiyeva, H. Xudoyberdiyeva,).Matjon va boshqa ko'plab shoirlarning ijodiy kamoloti >ilan bog'liq holda ro'y berdi. Uyg'unning «Abu Rayhon Jeruniy», O. Yoqubovning «Ulug'bek xazinasini», M. Jhayxzodaning «Mirzo Ulug'bek» kabi tarixiy mavzuda-asarlari yaratildi.

Biroq adabiyot ham kommunistik mafkura doirasidan chiqma olmadi. Badiiy asarlar, asosan, ommaga mafkuraviy ta'sir etuvchi vosita rolini bajardi. Yozuvchi va shoirlar sinfiylikka, partiyaviylikka, marksizm-leninizm aqidalariga asoslangan holda ijod qilishga majbur bo'ldilar. Ijod erkinligining chegarasi partiya organlari va senzura tomonidan belgilanar edi. Shu boisdan badiiy

asarlarda jamoatchilikni to'lg'inlantirib kelayotgan
laqiqiy ijtimoiy va ma'naviy muammolar o'z ifodasini
topmadi. ...4-; -r--

san'at O'zbekistonda teatr va
musiqqa san'ati birmuncha o'sdi. Hamza nomidagi o'zbek drama teatri jamoasi
Shekspirning «Otello» va «Yuliy Sezar», Uyg'unning «Navbahor>i», Abdulla
Qahhorning «Shohi so'zana», N. Hikmatning «Bir sevgi afsonasi», R. Tagornig
«Gang

daryosining qizi*, Uyg'un va I. Sultonning «Alisher Navoiy», M.
Shayxzodaning «Mirzo Ulug'bek» asarlarini sahnalashtirdi.

M.	Ashrafiy	nomidagi
O'zbek	davlat	konserva-
toriyasi	va	o'zbek
moniyasining	musiqiy	filar-

Xalq hofizi Yunus Rajabiy. dosh xalqlar ashula va
jamoalari o'zbek va boshqa respublikalar bastakorlari-ning asarlarini targ'ib
qildilar. Faqat T. Jalilov nomidagi O'zbek davlat orkestri repertuaridan 1300 ga yaqin
asarlari o'rin oldi. «Lazgi», «Shodlik», «Go'-zal» xoreografik ansambllari ham o'zbek
va boshqa qar-raqslarini namoyish etdilar. «Bahor» xalq raqs ansambli, «Yalla»
vokal cholg'u ansambllari jamoalarining konsertlari xalqqa manzur bo'ldi.

O'zbekiston teatr jamoalari 60—70-yillarda I. Sultonning «Noma'lum kishi»,
S. Azimovning «Qonli sarob», Oybekning «Qutlug' qon», Uyg'unning «Qotil», A.
Qahhorning «Ayajonlarim», S. Ahmadning «Kelinlar qo'zg'oloni», O'.
Umarbekovning «Shoshma quyosh» va boshqa asarlarini sahnalashtirib,
tomoshabinlar olqishiga sazovor bo'ldilar. Bular jumlasiga o'zbek akademik teatri
tomonidan sahnalashtirilgan jahon klassikasi shoh asar-lari — V. Shekspirning "Qirol
Lir", "Hamlet" dramatik asarlarini ham kiritish mumkin.

O'zbek	teatrining	rivojlanishiga	rejissyorlardan
M.Uyg'ur,	Ye. Bobojonov,	A.Ginzburg,	T. Xo'jayevlar,
aktyorlardan	Abror Hidoyatov,	O. Xo'jayev,	A. Bakirov,
S.Eshonto'rayeva,	Sh. Burhonov,	N. Rahimov,	R.

Hamroyev, Z. Muhammadjonov, B.Qoriyeva, Ya.
Abdullayeva, G'.A'zamov, Yo. Ahmedov, T.Oripov, T.
Azizov, Q.Xo'jayev, P. Saidqosimov va boshqa san'at-
korlar salmoqii hissa qo'shdilar. Xalqimiz o'zbek
san'atini baland ko'targan Yu. Rajabiy, H. Nosirova,
Mukarrama Turg'unboyeva, Tamaraxonim,

G.Izmailova, S. Qobulova nomlarini hurmat bilan e'zozlab kehnoda.

1946—1985 -y illar

O'zbekiston kino san'atining
yuksalish yillari bo'ldi.

N.G'aniyev yaratgan «Tohir
va Zuhra» (1945), «Xo'ja
Nasriddinning sarguzasht-
lari», «Farg'ona qizi» kabi
kinofilmlar xalq olqishiga
sazovor bo'ldi. K. Yormatov
yaratgan «Alisher Navoiy»
(1947) biografik-tarixiy filmi
shuhrat qozondi. 50—60 yil-
larda rejissyor K.

Xalq anisti Galiya Izmailova Parij sahnasida. 1956-yil.

filmlari, rejissyor L.

Yormatovning «Ibn Sino»
(1957), «Osiyo ustida
bo'ron» (1965), «Qora kon-
sulning halokati» (1970)

Fayziyevning «Ulug'bek yulduzi» (1965) filmida o'zbek
xalqining tarixiy o'tmishi aks ettirildi.

60—70-yillarda o'zbek kino san'atiga yosh, talanth rejissyorlar, aktyorlar
kirib - keldi. Sh. Abbosov, A Hamroyev, R. Botirov, E. Eshmuhamedov,

H.Ahmarov shular jumlasidandir. Sh. Abbosovning «Mahallada duv-duv gap» (1961), «Sen yetim emassan» (1963), «Toshkent — non shahri» (1970), «Abu Rayhon Beruniy» (1974), A. Hamroyevning «Shiddat» (1971), R. Botirovning «Seni kutamiz, yigit» (1972), E. Eshmuhamedovning «Nafosat» (1967) va «Umid qushi» (1975) kabi filmlarida davr farzandlarining hayoti, izla-nishlari tasvirlangan. Rejissyor M. Qayumovning «Bahordan bahorgacha» (1963), «Mirzacho'l» (1975), «Paranji» (1977) lentolari Butunittifoq va jahon kinofestivallarida tomoshabinlarga manzur bo'ldi va birinchi yuksak mukofotlarga sazovor bo'ldi.

1968-yildan boshlab Toshkentda har 2 yilda bir marta «Tinchlik, sotsial taraqqiyot va xalqlar ozodligi uchun» shiori ostida Osiyo, Afrika va Lotin Amerikasi mamlakatlari-ning xalqaro festival! o'tkazilib turildi.

Bu o'zbek kino san'atining rivojlanishiga ijobiy ta'sir etdi, albatta. Biroq kino san'ati ham mafkuraviy zug'um ostida bo'ldi, kommunistik mafkura, marksizm-leninizm g'oyalarini kinofilmlar orqali tashviq qilish ustun o'rinni egalladi.

Bu yillarda tasviriy san'at ham rivojlandi. Ch. Ahmarov va O'. Tansiqboyevlar devoriy rasmlar, mozai-ka va manzara janri bo'yicha, V. Ye. Kaydalov va M. Nabiyevar portret janri bo'yicha muhim asarlar yaratdilar. Rassomlar, haykaltaroshlar va arxitektorlar birlashib yirik monumental binolarni, maydonlarni ta'mirlash, naqshlar, rassomlik va haykaltaroshlik asarlari bilan bezatish an'anaga aylandi. Poytaxtning yirik jamoat binolari M. Usmonov rahbarligida ganch o'ymakorligi, Q. Haydarov va O. Fayzullayev rahbarligida yog'och o'ymakorligi bilan bezatildi.

O'zbekistonda qadimdan sirk san'ati rivojlanib kel-moqda. 1976-yilda Toshkentda zamonaviy sirk binosi-ning qurilib foydalanishga topshirilishi sirk san'atining yanada rivojlanishiga qulay imkoniyat yaratdi. O'zbek sirk ustalari Toshkentboyevlar, Zaripovlar, Xo'jayevlar, Madahyevlar va masxaraboz-qiziqchi Akrom Yusupov va boshqalarning chiqishlari, dasturlari nafaqat O'zbekistonda, shuningdek, boshqa mamlakatlarda ham muvaffaqiyatli namoyish qilindi va tomoshabinlarga manzur bo'ldi.

Shunday qilib, respublika madaniy-manaviy hayotida 1946— 1990-yillarda muayyan yutuqlarga erishildi. Xalq maorifi, oliy va o'rta maxsus ta'lim tarmog'i

ancha rivojlandi, aholining umumiy savodxonlik darajasi o'sdi, mutaxassislar, ijodiy ziyohlar safi sezilarli darajada ken-gaydi. Fan, adabiyot, san'at rivojlandi. Ilmiy, badiiy va musiqa asarlari yaratildi, ma'naviy hayotda iste'dodli yoshlar o'rin oldi.

Biroq ma'naviy hayotda muammolar ham to'planib bordi, ziddiyatlar yanada kuchaydi. Umuminsoniy qadriyatlar va har bir xalqning milliy xususiyatlariga sinfiylik, partiyaviylik tamoyili asosida yondoshadigan KPSSning madaniy siyosati ma'naviy hayotni inqirozga duchor etdi. Ma'naviy madaniyatni kommunistik maf'luralashtirish, ma'naviy hayotni ma'muriy-buyruqbozlik usullari bilan boshqarish madaniy hayotga zarar yetkazdi, uni tanazzulga uchratdi. O'zbek xalqi nafaqat o'z milhy qadriyatlari, an'analari va tihdan, shuningdek, umuminsoniy qadriyatlardan ham tobora begonalashtirib borildi.

Sharof Rashidov — davlat va jamoat arbobi

Xalqimizning otashqalb

farzandi Sharof Rashidov atoqli davlat va jamoat arbo-bi, iste'dodli adib

sifatida Vatanimiz tarixida o'chmas iz qoldirgan.

Fashizmga qarshi Ikkinchi jahon urushida qat-nashgan.

Rashidov yozuvchi sifatida xalq e'tiborini

qozondi. 1949-1950-yillarda O'zbe-kiston Yozuvchilar

uyush-masi boshqaruvining raisi bo'lib ishladi.

O'zining «Bo'rondan

kuchh», «Qudrath to'lqin»,

«G'oliblar» romanlari bilan

yo'zuvchilar qatoridan



munosib o'rin oldi.

Davlat va jamoat arbobi Sharof Rashidov.

50-yillardan boshlab Sh. Rashidov faoliyatida yanada mas'uhyath davr boshlandi. U 1950-yUda O'zbekiston Oliy Kengashi Rayosatining raisi etib saylandi.

Sh. Rashidov 1959 yildan e'tiboran to umrining oxirigacha respublikaning birinchi rahbari sifatida— O'zbekiston Kompartiyasi Markaziy Qo'mitasini boshqardi. U qariyb chorak asr davomida respublikaga yetakchilik qildi. Sh. Rashidov faoliyatiga nazar solar ekanmiz, awalambor, o'sha davrning o'ta murakkabligini, ziddiyatlilikini inobatga olish lozim boiadi.

«Bu murakkab shaxs, bir tarafdin, milliy manfaatlarni o'ylashga, ikkinchi tarafdin, Markazdan kelgan, tub man-faatlarga zid buyruqlarni hayotga tatbiq etishga majbur bo'lganini unutmasligimiz zarur. Uning umri sandon bilan bolg'a o'rtasiga qo'yilgan edi, desak aslo mubolag'a bo'lmaydi».

Islom Karimov. Xalqimizning otashqalb farzandi. T.: O'zbekiston, 1992, 15-bet.

Eng og'ir sharoitlarda ham Sh. Rashidov xalqiga farzandlik burchini ado etdi. Markazdan kelgan buyruqlarni yumshatishga, Markaziy hokimiyatdan yurt obodonligi, farovonligi uchun butun choralar bilan foy-dalanishga harakat etardi. O'zbekistonda 60—80-yillarda bunyod etilgan ko'plab sanoat korxonalari, yirik inshoot-lar Sh. Rashidov nomi bilan bog'hqdir. Mirzacho'l, Qarshi, Jizzax, Yozyovon, Surxon-Sherobod cho'llari-ning o'zlashtirilishida uning xizmatlari katta. Kechagi cho'lu biyobonlar bog'-rog'larga aylantirildi, yuz ming yurtdoshlarimiz u yerlarda o'zlarining rizq-ro'zlarini topdilar.

Sh. Rashidov rahbarligi davrida O'zbekistonda Navoiy, Zarafshon, Uchquduq, Yangiyer va Guliston kabi yirik shaharlar, o'nlab boshqa shahar va tumanlar barpo etildi. Sh. Rashidovning davlat va jamoat arbobi sifatida o'zbek xalqini dunyoga tanitishdagi xizmatlari beqiyosdir. Jahonda «Toshkent ruhi» sifatida 1966-yilda vujudga kelgan mashhur tushuncha Sh. Rashidov nomi bilan bevosita bog'liqdir. Bu Toshkentda tuzilgan xalqaro harakatdir. Sh. Rashidov Osiyo va Afrika yozuv-chilari hamkorligi harakatining, Osiyo, Afrika va Lotin Amerikasi mamlakatlari xalqaro kinofestivalining, Hindiston va Pokiston o'rtasida tinchlik sulhi imzola-mshining tashabbuskoridir. U o'zbek nomini ulug'lash uchun uning eng yuksak fazilatlarini namoyon qilishga jonini fido etgan insondir. Shu tufayii ham bu hurmatli

yuragidan munosib joy olgan va uning »vor bo'lgan edi. „, Rashidov vafot etgach, uning xotirasi oyoq va «Sharof Rashidovchilik» atamasi o'ylab

Haqiqat egilsa egiladiki, sinmaydi. O'zbekiston xalqi Sharof Rashidov o'zining munosib farzandi ekanini isbot-lab oldi. Haqiqatning ro'yobga chiqishida xalqimizning yana bir sodiq va zabardast farzandi Islom Karimovning xizmatlari katta bo'ldi.

Prezidentimiz I. Karimovning mardligi, jasorati, g'ayrat-shijoati Markazdagi siyosiy qimorbozlar bilan oramizdan chiqqan munofiqlar, mansabparastlar to'qib chiqargan nayranglardan ustunlik qildi. Xalqimizning otashqalb farzandi, yirik davlat va jamoat arbobi Sh. Rashidovning nomi oqlandi va shu bilan birga o'zbek xalqining izzat-nafsi, milliy g'ururi ham himoya qilib qolindi.

Haqiqat va adolatning tiklanishi xalqimizning yuksak ma'naviy qudrati, kuchi bor ekanligini dunyoga yana bir namoyish etdi. Sh. Rashidovning qutlug' nomi Vatanimiz tarixidan munosib o'rin egalladi, avlodlar fomonidan hurmat va g'urur bilan tilga olinadigan tari-xiy xotira bo'lib qoldi.

Savol va topshiriqlar

1. 50—80-yillarda xalq ta'limi sohasida qanday islohotlar o'tkazildi?
2. Ta'lim islohotlarining natijalari qanday bo'ldi?
3. 50—80-yillarda qanday oliy o'quv yurtlari ochildi?
4. Mutaxassis kadrlar sifati nima sababdan past edi?
5. 50—80-yillarda ijod qilgan olimlarning ismi-shariflarini, ular yaratgan kashfiyotlarni daftaringizga yozib oling.
6. 50—80-yillarda ijod etgan yozuvchilarni, ularning asar-larini bilasizmi?
7. A. Oripov, E. Vohidovlarning qanday she'rlarini yoddan asiz?
8. Teatrlarda kimlarning qaysi asarlari sahnalashtirilgan?
3. Qanday kinofilmlar yaratilgan?

«Sh. Rashidov—davlat va jamoat arbobi» mavzusida /ozing.

22-MAVZU: “QAYTA QURISH” SIYOSATI VA UNING BARBOD BO'LISHI. O'ZBEKISTONNING DAVLAT MUSTAQILLIGINI QO'LGA KIRITISH TOMON YO'L TUTISHI.

Reja:

- 1. “Qayta qurish” siyosati va uning barbod bo'lishi.**
- 2. O'zbekistonning ijtimoiy – siyosiy hayoti.**
- 3. O'zbekistonning davlat mustaqilligini qo'lga kiritish tomon yo'l tutishi.**

.Qayta qurish» siyosati va ^{^^J} ^{^_^^^} uning barbod bo'iishi SSSRda iqtisodiyotning nvoj-

lanish sur'ati tobora pasayib, sarf-xarajatlar ortib bordi. Mayjud imkoniyatlarni hisob-ga olmasdan ishlab chiqilgan va qabul qilingan ijtimoiy, oziq-ovqat, agrar, energetika, ekologiya va boshqa sohalar-dagi dasturlar samara bermadi, iqtisodiy ziddiyat-larni chuquriashtirib yubordi.

Iqtisodiyot ekstensiv yo'lda tobora ko'p qo'shimcha mehnat va moddiy resurslarni ishlab chiqarishga jalb etish yo'lida deysinayotgan edi. Mamlakat katta tabiiy resurslarga ega bo'lsada, xo'jaliklar ularning yetish-movchiligiga duch keldi. Ko'pgina mamlakatlar fan-texnika inqilobi tufayli xalq turniushida jiddiy ijobiy burilishlarga erishgan bir paytda SSSR bu jarayondan chetda, orqada qolib ketdi.

Ishlab chiqarish texnologiyasi eskirgan, mahsulot-larning sifati past, ular sotilmasdan omborlarda to'planib qolayotgan edi. Ma'muriy-buyruqbozlik tizimi, iqtisodiyotga partiyaviy rahbarlik va uning mafkuralashtiri-Ushi iqtisodiyotni isloh qilish yo'lidagi urinishlarni yo'qqa chiqarar edi. Ijtimoiy ehtiyojlarga mablag' ajratishda qoldiq tamoyili va taqsimotda tekischilik hukmron edi. Boqimandalik, tayyorga ayyorlik, ichkilik-bozlik, giyohvandlik, chayqovchilik, poraxo'rlik kabi yaramas illatlar jamiyatni kemirmoqda edi. Buyruqboz-lik — boshqaruv usuh, sansalorlik, qog'ozbozlik, majlis-bozlik iqtisodiyotning o'z qonunlari va vositalari asosida rivojlanishiga to'sqinlik qilmoqda edi. Odamlar mulkdan begonalashtirilgan, shu tufayli loqayd, sust, beparvo edi-lar. Huquq va qonuniylik puturdan ketgan edi. Xo'jalikni boshqarishda 200 mingtacha turli buyruqlar, qonunsi-mon huijatlar

hukmron bo'lib, ular xo'jalik xodimlari-ning har bir qadamini nazorat qilib, tashabbuskorlikni bo'g'ar edi. Oddiy korxonadan tortib tumangacha, vilo-yatdan respublikagacha, respublikadan Markazgacha haqiqiy ahvolni bo'yab ko'rsatish, barcha darajadagi rah-barlarni maqtash, ular nomiga hamdu sanolar o'qish

rasm bo'lib qolgan edi. Oqibatda dunyoda eng kuchli ikki davlatdan biri, deb hisoblanib kelingan SSSRda inqirozli vaziyat shakllanib yetilgandi.

KPSS Markaziy Qo'mitasining 1985-yil aprelida bo'lgan plenumi noxush tendensiyalar yig'ilib, SSSR tanglik vaziyatiga tushib qolganligini ilk bor e'tirof etdi. Mazkur plenum jamiyatni «qayta qurish» orqali iqtisodiyotni ko'tarish, xalqning turmushini yaxshilash siyosatini belgiladi. 1985—1986-yillarda Markazdagi rahbariyat tomonidan jiddiy o'zgarishlar qilish zarurligi anglandi. Biroq ahvolning nihoyatda murakkabligi hah to'la idrok etilmagan edi.

Markazdagi rahbarlar hamon sotsializm «afzallik»-laridan foydalanib jamiyatni «qayta qurish»ga, sotsializmni yaxshilashga umid bog'lar edi. Ammo ular mam-lakatni sotsializmning o'zi, totalitar siyosiy, iqtisodiy tuzum inqirozga olib kelganligini e'tirof qilishni xohla-masdilar.

1987-yildagi mayjud siyosiy tuzumni va iqtisodiyotga partiyaviy rahbarlikni saqlab qolgan holda xo'jalik mexa-nizmini isloh qilish yo'lidagi urinish ham samara bermadi. Iqtisodiy islohotlar tez orada qotib qolgan ijtimoiy-siyosiy sistemaga urilib barbod bo'ldi.

80-yillarning oxirlarida siyosiy sistemani isloh qilish-ga, birinchi navbatda KPSSning siyosiy va mafkuraviy hukmronhgini cheklashga, davlat va xo'jalik organlarini Kompartiya hukmronhgidan chiqarishga, xalq deputat-lari sovetining to'la hokimiyatini ta'minlashga urinish bo'ldi. Ammo, bu sa'y-harakatlar ham behuda ketdi.

To'g'ri, jamiyatni demokratlashtirish, oshkoralik, turh xil fikrlar bildirishga imkon berish tomon ijobiy qadamlar qo'yildi. Matbuotda, radio va televideniya turh xil fikr-mulohazalar erkin aytiladigan bo'ldi.

«Qayta qurish» siyosati davrida iqtisodiyotda juda kuchli buzilishlar ro'y berdi. Markaz «qayta qurish»ning ilmiy va nazariy jihatdan puxta va aniq-ravshan dasturi-ni ishlab chiqolmadi. Iqtisodiy siyosat puxta o'ylab ko'rilmagan sinov va

eksperimentlarga asoslangan edi. Mamlakat sinovlar va xatolar bilan siljib bordi. Mamlakat imkoniyatlarini hisobga olmasdan xalq xo'jaligining barcha sohalarini bir vaqtning o'zida rivoj-lantirishdan iborat noto'g'ri yo'l tutildi. «Bu hoi, — deb yozadi I. Karimov — pirovard natijada, cheklangan

mablag'larning parokanda bo'lib ketishiga, moliya va ta'minot tizimining batamom izdan chiqishiga olib keldi, inqirozni chuqurlashtirdi*.

Sovet rahbariyati mamlakatni tanglikdan, inqirozdan chiqarish uchun ma'muriy-buyruqbozlik tizimini, hamma resurslarni markazlashtirilgan tarzda reja-lashtirish asosida boshqarish va taqsimlash yo'lidan tar-tibga solinadigan bozor iqtisodiyotiga o'tish kerakligini o'z vaqtida payqamadi, buni juda kech tushundi. 1990-yilga kelganda bozor iqtisodiyotiga o'tish zaruriyati anglandi, dasturlar tuzildi, qarorlar qabul qilindi. Biroq, vaqt boy berilgan edi. Iqtisodiyot batamom barbod bo'lgan, moliyaviy va narx-navo tizimi izdan chiqqan, boshqaruv mexanizmi falaj bo'lib qolgan edi. SSSR ich-ichidan zil ketib, tanazzulga, parokandalikka yuz tutgan edi. ««k»m^ O'zbekistonliklar jamiyatni

° ZbeSSKm0,y" W* <*urish' ^lohotlar

yo'lini katta umid bilan kutib oldilar. Jamiyatni yangilashdan najot kutayotgan edilar. Biroq tez orada aholining hafsalasi pir boidi. O'zbe-kistonda ijtimoiy-siyosiy hayot yanada murakkablashib bordi. Bu o'z xalqining omomusi va qadr-qimmatini himoya qilishga qodir bo'lmagan, siyosiy irodasi bo'sh kishilarning respublika rahbariyatiga kelib qolishi bilan bog'liq edi. Ularning ojizligi orqasida respublika partiya va davlat rahbarlik lavozimlariga Markaz tomonidan ko'plab kadrlar yuborildi. «Kadrlar to'dasi» deb nom olgan 400 ga yaqin kelgindilar O'zbekistonni o'z bilgan-laricha boshqara boshladilar. O'zbekiston Kompartiyasi va Respublika Ministrlar Kengashi amalda ular tomonidan boshqarildi. Birinchi lavozimda o'tirgan mahalliy kadrlar ularning qoiida qo'g'irchoq bo'lib qoldilar.

O'zbekiston Kompartiyasi MQda Moskva vakillari Mogilnichenko, Bessarabov, Ponomaryov uya qurib olgan edi. O'sha yillarda tez-tez bo'lib turadigan plenular va yig'ilishlar O'zbekistonda doimiy ishlash uchun yuborilgan «kadrlar to'dasi»ning boshliqlari — Anishev, Ogarek, Satin va ularning hamtovoqlari nazo-rati

ostiga olingan edi. O'zbekiston Kompartiyasi MQning birinchi kotibi I. Usmonxo'jayev ham ular oldi-da ojizu harakatsiz edi. O'zKP Markaziy Qo'mitasida „t>inhona kabinet» tashkil topdi, ushbu «kabinet» kuch Ishlatish, tuhmatlar uyushtirish yo'li bilan xodimlarni badnom qilish, respublikaga mutlaqo aloqasi bo'lmagan avantyuristik qarorlarni tiqishtirish bilan shug'ullandi. Qo'g'irchoqqa aylantirilgan mahalliy rahbarlar «kadrlar to'dasi* tomonidan tayyorlangan qarorlarga imzo cheki-shardi, xolos. Sovet rejimining ko'zbo'yamachilik, «ulug'» millatchilik, shovinistik siyosati va uni amalga oshiruvchilar oldida bu qo'g'irchoq rahbarlarning ojizli-gi, itoatkorligi xalqqa qimmatga tushdi.

O'zbekistonda «o'zbeklar ishi», «paxta ishi» deb atal-gan jinoiy ishlar to'qib chiqarildi. Moskvadan yuborilgan Gdlyan va Ivanov guruhi O'zbekistonning boshiga tush-gan kulfat bo'ldi. Guruh a'zolari hech kim bilan hisoblashib o'tirmay odamlarni qamash bilan shug'ullandi. Oddiy dehqondan tortib O'zbekiston Kompartiyasi MQ kotiblari va hukumat a'zolarigacha bo'lgan xodimlarni qamash uchun birovlardan zo'rlab yozdirib olingan bir parcha qog'ozning o'zi kifoya edi. O'zbekistonda qonunchilik buzildi, o'zboshimchalik va qatag'onchi-likning yangi davri avj oldi. Ming-minglab iqtidorli, rahbarlik mahoratini puxta egallagan rahbar kadrlar, mirishkor paxtakorlar, ter to'kib mehnat qilgan halol kishilar qamoqqa olindi. Hibsga olingan respublika partiya va davlat organlarining rahbarlari esa Moskva qamoqxonalariga tashlandi. Tergov xodimlari 30-yillarda ishlatilgan yaramas usullardan foydalanib, hibsga olin-ganlarni qiynab, boshqalar ustidan to'qilgan aybnoma-larni ularning qo'U bilan qaytadan yozdirib olardi va bu «aybnoma» tobora ko'p begunoh odamlarni qamashga asos bo'lib xizmat qilardi.

Butun SSSRda bo'lganidek, O'zbekistonda ham kamchiliklar, qo'shib yozishlar, poraxo'rlik illatlari va boshqa jinoyatchiliklar bor edi, albatta. Lekin bu illat-larni o'zbek xalqi emas, balki sovet hokimiyatining ijtimoiy-siyosiy tuzumi keltirib chiqargan edi.

O'zbekiston fuqarolari o'z haq-huquqlarini himoya qil-ishlarini so'rab tuman, viloyat va respublika partiya va sovet organlariga murojaat qildilar. 1986—1987-yillarda faqat O'zbekiston Kompartiyasi MQga fuqarolardan 50 mingdan ortiq xat va

shikoyatlar tushdi. 20 mingdan ortiq kishi Markazqo'm kotiblari va bo'lim boshliqlari qabulida

bo'lib o'zlarining arz-dodlarini bildirdilar. Poytaxtga yetol-magan 100 minglab fuqarolar mahalliy hokimiyat organla-riga o'z haq-huquqlarining, qonuniy manfaatlarining buzil-ganligidan shikoyat qilib koridorma-koridor, eshikma-eshik turtinib yurdilar.

Norozilik ayniqsa xotin-qizlar orasida ko'paydi. 1986— 1987-yillarda respublikada 270 nafar ayol o'zini-o'zi yondirib yubordi. Bu holat ularning sha'ni, qadr-qimmatining toptalishi, haq-huquqlarining buzilishiga nisbatan so'nggi norozilik ifodasi edi.

Xalqning juda boy tarixi va madaniyatini, o'lkaning o'ziga xos noyob xususiyatlarini bilmagan va bilishni istamagan kelgindilar, ularga laganbardorlik qilgan ayrim mahalliy amaldorlar xalqning urf-odatlarini, an'analarini oyoq osti qildilar. Xalqimizning boy madaniyati va ma'naviy qadriyatlarini kamsitildi. Ona tilimizning qo'llanish doirasi sun'iy tarzda yanada cheklab qo'yildi. Hatto milliy libos kiyib yurish ham qoralandi. Milliy an'analar bo'yicha to'y qilgan yoki vafot etgan qarindosh-urug'larni milliy, diniy qadriyatlar asosida dafn qilganlar tanqid ostiga olindi, shafqatsiz jazolandi. Bunday vaziyat xalqni ranjitdi, hafsalasini pir qildi, siyosiy loqaydlikni kuchaytirdi.

Ko'plab olimlar, yozuvchilar va boshqa ijodiy xodim-lar mislsiz aziyat chekdi. Ularning ko'pchiligi mahalliy-chilikda, milliy cheklanganlikda, xurofot-bid'atga beril-ganlikda, sinfiy va partiyaviy tamoyillardan og'ishlikda, o'tmishni, xonlar va amirlar hayotini bo'rttirib ko'rsa-tishda ayblandilar.

Siyosiy va mafkuraviy zug'umlarga qaramasdan ijti-moiy ong o'zgara boshladi. O'tmish va hozirgi zamon muammolari to'g'risida munozaralar, turh qarashlar, nuqtai nazarlar bildiriladigan boiib bordi. Jamoatchilik paxta yakkahokimhagini tugatish, o'zbek tiliga davlat till maqomini berish, ekologik holatni sog'lomlashtirish kabi masalalarni ko'tara boshladi. Norasmiy guruhlar va tashkilotlar paydo bo'la boshladi. Bularning norasmiy deyilishiga sabab, hali mamlakatda tashkilotlarni ro'yxatga olish va ularga qonuniy maqom berishga asos bo'ladigan

qonun, huquqiy hujjatlar yo'q edi. Norasmiy harakat asta-sekin siyosiy tusga kira boshladi. 1989-yilda tashkil topgan «Birlik» xalq harakati respublikadagi dast-

i-bki norasmiy harakat edi. Shuningdek, «O'zbekiston erkin yoshlar ittifoqi», xotin-qizlarning «To'maris» nomli tashkiloti, rusiyzabon ziyolilarning «Intersoyuz» deb atalgan harakati tuzildi. Bu harakatlar dastlabki paytlarda xalqning ma'naviy qadriyatlarini tiklash, Orol fojeasining oldini olish, o'zbek tiliga davlat tili maqomini berish, boshqaruvning ma'muriy-buyruqbozlik usuli-dan voz kechish kabi dolzarb masalalarni ko'tardilar. Biroq bu harakatlar g'oyaviy, siyosiy, tashkiliy jihatdan yetarli darajada uyusha olmadi. «Birlik» xalq harakati rahbarlari mamlakat manfaatlaridan kelib chiqadigan dasturlar ishlab chiqish va aniq maqsadlarni amalga oshirish yo'lida siyosiy kurash olib borish o'rniga namoyishlar va mitinglar uyushtirish, ko'cha va may-donlarda to'plangan olomonda ehtirolarni avj oldirish bilan shug'ullandi. Oqibatda «Birlik» bo'linib ketdi.

1990-yil boshlarida «Birlik» harakati faollarining Muhammad Solih boshliq bir guruhi siyosiy partiya tuzishga kirishdilar. 1990-yil 30-aprelda «Erk» demokratik partiyasining ta'sis qurultoyi bo'ldi. Qurultoy «Erk» partiyasi tuzilganligi haqida qaror qabul qildi, partiyaning dasturi va nizomi qabul qilindi.

Biroq «Erk» partiyasi rahbarlari jamiyatni yangilash uchun bir tuzumdan ikkinchi tuzumga o'tish zaruriyati-ni, qanday islohotlar o'tkazish kerakligini va uning maz-mun-mohiyatini, odamlar ongi va psixologiyasini o'zgar-tirish lozimligini, buning uchun mashaqqatli o'tish davrini bosib o'tish lozimligini anglab, tushunib yetol-madilar.

Respublika matbuoti xalq turmushiga doir masalalarni, noxush hodisalarni, xalq dardi, orzu-armonlarini oshkoralik bilan yorita boshladi, xalqning o'zligini anglashga ko'maklashdi.

Iqtisodiyot tobora tanglik holatiga tushib bordi. 1985-yilda iqtisodiy rivojlanishning negizi sifatida qabul qilin-gan jadallashtirish konsepsiyasi asossiz ekanligi ma'lum bo'lib qoldi. Respublikada sanoat korxonalarini, qurilish va transport sohalarini, ko'pgina kolxoz va sovxozlarni xo'jalik hisobiga yoki brigada (janioa) pudratiga o'tkazish hech qanday samara bermadi. 1987-yilda iqtisodiy tuzilmalarni

qayta qurish, xo'jalikni boshqarish va xo'jalik mexanizmini isloh qilish, ma'muriy rahbarlikdan iqtisodiy rahbarlikka o'tish yuzasidan ko'rilgan tadbirlar

ham natija bermadi. Ma'muriy-buyruqbozlik usuli bilan ishlayotgan vazirliklar va idoralar iqtisodiy islohotlarni yo'qqa chiqardi, iqtisodiyot taraqqiyotiga to'g'anoq bo'lib qolaverdi. Respublikaning tog'-kon, metallurgiya, mashinasozlik, elektrotexnika, kimyo sanoatiga qarashli korxonalar Ittifoq vazirliklari va idoralariga tobe bo'lib qolaverdi. Ijtimoiy va iqtisodiy ko'rsatkichlarni awal-gidek Markaz belgilab berardi.

Aholining ijtimoiy ahvoli nochor edi. O'sha yillarda, mutaxassislarning hisob-kitoblariga ko'ra, kun kechirish uchun bir kishiga oyida kamida 85 so'm zarur edi. O'zbekistonda aholi jon boshiga hisoblaganda daromadi 75 so'mdan oshmaydigan 8,8 million kishi yashardi, bular aholining 45 foizini tashkil etardi. Qishloq aholisining atigi 50 foizi normal ichimlik suvi bilan ta'minlangan edi.

Qishloqlarda yashovchi 240 ming oilaning tomorqa yeri yo'q, har besh xonadonning birida birorta ham chorva mol, 37 foiz xonadonlarda sigir, yarmisida qo'y boqilmas edi.

Maktab va maorif ishlarini isloh qilish va o'rta max-sus ta'hmni qayta qurish borasidagi sa'y-harakatlar ham behuda ketdi. Respublikadagi 9000 ga yaqin maktablar-ning atigi 40 foizi maktab uchun mo'ljallab qurilgan binolarda, qolganlari esa moslashtirilgan binolarda ish-lardi, ko'plari avariya holatida edi, o'quvchilarning katta qismi ikkinchi yoki uchinchi smenada o'qir edi. O'quvchilarning yiliga 2—3 oylab qishloq xo'jalik ishla-riga jalb etilishi o'quv ishlarini izdan chiqargan edi. O'quvchilar bilimi sayozlashib bordi. Oliy va o'rta max-sus o'quv yurtlarida ham mutaxassislar tayyorlash sifati pasayib ketgan edi.

Oliy o'quv yurtlari yuqori malakali professor-o'qituv-chilar bilan, zamonaviy texnika vositalari bilan yetarli darajada ta'minlanmagan edi. Kadrlar tayyorlashda son ketidan quvishga yo'l qo'yildi.

Ijtimoiy hayotning barcha sohalarida muammolar to'planib bordi, ularni ma'muriy-buyruqbozlik usullari bilan hal qilishga urunishlar hech qanday natija bermadi. Xalq orasida pinhona o'sib borayotgan ishonchsizlik, loqaydlik kayfiyatlari

asta-sekin yuzaga chiqa boshladi. Ruxsat etilmagan mitinglar, namoyishlar o'tkazish hol-lari, hatto noxush voqealar ham sodir bo'la boshladi.

1989-yilning may-iyun oylarida Farg'onada fojeali jalar sodir bo'ldi. 45 yil muqaddam Stalin bedodligi natijasida o'z yeridan badarg'a qilingan mesxeti turklarini o'zbek xalqi o'z bag'riga olgan, ularga mehribonlik qilgan edi. Tub yerli aholi bilan mesxeti turklari qardoshlik aloqalarini bog'lab, o'n yillar davomida inoqlashib yashadilar. Biroq 1989-yil 20-mayda Quvasoyda tub yerli aholi bilan mesxeti turklari guruhlarida o'rtasida mushtlashish sodir bo'ldi. Respublika siyosiy rahbariyatining voqeani to'g'ri baholay olmaganligi va tezkorlik bilan zarur choralar ko'rmaganligi oqibatida vaziyat murakkablashdi va etnik mojaroga aylanib, qon to'kilishiga olib keldi. 3 iyun kuni kechqurun Toshloq posyolkasida, so'ng Marg'ilon shahrining mesxeti turklari zich yashaydigan qasabasida ur-yiqit, uylarga o't qo'yish, qotillik, tahqirlash, talonchilik, vahshiylik sodir bo'ldi. Keyingi kunlarda beboshlik harakatlari Farg'ona shahri, uning atrofidagi qishloqlarga tarqaldi. Olomon tomonidan sanoat korxonalariga, temir yo'l stansiyasiga, aloqa uzelliga, militsiya binosiga hujum qilindi. Boshboshdoqlik partiya va sovetlarga qarshi tus olib bordi. Ana shunday favqulodda vaziyatda respublikada hukumat komissiyasi tuzildi. 4-iyundan boshlab komendantlik soati joriy etildi. Farg'onaga shoshilinch ravishda SSSR ichki ishlar vazirligi ichki qo'shinlari-ning 13 ming kishilik bo'linmasi keltirildi. Ur-yiqit 7 iyun kuni yana takrorlandi va tez orada Qo'qon shahriga, Rishton, O'zbekiston tumanlariga tarqaldi. 8-iyunda Qo'qonda aholining tinch namoyishi SSSR ichki ishlar vazirligi qo'shinlari tomonidan o'qqa tutil-di, 50 dan ortiq kishi halok bo'ldi, 200 dan ortig'i yarador qilindi. Ommaviy tus olgan tartibsizlik, ur-yiqitlar natijasida jami 103 kishi halok bo'ldi. 1011 kishi jarohatlandi va mayib bo'ldi. SSSR ichki ishlar vazirligi ichki qo'shinlarining 137 harbiy xizmatchisi, 110 militsiya xodimi yarador bo'ldi, militsiya xodim-laridan biri vafot etdi. 757 uy, 27 davlat binosi, 275 avtotransport vositasi yondirildi va talon-toroj qilindi. Voqealarning keng miqyosda fojeali tus olganligi sababli sovet va ma'muriy organlar mesxeti turklarini Farg'onadagi harbiy qism poligonidagi lagerga hamda Tojikistonning Leninobod viloyati Asht tumanidagi

Novgarzon posyolkasiga shoshilinch ko'chirishni tashkil etdilar, ular qurolli askarlar tomonidan qo'riqlandi, oziq-ovqat bilan ta'minlandi va tibbiy xizmat yo'lga qo'yildi. Minglab odamlarni bunday lagerlarda uzoq saqlab bo'lmas edi. Shuning uchun 16.282 kishi Farg'ona viloyatidan Rossiyaning Smolensk, Orlovsk, Kursk, Belgorod va Voronej viloyatlariga ko'chirib olib borib joylashtirildi.

Farg'ona fojeasining sabablari, uni harakatga keltirgan kuchlar kim edi?

O'zbekiston Kompartiyasi MQning 1989-yil 23-iyunda bo'lgan XIV plenumida Farg'ona fojeasi bilan bog'liq masalalarni o'rganish uchun maxsus komissiya tuzildi. Komissiya axboroti O'zbekiston Kompartiyasi MQning 1989-yil 29-iyulda bo'lgan XV plenumi tomonidan ma'qullandi. Farg'ona viloyati, shahar, tuman partiya va sovet tashkilotlarining, huquqni himoya qilish organlarining tashkilotchilik, siyosiy ishidagi jiddiy xatolar fojeali voqealarga sabab bo'ldi. Ular viloyatdagi keskin ijtimoiy, siyosiy vaziyatning kuchayish xavfiga yetarli baho bermadilar, millatlararo adovatni keltirib chiqarishga uringan ekstremistlarga, poraga sotilganlarga o'z vaqtida zarba bermadilar. Farg'ona viloyatida o'n yillar davomida ijtimoiy-iqti-sodiy keskinlik ortib bordi. Xo'jalik strukturasi izdan chiqqan, tarmoqlar xom ashyo yetishtirish, yarim fab-rikatlar ishlab chiqarishga moslashib qolgan edi, ishsizlar soni tobora oshib borar, odamlarni, ayniqsa, yoshlarni ish bilan ta'minlash tadbirlari ko'rilmasdi. Kadrlarni tanlash, joy-joyiga qo'yish ishlari buzilgan, poraxo'rlik, xizmat mavqeini suiiste'mol qilish avj olgan edi. Ana shunday keskinlikdan, respublikada ijtimoiy-siyosiy beqarorlikni keltirib chiqarishdan man-faatdor siyosiy kuchlar, ekstremistlar foydalandilar. Ular allaqachon ishlab chiqilgan, puxta tayyorgarlik ko'rgan reja asosida ig'vogarona harakat qildilar, olomonga oldindan tayyorlangan varaqalar tarqatdilar. Farg'onada sodir bo'lgan siyosiy ig'vogarlik Tbilisi, Tog'li Qorabog', Bokuda tashkil etilgan ig'vogarliklar-dan biri edi. Keyinchalik Bo'ka, Parkent, O'sh, Andijonda ham shunday urinishlar bo'ldi. Yovuz kuchlar bostirildi, ig'vogarlar o'z maqsadiga erisha olmadilar. O'zbekistonning yangi rahbariyati

^oonidan ko'rilgan chora-tadbirlar natijasida keskinlik bartaraf qilindi.

1989-yil 23-iyun kuni bo'lib

Fjissasncs- f 8a\?nzbeki^ Krp"T-

tish tomon yo'i tutishi tiyasi MQning XIV plenumida Islom Abdug'aniyevich ^Carimov O'zbekiston Kompartiyasi MQning birinchi kotibi etib saylandi. I. A. Karimov boshliq O'zbekiston-rjong yangi rahbariyati tomonidan o'zbek xalqining mil;-liy o'zligini anglashi kuchayib borayotganligiga e'tibor qaratildi. Xalqning shon-shuhrati, qadr-qimmatini himoya qilish, milliy mustaqillikka erishish tomon yo'l tutildi. Farg'ona, Bo'ka, Parkent voqealari oshkora muhokama qilindi va ulaming asl sabablari ochib tash-landi. Bu voqealar o'zbek xalqining irodasi bilan sodir bo'lmaganligi, xalqimiz hech qachon boshqa xalqlarga nisbatan dushmanlik kayfiyatida harakat qilmaganligi qadimiy va hozirgi tariximizdan olingan misollar bilan isbotlab berildi.

Respublikada kadrlarni tanlash, joy-joyiga qo'yish va tarbiyalash masalalarida milhy manfaatlar ustuvorli-gi ta'minlandi. Markazdan yuborilgan «kadrlar to'dasi» o'z mavqeini yo'qotdi. Anishchev, Ogaryok, Satin va boshqa «kazo-icazolar» respubli'.cadan chiqarib yuborildi. Mahalliy kadrlar rahbarlik lavozimlariga ko'tarildi.

Kadrlar siyosatidagi jiddiy ijobiy o'zgarish shundan ibo-rat bo'ldiki, endi O'zbekistonda partiya, sovet, davlat, huquqni himoya qilish organlarining boshliqlarini Moskva orqali hal qilish, Moskva belgilagan xodimlarni ko'tarish amaliyotiga chek qo'yildi, bu masalalarni hal qilishni respublika rahbariyati o'z qo'liga oldi.

Bu vaziyatni teran anglagan rahbarning jasorati bo'lib, juda katta siyosiy ahamiyatga ega bo'ldi, ya'ni siyosiy mutelikdan qutulish tomon tashlangan qadam bo'ldi.

O'zbekistonda adolatni tiklash chora-tadbirlari ko'rildi, to'qib chiqarilgan «o'zbek ishi», «paxta ishi»ning tamomila sharmandasi chiqdi. Bu bilan bog'liq ishlar qayta ko'rildi, aybsiz qamalgan o'n minglab kishi-lar oqlandi, o'z oilasiga qaytarildi, adolat tiklandi.

Respublika jamoatchiligi tomonidan allaqachon

o'zbek tiliga davlat till maqomini berish masalasi ko'ta-rilgan edi. O'zbekistonning sobiq rahbariyati bu masala-ga awallari millatchilik, mahalliychilik deb qaradi, ke-yinchalik o'zbek va rus tilini teng mavqega ko'tarishga urindi, shu yo'sinda ikki tihilik haqidagi qonun loyihasi-ni o'tkazishga harakat qildi. Respublikaning yangi rah-bari jamoatchilik fikrini inobatga oldi, masalani bosiqlik bilan hal qilish yo'lini tanladi.

O'zbekiston SSR Oliy Kengashining 1989-yil 21-oktyabrda bo'lgan o'n birinchi sessiyasida «O'zbekiston SSRning davlat tili haqida» Qonun qabul qilindi. Qonunda O'zbekistonning davlat tili o'zbek tilidir, o'zbek tili respublikaning siyosiy-ijtimoiy, iqtisodiy va madaniy hayotining barcha sohalarida to'liq amal qiladi, deb belgilab qo'yildi.

1990-yil 19-fevralda «O'zbekiston SSRning davlat tili haqida»gi qonunni amalga oshirish davlat dasturi qabul qilindi. Qonun va davlat dasturiga binoan mehnat jamoalari, o'quv yurtlari, korxonalar va davlat muassa-salarida ish yuritish rus tilidan o'zbek tiliga o'tkazila boshlandi. Bu qonunning qabul qilinishi va uning amal-ga oshirila boshlanishi respublika ijtimoiy hayotida katta tarixiy voqea bo'lib, mustaqillik sari tashlangan muhim qadam bo'ldi.

Respublika iqtisodiyoti va ijtimoiy sohasini xolisona tahlil etish, baholash va ko'tarishga qaratilgan dastlabki sa'y-harakatlar qilindi. Qishloq aholisining shaxsiy tomorqalari uchun yer ajratildi. Yerga muhtoj bo'lgan 381 ming oilaga tomorqa yerlari berildi, 372 ming oila o'z tomorqalarini kengaytirib oldi. Shu maqsadlar uchun jami 150 ming gektar yer ajratildi. Respublikada «Ish bilan ta'minlash» dasturi ishlab chiqildi. Ana shu dastur-ga binoan 1990-yilda 300 ming kishi, asosan yoshlar ish bilan ta'minlandi. Aholining kam daromadh qismini ijtimoiy jihatdan himoyalash uchun 1990-yilda byudjetdan va korxonalar hisobidan 142 mln. so'm qo'shimcha mablag' ajratildi.

1990-yil 18-fevralda O'zbekiston Ohy Kengashiga saylov bo'ldi. Bu saylovlarning yangiligi shundan iborat bo'ldiki, 500 saylov okrugining 326 tasida muqobil nom-zodlar ko'rsatildi, deputatlik mandatiga bir nechtdan nomzodlar

da'vogarlik qildi. Oldingi saylovlarda barcha nomzodlar birinchi turdayoq deyarli 100 foiz ovoz bilan

oaylangan bo'lsalar, bu safar birinchi turda 368 nomzod zarur ovozlarni to'play oldi. Qolgan 132 okrugda qayta saylovlar bo'lib o'tdi.

1990-yil 24--31-mart kunlari Toshkentda o'n ikkinchi chaqiriq O'zbekiston SSR Oliy Kengashining birinchi sessiyasi bo'lib o'tdi. 24-mart kuni sessiya Moskvaning tazyiqiga qaramasdan, respublikalar orasida birinchi bo'lib «O'zbekiston SSR Prezidenti lavozimini ta'sis etish to'g'risida» qonun qabul qildi. 1990-yil 24-mart kuni Oliy Kengashda yashirin ovoz berish yo'li bilan Islom Abdug'aniyevich Karimov O'zbekiston Prezidenti etib saylandi. _^_

Ana shu sessiyada I. Karimov nutq so'zlab, O'zbekistonning siyosiy mustaqilligini, o'zini-o'zi idora qilish-ga va o'zini-o'zi pul bilan ta'minlashga o'tishni ta'min-lashni o'zimning asosiy vazifam deb bilaman, deb ta'kid-ladi. Hah SSSR va markaziy hokimiyat mavjud bo'lgan sharoitda O'zbekistonda o'z Prezidentining saylanishi muhim voqea, mamlakatimiz mustaqilligiga erishish sari tashlangan yana bir dadil qadam bo'ldi.

Respublika Oliy Kengashining ikkinchi sessiyasi 1990-yil 20-iyun kuni O'zbekiston SSR Mustaqilligi to'g'risida Deklaratsiya qabul qildi. Deklaratsiyada har bir millatning o'z taqdirini o'zi belgilash huquqidan kelib chiqqan holda, xalqaro huquq qoidalariga, umumbashariy qadriyatlarga va demokratiya tamoyillariga asoslanib, O'zbekiston SSRning Davlat suverenitetini e'lon qildi.

Mustaqillik Deklaratsiyasi 12 moddadan iborat bo'lib, quyidagilar bayon etilgan: O'zbekiston SSR Davlat suvereniteti O'zbekiston SSR demokratik davlatining o'z hududida barcha tarkibiy qismlarida va barcha tashqi munosabatlarda tanho hokimligidir.

O'zbekiston SSR davlat hududi chegarasi daxlsiz va bu udud xalqning muhokamasiga qo'yilmay turib o'zgarti-ilishi mumkin emas. SSSR Oliy Kengashi qabul qiladigan arorlar O'zbekiston SSR Konstitutsiyasiga muvofiq 'zbekiston SSR

Oliy Kengashi tomonidan tasdiqlangan-an keyingina O'zbekiston hududida kuchga kiradi. (O'zbekiston SSR davlat hokimiyati vakolatiga 'zbekiston SSR ichki va tashqi siyosatiga tegishli bar-masalalar kiradi va hokazo.

O'zbekiston mustaqilligi to'g'risidagi Deklaratsiya muhim tarixiy hujjat bo'lib, mamlakatimizning o'z davlat mustaqilligini qo'lga kiritish yo'lida yana bir muhim yangi qadam bo'ldi.

O'zbekiston siyosiy mustaqilligini qo'lga kiritishga tomon tutilgan yo'l iqtisodiy mustaqillik masalasi bilan qo'shib olib borildi. «Prezident boshqaruvining muhim vazifalaridan biri, — deb ta'kidlagan edi I. Karimov — respublikaning iqtisodiy mustaqilligini, o'zini-o'zi idora qilish va o'zini-o'zi pul bilan ta'minlashga o'tishni hal qilishdir».

O'zbekiston rahbariyati xalq xo'jaligini bozor iqtisodiyotiga o'tkazish yo'lini mustaqil belgilashga kirish-di. «O'zbekistonning iqtisodiy mustaqilligini shakllantirish konsepsiyasi» ishlab chiqildi. Konsepsiyada O'zbekiston xalq xo'jaligini sog'lomlashtirish va bozor iqtisodiyotiga o'tish yo'llari belgilab berildi. Mazkur masala yuzasidan hukumat dasturi 1990-yil oktabrida O'zbekiston Oliy Kengashining IV sessiyasida muhokama qilindi va ma'qullandi. Sessiya respublika hukumatiga «O'zbekiston SSR mulkiga egalik qilish, uni tasarruf etish, taqsimlash va undan foydalanish masalalari yuzasidan respublikaning suveren huquqlari-ni amalga oshirishning samarali amal qiluvchi me-xanizmini yaratish bo'yicha asoslangan takliflar tay-yorlashni topshirdi».

Shunday qilib, 80-yillar oxiri va 90-yillar boshida O'zbekistonning ijtimoiy-siyosiy hayotida sodir bo'lgan muhim voqealar davlat mustaqilligini qo'lga kiritish tomon dadillik bilan amaliy qadamlar tashlaganligini yaqqol ko'rsatadi.

Savoltar va topshiriqlar

Qanday sabablar SSSRni inqirozli vaziyatga olib keldi?

«Qayta qurish» siyosati deganda nimani tushunasiz?

Nima uchun «qayta qurish» siyosati barbod bo'ldi?

«Paxta ishi» nima, uning oqibatlarini bilasizmi?

«Kadrlar to'dasi» deganda nimani tushunasiz?

O'zbekistonda qachon norasmiy tashkilot va harakat-lar vujudga keldi, nima uchun ular xalq orasida tayanch va ishonchga ega bo'la olmadi?

Farg'ona fojeasi nima sababdan sodir bo'ldi, uning oqibatlarini bilasizmi?

O'zbekiston Prezidenti lavozimi qachon ta'sis etildi, uning ahamiyatini bilasizmi?

9 |. A. Karimov qachon va qaysi vakolatli organ tomonidan O'zbekiston SSR Prezidenti etib saylandi?

10. Mustaqillik Deklaratsiyasi qachon qabul qilindi? Uni yozib oling. . . .

11. O'zbek tiliga davlat till maqomini berish to'g'risidagi Qonun qachon qabul qilindi, uning ahamiyati haqida so'zlab bering?

XULOSA

O'zbekiston xalqi sovetlar hukmronligi davrida qaramlik, mustamlakachilik zulmini boshidan kechirdi. Eski mustabid tuzumdan bizga og'ir ijtimoiy-siyosiy, iqtisodiy, ma'naviy-madaniy meros qoldi.

Siyosiy jihatdan xalqimiz o'z taqdirini o'zi belgilash huquqidan mahrum etilgan, o'z taraqqiyot yo'lini o'zi belgilay olmas edi. Milliy davlatchiligimiz inkor etilib, mamlakatimiz, xalqning xohish-irodasiga qarshi o'laroq, sobiq sovet imperiyasining ma'muriy-hududiy qismiga aylantirilgan edi. Xalq o'z yurtboshisini tanlash, saylash-dan mahrum edi, respublika rahbari, hukumat a'zolari, vazirlik va idoralar boshliqlari, hatto viloyat rahbarlari ham Markaz tomonidan tayinlanardi, unga to'la bo'ysundirilgan edi. Oddiy ijtimoiy- iqtisodiy, ma'naviy masalalar ham Markazning ruxsatisiz hal etilmas, mus-taqil faoliyat yuritishga uringanlar hibsga olinar, quvg'in qilinar edi.

Sobiq Ittifoqdan poydevori ma'muriy-buyruqbozlik boshqaruv usuliga qurilgan, o'ta mafkuralashgan, xalqni yuvosh, itoatkor olomon deb biladigan totalitar tuzum meros bo'lib qolgan edi.

O'zbekiston qaramlik davrida o'z tabiiy boyliklariga, yer-suv, o'rmon va boshqa resurslariga o'zi egalik qila olmasdi, respublika hududida qurilgan va faoliyat ko'rsa-tayotgan korxonalar Markazga, uning manfaatlariga bo'ysundirilgan edi. O'zbekiston rahbariyati, xalqi o'z hududida qancha mahsulot ishlab chiqarilayotgani, ular qayerda realizatsiya qilinayotgani va qancha daromad keltirayotganidan bexabar edi. Moliya-kredit, bank siyosati yuritishda ham qaram edi, o'zining milliy valyutasiga, valyuta jamg'armasiga ega emasdi.

Sobiq Ittifoqdan mo'rt, zaif, xom ashyo yetishtirish-ga yo'naltirilgan, ya'ni arzon xom ashyo va strategic

::5j0jneral resurslar tayyorlanadigan iqtisodiyot meros bo'lib qolgan edi.

Aholi turmush darajasi jihatidan nochorlik, sobiq •Ittifoq miqyosida eng oxirgi o'rinlardan biri meros bo'lib qoldi. Rossiya, Ukraina va Belorussiyadan farqli

o'laroq, O'zbekiston aholisining deyarli uchdan ikki qismi qo'l uchida tirikchilik qilardi. Eski mustabid tuzumdan o'tkir 4jtimoiy, ekologik muammolar meros bo'lib qolgan edi. Mamlakatimiz aholisi yerning nihoyat darajada sho'rla-nishi, havo bo'shlig'i va suv zaxiralarining ifloslanganli-gi, radioaktiv ifloslanish, Orol dengizining qurib borishi oqibatida juda katta ekologik xavfga duch kelib qolgan edi.

«Butun o'sha davr to'g'risidagi haqiqatni xolisona aytadigan bo'lsak, u zamondagi hayotimizni jahon tarixi va amaliyoti bilan taqqoslaydigan bo'lsak, shuni ochiq aytish kerakki, u paytda O'zbekiston bir yoqlama iqtisodiyotga — Markazga butunlay qaram, izdan chiqqan iqtisodiyotga ega bo'lgan yarim mustamlaka mamlakat qatoriga aylan-gan edi».

Karimov I. A. O'zbekiston XXI asrga intilmoqda. T.: O'zbekiston, 1999, 6-bet.

Qaramlik davridan, eski sovetlar tuzumidan bizga og'ir ma'naviy-ma'rifiy meros qolgan edi. Mustamlakachilik davrida milliy qadriyatlarimiz, urf-odat-larimiz oyoq osti qilindi. Ona tilimiz, boy ma'naviy erosimiz qadsizlantirildi, ko'plab masjid-madrasalar, maktablar, tarixiy yodgorliklar buzildi, qarovsiz Ajdodlarimiz yetishtirgan allomalarimiz idealist igan yorliq bilan qoralandi, asarlarini unutish, lotish siyosati yuritildi. Islom dini qadriyatlari, tsulmonlarning e'tiqodlari oyoq osti qilindi, ruhoniylar qur'g'in ostiga olindi. Mustabid tuzum hukmdorlari adaniy inqilob shiori ostida o'zbek xalqining yuzlab iqtidorlari, milliy-ozodlik uchun kurashgan vatanparvar yulilarini, istiqbolchi farzandlarini siyosiy qatag'on lildi, ularning nomlarini xalqimiz xotirasidan o'chirib ga harakat qildi. Tariximizni soxtalashtirish, tari-

xiy haqiqatni buzib ko'rsatish, milliy tuyg'ularni qo'pol ravishda kamsitish, ruslashtirish siyosati yuritildi. O'z ona tilini, milliy an'ana va madaniyatini, o'z tarixini bil-maslik ko'plab odamlarning shaxsiy fojeasiga aylanib qolgan edi.

Mustaqillik sharofati bilan xalqimiz siyosiy, iqtisodiy va ma'naviy tug'umlardan ozod bo'lib, o'z taqdirini o'zi belgilash imkoniyatiga ega bo'ldi. Endilikda O'zbekiston o'ziga xos taraqqiyot yo'lini tanlab, ozod va obod Vatan, erkin farovon turmush qurish yo'lidan bironoqda.

MUHIM VOQEALAR SOLNOMASI

1917-yU 28-fevral 1917-yil 14-mart

1917-yil 26-mart

1917-yil 16-aprel 1917-yil 1-2-may

1917-yil 3-may

117-yil may-iyun

H7-yil iyun)17-yil iyun

>17-yil iyul

W-yil

l-31-iyul

Rossiyada fevral inqilobi g'alaba qozondi. Toshkentda «Sho'roi Islomiya» tashkiloti tuzildi.

Toshkentda «Najot» gazetasining 1-soni chiqdi.

«Turon» gazetasi nashr etila boshlandi. Moskvada Butun Rossiya musulmonlari-ning I qurultoyi boiib o'tdi. Front ortiga yuborilgan turkistonlik mardikorlarning yurtga qaytib kelishi. Musulmon ishchi deputatlarining paydo boiishi.

«Sho'roi Ulamo» tashkiloti vujudga keldi. Toshkentda kasaba uyushmalari Markaziy byurosi tashkil etildi. «Al-Izoh» jurnali nashr etila boshlandi.

1917-yil

15—22-noyabr

1917-yil 26—28-noyabr

Qozon shahrida Butun Rossiya musulmonlarining II qurultoyi boiib o'tdi.)17-yil 1-noyabr Toshkentda sovet hokimiyati zo'ravonlik bilan o'rnatildi.

Turkiston oika sovetlarining III qurultoyi boiib o'tdi. Unda Turkiston Xalq Komissarlari Soveti tuzildi.

Qo'qonda Turkiston musulmonlarining IV favqulodda qurultoyi chaqirildi. Unda Turkiston Muxtoriyati tashkil etildi. 1917-yil 25-dekabr Qo'qonda oika musulmon ishchi, askar va dehqonlarining I favqulodda qurultoyi boiib o'tdi.

1918-yil 19-22-fevral 1918-yil fevralning oxiri 1918-yil mart

1918-yil 21-aprel

1918-yil 20-aprel —1-may

1918-yil oktabr

1919-yil 19-yanvar 1919-yil mart

1919-yil oktabr

1919-yil 22-oktabr

1920-yil 2-fevral 1920-yil 27-30-aprel

1920-yil 2-sentabr

1920-yil

13-sentabr

1920-yil

6—8-oktabr

1921-yil mart

1921-yil 4-mart

1921-yil 10-mart

Turkiston Muxtoriyati fojeali ravishda tugatildi.

Turkiston mintaqasida sovet hokimiyatiga qarshi harakat boshlandi.

Buxoro-Kogon yo'nalishida Kolesov qonli voqeasi yuz berdi.

Toshkentda Turkiston xalq universiteti ochildi.

Toshkentda Turkiston Sovetlarining V qurultoyi bo'lib o'tdi. Unda Turkiston Avtonom Sovet Respublikasi (TASR) tuzildi.

Turkiston o'lka sovetlarining IV qurultoyi bo'ldi. Unda TASSRning birinchi

Konstitutsiyasi qabul qilindi.

Toshkentda Osipov isyoni bo'ldi.

O'lka musulmon kommunistlari byurosi
(Musbyuro) tuzildi.

Markazdan Toshkentga katta vakolatlarga
ega bo'lgan Turkkomissiya yuborildi.

Qarshilik ko'rsatish harakati darg'alaridan
Madaminbek boshchiligida Oloyning
Ergashtom ovulida Farg'ona muvaqqat
muxtoriyat hukumati tuzildi.

Xivada xonlik hokimiyati ag'darildi.

Butun Xorazm xalq vakillari I qurultoyida
Xorazm Xalq Sovet Respublikasi tashkil
topdi.

Buxoroda amirlik hokimiyati ag'darildi.

RSFSR bilan XXSR o'rtasida ittifoq shart-
nomasi tuzildi.

Butun Buxoro xalq vakillari I qurultoyida
Buxoro Xalq Sovet Respublikasi tuzildi.

Yangi iqtisodiy siyosat joriy qilindi.

Moskvada BXSR bilan RSFSR o'rtasida
ittifoq shartnomasi imzolandi.

XXSRning Polvonniyoz Yusupov bosh-
chiligidagi hukumati sovetlar zo'ravonligi
bilan ag'darib tashlandi.

Buxoroda Turkiston Milliy Birligi tash-kiloti tashkil topdi. Xivada xalq universiteti ochildi. Tarixiy va madaniy yodgorliklarni muho-faza qilish va o'rganish ishi bo'yicha Turkiston qo'mitasi tashkil qilindi. 1922-yillar Turkiston ASSRning Sirdaryo, Farg'ona Samarqand viloyatlarida dastlabki yer-suv islohoti o'tkazildi.

13-may

Moskvada Butunittifoq sovetlarining 1 s'ezdi bo'ldi. Unda SSSRni tuzish to'g'risidagi deklaratsiya va ittifoq shartnomasi imzolandi. 5_9-mart Toshkentda O'rta Osiyo Respublikalarining I iqtisodiy konferensiyasi bo'ldi. Unda O'rta Osiyo Iqtisodiy Kengashi (Sredazekoso) tuzildi. Markaz rahbarligida O'rta Osiyoda milliy-hududiy chegaralanish jarayoni amalga oshirildi. 13-fevral Buxoroda Umumo'zbek sovetlarining I qurultoyida «O'zbekiston Sovet Sotsialistik Respublikasi tuzilganligi to'g'risidagi deklaratsiya» qabul qilindi. O'zbekiston SSSR tarkibiga kiritildi. «Hujum» harakati boshlandi. O'zbekistonda «Xudosizlar» jamiyati faoliyat boshladi.

Arab alifbosi asosidagi o'zbek yozuvidan lotin yozuviga o'tildi. Toshkentda Moliya instituti tashkil etildi. Toshkentda observatoriya ochildi. Moskvada I o'zbek san'ati va adabiyoti dekadasi bo'lib o'tdi.

Katta Farg'ona kanali qurildi va ishga tushirildi.

1939-yil Birinchi ovozli o'zbek kinofilmi —

«Azamat» yaratildi.

1940-yil O'zbekistonda lotin yozuvidagi alfavitdan

kirillitsa yozuviga o'tildi. 1940-yil 9-yanvar O'zbekiston Davlat Fan qo'mitasi SSSR

FANing filialiga aylantirildi. 1941-yil 22-iyun O'zbekiston Ikkinchi jahon urushi girdobi-

ga tortildi. 1941-yil 25-avgust U. Yusupov boshliq harbiy xo'jalik ishlari bo'yicha respublika hukumat komissiyasi tuzildi.

1941-yil O'zbekistondagi 300 ta sanoat korxonasi

iyul-dekabr harbiy izga solindi.

1941-yil SSSRning g'arbiy hududiaridan 104 ta

iyul-dekabr zavod va fabrikalar O'zbekistonga

ko'chirib keltirildi. 1941—1943-yillar SSSRning g'arbiy hududlaridan 1 mln kishi, jumladan, 200 ming bola O'zbekistonga ko'chirib keltirildi. 1942-yil oktabr O'zbek xalqi 2.412 ming kishi imzolagan maktub bilan O'zbekistonlik jangchilarga murojaat qildi.

1942-yil Chorjo'y-Qo'ng'iro't temir yo'li qurildi.

1943-yil Qo'qon superfosfat zavodi, Farg'ona gidroliz zavodi, Quvasoy kimyo zavodlari qurilib ishga tushirildi. 1943-yil 4-noyabr O'zbekiston Fanlar akademiyasi tashkil qilindi.

1944-yil mart Bekobodda O'zbekiston metallurgiya zavodi qurilib ishga tushirildi. 1943-yil oxiri — O'z Vatanidan badarg'a qilingan chechen-1944-yil boshlari — tatarlar, qrim-tatarlari, mscxeti turklari, ponteya greklari O'zbekistonga ko'chirib keltirildi. 1945-yil 7-may Bekobod shahrining tashkil topgan vaqti. 1949-yil 25-iyun O'zKP(b)MQning byurosi «O'zbekiston -ya

51-yil 8-aprel

K,

»51-yil 10-iyul

1952-yil 21—22-fevral

1953-yil 22-sentabr 1956-yil 5-noyabr

1957-yil

1958-yil 3-sentabr 1959-yil

1958-1960-yillar

1961-yil 8-may 1961-1965-yillar 1962-yil

1963-yil 16-fevral 1964-1966-yillar

1965-yil

yoʻzuvchilar soʻyuzining ishi to'g'risida»
qaror qabul qildi. Ko'plab yoʻzuvchi va
shoirlar qatag'on qilindi.

O'zKP(b) MQning byurosi «O'zbekiston
Fanlar akademiyasining ishi to'g'risida»
qaror qabul qildi. Ko'plab olimlar mil-
latchilikda ayblandi.

O'zKP(b) MQning byurosi «O'zbekiston
SSRda musiqa san'atining ahvoli va uni
yanada rivojlantirish tadbirlari to'g'risida»
qaror qabul qildi. Ko'plab san'at xodimlari
badnom qilindi.

Olmalik shahrining bunyod topgan vaqti.
O'zKP(b) MQning X plenumi «Respub-
likada mafkuraviy ishlarning ahvoli va uni
yaxshilash choralari to'g'risida» qaror
qabul qildi. Ko'plab ijodkor ziyolilar tan-
qid va badnom qilindi.

Taxiatosh shahrining bunyod topgan vaqti.

Toshkent televizion markazi ishlay boshla-di.

«Toshxlopkomash» zavodi bazasida «Toshavtomash» zavodi qurildi.

Navoiy shahrining bunyod topgan vaqti. Farg'ona neftni qayta ishlash zavodi ishga
tushirildi.

Jarqoq-Buxoro-Samarqand-Toshkent gaz quvuri qurildi.

Guliston shahrining bunyod topgan vaqti

Buxoro-Ural gaz quvuri qurildi.

Navoiy-Uchquduq temir yo'li qurildi.

Sirdaryo viloyati tuzildi.

Muborak-Toshkent- Chimkent- Bishkek-

Almati gaz quvuri qurildi.

Navoiy kimyo kombinati ishga tushirildi.

1965—1975-yillar O'rta Osiyo-Markaz gaz quvuri qurildi. 1969-yil 21-yanvar Qo'ng'irot shahrining bunyod topgan vaqti. 1969—1971-yillar «Toshavtomash» zavodi qayta jihozlanib, Toshkent traktor zavodi barpo etildi.

1970-yil Samarqand-Qarshi temir yo'li qurildi.

1972-yil 20-iyul Zarafshon shahrining bunyod topgan vaqti.

1972-yil Qo'ng'irot-Beynov temir yo'li qurildi.

1973-yil 29-dekabr Jizzax viloyati tashkil topdi.

1973-yil Buxoro to'qimachilik kombinati qurildi.

1977-yil 6-noyabr Toshkent metrosining Chilonzor yo'nalishi ishga tushirildi.

1978-yil Uchquduq shahri tashkil topdi.

1978—1979-yillar Toshkentda balandligi 350 metrli tele vision minora qurildi.

1979-yil Andijon ip-gazlama kombinati qurilib ishga tushirildi.

1982-yil 20-aprel Navoiy viloyati tuzildi.

1983-yil Nukus ip-gazlama kombinati qurilib ishga tushirildi. 1984—1989-yillar «Paxta ishi»ning to'qib chiqarilishi va minglab odamlarning qatag'on qilinishi.

1985-yil aprel «Qayta qurish»ning boshlanishi.

1989-yil 28-may «Birlik» xalq harakati tashkil topdi. 1989-yil 23-iyun Islom Karimov O'zKP MQning birinchi kotibi etib saylandi. 1989-yil 21-oktabr O'zSSR Oliy Kengashi «O'zbekiston SSRning Davlat tili to'g'risida» Qonun qabul qildi. 1989-yil 1-dekabr «Qoraqalpog'iston ASSR davlat tili to'g'risida» Qonun qabul qilindi. 1990-yil 24-mart Islom Karimov Oliy Kengash tomonidan

O'zbekiston SSR Prezidenti etib saylandi. 1990-yil 30 -aprel «Erk» demokratik partiyasi tuzildi.

1990-yil 20-iyun Respublika Oliy Kengashi «Mustaqillik Deklaratsiyasi»ni qabul qildi. -yil 14-dekabr Qoraqalpog'iston Jo'qorig'i Kengesi «Qoraqalpog'iston Respublikasi Davlat suvereniteti to'g'risida Deklaratsiya» qabul qildi.